



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.


պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material









Մ Ա Շ Տ Ո Ց

Կ Ա Մ

Ծ Ի Ս Ա Ր Ա Ն

Handwritten text in Armenian script, including a signature and a date in red ink.

1863

1863

Մ Ա Շ Տ Ո Ց

ՅՈՐՈՒՄ ԱՒԱՆԴԻՆ

ՍՐԲԱԶԱՆ ԱՐԱՐՈՂՈՒԹԻՒՆՔ ԱԶԳԻՍ

ՀՍՏ ՍԱՀՄԱՆԱԴՐՈՒԹԵԱՆ

ՍՈՒՐԲ ԵԿԵՂԵՑԻՈՅՍ ՀԱՅՈՑ

Գ. ՏՊԱԳՐՈՒԹԻՒՆ




Handwritten text: 75/50

Ի ՏՊԱՐԱՆԻ ԱՌԱՔԵԼԱԿԱՆ Ս. ԱԹՈՒՈՅՍ

ՍՐԲՈՑ ՅԱԿՈՎՂԲԵԱՆՑ

ՅԵՐՈՒՍԱԴԷՄ

1896



U. S. DEPARTMENT OF THE INTERIOR
BUREAU OF LAND MANAGEMENT

U. S. DEPARTMENT OF THE INTERIOR
BUREAU OF LAND MANAGEMENT

Մ Ա Շ Տ Ո Ց

ՅՈՐՈՒՄ ԱԻԱՆԴԻՆ

ՍՐԲԱԶԱՆ ԱՐԱՐՈՂՈՒԹԻՒՆԻՔ ԱԶԳԻՍ

ԸՍՏ ՍԱՀՄԱՆԱԴՐՈՒԹԵԱՆ

ՍՈՒՐԲ ԵԿԵՂԵՑԻՈՅՍ ՀԱՅՈՑ

Գ. ՏՊԱԳՐՈՒԹԻՒՆ




700
50

Ի ՏՊԱՐԱՆԻ ԱՌԱՔԵԼԱԿԱՆ Ս. ԱԹՈՒՈՅՍ

ՍՐԲՈՅ ՅԱԿՈՎԱՐԵԱՆՅ

ՅԵՐՈՒՍԱԼԷՍ

1896



Ի ՀԱՅՐԱՊԵՏՈՒԹԵԱՆ
Տ. Տ. ՄԿՐՏՉԻ Ա.
ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ

Հ Ր Ա Մ Ա Ն Ա Ի


ՊԱՏՐԻԱՐԻՒ Ս. ԱԹՈՌՈՅՍ ԵՐՈՒՍԱՂԷՄԻ
Տ. ՅԱՐՈՒԹԻԻՆ
ՍՐԲԱԶԱՆ ԱՐԲ ԵՊԻՍԿՈՊՈՍԻ

Ե Ի

Ի ՊԱՏՐԻԱՐԻՒԹԵԱՆ ԿՈՍՏԱՆԴՆՈՒՊՈԼՍՈՅ
Տ. ՄԱՏԹԷՈՍԻ
ՍՐԲԱԶԱՆ ԱՐԲ ԵՊԻՍԿՈՊՈՍԻ


ԿԱՆՈՆ ՄԿՐՏՈՒԹԵԱՆ

ՀԱՍԱԿԱԻՈՐ ԵՐԱԽՈՅԻՑ



Յորժամ կասիցին Քրիստոսեայ առնել զհասակաւոր
երախայսն, նախ չէ պարտ յԵկեղեցին լնողուլ. այլ յետ-
նադրեացի երէք զաբաւնոք յառաջ. կամ աւելի նախ
քան զՊրոֆէսորսն, որով զհասաւոր և զվարդապե-
տութիան սորբ Եկեղեցոյ Բասական լիցի ուսու-
նել 'ի վարդապետէն. այս է՝ յառաջ քան զամենայն
զԱստուածոսութիան Սորբ Երրորդութեանն. և զինի
զարարչութիան և զլինելութիանն արարածոց. և ա-
պա՛ զճնոնքն Քրիստոսի, և կարգաւ զամենայն փնճ-
րէնութիանն, զՍալիէն Տեճ խորհուրդն՝ զԹաղութն՝
զՅարութիանն, զառ Հայր Համբարձոմն և զՏիւսան
Գամ Գալուստի. և զՅարութիանն ամենայն ճարմնոց,
և զլիարութիանն նոցա և զհարաւորոմն իւրաքանչիւր
Գործոց: Այս կարգադրութիանն 'ի չափ հասակացն
է = Նախ այսպէս երեխայացոցանելով ուսուցանել.
և ապա ընկալնուլ 'ի Պրոֆէսորսն =





Եթէ որ ոչ ծնցի 'ի ջրոյ և 'ի հոգւոյ, ո՛չ
կարէ մտանել յարքայուԹիւն Աստուծոյ:
Յովն. Գ. Ծ:

Կ Ա Ն Ո Ն

ԿԵՆԴԱՆԱՐԱՐ ՍՈՒՐԲ ՄԿՐՏՈՒԹԵԱՆ



Տանին շնորհիւն երախայն ՚ի Դո-ոն Եկեղեցոյն ,
և ասին .

Օրհնեալ Տեր մեր Յիսուս Քրիստոս Ամէն :

Հ ԱՅՐ մեր որ յերկինս ես . սուրբ եղևցի
անուն քո : Եկեսցէ արքայութիւն քո . ե-
ղևցին կամք քո որպէս յերկինս և յերկրի :
Ձհաց մեր հանապազորդ տուր մեզ այսօր :
Եւ թող մեզ զպարտիս մեր , որպէս եւ
մեք թողումք մերոց պարտապանաց : Եւ
մի տանիր զմեզ ՚ի փորձութիւն . այլ վըր-
կեան զմեզ ՚ի չարէ : Ձի քո է արքայու-
թիւն և զօրութիւն և փառք յաւիտեանս .
Ամէն :

Օրհնեալ Հոգիդ Սուրբ Աստուած Ճմարիտ :

Ողորմեա ինձ , Աստուած , ըստ մեծի ողոր-
մութեան քում , ըստ բազում գթութեան
քում քաւեա զանօրէնութիւնս իմ :

Առաւել լուա զիս յանօրէնութենէ իմմէ,
 և ՚ի մեղաց իմոց սուրբ արա զիս :

Զանօրէնութիւնս իմ ես ինձէն գիտեմ,
 և մեղք իմ առաջի իմ են յամենայն ժամ :
 Քեզ միայն մեղայ, Տէր, և չար առաջի քո
 արարի :

Որպէս արդար եղիցիս ՚ի բանս քո, եւ
 յաղթող ՚ի դատել քեզ :

Անօրէնութեամբ յղացաւ, եւ ՚ի մեղս
 ծնաւ զիս մայր իմ :

Դու, Տէր, զճշմարտութիւն սիրեցեր,
 զանյայտս և զծածկեալս իմաստութեամբ
 քով յայտնեցեր ինձ :

Յօղեա՛ յիս մշտկաւ և սուրբ եղէց, լուա
 և քան զձիւն սպիտակ եղէց :

Լսելի արա ինձ զցնծութիւն եւ զուրա-
 խութիւն, և ցնծասցեն ոսկերք իմ տա-
 ռապեալք :

Դարձո զերեսս քո ՚ի մեղաց իմոց, զամե-
 նայն անօրէնութիւնս իմ քաւեա յինէն :

Աիրտ սուրբ հաստատեա յիս, Աստուած,
 և հոգի ուղիղ նորոգեա ՚ի փորի իմում :

Մի՛ ընկենուր զիս, Տէր, յերեսաց քոց, և
 զհոգի քո Սուրբ մի՛ հաներ յինէն :

Տուր ինձ ցնծութիւն փրկութեան, եւ

հոգևով պետութեան քոյ հաստատեա զիս
Ուսուցից անօրինաց զճանապարհս քո, և
ամբարիշտք առ քեզ դարձցին:

Փրկեա զիս յարենէ, Աստուած, Աստուած
փրկութեան իմոյ՝ ցնծասցէ լեզու իմ
յարդարութեան քում:

Տէր, եթէ զչրթունս իմ բանաս, բերան
իմ երգեսցէ զօրհնութիւնս քո:

Թէ կամեցեալ էիր պատարագս մատու-
ցանէաք, բայց դու ընդ ողջակէզս իսկ
ոչ հաճեցար:

Պատարագ Աստուծոյ՝ հոգի խոնարհ, ըզ-
սիրտ սուրբ և զհոգի խոնարհ Աստուած
ոչ արհամարհէ:

Բարի արա, Տէր, կամօք քովք Աիովնի, և
չինեսցին պարիսպքն Երուսաղէմի:

Յայնժամ հաճեսցիս ընդ պատարագս ար-
դարութեան, յորժամ ուխտից պատարա-
գըս հանցեն 'ի սեղան քո զուարակս:

Փառք Հօր և Որդւոյ և: Այժմ և մշտ և:

Եւ եւս խաղաղութեան զՏէր աղաչեսցուք ըն:

Օրհնութիւն և փառք Հօր և Որդւոյ և Հօգ:

Տէր, ոչ բարձրացաւ սիրտ իմ, եւ ոչ
զբօսան աչք իմ:

Ոչ գնացի ես ընդ մեծամեծս , և ոչ ընդ
այնոսիկ որ սքանչելի եղեն քան զիս :
Բայց թէ խոնարհեցայ ես որպէս մանուկ
սարտուցեալ 'ի ստենէ մօր իւրոյ , և դարձ
նորա անդրէն 'ի նոյն :

Այլ թէ հպարտացուցի արդեօք զանձն
իմ , այսպէս եղիցի հատուցումն անձին
իմոյ , յուսացաւ Իսրայէլ 'ի Տէր յայսմ
հետէ մինչեւ յաւիտեան :

ՉՓոխ երիցս իրիստա :

Փառք Հօր և Որդւոյ և : Այժմ և միշտ և :

Եւ եւս խաղաղութեան : Օրհնութիւն և փառք :

Առ քեզ Տէր համբարձի զանձն իմ . Աս-
տուած իմ , 'ի քեզ յուսացայ՝ մի ամաչեցից ,
և մի ծիծաղեսցին զինեւ թշնամիք իմ :

Ամենեքեան ոյք համբերեն քեզ՝ մի ամաչեսցեն , ոյլ ամաչեսցեն անօրէնք յու-
նայնութեան իւրեանց :

Զճանապարհս քո Տէր , ցոյց ինձ , և զշա-
ւիղս քո ուստ ինձ :

Առաջնորդեա ինձ 'ի ճշմարտութեան քում
և ուստ զիս , զի դու ես Աստուած փրկիչ
իմ . և ես քեզ համբերի զօրհանապազ :
Յիշեա Տէր զգթութիւնս քո և զողորմու-
թիւնս , որ ենն յաւիտենից :

Զմեղս մանկուլթեան իմոյ եւ զանգիտու-
թեան իմոյ մի յիշեր, այլ յիշեա զիս Տէր
ըստ ողորմութեան քում՝ վասն քաղցրու-
թեան քոյ, զի քաղցր և ուղիղ ես Տէր :
Վասն այսորիկ օրէնսգէտ առնես զմեղա-
ւորս 'ի ճանապարհի, առաջնորդես հեզոց
'ի դատաստանի, եւ ուսուցանես հեզոց
զճանապարհս քո :

Ամենայն ճանապարհք Տեառն ողորմու-
թեամբ և ճշմարտութեամբ են այնոցիկ,
ոյք խնդրեն զուխտ և զվկայութիւն նորա :
Վասն անուան քոյ Տէր քաւեա զմեղս իմ,
զի բազում եղեն. ո՞վ է մարդ որ երկնչի
'ի Տեառնէ. օրէնսգէտ առնէ զնա 'ի ճա-
նապարհի յոր և հաճեցաւ :

Անձն նորա 'ի բարութեան հանգիցէ, և
զաւակ նորա ժառանգեսցէ զերկիր :
Զօրութիւն է Տէր երկիւղածաց իւրոց,
և զկտակարանս իւր ուսուցանէ նոցա :
Աչք իմ յամենայն ժամ առ Տէր, և նա
հանէ յորոգայթէ զոտս իմ :

Նայեա առ իս և ողորմեա ինձ, զի միամօր
և աղքատ եմ ես :

Նեղութիւնք սրտի իմոյ բազում եղեն
յոյժ, և 'ի վշտաց իմոց հան զիս :

Տես զխոնարհութիւն իմ և զվաստակ իմ,
և թող ինձ զամենայն մեղս իմ:

Տես զթշնամիս իմ՝ զի բազում եղեն, և
տելութիւն՝ զոր 'ի նանիր ատեցին զիս:

Պահեա զանձն իմ և փրկեա զիս, եւ մի
յամօթ եղէց՝ զի յուսացայ 'ի քեզ:

Անբիծք և ուղիղք կցորդ եղեն ինձ, եւ
ես քեզ համբերի. փրկեա, Աստուած, զիս
բայել յամենայն նեղութեանց նորա:

Փառք Հօր և: Եւ եւս խաղա: Օրհնութիւն և:

Դատ արա ինձ Տէր զի ես յանբծութեան
իմում գնացի, 'ի Տէր յուսացայ զի մի
եղէց հիւանդ:

Փորձեա զիս Տէր և քննեա զիս, փորձեա
զերիկամունս իմ և զսիրտ իմ:

Ողորմութիւն քո Տէր առաջի աչաց իմոց,
և հաճոյ եղէց ճշմարտութեան քում:

Ո՛չ նստայց ես յաթոռս նանրաց, եւ ընդ
անօրէնս ես ոչ մտից:

Ատեցի ես զժողովս չարաց, և ընդ ամբա
րիշտս ես ոչ նստայց:

Լուացից սրբութեամբ զձեռս իմ, եւ
չուրջ եղէց զսեղանով քոյ Տէր:

Լսել ինձ զձայն օրհնութեան քոյ, և պատ
մել զամենայն սքանչելիս քո:

Տէր, սիրեցի զվայելութիւն տան քոյ, և
զտեղի յարկի փառաց քոց:

Մի կորուսաներ ընդ ամբարիշտս զանձն
իմ, և մի ընդ արս արիւնահեղս զկեանս
իմ:

Որոց ձեռք յւրեանց յանօրէնութեան են,
և աջ նոցա լի է կաշառօք:

Ես յանբժուութեան իմում գնացի, փրկեա
ղիս Տէր և ողորմեա ինձ:

Ոտն իմ կացցէ յուղղութեան, յեկեղեցիս
մեծս օրհնեցից զքեզ:

Փառք Հօր և: Եւ եւս խաղա: Օրհնութիւն և:

Տէր, լոյս իմ եւ կեանք իմ, ես յումէ՞
երկեայց. Տէր ապաւէն կենաց իմոց, ես
յումէ՞ դողացայց:

Ի մերձենալ առ իս չարաց ուտել զմարմին
իմ, նեղիչք իմ եւ թշնամիք իմ նոքա
տկարացան և անկան:

Թէ պատրաստեսցի ՚ի վերայ իմ պատե-
րաղմ, ոչ երկիցէ սիրտ իմ. թէ յարիցէ
՚ի վերայ իմ ճակատամարտ, սակայն եւ
այսուիկ ՚ի քեզ Տէր յուսացայ:

Զմի խնդրեցի ՚ի Տեառնէ եւ զսոյն աղա-
չեմ, բնակել ինձ ՚ի տան Տեառն զամե-
նայն աւուրս կենաց իմոց:

Տեսանել ինձ զվայելչութիւն Տեառն , և
հրաման տալ 'ի տաճարի նորա :

Ծածկեաց զիս 'ի խորանի իւրում յաւուր
չարի , ընդ յարկաւ արար զիս 'ի ծածկոյթ
խորանի իւրում :

Ի վիմէ բարձր արարեր զիս , եւ այժմ
բարձր արա զգլուխ իմ 'ի վերայ թշնա-
մեաց իմոց :

Շուրջ եղէց և մատուցից 'ի խորանի նորա
պատարագ օրհնութեան , օրհնեցից եւ
սաղմոս ասացից Տեառն :

Լուր Տէր ձայնի իմում , զի կարգացի առ
քեզ , ողորմեա ինձ և լուր ինձ , զի քեզ
ասաց սիրտ իմ , եւ խնդրեցին երեսք իմ ,
զերեսս քո Տէր խնդրեցին :

Մի դարձուցաներ զերեսս քո յինէն , եւ
մի խոտորիբ բարկութեամբ 'ի ծառայէ
քումմէ :

Օգնական իմ լեր Տէր , և մի անարգեր զիս ,
և մի թողուր զիս Աստուած փրկիչ իմ :

Հայր իմ եւ մայր իմ թողին զիս , եւ Տէր
ընկալաւ զիս :

Օրէնսդէտ արա զիս Տէր 'ի ճանապարհի
քում , առաջնորդեա ինձ 'ի շաւիղս քո
ուղիղս :

Վասն թշնամեաց իմոց, մի մատներ զիս
ի ձեռս նեղչաց իմոց:

Յարեան ՚ի վերայ իմ վկայք մեղաց, եւ
ստեցին ինձ յանօրէնութեան իւրեանց:
Հաւատացի տեսանել զբարութիւն Տեա-
ռին յերկրին կենդանեաց. համբեր Տեառն
և քաջալերեաց, զօրասցի սիրտ քո և համ-
բեր Տեառն:

Փառք Հօր և: Այժմ և միշտ և:

Ոլորէ շնորհսն իւրիւր և սպիտակ լինելի ՚ի խոր-
հորդ կենարար Արեան և Ջրոյն, որ եւ ՚ի պիգա-
խոց իողէն Քրիստոսի, և սուէ Եարսիան:

ԲԿ. Երբորդութիւնն անբաժանելի եւ
զօրութիւն երկնայիւն լոյս ծագեալ
յանչևարհ. նըման ԲԷՊ հանցուք զօրհ-
նութիւնս երգող:

Ո՛ր էջըն յերկնայից, այսօր եւ հանգեալ
յԱռաքեալսն ճըշմարիտ սուրբ Հմգիւն.
նըման ԲԷՊ հանցուք:

Ո՛ր ՚ի խորհմլորդս փրկանկանս այսօր
ընդ իջանել յԱռաքեալսն ծանուցալ
Մարգարէիւն. նըման ԲԷՊ հանց:

Քարոզ :

Սուրբ Խաչիւս աղաչեսցուք զՏէր, զի սու-
վաւ փրկեսցէ զմեզ 'ի մեղաց, և կեցու-
ցէ շնորհիւ ողորմութեան իւրոյ: Ամենա-
կալ Տէր Աստուած մեր կեցո և ողորմեա :

Աղօթք :

Պահպանեա զնարօտս Քրիստոս Աստուած
մեր ընդ հովանեալ սուրբ և պատուական
Խաչիւդ քով 'ի խաղաղութեան, փրկեա
յերեւելի եւ յաներեւոյթ թշնամւոյն :
Արժանաւորեա գոհութեամբ փառաւո-
րել զքեզ ընդ Հօր և ընդ Սրբոյ Հոգւոյդ,
այժմ և միշտ և յաւիտեանս յաւիտենից :

Ամէն :

Հայր մեր որ յերկինս :

Տէր ողորմեա՛, Տէր ողորմեա՛, Տէր ողորմեա՛ :

Աղօթք :

Տէր Աստուած մեր՝ որ զհեռացեալս 'ի
քէն զազգս մարդկան, զանկեալս 'ի դը-
րախտէն փափկութեան՝ ոչ անտես արա-
րեր: Այլ գթացեալ խոնարհեցար 'ի
քումմէ բարձրութենէդ 'ի մեր նուա-
սութիւնս, առնելով զբոլոր մեր բնու-
թիւնս բաց 'ի մեղաց: Չարչարանօք եւ

մահու խաչի զփրկութիւն մեր և զդարձ
գնեալ, վերստին շնորհեցեր մեզ կենդա-
նութիւն: Ընկալ և այժմ մարդասէր Տէր՝
զբարեյօժարութիւն ստեղծուածոյս քո,
որ դիմեաց մերձենալ 'ի սուրբ եւ 'ի
Ճշմարիտ Աստուածութիւնդ քո քրիստո-
նեայ անուն յանձին կրելով: Նորոգեա
զսա յամենայն նեղութենէ մեղաց. եւ
ազատեա 'ի ծառայութենէ սատանայի:
Եւ տուր սմա զօրութիւն և օգնականու-
թիւն արժանաւորիլ և հասանիլ 'ի մաք-
րութիւն սուրբ Աւազանին, և 'ի ժառան-
գութիւն երկնից արքայութեանդ, Տե-
րամբդ մերով Յիսուսիւ Քրիստոսիւ: Ընդ
որում Հօր՝ միանգամայն և Հոգւոյդ Արքոյ՝
վայելէ փառք իշխանութիւն և պատիւ
այժմ և միշտ և յաւիտեանս յաւիտենից,
ամէն:

Քարոզ:

Եւ եւս խաղաղութեան զՏէր աղաչեսցուք:

Վասն երախայիս աղաչեսցուք զմար-
դասէրն Աստուած, զի ողորմեսցի ըստ
մեծի ողորմութեան իւրում. և արժանա-
ւորեսցէ զսա լուացման վերստին ծննդեան,
և զգեստու անապականութեան:

Եւ զուգաթուեացէ զսա ընդ հաւատա-
ցեալս անուան իւրոյ . և կեցուացէ շնոր-
հիւ ողորմութեամբն իւրով : Ամենակալ
Տէր Աստուած մեր կեցուացէ եւ ողոր-
մեսցի :

Ե- Քահանայն ասէ երեք Տէր ողորմես :

Աղօթք :

Ընկալ մարդասէր Տէր՝ զընծայեալս քեզ
զերախայս զայս , և սրբեա զմիտս և ըզ-
խորհուրդս սորա յամենայն ներգործու-
թեանց հակառակորդին : Եւ արժանի ա-
րա զսա 'ի ձեռն սուրբ Աւագանին լուա-
նալ զհնութիւն մեղաց իւրոց , և նորո-
գիլ լուսով շնորհաց քոց : Զի և սա մեօք
հանդերձ փառաւորեսցէ զՀայր և զՈրդի
և զՍուրբ Հոգի , այժմ և միշտ և յաւի-
տեանս յաւիտենից , ամէն :

Քարոզ :

Եւ եւս խաղաղութեան զՏէր աղաչեսցուք :

Վ ասն քաւութեան մեղաց եւ թողու-
թեան յանցանաց , և իջանելոյ ողորմու-
թեանն Աստուծոյ 'ի վերայ երախայիս՝
զՏէր աղաչեսցուք :

Ե- Քահանայն ասէ երէտ Տէր ողորտա :

Առթք :

Տէր Աստուած մեծ՝ եւ փառաւորեալ յամենայն արարածոց, 'ի քո ահաւոր եւ ամենազօր անունդ ապաւինեալ ծառայս քո, խոնարհեցոյց զգլուխ իւր անուան քում սրբոյ. սրում կրկնի ամենայն ծունր երկնաւորաց և երկրաւորաց և սանդարամետականաց. եւ ամենայն լեզու խոստովան լինի, եթէ Տէր է Յիսուս Քրիստոս 'ի փառս Աստուծոյ Հօր : Արդ՝ յայդմ ահաւոր անուանէդ մասն հաղորդութեան ընկալցի սա. որ հալածեաց ըզխաբէութիւն սատանայի, եւ զամենայն որոգայթս մոլորութեան նորա խափանեաց : Նայեա, Տէր, ողորմութեամբ քով 'ի սա. մերժեա և հեռացո 'ի սմանէ ամենայնաղթ կոչմամբ անուան քո 'ի վերայ սորա, զխորհուրդս՝ զբանս եւ զգործս, և զամենայն խաբէութիւնս չարին, որով սովոր է խաբել և կորուսանել զմարդիկ : Որպէս զի զարհուրեալ 'ի յաղթող անուանէդ քումմէ, տաքնապեսցի և տանջեսցի աներեւոյթ տանջանօք. եւ երդմամբ հեռացեալ 'ի սմանէ, այլ մի եւս դարձցի

՚ի սա : Լցո զսա երկնային շնորհօքդ , եւ զուարճացո ամենաբարի կոչմամբ քրիստոնեայ անուանելով . եւ արժանի արա զսա Մկրտութեան վերստին ծննդեան սուրբ Աւազանին : Եւ ընդունելով զՀոգիդ քո Սուրբ , մարմին եւ անդամ եղիցի Եկեղեցւոյ քում սրբոյ : Եւ անարատ քրիստոնէութեամբ կրօնաւորեալ յայսմ աշխարհիս՝ հանդերձելոց բարեացդ հասցէ ընդ ամենայն սուրբս քո : Փառաւորելով զանփոփոխելի Տէրութիւնդ քո , այժմ և միշտ և յաւիտեանս յաւիտենից , ամէն :

Այս Կնիականայն երեք ծոռնր կրինէ
և սսէ երիցս .

Ի քեզ անկայ ես յարգանդէ . յորովայնէ
մօր իմոյ դու ես Աստուած իմ :

Այս Կնիականայն առնո լերելայն ՚ի գերին ,
դառնայ յարեմոսսս՝ և սսէ ընդ Քահանային
երիցս անգամ :

Հրաժարիմք ՚ի սատանայէ՝ եւ յամենայն
խաբէութենէ նորա . ՚ի պատրանաց նո-
րա . ՚ի խորհրդոց նորա . ՚ի գնացից նո-
րա . ՚ի չար կամաց նորա . ՚ի չար հրեշ-

տակաց նորա . 'ի չար պաշտօնէից նորա . 'ի չար կամարարաց նորա . և յամենայն չար զօրութեանէ նորա . հրստարելով հրաժարիմք :

Ապա դառնայ յարեւել և ասէ .

Դառնամք 'ի լոյս Աստուածգիտութեան :

Հաւատամք յԱմենասուրբ Երրորդութիւնն 'ի Հայր , և յՈրդի , եւ 'ի Սուրբ Հոգի : Զաւետումն Գաբրիէլի , զճնունդն Քրիստոսի , զՄկրտութիւնն , զԶարչարանսն , զԽաչելութիւնն , զԹաղումն երեքօրեայ , զՅարութիւնն , զաստուածապէս Համբարձումն , զնստիլն ընդ աջմէ Հօր , զահաւոր և զփառաւորեալ զմիւսանդամ Գալուստն՝ խոստովանիմք և հաւատամք :

Ալեկուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Սրբոյ Աւետարանիս Յիսուսի Քրիստոսի՝ որ ըստ
Մատթէոսի :

Փառք քեզ Տէր Աստուած մեր :

Պաշտումէ : Ասէ Աստուած :

Յետ յարութեան Տեառն մերոյ Յիսուսի Քրիստոսի :

Իսկ մետասան աշակերտքն գնացին 'ի

Գալիլեա ՚ի լեաւնն՝ ուր ժամադիր եղեւ նոցա Յիսուս . իբրեւ տեսին զնա՝ երկիրպագին նմա, եւ ոմանք յերկուացան : Եւ մատուցեալ Յիսուս խօսեցաւ ընդ նոսա եւ ասէ . Տուաւ ինձ ամենայն իշխանութիւն յերկինս եւ յերկրի . որպէս առաքեաց զիս Հայր, և ես առաքեմ ըզձեզ : Գնացէք այսուհետեւ՝ աշակերտեցէք զամենայն հեթանոսս , մկրտեցէք զնոսա յանուն Հոր և Որդւոյ և Հոգւոյն Սրբոյ : Ուսուցէք նոցա պահել զամենայն որ ինչ պատուիրեցի ձեզ : Եւ ահաւասիկ ես ընդ ձեզ եմ զամենայն աւուրս՝ մինչեւ ՚ի կատարած աշխարհի :

Հաւատամք ՚ի մի Աստուած ՚ի Հայրն ամենակալ, յարարիչն երկնի և երկրի, երեւելեաց և աներեւուծից . Եւ ՚ի մի Տէր Յիսուս Քրիստոս՝ յՈրդին Աստուծոյ՝ ծնեալն յԱստուծոյ Հօրէ միածին, այսինքն յէութենէ Հօր : Աստուած յԱստուծոյ, լոյս ՚ի լուսոյ, Աստուած ճշմարիտ յԱստուծոյ ճշմարտէ՝ ծնունդ եւ ոչ արարած : Նոյն ինքն ՚ի բնութենէ Հօր, որով ամենայն ինչ եղեւ յերկինս և ՚ի վերայ երկրի երեւելիք

և աներեւոյթք: Որ յաղագս մեր մարդկան
 և վասն մերոյ փրկութեան իջեալ յերկնից՝
 մարմնացաւ, մարդացաւ, ծնաւ կատարե-
 լապէս ՚ի Մարիամայ Սրբոյ Կուսէն Հոգւովն
 Սրբով: Որով էառ զմարմին զհոգի եւ
 զմիտ, եւ զամենայն որ ինչ է ՚ի մարդ,
 ճշմարտապէս եւ ոչ կարծեօք: Չարչար-
 եալ, խաչեալ, թաղեալ, յերրորդ աւուր
 յարուցեալ, ելեալ ՚ի յերկինս նովին
 մարմնովն նստաւ ընդ աջմէ Հօր: Գալոց է
 նովին մարմնովն և փառօք Հօր ՚ի դատել
 զկենդանիս և զմեռեալս, որոյ թագաւո-
 րութեանն ոչ գոյ վախճան: Հաւատամք
 և ՚ի Սուրբ Հոգին յանեղն եւ ՚ի կատա-
 րեալն, որ խօսեցաւ յօրէնս և ՚ի մարգա-
 րէս և յԱւետարանս: Որ էջն ՚ի Յորդա-
 նան, քարոզեաց զԱռաքեալն, եւ բնա-
 կեցաւ ՚ի Սուրբսն: Հաւատամք և ՚ի մի
 միայն յընդհանրական եւ յառաքելակոն
 եկեղեցի, ՚ի մի մկրտութիւն, յապաշ-
 խարութիւն, ՚ի քաւութիւն եւ ՚ի թո-
 ղութիւն մեղաց: Ի յարութիւնն մեռե-
 լոց, ՚ի դատաստանն յաւիտենից հոգւոց
 և մարմնոց, յարքայութիւնն երկնից և ՚ի
 կեանսն յաւիտենականս:

Իսկ որք ասենն, էր երբեմն՝ յորժամ ոչ էր Որդի, կամ էր երբեմն՝ յորժամ ոչ էր Սուրբ Հոգի, կամ թէ՛ յուրից եղեն, կամ յայլմէ էութենէ ասեն լինիլ զՈրդին Աստուծոյ և կամ զՍուրբ Հոգին. եւ թէ՛ փոփոխելիք են կամ այլայլելիք, զայնպիսիսն նշովէ կաթուղիկէ և առաքելական սուրբ Եկեղեցի :

Ի սբոյ Լուսաւորչէն մերմէ ասացեալ :

Իսկ մեք փառաւորեսցուք որ յառաջ քան զյաւիտեանս. երկիրպագանելով Սբոյ երրորդութեան և միոյ Աստուածութեանն Հօր և Որդւոյ և Հոգւոյն Սբոյ, այժմ և միշտ և յաւիտեանս յաւիտենից, ամէն :

Քարոզ :

Եւ եւս խաղաղութեան զՏէր աղաչեսցուք :

Եւ եւս հաւատով աղաչեսցուք և խընդրեսցուք ՚ի Տեառնէ Աստուծոյ և ՚ի Փրկչէն մերմէ Յիսուսէ Քրիստոսէ ՚ի ժամուս պաշտաման և աղօթից, Ձի արժանի ընդունելութեան արասցէ. լուիցէ Տէր ձայնի աղաչանաց մերոց : Ընկալլի զխընդրուածս սրտից մերոց. թողցէ զյանցանս մեր. ողորմեսցի ՚ի վերայ մեր :

Աղօթք մեր եւ խնդրուածք յամենայն
 ժամ մոցեն առաջի մեծի տէրութեան
 նորա : Եւ նա տացէ մեզ միաբան միով
 հաւատով և արդարութեամբ վաստակիլ
 ՚ի գործս բարեաց : Զի զողորմութեան
 զնորհն իւր՝ արասցէ ՚ի վերայ մեր Տէրն
 ամենակալ, կեցուցէ և ողորմեսցի :

Կեցս Տէր :

Զժամս և զառաջիկայ օրս խաղաղութեամբ
 անցուցանել հաւատով՝ ՚ի Տեառնէ խընդ-
 րեսցուք :

Շնորհեա Տէր :

Զհրեշտակ խաղաղութեան պահապան ան-
 ձանց մերոց ՚ի Տեառնէ խնդրես :

Զբաւութիւն և զթողութիւն յանցանաց
 մերոց ՚ի Տեառնէ խնդրես :

Զսրբոյ խաչին մեծ և կարող զօրութիւն
 յօգնութիւն անձանց մերոց ՚ի Տէրնէ խնդրես :

Եւ եւս միաբան վասն ճշմարիտ և սուրբ
 հաւատոյս մերոյ զՏէր աղաչեսցուք :

Տէր ողորմեա :

Զանձինս մեր և զմիմեանս Տեառն Աստու-
 ծոյ ամենակալին յանձն արասցուք :

Քեզ Տեառնդ յանձն եղիցուք :

Ողորմեաց մեզ Տէր Աստուած մեր ըստ մե-

ծի ողորմութեան քում ասասցուք ամենե-
քեան միաբանութեամբ :

Տէր ողորմեա, Տէր ողորմեա, Տէր ողոր-
մեա :

Տէր մեր եւ Փրկիչ Յիսուս Քրիստոս, որ
մեծդ ես ողորմութեամբ և առատ պար-
գեւօք բարերարութեան քո : Որ դու քոյին
կամաւդ 'ի ժամուս յայսմիկ համբերեցեր
չարչարանաց Խաչի և մահու՝ յաղագս մե-
ղաց մերոց : Եւ պարգեւեցեր առատապէս
զպարգեւս Հոգւոյդ Սրբոյ երանելի Առա-
քելոցն : Հաղորդս արա և զմեզ Տէր, աղա-
չեմք զքեզ՝ Աստուածային պարգեւացդ .
Թողութեան մեղաց և ընդունելութեան
Հոգւոյդ Սրբոյ : Որպէս զի՝ արժանաւորք
եղևցուք գոհութեամբ փառաւորել զքեզ
ընդ Հօր և ընդ Սրբոյ Հոգւոյդ, այժմ՝ և միշտ
և յաւիտեանս յաւիտենից, ամէն :

Խաղաղութիւն ամենեցուն :

Խաղաղութեամբ քով Քրիստոս Փրկիչ մեր,
որ 'ի վերդ է քան զամենայն միտս և զբանս,
ամրացո զմեզ և աներկիւղ պահեա յամե-
նայն չարէ : Հաւասարեա՛ զմեզ ընդ Ճշմա-
րիտ երկրպագուս քո, որք հոգւով և Ճշմար-
տութեամբ քեզ երկիրպագանեն : Վասն

զի՛ տմենասուրբ Երրորդութեանդ վայելեն փառք իշխանութիւն և պատիւ, այժմ և միշտ և յաւիտեանս յաւիտենից, ամէն: Օրհնեալ Տէր մեր Յիսուս Քրիստոս ամէն, Հայր մեր որ յերկինս:

Աւելուիա աւելուիա:

Խոստովան եղբրուք Տեառն՝ զի բարի է, զի յաւիտեան է ողորմութիւն նորա:

Ասասցէ տունն Իսրայելի՛ զի յաւիտեան է ողորմութիւն նորա:

Ասասցէ տունն Ահարօնի՛ զի յաւիտեան է ողորմութիւն նորա:

Ասասցեն երկիւղածք Տեսուն՝ զի յաւիտեան է ողորմութիւն նորա:

Ի նեղութեան իմում ես առ Տէր կարգացի, և լուաւ ինձ յանդորր:

Տէր է իմ օգնական եւ ես ոչ երկեայց, զի՛ արասցէ ինձ մարդ:

Տէր է իմ օգնական, եւ ես տեսից ՚ի Թշնամիս իմ:

Բարի է յուսալ ՚ի Տէր՝ քան յուսալ ՚ի մարդիկ, բարի է՝ յուսալ ՚ի Տէր՝ քան յուսալ յիշխանս:

Ամենայն ազինք շրջեցան զինեւ, եւ ա-

նուամբ Տեառն յաղթեցի նոցա :

Շրջելով շրջեցան զինեւ , պաշարեցին զիս
ի միասին , և անուամբ Տէն վանեցի զնոսա :
Շուրջ եղեն զինեւ որպէս մեղուք , վառե-
ցան բորբոքեցան որպէս փուշք ՚ի հուր ,

և անուամբ Տեառն մերժեցի զնոսա :
Ի մերժելն դրդուեցայ եւ եղէ մերձ ՚ի
գլորիլ , և Տէր ընկալաւ զիս :

Զօրութիւն իմ եւ օգնութիւն իմ Տէր ,
և եղեւ ինձ ՚ի փրկութիւն :

Զայն ցնծութեան փրկութեան ՚ի յարկս
արդարոց :

Աջ տեառն արար զօրութիւն , աջ Տեառն
բարձր արար զիս , եւ աջ Տեառն արար
զօրութիւն :

Ոչ մեռայց , այլ կեցից եւ պատմեցից
զգործս Տեառն :

Խրատելով խրատեաց զիս Տէր , և ՚ի մահ
ոչ մատնեաց :

Բացէք ինձ զդրունս արդարութեան՝ զի
մտից ընդ այն , և խոստովան եղէց Տեառն :

Աստ Կրանէն յեկեղեցին ասելով .

Այս դուռն Տեառն է , և արդարք մը-
տանեն ընդ սա :

Խոստովանեղէց քեզ, Տէր, զի լուար ինձ,
և եղեր ինձ ՚ի փրկութիւն:

Վէմն զոր անարգեցին շինողքն, նա եղեւ
դուխ անկեան:

Ի Տեառնէ եղեւ այս, և է սքանչելի ա-
ռաջի աչաց մերոց:

Այսօր է զոր արար Տէր, եկայք ցնծաս-
ցուք և ուրախ եղիցուք ՚ի սմա:

Ո՛ր Տէր, փրկեա, ո՛ր Տէր, առաջնորդեա.
օրհնեալ որ դալոց ես յանուն Տեառն,
և օրհնեցաք զքեզ ՚ի տանէ Տեառն:

Տէր Աստուած մեր երեւեցաւ մեզ, ա-
րարէք տօնս ուրախութեան կանխաւ՝
մինչեւ յանկիւնս սեղանոյ:

Աստուած իմ ես դու՝ խոստովան եղէց
քեզ. Աստուած իմ ես դու՝ եւ բարձր
արարից՝ զքեզ:

Խոստովան եղէց քեզ, Տէր, զի լուար ինձ,
և եղեր ինձ ՚ի փրկութիւն:

Խոստովան եղերուք Տեառն, զի բարի է,
զի յաւիտեան է ողորմութիւն նորա:

Շարական:

ԴԿ. Ձողորմութեան քո զդուռըն բանց
մեզ Տէր, և արժանի արա՛ զմեզ լուսե-

Ղէն յարկանց քոց ընդ սուրբս քո՛ւ
 Ի պատրաստեալ քո յօթեվանքս սրբ-
 քոց քոց ընկալ եւ ըզմեզ Փրկիչ յոր-
 դեգրութիւն ՚ի դըպրութեան կենաց :
 Ի նստիլ քո յատենի՛ դատաւոր ահեղ
 խնայեալ յարարանձրս քո , բարեխօսու-
 թեամբ եւ աղօթիւք սուրբ ճըգնաւո-
 րացն :

Աղաղակեցէք առ Տէր , ամենայն երկիր ,
 ծառայեցէք Տեառն ուրախութեամբ :
 Մտէք առաջի նորա ցնծութեամբ , ծանե-
 րուք զի նա է Տէր Աստուած մեր :
 Նա արար զմեզ եւ ոչ մեք էաք , մեք
 ժողովուրդք և խաշն արօտի նորա :
 Մտէք ընդ դրունս նորա խոստովանու-
 թեամբ , եւ օրհնութեամբ ՚ի յարկս
 նորա :
 Խոստովան եղերուք Տեառն , և օրհնեցէք
 զանուն նորա :
 Քաղցր է Տէր , յաւիտեան է ողորմու-
 թիւն նորա . ազգէ մինչեւ յազգ է ճըշ-
 մարտութիւն նորա :

Փառք Հօր և Որդւոյ և : Այծմ և միշտ և :

Քարոզ :

Մուրբ եկեղեցեալս աղաչեսցուք զՏէր՝
 զի սովաւ փրկեսցէ զմեզ ՚ի մեղաց . եւ
 կեցուսցէ շնորհիւ ողորմութեան իւրոյ :
 Ամենակալ Տէր Աստուած մեր՝ կեցո եւ
 ողորմեա :

Աղօթք :

Ի մէջ տաճարիս , և առաջի Աստուածըն-
 կալ եւ պայծառացեալ սուրբ նշանացս ,
 և սուրբ Սեղանոյս՝ խոնարհեալ երկիւղիւ
 երկիրպագանեմք . զսուրբ եւ զհրաշալի
 և զյաղթող զՅարութիւնդ քո փառաւո-
 րեմք . եւ քեզ մատուցանեմք զօրհնու-
 թիւն և զփառս ընդ Հօր եւ ընդ Սրբոյ
 Հոգւոյդ , այժմ և միշտ և յաւիտեանս
 յաւիտենից , ամէն :

Երբևն Դէպ յԱ-աղանն ասելով Շարական .

ԳԶ . Ա՛րեգս՛կն արդարութեան՛ն քրիս-
 տոս ծագեալ յաշխարհ հալածեաց ըզ-
 խա՛ւարն ա՛նգլոտութեան , ե՛ւ յետ մա-
 հո՛ւ և յարութեան համբարձա՛ւ առ Հայր
 յորմէ՛ ծանգեաց . որ երկըրպագի՛ յերկ-
 նա՛ւորաց եւ յերկրա՛ւորաց ընդ Հօր ե՛ւ

ՍճԼԻՐԲ ՀՈՂԼՈՅՆ . վասն որոյ եւ մե՛ք
երկիրպագանեմք ՀճՐ հողւո՛վ ե՛ւ ճՂԸ-
մարտունթեանմք :

Ո՛ր փոխանա՛կ ծոցածի՛ն բանի՛ն ո՛ր
ե՛լ յերկինս , անսքեցաւ աւետի՛քն Հօր
ի բարձա՛նց Հողի՛ն ճՂՉմարտունթեան ,
մըխիթարե՛լ զորս յԱդամայ տրտմեցե-
լոց , և հրա՛ղինե՛լ զընտրեալ դասս Առա՛-
քեւլոցն . վասն որոյ և մե՛ք եր :

Ա՛յսօր տրտմակա՛ն և գիշերային լու-
ծա՛ն երկունք ծնը՛նդեան Նախամօրն .
քա՛նզի զճընեալսըն մարմնով ՚ի մա՛հ եւ
յապա՛կանուծիւն . վերըստի՛ն ծնանի՛
Հողին յորդի՛ս լուսոյ Հօրն երկնա՛ւմրի .
վասն որոյ և մե՛ք եր :

Առնո՛ւ Քահանայն զԻ՛ղն օծո՛ւիւնն ՚ի յեռն իւր ,
և Սարկաւագն ասէ .

Եւ եւս խաղաղութեան զՏէր աղաչեսցուք :

Վասն իջանելոյ շնորհաց Հողւոյն Սրբոյ
ընդ Իւղս այսօրիկ՝ զՏէր աղաչեսցուք :

Եւ Քահանայն ասէ երեք Տէր ողորմա :

Առթք :

Յօրհնեալ ես Տէր Աստուած ամենակալ , որ

ընտրեցեր քեզ նոր ժողովուրդ 'ի քահանայութիւն և 'ի թագաւորութիւն, յազատուրբ, ժողովուրդ սեպհական, ըստ որում նմանութեան յառաջագոյն օծեր ըզֆահանայս, զՄարգարէս և զԹագաւորս՝ ամենասուրբ այսպիսի իւղով: Եւ այժմ աղաչեմք զքեզ Տէր բարերար, առաքեա զչնորհս ամենասուրբ Հոգւոյդ ընդ իւղոյս. զի որ օծցի, եղիցի նմա 'ի սրբութիւն հոգւոր իմաստութեան, 'ի նահատակութիւն և 'ի յաղթութիւն հակառակամարտին: Ի զօրութիւն պատուիրանապահութեան առաքինի գործոց, և յամենակատար հրահանգս և 'ի կրթութիւնս Աստուածպատութեան: Որպէս զի լուսաւորեալ մտօք կեցցէ յայսմ յաշխարհիս 'ի փրկութիւն անձին իւրոյ, 'ի պատիւ և 'ի փառս ամենասուրբ Երրորդութեանդ: Եւ արժանի լիցի հասանիլ վիճակի ժառանգութեան սրբոցն 'ի լոյս: Փառաւորելով զՀայր եւ զՈրդի և զՍուրբ Հոգի, այժմ և միշտ և յաւիտեանս յաւիտենից, ամէն:

Արիանէ զԴո-րն յԱ-աղանն խալանման՝ և ասէ .

Չայն Տեառն 'ի վերայ ջուրց, և Աստուած

փառաց որոտաց, եւ Տէր ինքն ՚ի վերայ
 Զուրց բազմաց:

Մատուցէք Տեառն, որդիք Աստուծոյ, մա-
 տուցէք Տեառն զորդիս խոյոց:

Մատուցէք Տեառն զփառս և զպատիւ,
 մատուցէք Տեառն զփառս անուան նորա.
 եւ երկիրպագէք Տեառն ՚ի սրահ սրբու-
 թեան նորա:

Ձայն Տեառն ՚ի վերայ Զուրց, և Աստուած
 փառաց որոտաց, եւ Տէր ինքն ՚ի վերայ
 Զուրց բազմաց:

Ձայն Տեառն զօրութեանց, և ձայն Տեառն
 մեծվայելութեանց:

Ձայն Տեառն փշրէ զմայրս, և մանրէ Տէր
 զմայրսն Լիբանանու:

Մանրեսցէ զնոսա որպէս զմատաղատունկն
 Լիբանանու, որ սիրելին է որպէս զորդիս
 միեղջերուի:

Ձայն Տեառն հատանէ զբոց հրոյ. ձայն
 Տեառն շարժէ զանապատն, և խռովեցու-
 ցանէ Տէր զանապատն Կադէս:

Ձայն Տեառն հաստատէ զեղջերուս, եւ
 յայտնի առնէ զանտառս:

Ի տաճարի նորա ամենեքեան ասասցեն
 զփառս նորա:

Տէր զՋրհեղեղս նստուցանէ և ցածուցա-
նէ, թապաւորեսցէ Տէր յաւիտեան:

Տէր զօրութի ժողովորդեան իւրոյ տացէ, և
օրհնեսցէ զժողովուրդ իւր ՚ի խաղաղութի:

Ընթերցուածս յԵղեկիէէ մարգարէէ:

Այսպէս ասէ Տէր. և ցանեցից ՚ի վերայ
ձեր ջուր սուրբ, եւ սրբեսցիք յամենայն
պղծութեանց ձերոց, եւ յամենայն կռոց
ձերոց սրբեցից զձեզ: Եւ տաց ձեզ սիրտ
նոր, և հոգի նոր նորոգեցից ՚ի ձեզ. եւ
հանից զսիրտն քարեղէն ՚ի մարմնոց ձերոց,
և տաց ձեզ սիրտ մարմնեղէն, եւ զհոգի
իմ տաց ձեզ: Եւ արարից՝ զի յարդարու-
թիւնս իմ գնասցիք, և զիրաւունս իմ պա-
հիցէք եւ առնիցէք զնոսա. եւ բնակիցէք
յերկրին՝ զոր ետու հարցն ձերոց, և եղի-
ցիք ինձ ՚ի ժողովուրդ, եւ ես եղէց ձեզ
յԱստուած ասէ Տէր:

Պողոսի առաքելոյն ՚ի Գաղատացոց թղթոյն է
ընթերցուածս:

Ապա օրէնքն դաստիարակ եղեն մեզ ՚ի
Քրիստոս Յիսուս, զի ՚ի հաւատոցն արդա-
րացուք: Այլ իբրեւ եկին հաւատքն, ոչ
ևս ընդ դաստիարակաւ եմք. քանզի ամե-

նեքին որդիք Աստուծոյ էք՝ հաւատովք ՚ի
Յիսուս Քրիստոս : Որք միանգամ ՚ի Քրիս-
տոս մկրտեցարուք՝ զՔրիստոս զգեցեալ
էք . չիք խտիր , ոչ հրէի և ոչ հեթանոսի ,
ոչ ծառայի և ոչ ազատի , ոչ արուի և ոչ
իգի . զի ամենեքեան դուք մի էք ՚ի Քրիս-
տոս Յիսուս : Ապա եթէ դուք Քրիստոսի
էք , ուրեմն Աբրահամու զաւակ էք՝ ըստ
աւետեացն ժառանգք :

Ալէլուիա այլուիա .

Տէր հովուեսցէ զիս , և ինձ ինչ ոչ պա-
կասեսցի :

Ալէլուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Աբրոյ Աւետարանիս Յիսուսի Քրիստոսի՝ որ ըստ Յովհաննու :

Փառք քեզ Տէր Աստուած մեր :

Պատիւովք : Աստ Աստուած :

Աւ Տէրն մեր Յիսուս Քրիստոս :

Եւ էր այր մի ՚ի փարիսեցւոց անտի Նիկո-
դիմոս անուն նորա , իշխան հրէից : Սա եկն
առ Յիսուս ՚ի գիշերի և ասէ ցնա . Ռաբբի ,
գիտեմք թէ յԱստուծոյ եկեալ ես վար-
դապետ . զի ոչ որ կարէ զայդ նշանդ առ-
նել՝ զոր դուդ առնես , եթէ ոչ Աստուած

իցէ ընդ նմա : Պատասխանի ետ Յիսուս և
ասէ ցնա . ամէն ամէն ասեմք եղ , եթէ
ոչ ոք ծնցի վերստին , ոչ կարէ տեսանել
զարքայութիւն Աստուծոյ : Ասէ ցնա Նիկո-
ղիմոս . զիմոք կարէ մարդ ծնանել՝ որ ծերն
իցէ . միթէ մարթ իցէ անդրէն յորովայն
մօր իւրոյ կրկին մտանել և ծնանել : Պա-
տասխանի ետ Յիսուս և ասէ . ամէն ամ-
էն ասեմք եղ , եթէ ոչ ոք ծնցի 'ի ջրոյ
և 'ի հոգւոյ , ոչ կարէ մտանել յարքայու-
թիւն Աստուծոյ . զի ծնեալն 'ի մարմնոյ՝
մարմին է , եւ ծնեալն 'ի հոգւոյ՝ հոգի է :
Դու մի զարմանար , թէ ասացիք եղ , պարտ
է ձեզ ծնանել վերստին . զի հոգմ' ուր կա-
մի շնչէ , և զձայն նորա լսես , այլ ոչ գիտես
ուստի՞ գայ կամ յո՞ կրթայ . սոյնպէս և ա-
մենայն ծնեալն 'ի Հոգւոյն :

Քարոզ :

Եւ եւս խաղաղութեան զՏէր աղաչեսցուք :

Վասն 'ի վերուստ խաղաղութեան և փրկու-
թեան անձանց մերոց զՏէր աղաչեսցուք :

Լուր Տէր և ողորմեա :

Վասն սրբելոյ զՋուրս զայս ներգործու-
թեամբ Հոգւոյն Սրբոյ , զՏէր աղա :

Վասն որդիս լուսոյ առնելոյ զոր 'ի սմա
մկրտին, զՏէր աղա:

Վասն աստուածային զօրութի զգեցուցա-
նելոյ սորա՝ ընդդէմ հակառակամարտին
օծմամբ իւղոյս այսմիկ, զՏէր աղա:

Վասն անօթ սրբութեան լինելոյ սորա առ
ընդունելութիւն աստուածատուր խորհրդ-
դոցն, զՏէր աղա:

Վասն գնալոյ սորա յարժանաւոր հրաւէր
վերստին կոչման յոր կոչեցաւն, զՏէր աղա:

Վասն ամուր և հաստատուն շնորհել սորա
զգիտութի առաքելական հաւատոյ, զՏէր ա:

Վասն ժառանգորդս առնելոյ զսա արդա-
րոցն խոստմանց, զՏէր աղա:

Վասն փրկելոյ զսա և զմեզ յամենայն նե-
ղութենէ, 'ի բարկութենէ, 'ի վշտաց և 'ի
վտանգից, զՏէր աղա:

Ընկալ կեցո և ողորմեա և պահեա զսա
Տէր քոյին շնորհիւ:

Զամենասրբուհի Աստուածածինն զմիշտ
կոյսն Մարիամ, հանդերձ ամենայն սրբովք
յիշելով զՏէր աղաչեսցուք:

Եւ եւս միաբան վասն ճշմտրիտ և սուրբ:
Զանձինս մեր և զմիմեանս Տեառն Աստու:

Ողորմեաց մեզ Տէր Աստուած մեր ըստ մե:

Ե- Քահանայն սսէ երէ՛՛՛ Տէր ողորթա :

Աղօթք :

Դու Տէր , զօրութեամբ քով մեծաւ ա-
րարեր զծով և զցամաք , և զամենայն որ
ի նոսա արարածք իցեն , որոշեցեր և կա-
ցուցեր զջուրն ՚ի վերոյ քան զերկինս՝ ՚ի
բնակութիւն երկնաւոր զուարթնոցն , որ
կան յանդադար փառաբանութեան քում :
Առաքեցեր եւ զսուրբ զԱռաքեալսն քո ,
տալով նոցա հրաման քարոզել և մկրտել
զամենայն հեթանոսս՝ յանուն Հօր և Որ-
դւոյ և Հոգւոյն Սրբոյ : Այլ և սահմանեցեր
անսուտ բանիւ քով՝ ոչ ծնանելոցն ՚ի ջրոյ
եւ ՚ի հոգւոյ ոչ մտանել յարքայութիւնն
Աստուծոյ : Յորմէ բանէ զարհուրեալ ծա-
ռայս քո , և փափաքելով մշտնջենաւոր կե-
նացդ , եկն կամաւ ՚ի Մկրտութիւն հոգե-
ւոր ջրոյս այսորիկ : Արդ՝ աղաչեմք զքեզ
Տէր , առաքեա զՀոգիդ քո Սուրբ ՚ի ջուրս
յայս , և սրբեա զսա , որպէս սրբեցեր ըզ-
Յորդանան իջանելով քո ՚ի նմա՝ ամենա-
սուրբդ ՚ի մեղաց Տէր մեր Յիսուս Քրիս-
տոս , յօրինակ այսմ Աւազանի Մկրտու-
թեան՝ վերստին ծննդեան ամենայն մարդ-

կան : Եւ շնորհեա՛ սմա զջուրս զայս յորում մկրտի այժմ, 'ի թողութիւն մեղաց՝ և յընդունելութիւն Հոգւոյդ Սրբոյ, յորդէգրութիւն Հօրդ երկնաւորի՝ և 'ի ժառանգութիւն արքայութեանդ երկնից : Որպէս զի սրբեալ 'ի մեղաց, 'ի հաճոյս կամաց քոց կեցցէ յայսմ աշխարհիս . և 'ի հանդերձելումն զանսպառ բարիսն ընկալցի ընդ ամենայն սուրբս քո . եւ ուրախութեամբ գոհասցի և միշտ փառաւորեսցէ զքեզ ընդ Հօր՝ և Սուրբ Հոգւոյդ, այժմ և միշտ և յաւիտեանս յաւիտենից, ամէն :

Եւ ապա Կիսակայրն ասնի 'ի Տերխոյոցանել զերեւելայն, և բերէ Տերի աւելելի Բահանային . և առեալ Բահանայն շոորբ Միտոնն 'ի յեռն և խալիկնի 'ի Վերայ ջրոյն ասելով .

Ամեն ալելուիա ալելուիա ալելուիա :

Օրհնեսցի և սրբեսցի ջուրս այս՝ նշանաւ սուրբ Խաչիս եւ սուրբ Աւետարանաւս, և սուրբ Միւռոնաւս և աւուրս շնորհիւ . անուամբ Հօր և Որդւոյ և Հոգւոյն Սրբոյ, այժմ և միշտ և յաւիտեանս յա :

Երեւա՛ կրկնէ, և ապա ասէ .

Օրհնութիւն և փառք Հօր և Որդւոյ և

Հոգւոյն Սրբոյ , այժմ և միշտ և յաւիտեանս յաւիտենից , ամէն :

Հէշ- շո- լէ Մի- ռոն յԱ- աղանն խաչանման
աւելով՝ Շար- իան :

ԴԶ. Ա՛ռաքելոյ ա՞ղաւնոյ ի՛ջանելով մե՛ծաճայն հընչմամբ ՚ի բարձա՛ծնց , ՚ի նմա՛ննութիւն լուսո՞յ փայլման հրազինեաց անկիղելի՛ զաշակե՛հ՛րտսն , մի՛նչդեռ նըստէ՛ի՛ն ՚ի սուրբ վե՛րնատանն :

Ա՛ննիւթական ա՞ղաւնի , ա՛նքննելի ո՞րքրննէ ըզլսո՞րս Ոստոճո՞ց . զոր առեալ ՚ի Հօրէ պատմէ՛ զահաւո՞ր և ըզմիւսանգամ գա՞լո՛հ՛լստն . զո՞ր քարո՞ղեցի՛ն համագոյական :

Օ՛րհնութիւն ՚ի բարձունս , ե՛լողին ՚ի Հօրէ Հո՞գւոյն Սրբո՞ց . որս՛վ Առաքեա՛լքն արբեցա՛ն անմահական բաժանկա՛հ՛ւն , ե՛ւ հրաւի՛րեցի՛ն զերկիրս ՚ի՛յերկի՛նս :

Ե- Կնասհայրն կանգնի Տէր յԱ- աղանն .
և Քահանայն առէ ՂԱղօլս :

Որ կոչեցեր զճառայս քո Տէր ՚ի սրբութիւն և ՚ի լուսաւորութիւն Մկրտութեան ,

աղաչեմք զքեզ Տէր . արա զսա արժանի մեծի շնորհաց քոց : Մերկեա՛ ՚ի սմանէ զհնուԹիւն մեղաց , և նորոգեա ՚ի կեանս նորս . և լցո՛ զօրուԹեամբ Հոգւոյդ Սրբոյ ՚ի նորոգուԹիւն փառաց Քրիստոսի քոյ : Եւ քեզ հզօրիդ՝ և միածնի Որդւոյ քո՝ եւ ազատիչ սուրբ Հոգւոյդ վայելէ՛ իշխանուԹիւն և պատիւ այժմ և միշտ և յաւիտեանս յաւիտենից , ամէն :

Հարցանէ Քահանայն . Երեխայս զքնչ խնդրէ : Կնչահայրն ասէ . Հաւատք , Յոյս , Սէր , եւ ՄկրտուԹիւն . Մկրտիլ եւ արդարանալ , սրբիլ ՚ի մեղաց , ազատիլ ՚ի դիւաց , և ծառայել Աստուծոյ : Երեջս իբիէ :

Ե- ասէ Քահանայն . Ըստ հաւատոց քոց
եղիցի քեզ :

Ապա իջոյանէ զերախայն ՚ի ջուրն .
և դնէ զանոնն ասելով .

Այս անոնն ծառայս Աստուծոյ , եկեալ յերախայուԹենէ ՚ի ՄկրտուԹիւն , Մկրտի յանունն Հօր և Որդւոյ և Հոգւոյն Սրբոյ : Գնեալ արեամբն Քրիստոսի ՚ի ծառայուԹենէ մեղաց , ընդունի զսրդէգրուԹիւնն Հօրն երկնաւորի , լինիլ ժառանգակից Քրիստոսի , և տաճար Հոգւոյն Սրբոյ :

Ձայս Տիանգամ ստեղծ՝ երէցս լաշէ շէրեէայն 'ի
 ջորն , յօրինակ երեւորեայ լաղման Քրիստոսի
 Իսի արք՝ յասելն , Յանուէն Հօր , ընկղէ Տիան-
 գամ . յասելն , և Որդւոյ , ընկղէ Տիանգամ եւս .
 և յասելն , Հոգւոյն Սրբոյ , ընկղէ Գարշեալ :
 Եւ այսպէս իոչո՞՞ն անո՞ւն ամենասո՞րբ Երրոր-
 րոր-լեւան լինի Տիանգամ , և ընկղմո՞՞ն երե՞ս անգամ :
 Եւ հանեալ 'ի ջրոյն՝ սսէ .

Որք 'ի Քրիստոս մկրտեցայք , զՔրիստոս
 զգեցեալ էք . ալէլուիա :

Որք 'ի Հայր լուսաւորեցայք , Սուրբ Հոգին
 բերկրեսցի 'ի ձեզ . ալէլուիա :

Բազում նեղութիւնք են արդարոց , յա-
 մենայնէ փրկէ զնոսա Տէր , և պահէ զա-
 մենայն ոսկերս նոցա , եւ մի 'ի նոցանէ
 մի փշիեսցի :

Մահ մեղաւորին չար է , բայց որ ատէ
 զարդարն՝ զղջասցի :

Փրկէ Տէր զանձինս ծառայից իւրոց , մի
 զղջասցին ամենեքեան՝ ոյք յուսացեալ են
 'ի նա :

Փառք Հօր և Որդւոյ և : Այժմ և միշտ և :

Ապա սսի Գարական .

ԳԶ . Ո՛ր համագոյնդ ե՞ս Հօ՛ր եւ Որդւոյ ,

անճառաբան՝ բըղխումն ՚ի՛ մի՛շտ էէն .
 անճառաբան բըղխեցե՛լ ջուր կենդանի՛ յերու-
 սաղէ՛մ . Հոգի՛ Աստուծոյ սղս՛մ ըմեա՛ .

Ո՛ր արարչակից է՞ս Հօ՛ր և Որդւոյ , որով
 կենդանածնեա՛լք ՚ի ջն՛՛ւրս անարածք .
 անճառաբան Որդիս Ա՛ստուծոյ ծնանի՛ս ՚ի
 ջուրց . Հոգի՛ Աս :

Ո՛ր փառակից է՞ս Հօ՛ր և Որդւոյ . և բըն-
 նե՛ս ըզխո՛րս Ա՛ստուծոյ . անճառաբան խո՛ւ-
 րագէ՛տս իմաստից զյիմանա՛րս աշխարհի՛ւ ա-
 րարեր . Հոգի՛ Աս :

Պօղոսի առաքելոն ՚ի Հռովմայեցւոց թղթոն է
 ընթերցուածս :

Եթէ ոչ գիտէք , զի որ միանգամ մկրտե-
 ցաք ՚ի Քրիստոս Յիսուս , ՚ի մահն անդր
 նորա մկրտեցաք . Թաղեցաք ընդ նմին
 մկրտութեամբն ՚ի մահ , զի որպէս յարեալ
 Քրիստոս ՚ի մեռելոց փառօքն Հօր , նոյնպէս
 եւ մեք ՚ի նորոգումն կենաց չըջեսցուք :
 Զի եթէ տնկակից եղեաք նմանութեան
 մահու նորա , այլ եւ յարութեան նորա
 լինիցիմք : Զայս գիտասջիք՝ զի հին մարդն
 մեր խաչակից եղել նորա , զի խափանեսցի
 մարմին մեղացն , մի եւս ծառայել մեզ

մեղացն : Զի որ մեռանին՝ արդարացեալ է ՚ի մեղաց անտի . իսկ եթէ մեռաք ընդ Քրիստոսի , հաւատամք՝ թէ եւ կեցցուք ընդ նմա : Գիտեմք՝ եթէ Քրիստոս յարուցեալ է ՚ի մեռելոց . այսուհետեւ ոչ մեռանի , եւ մահ նմա ոչ եւս տիրէ : Զի որ մեռաւն , մեղացն մեռաւ միանգամ , եւ որ կենդանին է՝ կենդանի է Աստուծոյ : Նոյնպէս եւ դուք համարեւջիք զանձինս մեռեալս մեղացն , և կենդանիս Աստուծոյ ՚ի Քրիստոս Յիսուս ՚ի Տէր մեր :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկ/ւղածութեամբ լուարուք :

Արոց Աւետարան/ս Յիսուսի Քրիստոսի՝ որ ըստ

Մատթէոսի :

Փառք քեզ Տէր Աստուած մեր :

Պառսխումէ : Ասէ Աստուած :

Տէրն մեր Յիսուս Քրիստոս :

Յայնժամ գայ Յիսուս ՚ի Գալիլէէ ՚ի Յորդանան առ Յովհաննէս՝ մկրտիլ ՚ի նմանէ : Եւ Յովհաննէս արգելու զնա եւ ասէ . ինձ պիտոյ է ՚ի քէն մկրտիլ , և դու առիս գաս : Պատասխանի ետ Յիսուս եւ ասէ յնա , թոյլ տուր այժմ , զի այսպէս վայելէ

մեզ ընուլ զամենայն արդարութիւն . եւ
 ապա թոյլ ետ նմա : Եւ իբրեւ մկրտեցաւ
 Յիսուս , եւ վաղվաղակի 'ի ջրոյ անտի . և
 ահա բացան նմա երկինք . և ետես զՀոգին
 Աստուծոյ՝ զի իջանէր իբրեւ զաղաւնի և
 գայր 'ի վերայ նորա . Եւ ահա ձայն յերկ-
 նից որ ասէր . Դա՛ է Արդի իմ սիրելի , ընդ
 որ հաճեցայ :

Օրհնեալ Տէր մեր Յիսուս Քրիստոս , ամէն .
 Հայր մեր որ յերկինս :

Ապա սաի Եւրական :

ԴԿ. Ա՛ղբիւր կենաց բաշխող շնորհաց
 Հոգի՛դ իջեա՛լ 'ի բարձանց . զանապական
 պարգե՛ւքս քո՞՞նք մա՛ժանեցե՛ր յառա-
 քեա՛լսն :

Ո՞ր 'ի վերայ ջուրցն գողով ստեղծանէ՛ր
 զարարածս . իջեալ 'ի ջո՛ւրս աւազանի՞ն
 ծնանիս որդիս Ա՛ստուծոյ .

Ո՞ր վարդարեա՛լ նորագես միշտ ըզնոր քո
 զե՛կեղեցի . պէս պէս շնորհաց քոց պա՛ր-
 գեւօ՞ք փայլի՛ն մանկո՛ւնք սորա՛ :

Ալթբ .

Որ լուսաւորեցեր զարարածս քո Քրիստոս

Աստուած , ծագելով զլոյս աստուածգիտութեան յանձինս մեր . եւ այժմ աղատեցեր զճառայս քո լայս , սրբեցեր եւ արդարացուցեր , և ետուր սմա զորդէգրութեան պատիւն : Շնորհեա՛ սմա Տէր՝ եւ զկենացն հաւասարութիւն , եւ պարգեւեա՛ զհանապազորդն անասլակօնութիւն , խառնելով զսա ընդ արդարս քո՝ և ՚ի թիւս Արբոյ քոց . եւ ընդ նոսին փառաւորել զքեզ ընդ Հօր՝ և ընդ Արբոյ Հոգւոյդ , այժմ և միշտ և յաւիտեանս յաւիտենից . ամէն :

Խաղաղութիւն ամենեցուն :

Աստուած , որ մեծդ ես և մշտնջենաւոր՝ և ամենայն գաղտնեաց գիտակ . որ սուրբ ես և ՚ի սուրբս հանդուցեալ , Փրկիչ ամենայն մարդկան : Որ շնորհեցեր զգիտութիւն ճշմարտութեան քո՝ ամենայն հաւատացելոց . եւ ետուր իշխանութիւն լինիլ որդիս Աստուծոյ՝ ՚ի ձեռն վերստին ծննդեան ջրոյ և հոգւոյ : Որ և զճառայս քո (լայս անոն) նորոգեցեր քաւութեամբ սուրբ Աւազանի քո : Սուրբ արա զսա , Տէր , ճշմարտութեամբ քով , և լուսով շնորհաց սուրբ Հոգւոյդ . զի եղիցի տաճար եւ

բնակարան Աստուածութեանդ քո . և կարասցէ գնալ յամենայն ճանապարհս արդարութեան . և կալ համարձակութեամբ առաջի ահաւոր բեմի միածնի քո՝ Տեառն մերոյ Յիսուսի Քրիստոսի . Ընդ որում քեզ Հօր ամենակալի , և կենդանարար և ազատիչ Սուրբ Հոգւոյդ՝ վայելէ փառք իշխանութիւն և պատիւ այժմ և միշտ և յաւիտեանս յաւիտենից :

Լնո- Քահանայն զսուրբ Ի-ղն 'ի յախն Ի-ր ,
և սսէ Շարական .

ԴՁ . Որ յառաջագոյն յօրէնս յօրինակ միածնի քո Հայր երկնաւոր , Ետուր զօրութիւն 'ի յիւր սրբութեան յօժովմն օծելով՝ . հեղ եւ յիւր յայս զերկնային քո զշնորհս :

Որ խոնարհեցար 'ի մեզ իւր թափեալ անուն օծեալդ Աստուծո՞յ , խառնելով զաստուածութիւնդ՝ օծեալ ըզմարդկային առեր բընութիւնն . հեղ և :

Որ 'ի վերնատունըն սուրբ իջանելով յառաքեալսն օժովմն օծելով . եւ օժմամբս այսու վերաստեղծեր նոքօք ըզհողեղէնս որդիս Աստուծո՞յ . հեղ և :

Որ զարդարե՞ս սովաւ 'ի հանդերձքս լո՛ւ-
սափայլս եւ գե՛րապայծա՛մ ծուս զհարսնա-
ցեա՛լ Եկեղեցի քո՛ սո՛ւրբ . մանկո՛ւնըք
սորա ընդ հրեշտակս օրհնե՛ն սուրբ զԵր-
րորդու՛թիւնդ :

Ե- Ինչե՛ սո՛ւրբ Ի-ղլ շճակափն , ասելլլ .

Ք Իւղ անոյշ յանուն Յիսուսի Քրիստոսի,
հեղեալ 'ի վերայ քո՛ կնիք երկնաւոր պար-
գեւացն անապականութեան :

Ջաչն Ք կնիքս յանուն Յիսուսի Քրիստոսի
լուսաւորեսցէ զաչս քո . զի մի՛ երբէք
ննջեսցես 'ի մահ :

Ջակնջն Ք Օծումն սրբութեան՝ եղիցի քեզ
'ի լսելութիւն աստուածային պատուիրա-
նացն :

Ջհոպոսիւնն Ք կնիքս յանուն Յիսուսի Քրիս-
տոսի , եղիցի քեզ հոտ անուշութեան կե-
նաց 'ի կեանս :

Ջբերանն Ք կնիքս յանուն Յիսուսի Քրիստո-
սի , եղիցի քեզ պահպանութիւն բերանոց
և դուռն ամուր շրթանց քոց :

Ջյեւանն Ք կնիքս յանուն Յիսուսի Քրիստոսի,
եղիցի քեզ պատճառ բարեգործութեան
ամենայն առաքիլնի գործոց և վարուց :

Զսիրան Թ Կնիքս աստուածային՝ սիրտ սուրբ
հաստատեսցէ 'ի քեզ, եւ հոգի ուղիղ նո-
րոգեսցէ 'ի փորի քում:

Զքամակն Թ Կնիքս յանուն Յիսուսի Քրիստոս-
սի, եղիցի քեզ վահան ամրութեան, ու-
րով կարասցես զամենայն նետս մուխս չա-
րին շիջուցանել:

Զոբան Թ Կնիքս աստուածային՝ ուղղեսցէ
զգնացս քո 'ի կեանսն յաւիտենից. զի մի
սասանեսցիս:

Ե- ապա սաէ. Խաղաղութիւն ընդ քեզ
փրկեալդ Աստուծոյ: Խաղաղութիւն ընդ
քեզ օծեալդ Աստուծոյ:

Ե- Կնքահայրն սաէ. Եւ ընդ հոգւոյդ քում:

Ե- ապա զժեղոցանէ հանդերձ սպիտակ եւ նոր,
եւ կապէ զնարօսն, եւ քայ զերկուս վառեալ ճոճեղէնս
'ի յեռն. եւ Քահանայն սաէ Շարական:

ԲԶ. Աստուած խօսեցաւ 'ի բարձանց,
լուարովք բլնակիչք երկրի, որ եկն եւ
փրկեաց զամենայն արարածս. զի զա-
նոն Տեառն կարդասցուք, և տմք օրհ-
նութիւն 'ի բարձոնս:

Նոր Իսրայէլ կոչեցաք 'ի Քրիստոս, եղաք

բաժինն Տեառն և ժառանգակից Գրիստոսի . զի զա :

Ի վիմէն կենդանութեան ճաշակեցաք զեքանիցս է Տէր , եւ յիւղ սրբութեանն օծաք հաւատով . զի զա :

Ի բնիկ եմք ապաւինեալ որ մայրդ ես և անղախին Գրիստոսի . լեր բարեխօս վասն մեր . զի զանձնն Տեառն կարգացուք և զբեղ մեծարեալ պատուեսցուք :

Աղօթք .

Օրհնեալ ես բարեխնամող Աստուած , որ զգեցուցեր ծառայի քում հանդերձ փրկկութեան և պատմուճան ուրախութեան . և եդեր սաղաւարտ փրկութեան և պսակ շնորհաց ՚ի գլուխ սորա , և զէն անվթար ընդդէմ հակառակամարտին : Վասն որոյ եւ մեք գոհութեամբ փառաւորեսցուք զբեղ ընդ Որդւոյ և ընդ Սրբոյ Հոգւոյդ , այժմ և միշտ և յաւիտեանս յա :

Խաղաղութիւն մենեցուն :

Տէր Աստուած ամենակալ Հայր Տեառն մերոյ Յիսուսի Գրիստոսի . քեզ խոնարհեցուցանեն հաւատացեալքս զգլուխս

իւրեանց : Զգեան՝ զաներեւոյթ աջ քո եւ
 օրհնեան զսոսա . եւ զգործս ձեռաց սոցա
 յաջողեան : Եւ որք 'ի կուսութեան են՝
 զընթացս նոցա ամրացի՛ ժուժկալութեամբ
 և ամենայն աստուածպաշտութեամբ եւ
 պահեան 'ի խաղաղութեան : Զտղայս զայս
 սնո՛ եւ անձ 'ի չափ հասակի կատարման .
 և պարսպեան զամենեսեան յիւրաքանչիւր
 յարկս իւրեանց՝ հանդերձ ցնծութեամբ
 եւ ուրախութեամբ 'ի Քրիստոս Յիսուս
 'ի Տէր մեր : Ընդ որում քեզ Հօր եւ Հո-
 գւոյգ Սրբոյ վայելէ փառք իշխանութիւն
 և պատիւ այժմ և միշտ և յաւիտեանս
 յաւիտենից , ամէն :

Հանէ 'ի բե՛ն զնորընծայն՝ և ասէ .

Մտից առաջի սեղանոյ Աստուծոյ առ
 Աստուած , որ ուրախ առնէ զմանկու-
 թիւն իմ :

Դատ արա ինձ Աստուած , և իրաւ արա
 ինձ 'ի դատաստանի իմում :

Ե- զի՛նի խոնարհեալ՝ ասէ ելիցս :

(Այս անուն) ծառայս Քրիստոսի՝ եկեալ յե-
 րախացութենէ 'ի մկրտութիւն , 'ի մկր-

տուժենէ յերկրպագութիւն : Երկրպագէ սուրբ Սեղանոյս . երկրպագէ սուրբ Խորանիս . երկրպագէ սուրբ Աւազանիս . որ մերկացաւ զանօրէնութիւն , և զգեցաւ զլոյս աստուածգիտութեան :

Եւ հաղորդէ շնորհնձայն Դսուրբ Գարմնոյ և յարենէ Տեառն . և ասէ Քահանայն զԱղօլես :

Տէր ողորմե՛ա՛ , Տէր ողորմե՛ա՛ , Տէր ողորմե՛ա՛ :

Փառք քեզ թագաւոր յաւիտենական , որ աճեցուցանես և լցուցանես զեկեղեցի լուսով հաւատոյ անհամար փրկելոցս Ի ձեռն ճշմարիտ աստուածածանօթութեան Քրիստոսի քո : Զորս վերստին ծննդեամբ արժանի արարեր որդէգրութեան Հօրդ երկնաւորի , հաղորդելով Մարմնոյ և Արեան միածնի քո :

Եւ արդ Տէր՝ պահեա զսա սրբութեամբ Հոգւոյդ Սրբոյ , առնել անարատութեամբ զկամս քո , և անմեղութեամբ ժամանել Ի կեանսդ յաւիտենից : Եւ զմեզ զամենեսեան զմերձաւորս սորա օրհնեա շնորհօք և մարգասիրութեամբ Տեառն մերոյ Յիսուսի Քրիստոսի : Ընդ որում քեզ Հօր , և Հոգւոյդ Սրբոյ վայելէ փառք՝ իշխա-

նութիւն և պատիւ , այժմ և միշտ և յա-
ւիտեանս յաւիտենից , ամէն :

Խաղաղութիւն ամենեցուն :

Խաղաղութիւն եւ հաստիչ խաղաղու-
թեան Յիսուս ֆրիստոս , օծեալ և երկր-
պագելի և քահանայապետ յաւիտենից :
Ահա ընկալաւ (այս անոն) ծառայս քո զՕ-
ծումն սրբութեան քո , վասն որոյ աղա-
չեմք զքեզ , Տէր , մի ջնջեսցի սա 'ի դրպ-
րութենէ քումմէ կենաց : Եւ մեք ար-
ժանի լիցուք երկնային փառաց քոց , յոր-
ժամ պսակես զսուրբս քո եւ զսիրելիս
անուան քում սրբոյ . և անդադար փա-
ռաւորեսցուք զքեզ ընդ Հօր եւ Սրբոյ
Հոգւոյդ , այժմ և միշտ և յաւիտեանս
յաւիտենից , ամէն :

Ե- ասյ շնորհնձայն 'ի գիրիս կնքահօրն ,
և քահանայն խալ 'ի յեռին ունելլի :

Սարխաւֆն քարոյէ .

Սուրբ խաչիւս աղաչեսցուք զՏէր , զի սո-
վաւ փրկեսցէ զմեզ 'ի մեղաց , և կեցուսցէ
չնորհիւ ողորմութեան իւրոյ : Ամենակալ
Տէր Աստուած մեր կեցո և ողորմեա :

Ե- Քահանայն ասէ Մարտին :

Որք մկրտեցան և լուսաւորեցան և ետուր նոցա զզօրութիւն քո, Տէր, տուր և հաստատութիւն, կալ միշտ 'ի սրբութեան քում, և պայծառանալ 'ի լոյս աստուածգիտութեան քո : Պահե՛ա զսա հաստատուն 'ի շնորհս քո զոր ետուր . հեռացո զսա 'ի մոլորութենէ թշնամւոյն, եւ 'ի պատրանաց նորա, եւ 'ի գործոց անօրէնութեան . զի լուսով գիտութեան քո գնացէ 'ի պատուիրանս քո . եւ ուղիղ վարուք հասցէ 'ի խոստացեալ հանգիստն քո յաւիտենից : Զհրեշտակ խաղաղութեան քո առաքեա Տէր, որ եկեալ պահեսցէ զսա : Եւ մեք ամենեքեան արժանի լիցուք սպասել յոգսով՝ յայտնութեան Տեառն մերոյ Յիսուսի Քրիստոսի : Ընդ որում քեզ Հօր՝ և Հոգւոյդ Սրբոյ :

Համբարեն զնոր յարպեալն, և ասեն Եարախան .

ԴԿ . Որ անտես և անքննին քառակերպիցըն վեհագոյն, 'ի փրօկել ըզմեզ եկեալ անմահից թագաւորն, օրհնութիւն առաքողին :

Առաքի՛ հրեշտականայետն առ սե՛րովբէ՛ն
հողեղէ՛ն, ասէ Տէրն և արարողն ա՛ռա-
քեալն ՚ի Հօրէ՛ մարմնանայ ՚ի քէ՛ն փըբ-
կողն :

Մըկըրտի՛ ՚ի Յօրդանան վըկայելով Հօր
և Հոգւոյն . Ո՛վսաննա՛ ՚ի բարձո՛ւնըս եր-
գէին մանկու՛նքն , օրհնո՛ւթիւն Որդւոյ՛
Դաւթի՛ :

Փառք Հօր և Որդւոյ և : Արթմ և Միշտ և :

Եւ յե՛լանել նորա ՚ի ջրոյն ահա՛ բացան
նրմա երկինք . Սուրբ Հոգին ա՛ղաւնակերպ
գայր ՚ի վերայ կենարարի՛ն , օրհնու՛թիւն
առաքողի՛ն :

Քարոզ :

Սուրբ խաչիւս աղաչեսցուք զՏէր զի սո :
Պահպանիչ և յոյս հաւատացելոց Քրիս :
Օրհնեալ Տէր մեր Յիսուս Քրիստոս , ամէն :
Հայր մեր որ յերկինս :

Յեք Մկրտութեան առեալ քանին ՚ի սո՛ւթ Եկեղեց-
այն զմանո՛ւն ՚ի քո՛ն՝ ասելով Եարայան .

ԴԶ . Լոյս ՚ի Լո՛ւսոյ ՚ի Հօրէ՛ առաքե՛ցար և
մարմնացար ՚ի սուրբ Կո՛ւսէն , զի վերըս-
տի՛ն նորոգեսցես զապականեալն Ա՛դամ :

Դու՛ Աստուծո՛ւմ ՚ի յերկրի՛ն երեւեցար և
 ընդ մարդկան շըրջեցար , և վըրկեցեր
 ըզտին՝ զերբս յանիծիցն Աշամայ :
 Քե՛զ ՚ի յերկնից վըկայեալ Հօր քո՛ ձայն .
 ասէ Դա՛մ է իմ Ո՛րդի . եւ Սուրբ Հօգի՛ն
 ըզքեզ յայտնեաց աղանձապերպ երեւ-
 մամբ :

Ե- երեւալ ՚ի գիրի՛ն Տօրն ասէն Սաղմոս .

Դու ես որ հաներ զիս յարգանդէ , յոյս
 իմ ՚ի ստեանց մօր իմոյ :
 Ի քեզ անկայ ես յարգանդէ , յորովայնէ
 մօր իմոյ դու ես Աստուած իմ :

Պօղոսի առաքելոյն յերբայեցուց թղթոյն է
 ընթերցուածս :

Արդ՝ որովհետեւ մանկունք հաղորդես-
 ցին արեան և մարմնոյ , և ինքն իսկ մեր-
 ձաւորութեամբ կցորդ եղեւ նոցունց . զի
 մահուան իւրով խափանեսցէ զայն որ զեւ
 խանութիւն մահուն ունէր , այսինքն է՝
 զսատանայ . և ապրեցուսցէ զայնոսիկ որ
 մահուն երկիւղիւ հանապազ կէին վտա-
 րանդեալք ՚ի ծառայութիւն : Քանզի ոչ
 երբէք զհրեշտակաց բուռն հարկանէ . այլ
 զզաւակէն Աբրահամու բուռն հարկանէ .

ուստի պարտ իսկ էր նմա ամենայնիւ եղբարց նմանել. զի ողորմած լինիցի, և հաւատարիմ ֆահանայապետ յաստուածակոյս կողմանէ անտի, առ 'ի քաւելոյ ըզմեղս ժողովրդեանն:

Ալէլուիա ալէլուիա.

Ի բերանոց մանկանց տղայոց եւ ստրնդեայց հաստատեցեր զօրհնութիւն:

Ալէլուիա Օրթի:

Խաղաղութիւն ամենեցուն:

Եւ ընդ հոգւոյդ քում: Երկիւղածութեամբ լուարուք:

Արբոյ Աւետարանիս Յիսուսի Քրիստոսի՝ որ ըստ

Մարկոսի:

Փառք քեզ Տէր Աստուած մեր:

Պատիւով: Ասէ Աստուած:

Տէրն մեր Յիսուս Քրիստոս:

Եկն 'ի Կափառնայում. և իբրեւ եմուտ 'ի տուն, հարցանէր զնոսա, զի՞նչ վիճէիք զճանապարհայն ընդ միմեանս:

Եւ նոքա լուռ լինէին. քանզի ընդ միմեանս վիճէին 'ի ճանապարհին թէ՛ ո՞վ մեծ իցէ:

Եւ իբրեւ նստաւ՝ կոչեաց զերկոտասանսն, եւ ասէ ցնոսա. եթէ ոք կամի առաջին լինել՝ եղիցի ամենեցուն կրտսեր՝ և ամենեցուն պաշտօնեայ:

Եւ առեալ մանուկ մի կացոյց 'ի մէջ նոցա . և ընկալեալ զնա 'ի գիրկս իւր , ասէ ցնոսա . Որ միանգամ յայտալիսի մանկտուց ընկալցի յանուն իմ , զիս ընդունի . և որ զիս ընդունի , ոչ զիս ընդունի . այլ զայն որ առաքեացն զիս :

Շարական .

ԴՁ. Նոր Սիովն ծընեալ մանկո՞հէնք սո՞ւրբ անանճանալն . շնորհազարդեալ՞ էք Հոգւովն Աստուծոյ . օրհնեցէք ըզՀայրն երկնաւոր յաւուր ծնընդեալն Սրբբուհւոյ Կոնստին . յոր օրհնեցալ՞ էք յանի՞ծից նախնւոյն .

Արեամբ գառինն ննարատի՞ վերկեալ ժողովուրդք . յաւուր ծնընդեալն մօր անտանեւոյն , գովեցէք ըզմիածինն որ հաճեցա՞ւ առնուլ մարմի՞ն անսերմն 'ի նմանէ . յոր օրհնե՞ :

Յառատարողիս շնորհաց Հոգւոյն լուսազարդեալ՞ է անգգք հեթանոսաց . յաւուր ծնընդեալն մօր բանի՞ն ծնողի . զփառակից Որդւոյ զՀոգին բարեբանեցէ՞ք

հոգեւոր երգով . որ մաքրա՛նձա՛րդեալն^ն
զմարմնարան՝ Ո՛րդւոյն :

Ե- Քահանայն սաէ ՂԱՂՅԱ :

Օրհնեալ ես Տէր Աստուած ամենակալ,
եւ օրհնեալ է անբաւ գութ մարդասի-
րութեան քո , որ արժանի արարեր զճա-
ռայս քո զմատուցեալս առ քեզ լինել
հաղորդ Հոգւոյդ քո Արքայ : Եւ այժմ ա-
ղաչեմք զքեզ , ուղղեա զգնացս սորա ,
և ամրացո զսա յերկիւղ քո . զգուշացո
զսա լուսաւոր պատուիրանաց քոց , եւ
զամենայն աւուրս կենաց իւրոց խաղա-
ղութեամբ եւ առանց մեղաց պահեա :
Շնորհօք եւ մարդասիրութեամբ Տեառն
մերոյ և փրկչին Յիսուսի Քրիստոսի . ընդ
օրում օրհնեալ ես Հայր ամենակալ՝ ընդ
կենդանարար Սուրբ Հոգւոյդ , այժմ և
միշտ և յաւիտեանս յաւիտենից , ամէն :

Քարոզ :

Սուրբ Խաչիւս աղաչեսցուք զՏէր զի սո :

Աղթք :

Պահպանիչ և յոյս հաւատացելոց Քրիս :
Օրհնեալ Տէր մեր Յիսուս Քրիստոս , ամէն :
Հայր մեր որ յերկինս :

Ե- յա-ռ-ըն ու-լիւրդի վերայոցանէ Քահանայն
 շէ-գն՝ այսինքն շնորոքն . ՚ի գլխոյ նորոգ Տիրութե-
 լոյն , և սակ շԱշտն =

Տէր՝ որ լուսով գիտութեան քո առաջ-
 նորդեցեր ծառայիս քո՝ վերստին ծնանիլ
 զսա ջրով և Հոգւով Սրբով . հաստատեա
 զսա ՚ի հաւատս և ՚ի սէր քո , փրկեա զսա
 ՚ի չարէ՝ և կեցո : Շնորհօք և գթութեամբ
 միածնի Որդւոյ քո . ընդ որում օրհնեալ
 ես Հայր ամենակալ ընդ կենդանարար և
 ազատիչ Սուրբ Հոգւոյդ . այժմ և միշտ և
 յաւիտեանս յաւիտենից . ամէն :

Ե- Քահանայն լուսնայ շնոր Տիրութեալ մանուին ;
 և սակ շԱշտն =

Որ զերծումն ՚ի մեղաց մկրտութեամբ
 սուրբ Աւազանին ՚ի ձեռն ծառայիս քո
 պարգեւեցեր . և այժմ աղաչեմ զքեզ Տէր ,
 զլոյս երեսաց քոց ծագեա ՚ի սիրտս սորա .
 սպառազինեա զսա հաւատով ընդդէմ հա-
 կառակորդին . ՚ի վերայ վիմի պատուիրա-
 նաց քոց հաստատեա զսա . և զգեստ ա-
 նապականութեան սորա յամենայն մեղաց
 աղտեղութենէ արա անբիծ և անարատ ,

և զդրոշմ Հոգւոյդ Սրբոյ մինչեւ յաւուր
ահեղ դատաստանին ամբողջ պահեա . եւ
քաւիչ լեր մեզ ըստ բազում գթութեան
քում : Զի բարերար եւ մարդասէր ես
Աստուած գոլով . եւ մեք փառս մատու
ցանեմք Հօր և Որդւոյ և Հոգւոյդ Սրբոյ ,
այժմ և միշտ և յաւիտեանս յաւիտենից ,
ամէն :

Խաղաղութիւն ամենեցուն :

Որ զգեցաւ զքեզ՝ զՏէրդ և զԱստուածդ
մեր , եւ խոնարհեցոյց քեզ զգլուխս իւր .
պահեա անյաղթելի ՚ի պատերազմաց հը-
պարտացեալ թշնամոյն , եւ քո անապա-
կան պսակաւդ մինչեւ ցվախճան յաղթող
զամենեսեան ցոյց : Զի քո է ողորմիլ եւ
կեցուցանել զմեզ՝ Քրիստոս Աստուած
մեր . և քեզ փառս վերառաքեմք ընդ Հօր
եւ ամենասուրբ Հոգւոյդ , այժմ եւ միշտ
և յաւիտեանս յաւիտենից , ամէն :

Ե- Բարխրայոցեալ զգլուխ մանկանն , և առեալ
ջո՛ւր՝ լո՛ւանայ զէրեսս նորա , ասելով .

Արդարացար , սրբեցար , զօրացիր , յա-
նուն Հօր և Որդւոյ և Հոգւոյն Սրբոյ , այժմ
և միշտ և յաւիտեանս յաւիտենից , ամէն :

Իսկ յեօ չառասոռան առաջ գան 'ի շոռան
 Եկեղեցոյն . և մայրն չառասոռան ծոռնը իրինէ ,
 և առնոս շաղայն 'ի գիրին : Եւ Քահանայն
 աւէ շաղայն :

Տէր Աստուած մեր , սթ եկիր 'ի փրկու-
թիւն ազգի մարդկան , նայեա 'ի վերայ
ազախնոյս քո այսորիկ . եւ տուր սմա՝ ա-
պաւինիլ 'ի սուրբ կաթուղիկէ եւ առա-
քելական Եկեղեցի քո . եւ արժանացո
զսա մտանել 'ի Տաճար սուրբ քո , և հա-
ղորդիլ փրկական Մարմնոյ և Արեան քո :
Ի բաց լուա զաղտ մարմնոյ և զքիծ հոգւոյ
սորա 'ի լրումն կատարման քառասնօրեայ
աւուրցս . եւ սրբեա զսա 'ի ձեռն պատ-
ուական ուխտի Քահանայիցս . եւ արժա
նացո մտանել 'ի սրբութիւն փառաց քոց .
և վայելել զանսպառ բարիսն որ 'ի քէն :
Եւ քեզ վայելէ փառք եւ իշխանութիւն
յաւիտեանս , ամէն :

Իսաղաղութիւն ամենեցուն :

Որ նորոգութիւնդ ես հնացելոց , եւ
կեանք՝ մահկանացու ազգի մարդկան . դու
ես զօրութիւն եւ օգնութիւն ապաւինել

լոցս 'ի քեզ : Հաստատուն լիցի շնորհք ուղորմութեան քո 'ի վերայ տղայիս , որ եկեալ կայ քառասնօրեայ յերկրպագութի սուրբ Տաճարիդ . զի եղիցի հզօր և աներկիւղ 'ի Թշնամւոյն ներգործութենէ՝ պահպանութեամբ աջոյդ քո սրբոյ . զի դու ես մերձ յամենեսին՝ և բարերար ամենեցուն : Պահեա զսա եւ սրբեա ճշմարտութեամբ քով . և արժանացո ընդունիլ զՄարմին և զԱրիւն քո Սուրբ , եւ զառհաւատչեայ Հոգւոյդ Սրբոյ :

Աղաչեմք զքեզ Տէր , զի եկեսցէ 'ի սահողի սուրբ , հիգի հեղութեան , հողի ճշմարտութեան , հողի որդեգրութեան . լինել անբիծ և անարատ , պսակիլ խաչիւ քով ընդ աջմէ քումմէ յարքայութեանդ երկնից . եւ քեզ ընդ Հօր և Սուրբ Հոգւոյդ վայելէ փառք իշխանութիւն և պատիւ , այժմ և միշտ և յաւիտեանս յաւիտենից , ամէն :

Ե- Գրանէն յԵկեղեցին ասելով .

Մտից առաջի սեզանոյ Աստուծոյ առ Աստուած , որ ուրախ առնէ զմանկութիւն իմ :

Դատ արա ինձ , Աստուած , և իրաւ արա
ինձ 'ի դատաստանի իմում :

Յազգէ որ ոչ է սուրբ , 'ի մարդոյ մեղա-
ւորէ նենգաւորէ փրկեա զիս :

Դու , Աստուած հզօրիչ իմ ես , ընդէր
մոռացար զիս , ընդէր տրտում գնամ ես
'ի նեղել թշնամոյ իմոյ :

Առաքեա , Տէր , զլոյս քո եւ զճշմարտու-
թիւն քո , զի առաջնորդեսցեն ինձ , և հան-
ցեն զիս 'ի լեառն սուրբ և 'ի յարկս քո :
Մտից առաջի սեղանոյ Աստուծոյ առ Աս-
տուած , որ ուրախ առնէ զմանկութիւն
իմ :

Խոստովան եղէց քեզ օրհնութեամբ Աս-
տուած Աստուած իմ :

Արդ՝ ընդէր փրտում, ես անձն իմ , կամ
ընդէր խռովես զիս . յուսա առ Աստուած ,
խոստովանեա նմա . փրկիչ երեսաց իմոց
Աստուած է :

Փառք Հօր և Որդւոյ և : Արժմ և միշտ և :

Քարոզ :

Սուրբ եկեղեցեաւս աղաչեսցուք զՏէր՝
զի սովաւ փրկեսցէ զմեզ 'ի մեղաց , և կե-
ցուսցէ շնորհիւ ողորմութեան իւ :

Առթք :

Ի մէջ տաճարիս , և առաջի աստուածընկալ և պայծառացեալ սուրբ նշանացս , և սուրբ Սեղանոյս՝ խոնարհեալ երկիւղիւ երկիրպագանեմք . զսուրբ և զհրաշալի և զյաղթող զՅարուժիւնդ քո փառաւորեմք . և քեզ մատուցանեմք զօրհնութիւն և զփառս ընդ Հօր և ընդ Սրբոյ Հոգւոյդ , այժմ և միշտ և յաւիտեանս յաւիտենից , ամէն .

Ե- Կանի զէպ ՚ի Խորանն՝ ասելով Շարական :

Առ . Մարմնացեալդ ՚ի Կուսէն նախայաւիտեան բանդ , այսօր ՚ի Տաճարն եկիր կատարել զօրէնս վասըն փրկիւթեան հեթանոսաց :

Ո՛ր յանարուեստ աթոռ նըստիս բարեբանեալդ ՚ի հրբեշտակաց . այսօր ՚ի Սիմէօնի բառնալով ՚ի գիրկս . որ ընծայեսցես ըզմեզ ՚ի կեանսրդ յաւիտենից :

Որ արձակիչդ ես կապելոց պարգեւատու ամենեցուն . այսօր հայցմամբ Մերունուոյն արձակեա՛ եւ զիս ըզբազմա-

մե՛ղս 'ի կապա՛նաց մահո՛ւ 'ի կեա՛նսըդ
յա՛ւիտե՛նից :

Ալէլուիա Օրթի :

Խաղաղութիւն ամենեցուն :

Եւ ընդ հոգւոյդ քու՛մ : Երկիւղածութեամբ լուարուք :

Սրբոյ Աւետարանիս Յիսուսի Քրիստոսի՝ որ ըստ
Դուկասու :

Փառք քեզ Տէր Աստուած մեր :

Պաշխու՛մէ : Ասէ Աստուած :

Վասն քառանօրեայ գալստեան Տեառն մերոյ Յիսուսի
Քրիստոսի :

Եւ իբրեւ լցան աւուրք սրբութեան նո-
յա ըստ օրինացն Մովսէսի, ածին զնա
յերուսաղէմ՝ յանդիման առնել Տեառն,
որպէս և գրեալ է յօրէնս Տեառն, թէ
ամենայն արու որ բանայ զարգանդ՝ սուրբ
Տեառն կոչեսցի :

Եւ տալ սլատարագս՝ ըստ ասացելոյն յօ-
րէնս Տեառն, զոյգս տատրակաց, կամ
երկուս ձագս աղաւնեաց :

Եւ ահա՛ էր այր մի յերուսաղէմ, որոյ
անուն էր Աիմէոֆն . և էր այրն այն ար-
դար և երկիւղած, և ահն ունէր մխիթա-

բուժեանն Իսրայէլի , և հոգի սուրբ՝ էր
 'ի նմա :

Եւ էր նորա հրաման առեալ 'ի Հոգւոյն
 Սրբոյ՝ մի տեսանել զմահ , մինչեւ տեսցէ
 զօծեալն Տեառն . և եկն հոգւովն 'ի Տա-
 ճարն :

Եւ իբրեւ ածին ծնողքն զմանուկն Յի-
 սուս , առնել նոցա ըստ սովորութեան
 օրինացն 'ի վերայ նորա . եւ նա՝ առ ըն-
 կալաւ զնա 'ի գիրկս իւր , եւ օրհնեաց
 զԱստուած , և ասէ . Արդ՝ արձակես զճա-
 ռայս քո , Տէր , ըստ բանի քում 'ի խաղա-
 ղութիւն , զի տեսին աչք իմ զգիրկութիւն
 քո , զոր պատրաստեցեր առաջի ամենայն
 ժողովրդոց :

Լոյս 'ի յայտնութիւն հեթանոսաց , եւ
 փառս ժողովրդեան քում Իսրայէլի :

Եւ էին հայրն և մայր նորա զարմացեալ
 'ի վերայ բանիցն , որ խօսէին զնմանէ :
 Եւ օրհնեաց զնոսա Միմէովն , և ասէ ցը-
 Մարիամ մայր նորա . ահա սա կայ՝ 'ի
 գլորումն և 'ի կանգնումն բազմաց 'ի մէջ
 Իսրայէլի , և 'ի նշան հակառակութեան .
 և ընդ քո իսկ անձն անցցէ սուր . զի յայտ-
 նեսցին 'ի բազում սրտից խորհուրդք :

Ե- սէ շէշիւն սաւջի Խորանին :

Տէր մեր Յիսուս Քրիստոս , որ կեցեալ զաւուրս քառասուն՝ ըստ օրինացն Մովսէսի , եկիր ՚ի Տաճարն ՚ի յընծայումն՝ հանդերձ Մարիամաւ մարբն քով , և ՚ի գիրկսն Սիմէոնի գգուեցար : Աղաչեմք և խնդրեմք ՚ի քէն , պահեա զտղայս զայս , և աճեցո շնորհօք՝ անտեսանելի զօրութեամբ քով . և արժանի արա զսա մասին ժառանգութեան ընտրելոց քոց , և պահպանիլ ընդ հովանեաւ աջոյ քո : Եւ քեզ ընդ Հօր և Սուրբ Հոգւոյդ սոյժմ և միշտ և յաւիտեանս յաւիտենից , ամէն :

Ե- սի Շարական :

ԳԶ. Աստուածածին երկնային դճուն աստուածային ձայնիւն աւետարանէր հրեշտակն . ուրախ լեր բերկրեալդ Տէր ընդ քեզ :

Ի քերովբէս բազմեալ ընդ Հօր անապահանաբար բնակիլ հաճեցաւ ՚ի քում յորովայնի . ուրախ լեր :

Որ բոցեղէն սրովբէիւք շքրջափակեալ պա-

հիւր , այսօր 'ի՛ մէջ մանրդկան 'ի գիրկըս
հողեղը՛նի յայտնեալ . ուրախ լեր :

Եւ այս Բահանայն քանի զպղայն 'ի Խորանն՝
Լ ասէ .

(Այս անուն) ծառայս Քրիստոսի , եկեալ
յերկրպագութիւն . Երկրպագէ սուրբ Խո-
րանիս , երկրպագէ սուրբ Սեղանոյս . եր-
կրպագէ սուրբ Աւագանիս . որ մերկա-
ցաւ զանօրէնութիւն , եւ զգեցաւ զլոյս
աստուածգիտութեան :

Քարոզ :

Սուրբ Խաչիւս աղաչեսցուք զՏէր զի սո :

Ազօթ :

Պահպանիչ և յոյս հաւատացելոց Քրիս .
Օրհնեալ Տէր մեր Յիսուս Քրիստոս , ամէն .
Հայր մեր որ յերկինս :



Կ Ա Ն Ո Ն

ԿՈՒՍԻ ՊՍԱԿԻՆ

Հ Ա Լ Ա Ի Օ Ր Հ Ն Է Ք

Նախ չան զատենայն բերեն զհալանն առաջի Բահա
նային . և Սարկաագին սակ . Ե- Ե-ս Խաղաղ- :
և Բահանայն . Օրհնո-լի-ն և Կառ-չ Հօր և Որդ .
և Խո-նկ արիանէ և սակ Շարահան :

ԲԿ . Այսօր երկնայինքն ուրախանցան
ընդ երկրաւորացս , նորոգման . քանզի
նորոգողն էից Հոգին էջ ՚ի սուրբ վեր-
նատունն . սրով նորոգեցալն դասք
առաքելոցն .

Այսօր հողանիւթեայ բնութիւնս ցըն-
ծայ ընդ Հօր հաշտութեան . քանզի որ
եբարձ զՀոգին ՚ի մարդկանէ մարմին
եղելոց , գարձեալ վերջստիւն ըզնոյն
պարգեւէ :

Այսօր մանկո՞ւնք եկեղեցւոյ տօնե՛ն ցըն-
ծութեամբ զգա՛լուստ Սուրբ Հոգւոյն . ո՞-
րով զարդարեցան ՚ի զգեստըս լուսափայլս
և գերա՛սպայծառս . երգեն ընդ սրճվբէ՛սն
զերեքսըրբենի՛ն .

Ո՛ր զմիաբանեալսն յաշտարակին բաժան-
մամբ լեզուացըն քակեաց . այսօր ըզբա-
ժանեա՛լ լեզո՞ւս ազգաց միաբանեաց դար-
ձեա՛լ ՚ի սո՛ւրբ վերնատունն . ամե՛նայն
հոգիք օրհնեցէ՛ք զՀոգին Աստուծոյ :

Ո՛ր էջ Հոգին Տեառն ե՛ւ առաջնորդեաց
երկոտամսան ցեղիցն Ի՛սրայելի ՚ի յանա-
պատին . այսօր երկոտամսան առաքելոցն
առաջնորդէ՛ ՚ի յԱւետարանն . ամե՛նայն
հոգիք օրհնե՛ :

Որ ելլեց Հոգին Տեառն ըզԲե՛սելիէ՛լ ճար-
տարապետ խորանին . այսօր շինէ զմար-
դիկ խորան սուրբ Յ՛րրորդութեանն .
ամե՛նայն հոգիք օրհնե՛ :

Մայր լուսոյն Մարի՛ամ անհամբանացեա՛լ,
օրհնեա՛լդ ՚ի կանայս :

Զլոյսն անըստուե՛ր յարգանդի կրեցե՛ր,
օրհնեա՛լդ ՚ի .

Մի՛ գանգաբեր վասըն մեր բարեխօսե՛լ,
օրհնեալդ ՚ի :

Ի՞ վերայ վիմի՛ հաւատոյ շննեցեր ըզքո՛
սուրբ զեկեղեցի . ըզս՛ պահեա՛ ՚ի խա-
ղաղութեանն :

Ո՞ր շնորհեցեր ողորմութիւն ՚ի բնակարա-
նրս հրեշտակաց եւ մարդկան քաւարան .
տուր սրմա զանշարժ քո՛ զխաղաղութիւնն .
Ի՞ տաճարի՛ փառաց սըրբութեանն քո՛
քեզ երգեն մանկունք . տուր սոցա զա-
ռստ քո՛ զողորմութիւնն :

Փառք Հօր և Որդւոյ և :

Միրոյ՛ անմահ փեսային եղեր դո՛ւ մայր
Մարիամ . բարեխօսեա վասըն մեր ՚ի
յայնմ աւուր՝ ահեղի՛ն :

Աղօթք :

Օրհնեա քրիստոս Աստուած մեր՝ հոգե-
ւոր օրհնութեամբ զհալաւս զայս հարսա-
նեաց . զի որ զգեցցին զսա , մի՛ իշխեսցէ
մերձենալ ՚ի սոսա չար աղանդ դիւաց
կամ կախարդաց : Այլ ամրացեալ զօրու-
թեամբ սուրբ Խաչի քո , փրկեսցին յա-
մենայն որոգայթից սատանայի . Եւ քեզ

վայելէ փառք իշխանութիւն եւ պատիւ ,
այժմ և միշտ և յաւիտեանս յաւիտենից ,
ամէն :

Քարոզ :

Սուրբ Խաչիւս աղաչեսցուք զՏէր՝ զի սո :

Աշոթք :

Պահպանիչ և յոյս հաւատացելոյ Քրիս :
Օրհնեալ Տէր մեր Յիսուս Քրիստոս , ամէն .
Հայր մեր որ յերկինս :

Եւ սպա երկան ՚ի քուն հարսին , և բերէն զհարսն
սա իեսայն , և առնուա Քահանայն զաջ յեռն Հար-
սին և քայ յաջ յեռն Փեսային և սսէ .

Առեալ զձեռն եւայի՝ տուեալ ՚ի յաջն
Ադամայ , և սսէ Ադամ . այս այժմ ոսկր
յոսկերաց իմոց , եւ մարմին ՚ի մարմնոյ
իմոյ . սա կոչեսցի կին , զի յառնէ իւրմէ
առաւ :

Վասն այսորիկ թողցէ այր զհայր իւր և
զմայր իւր , և երթիցէ զհետ կնոջ իւրոյ .
և եղիցին երկոքեան ՚ի մարմին մի . Արդ՝
զոր Աստուած զուգեաց մարդ մի մեկ
նեսցէ :

Շարական :

ԳԿ. Նայեա՛ն 'ի մեզ ե՛ւ յղորմեա մեզ
Քրիստոս . որ ո՛ւննիս բազում գը՛թութիւնն .
Ո՛ր Հայրդ ես որբոց ե՛ւ դպտաւոր այ-
րեաց Քրիստոս . որ ո՛ւն :

Որ պրսակիչդ ես սրբոց . լո՛ւր եւ մե՛զ
աղօթիւք սոցա՛ Քրիստոս . որ ո՛ւն :

Մայր և կոյս աղախին Քրիստոսի մը բա-
րեխօսդ ես միշտ աշխարհի՛ . քե՛զ երա-
նե՛ն ամենայն աղի՛նք :

Մաքո՛ւր աղաւնի՛ և հարսն երկնից Մա-
րի՛ամ , տաճա՛ր և աթո՛ռ Աստո՛ւծոյ բա-
նի՛ն . քե՛զ երանե՛ն ամե՛ն :

Քե՛ւ հաճեցան իմանալիքն ընդ հողե՛-
ղէնքս , ե՛ւ քե՛ւ մերձեցա՛ք 'ի փայտն կե-
նաց . քե՛զ երանե՛ն ամե՛ն :

Յաղթո՛ղ և զնոր օրհնո՛ւթիւն միշտ 'ի
բարձունս ե՛րգեսցուք թագա՛ւորին
Քրիստոսի հաւատացեալ ժողովո՛ւրդք :

Ո՛ր եկն 'ի լուսաւօրել զընտրեալ սուրբ
ղեկեղեցի . եւ պը՛սակեաց սուրբ խա՛-
չիւն , նրմա՛ ըզփառս ե՛րգեսցուք :

Փառք Հօր և Որդւոյ և :
Այսօր և մեր տօնեսցուք զնաւակատիս
սո՛ւրբ Խաչին . և փրկողին մատովս
ցուք փառք ե՛ւ պատիւ յա՛ւիտեան :

Աղօթք :

Տէր Աստուած յաւիտենական , որ զան-
զոյգս և զբացորոշեալս զուգակցես միա-
ւորութեամբ , եւ կապես անբակտելի :
Որպէս օրհնեցեր զԻսահակ և զՌեբեկ ,
և ժառանգ զնոսա քո աւետեացն երեւե-
ցուցեր : Դու Տէր օրհնեա զծառայս և
զաղախինս քո , առաջնորդելով նոցա ՚ի
գործս բարիս , ողորմած և մարդասէր Տէր
Աստուած մեր : Եւ քեզ վայելէ փառք
իշխանութիւն և պատիւ , այժմ և միշտ
և յաւիտեանս յաւիտենից , ամէն :

Քարոզ :

Սուրբ Խաչիւս աղաչեսցուք զՏէր զի սո :

Աղօթք :

Պահպանիչ և յոյս հաւատացելոց Քրիս :
Օրհնեալ Տէր մեր Յիսուս Քրիստոս , ամէն :
Հայր մեր որ յերկինս ես :

Ե- ապա երբեք ՚ի Դոմոն Եկեղեցոյն . և Հարսն
 և Փեւայն երեք ծոռնը կրկնեն . և Քաւանայն
 Խոստովանեցոցանէ զնոսա , և ապա ոլորէ զնարօպն :
 Երբ զՓեւայնն նարօպն ոլորէ՝ ասէ .

Տէր ՚ի զօրութեան քում ուրախ եղիցի
 Թագաւորն , ՚ի փրկութեան քում ցըն-
 ծասցէ յոյժ :

Ե- երբ զՀարսին նարօպն ոլորէ՝ ասէ .

Տարցին Թագաւորի կուսանք զհետ նո-
 րա . և զընկերս նորա տարցին նմա :

Ե- ապա Կայ ընդն ՚ի յեռն՝ և ասէ .

Առեալ զձեռն Եւայի՝ տուեալ ՚ի յաջն
 Ադամայ , և ասէ Ադամ . այս այժմ ոսկր
 յոսկերաց իմոց , եւ մարմին ՚ի մարմնոց
 իմոց . սա կոչեսցի կին , զի յառնէ իւրմէ
 արաւ :

Ե- ապա ասէ շերտար :

Տեսէք որդեակք , աստուածային հրա-
 մանաւն՝ եւ կանոնիւք սուրբ Հայրապե-
 տացն եկեալ էք ՚ի սուրբ Եկեղեցիս պը-
 սակիլ օրինօք ՚ի սուրբ ամուսնութիւն .
 Աստուած զձեզ միաբան սիրով պահեա-

ցէ, ՚ի խոր ծերութիւն հասուցէ, եւ անթառամ պսակին արժանացուցէ : Ապա տեսէք, որ յաշխարհիս վերայ պէս պէս փորձութիւնք կան. թէ հիւանդութիւն, եթէ աղքատութիւն, և թէ այլինչ նեղութիւն. Աստուած զձեզ յամենայն փորձութենէ հեռի պահեսցէ : Բայց Աստուծոյ հրամանն այս է, որ դուք երկոքեանդ մինչեւ ՚ի մահ միմեանց օգնութիւն պարտիք ընել :

Ե- նախ հարցանէ Փետային երիցս անգամ :

Որդեակ իմ, մինչեւ ՚ի մահ տէ՞ր ես :

Ե- Փետայն ասէ .

Այո՛ Հայր սուրբ, տէր եմ հրամանաւն Աստուծոյ :

Ե- ապա հարցանէ Հարսին երիցս անգամ :

Որդեակ իմ և դու մինչեւ ՚ի մահ հնազանդ ես :

Ե- Հարսն ասէ .

Այո՛ Հայր սուրբ, հնազանդ եմ հրամանաւն Աստուծոյ :

Ե- սսէ Բահանայն .

Այս բանիս վկայ՝ Աստուած է , որ անե-
րեւութասպէս 'ի վերայ սուրբ Սեղանոյս
բաղմեալ է : Այլ և մեր պահապան հրեշ-
տակքն , այս սուրբ Եկեղեցիս , սուրբ Խաչս
և սուրբ Աւետարանս . դասք Քահանայից ,
և երամք ժողովրդոց . սոքա ամենեքեան
վկայ լինին մի :

Ե- նոյա սսէն .

Այ՛ն Հայր սուրբ , վկայ թող լինին :

Ե- սսէ Բահանայն .

Աստուած 'ի մէջ սոցա , և սոքա մի սա-
սանեսցին . օգնեսցէ սոցա Աստուած 'ի
վաղորդենէ մինչեւ 'ի վաղորդայն :

Մասնէն յԵկեղեցին , ի սսէն Ժամամոս :

Զխաղաղութիւն շնորհեա Եկեղեցւոյ քում
սրբոյ , զխաղաղութիւն եւ զանշարժու-
թիւն 'ի թշնամեաց պատերազմէ . և հաս-
տատեա 'ի մի հաւատ զկաթուղիկէ Եկե-
ղեցի . զքեզ խոստովանիմք Տէր եւ Աստ-
ուած կեցո զմեզ :

Շարահան :

ԳԶ . Ուրախ լեր սուրբ Եկեղեցի , քանզի

Քրիստոս անբայն երկնից այսօր պըսակեաց ըզքեզ խաչելն իւրով. եւ զարդարեաց զամուրըս քով սքանչելի փառօքն իւրովք :

Խընդա յոյժ դուստր Սիոնի . քանզի երկիրս երկինք եղեն այսօր վերըստին քո նորոգմամբ և թանգաւորն երկնաւովք հաճեցաւ բընակել ՚ի քեզ :

Ընդ դասս երկնաւոր զօրացըն վեր աւեալ տօնեմք քեզ այսօր զանդադար փառատրութիւնս . ուրախ լեր հարսն անարատ անբըննին քո խորհրդով :

Փառք Հօր և Որդւոյ և :

Ուրախ լեր բերկեա հարսնացեալ սուրբ Եկեղեցի , պայծառացո զմանկունըս քո յօրհնաբանութիւն ծագողին ըզշղ լուսոյ ՚ի քեզ մայր Եկեղեցի :

Պատիւ :

Սուրբ Աստուած՝ սուրբ եւ հզօր , սուրբ և անմահ , որ մարմնացար վասն մեր ողորմեա մեզ :

Քարոզ :

Եւ եւս խաղաղութեան զՏէր աղաչեսցուք :

Վասն խաղաղութեան ամենայն աշխարհի՝ և հաստատութեան սրբոյ Եկեղեցւոյ .

զՏէր աղաչեսցուք :

Վասն ամենայն սուրբ եւ ուղղափառ եւ պիսկոպոսաց՝ զՏէր աղա :

Վասն հայրապետին մերոյ տեառն (այս անունն) կենաց՝ և փրկութեան հոգւոյ նորին՝ զՏէր աղա :

Վասն վարդապետաց՝ քահանայից՝ սարկաւազաց՝ դպրաց՝ և ամենայն ուխտի մանկանց եկեղեցւոյ՝ զՏէր աղա :

Վասն բարեպաշտ Թադաւորաց եւ աստուածասէր իշխանաց՝ զօրավարաց և զօրաց նոցին , զՏէր աղա :

Եւ եւս միաբան վասն ճշմարիտ և սուրբ : Զանձինս մեր և զմիմեանս Տեառն Աստուծոյ : Ողորմեաց մեզ Տէր Աստուած մեր ըստ :

Տէր ողորմեա՛ , Տէր ողորմեա՛ , Տէր ողորմեա՛ :

Զի ողորմած և մարդասէր ես Աստուած գոլով և քեզ վայելէ փառք իշխանութիւն և պատիւ այժմ և միշտ և յաւի :

ԱԷԼՈՒԿԱ ԱԷԼՈՒԿԱ .

Տէր , 'ի զօրութեան քում ուրախ եղիցի
 Թագաւորն , 'ի փրկութեան քում ցնծաս-
 ցէ յոյժ :

Զցանկութիւն սրտի նորա ետուր նմա ,
 եւ զկամս շրթանց նորա ոչ արգելեր 'ի
 նմանէ :

Ժաման արարեր զնա յօրհնութիւն քաղց-
 րութեան քոյ , եւ եղեր 'ի գլուխ նորա
 պսակ 'ի քարէ պատուականէ :

Կեանս խնդրեաց 'ի քէն , եւ ետուր նմա
 ընդ երկայն աւուրս , յաւիտեանս յաւի-
 տենից :

Մեծ են փառք նորա 'ի փրկութեան քում ,
 զփառս մեծվայելչութեան քո դիցես 'ի
 վերայ նորա :

Տացես զնա յօրհնութիւն յաւիտեանս յա-
 վիտենից , և ուրախ արասցես զնա յու-
 րախութիւն երեսաց քոց :

Թագաւոր յուսացաւ 'ի Տէր , յողորմու-
 թենէ Բարձրելոյն նա մի սասանեսցի :

Գտցի ձեռն քո 'ի վերայ թշնամեաց քոց ,
 և աջ քո գտցէ զամենայն ատելիս քո :

Դիցես զնոսա որպէս հնոց 'ի հուր' 'ի ժա-
 մանակի երեսաց քոց :

Տէր բարկութեամբ իւրով խռովեցուցէ
 զնոսա, և հուր կերիցէ զնոսա:

Պտուղ նոցա յերկրէ կորիցէ, եւ զաւակ
 նոցա յորդուոց ՚ի մարդկանէ:

Խոտորեցան ՚ի քէն չարութեամբ, խոր-
 հեցան զխորհուրդ զոր ոչ կարասցեն հաս-
 տատել:

Արասցես զնոսա հալածեալս, ՚ի մնացուածս
 քո պատրաստեսցես զերեսս նոցա:

Բարձր լեր, Տէր, ՚ի զօրութեան քում.
 օրհնեսցուք, և սաղմոս ասասցուք ՚ի զօ-
 րութեան քում:

Ընթերցուածս ՚ի Մենդոց:

Եւ ասաց Աստուած. արասցուք մարդ ըստ
 պատկերի մերում եւ ըստ նմանութեան,
 և իշխեսցէ ձկանց ծովու, և թռչնոց երկ-
 նից, եւ ամենայն անասնոց, եւ ամենայն
 սողնոց որք սողին ՚ի վերայ երկրի:

Եւ արար Աստուած զմարդն ՚ի պատկեր
 իւր, ըստ պատկերի Աստուծոյ արար զնա:

Դարձեալ ՚ի Մենդոց:

Եւ էարկ Տէր Աստուած թմրութիւն
 ՚ի վերայ Ադամայ, և ննջեաց. և էառ մի
 ՚ի կողից նորա՝ և ելից ընդ այնր մարմին:

Եւ շինեաց Տէր Աստուած զկողն զոր էառ
 յԱդամայ՝ ՚ի կին, և էած զնա առ Ադամ:
 Եւ ասէ Ադամ. այս այժմ ոսկր յոսկերաց
 իմոց, եւ մարմին ՚ի մարմնոյ իմոյ. սա
 կոչեսցի կին զի յառնէ իւրմէ առաւ:
 Վասն այնորիկ թողցէ այր զհայր իւր՝ և
 զմայր իւր, և երթիցէ զհետ կնոջ իւրոյ.
 և եղիցին երկոքեան ՚ի մարմին մի.

Ընթերցուածս յԵսայեայ մարգարէէ:

Եւ ծանիցի ՚ի մէջ ազգաց զաւակ նոցա,
 և ծնունդք նոցա ՚ի մէջ ժողովրդոց. ամե-
 նեքին որ տեսանիցեն՝ ճանաչիցեն զնոսա՝
 և ասիցեն թէ սոքա են զաւակք օրհնեալք
 յԱստուծոյ. եւ ուրախութեամբ ուրախ
 եղիցին ՚ի Տէր:

Տնծասցէ անձն իմ ՚ի Տէր, զի զգեցոյց
 ինձ հանդերձ փրկութեան եւ պատմու-
 ճան ուրախութեան, իբրեւ փեսայի եղ-
 ինձ պսակ, և իբրեւ հարսն զարդու զար-
 դարեաց զիս:

Եւ իբրև երկիր որ աճեցուցանէ զծաղիկս
 իւր, և իբրեւ զպարտէզ որ բուսուցանէ
 զսերմանիս իւր. այնպէս ծագեսցէ Տէր
 զարդարութիւն իւր եւ զքնծութիւն ա-
 ռաջի ազգաց:

վասն Սիօնի ոչ լռեցից, և վասն Երուսաղէմի ոչ ներեցից. մինչեւ ծագեսցէ իբրև զլոյս արդարութիւն նորա, և փրկութիւն նորա իբրեւ զփայլակն վառեսցի. և տեսցեն հեթանոսք զարդարութիւն քո, եւ թաղաւորք զփառս քո. և կոչեսցի՞ քեզ անուն նոր, զոր Տէր անուանեսցէ:

Եւ եղիցիս սլասկ վայելչութեան ՚ի ձեռին Տեառն, և թագ արքայութեան ՚ի ձեռին Աստուծոյ քոյ, և ոչ եւս կոչեսցիս լքեալ, և երկիրն քո ոչ եւս կոչեսցի աւերակ. զի քեզ անուն կոչեսցին կամք իմ, և երկրին քում շինութիւն բնակութեան. զի հաճեսցի Տէր ընդ քեզ, և երկիրն քո խրոնեսցի ՚ի բնակութիւն:

Զոր օրինակ բնակեսցի երիտասարդ ընդ կուսի՝ այնպէս բնակեսցին որդիք քո ՚ի քեզ. եւ եղիցի՝ զոր օրինակ ուրախ լինի փեսայ առ հարսին իւրում, այնպէս ուրախ լիցի Տէր ՚ի քեզ:

Եւ ՚ի վերայ պարսպացն քոց, Երուսաղէմ, պահապանս կացուցից զօրն ողջոյն և զգիշերն ամենայն, որ մինչեւ ցայգ մի դադարեսցին յիշել զՏէր. զի ոչ գոյ նման քեզ:

Պօզոսի առաքելոյն յԵփեսացւոց թղթոյն է
ընթերցուածս :

Կանայք իւրեանց արանց հնազանդ լիցին
իբրեւ տեառն . զի այր է գլուխ կնոջ , որ-
պէս և Քրիստոս գլուխ է Եկեղեցւոյ , և
ինքն է Փրկիչ մարմնոյ :

Այլ որպէս Եկեղեցին հնազանդ լինի Քրիս-
տոսի , նոյնպէս և կանայք իւրեանց արանց
յամենայնի :

Առք , սիրեցէք զկանայս ձեր , որպէս եւ
Քրիստոս սիրեաց զԵկեղեցի , եւ զանձն
իւր մատնեաց վասն նորա , զի զնա սրբ-
բեացէ սրբութեամբ Աւազանին բանիւ .
զի կացուսցէ ինքն իւր յանդիման փառա-
ւոր զեկեղեցի , զի մի ունիցի ինչ արատ .
կամ աղտեղութիւն , կամ այլ ինչ յայն-
պիսեաց . այլ զի իցէ սուրբ և անարատ .
Նոյնպէս պարտին արք սիրել զիւրեանց
կանայս՝ որպէս զիւրեանց մարմինս . որ
սիրէ զկին իւր , զանձն իւր սիրէ :

Զի ոչ սք երբէք ատեայ զանձն իւր , այլ
սնուցանէ եւ դարմանէ զնա , որպէս եւ
Քրիստոս զԵկեղեցի . զի անդամք եմք մար-
մնոյ նորա , ՚ի մարմնոյ նորա և յօսկերաց
նորա :

Վասն այսորիկ թողցէ այր զհայր իւր եւ
 զմայր իւր, և երթիցէ զհետ կնոջ իւրոյ,
 և եղիցին երկօքին ՚ի մարմին մի:

Խորհուրդս այս մեծ է, բայց ես ասեմ
 ՚ի Քրիստոս եւ յԵկեղեցի. ԱՅԼ և դուք
 նոյնպէս մի ըստ միջէ. զի իւրաքանչիւր
 ոք զիւր կին այնպէս սիրեսցէ՝ իբրև զիւր
 անձն. և կին երկնչիցի յառնէ իւրմէ:

Ալէլուիա ալէլուիա.

Կացցէ դշխոյ ընդ աջմէ քուամէ, ՚ի հան-
 դերձս ոսկեհունուս զարդարեալ եւ պա-
 ճուճեալ:

Ալէլուիա Օրթի:

Խաղաղութիւն ամենեցուն:

Եւ ընդ հոգւոյդ քում: Երկիւղածութեամբ լուարուք:

Արքայ Աւետարանիս Յիսուսի Քրիստոսի՝ որ ըստ
 Մատթէոսի:

Փառք քեզ Տէր Աստուած մեր:

Պաշտումէ: Ասէ Աստուած:

Ընդ Տեառն մերոյ Յիսուսի Քրիստոսի:

Եւ գնացին զհետ նորա ժողովուրդք բա-
 ղումք, և բժշկեաց զնոսա անդ:
 Եւ մատուցեալ առ նա փարիսեցիքն, փոր-
 ձէին զնա՝ եւ ասէին. եթէ արժան իցէ

ուձմեք արձակել զկին իւր ըստ ամենայն
մնասու :

Պատասխանի ետ նոցա՝ եւ ասէ . շիցէ՞
ընթերցեալ ձեր՝ թէ որ հաստատեացն
'ի սկզբանէ՝ արու և էգ արար զնոսա՝ եւ
ասէ . վասն այսորիկ թողցէ այր զհայր և
զմայր՝ և երթիցէ զհետ կնոջ իւրոյ , և ե-
ղիցին երկոքեան 'ի մարմին մի :

Ասլա ուրեմն ոչ են երկու , այլ մի մար-
մին . արդ՝ զոր Աստուած զուգեաց մարդ
մի մեկնեաց :

Ասեն ցնա . իսկ Մովսէս ընդէր պատուի-
րեաց մեզ տալ թուղթ մեկնելոյ՝ և ար-
ձակելոյ :

Ասէ ցնոսա Յիսուս . Մովսէս վասն խըս-
տասրտութեան ձերոյ հրամայեաց ձեզ
արձակել զկանայս ձեր , այլ 'ի սկզբանէ
ոչ եղեւ այնպէս :

Բայց ասեմ ձեզ , զի ամենայն որ արձակէ
զկին իւր՝ և ոչ վասն պոռնկութեան , եւ
առնիցէ այլ շնայ , և որ զարձակեալն առ-
նիցէ՝ շնայ :

Փառք քեզ Տէր Աստուած յեր :

Հաւատամք 'ի մի Աստուած 'ի Հայրն ամե-

նակալ, յարարիչն երկնի և երկրի, երե-
 ւելեաց եւ աներեւոյթից: Եւ ՚ի մի Տէր
 Յիսուս Քրիստոս՝ յՈրդին Աստուծոյ՝ ծը-
 նեալն յԱստուծոյ Հօրէ միածին, այսինքն
 յէութենէ: Հօր: Աստուած յԱստուծոյ,
 լոյս ՚ի լուսոյ, Աստուած ճշմարիտ յԱստու-
 ծոյ ճշմարտէ՝ ծնունդ և ոչ արարած: Նոյն
 ինքն ՚ի բնութենէ Հօր, որով ամենայն ինչ
 եղև յերկինս և ՚ի վերայ երկրի երեւելիք
 և աներեւոյթք: Որ յաղագս մեր մարդ-
 կան եւ վասն մերոյ փրկութեան իջեալ
 յերկնից՝ մարմնացաւ, մարդացաւ, ծնաւ
 կատարելապէս ՚ի Մարիամայ Սրբոյ Կու-
 սէն Հոգւովն Սրբով: Որով էառ զմարմին
 զհօգի և զմիտ, և զամենայն որ ինչ է ՚ի
 մարդ, ճշմարտապէս և ոչ կարծեօք: Չար-
 չարեալ, խաչեալ, թաղեալ, յերրորդ ա-
 ւուր յարուցեալ, ելեալ ՚ի յերկինս նովին
 մարմնովն նստաւ ընդ աջմէ Հօր: Գալոց է
 նովին մարմնովն և փառօք Հօր ՚ի դասել
 զկենդանիս և զմեռեալս, որոյ թագաւո-
 րութեանն ոչ գոյ վախճան: Հաւատամք
 և ՚ի Սուրբ Հոգին յանեղն և ՚ի կատարեալն,
 որ խօսեցաւ յօրէնս և ՚ի մարգարէս եւ
 յԱւետարանս: Որ էջն ՚ի Յորդանան, քա-

րողեաց զԱռաքեալն , եւ բնակեցաւ 'ի Սուրբսն : Հաւատամք և 'ի մի միայն յընդհանրական և յառաքելան Եկեղեցի , 'ի մի մկրտութիւն , յապաշխարութիւն , 'ի քաւութիւն և 'ի թողութիւն մեղաց : Ի յարութիւնն մեռելոց , 'ի դատաստանն յաւիտենից հոգւոց և մարմնոց , յարքայութիւնն երկնից եւ 'ի կեանսն յաւիտենականս :

Իսկ որք ասեն , էր երբեմն՝ յորժամ ոչ էր Որդի , կամ էր երբեմն՝ յորժամ ոչ էր Սուրբ Հոգի , կամ թէ՛ յոչէից եղեն , կամ յայլմէ էութենէ ասեն լինիլ զՈրդին Աստուծոյ և կամ զՍուրբ Հոգին . և թէ՛ փոփոխելիք են կամ այլայլելիք , զայնպիսիսն նշտվէ Կաթողիկէ և առաքելական սուրբ Եկեղեցի :

Ի որոյ Լուսաւորչէն մերմէ ստացեալ :

Իսկ մեք փառաւորեսցուք որ յառաջ քան զյաւիտեանս . երկիրպագանելով Սրբոյ Երրորդութեան եւ միոյ աստուածութեանն Հօր և Որդւոյ և Հոգւոյն Սրբոյ , այժմ և միշտ և յաւիտեանս յաւիտենից , ամէն :

Քարոզ :

Վասն ուղղելոյ զգնացս մեր 'ի ճանապարհըս խաղաղութեան՝ զՏէր աղաչեսցուք :
Տէր ողորմես :

Վասն ցրելոյ 'ի մէնջ զամենայն խորհուրդըս չարին՝ զՏէր աղա :

Վասն պարգեւելոյ մեզ առողջ խորհուրդըս և առաքինի վարս՝ զՏէր աղա :

Վասն սահելոյ զմեզ ընդ հովանեաւ ամենազօր աջոյն իւրոյ՝ զՏէր աղա :

Վասն խորտակելոյ զհակառակորդն վաղվազակի ընդ ոտիւք մերովք՝ զՏէր աղա :

Վասն հոգւոցն հանգուցելոյ՝ որք ճշմարիտ և ուղիղ հաւատով 'ի Քրիստոս նընջեցին՝ զՏէր աղա :

Եւ եւս միաբան վասն ճշմարիտ և սուրբ :
Ջանձինս մեր և զմիմեանս Տեառն Աստու :

Ողորմեաց մեզ Տէր Աստուած մեր ըստ մե :
Տէր ողորմես : Տէր ողորմես : Տէր ողորմես :

Աղօթք :

Տէր Աստուած զօրութեանց եւ արարիչ ամենայն արարածոց, որ առեր հոգ յերկրէ եւ ստեղծեր զմարդն ըստ պատկերի քում և ըստ նմանութեան, և եդեր զնա

'ի դրախտին փափկութեան : Արու և էգ
 արարեր զնոսա՝ և օրհնեցեր զնոսա ասե-
 լով . աճեցէք եւ բազմացարուք եւ լցէք
 զերկիր , և տիրեցէք դմա : Նախատպեցան
 խնամք արարչական սիրոյ քո յարարածս
 քո 'ի ձեռն միածնի Որդւոյ քո Տեառն մե-
 ռոյ Յիսուսի Քրիստոսի . գալ ծնանիլ 'ի
 Արքոյ Կուսէն , և նորոգել զհնութիւն ա-
 ռաջնաստեղծ մարդոյն : Առնելով սկիզբն
 նշանաց 'ի Կանա Գալիլեացւոց 'ի հարսա-
 նիսն . և աստուածային սքանչելեօքն զուար-
 ճացուցեալ զհարսնարանն զջուրն 'ի գինի
 փոխելով : Եւ այժմ՝ աղաչեմք զքեզ Տէր՝
 օրհնեա թ զամուսնութիւնս զայս որպէս
 զսուրբ Նախահարցն . անարատ պահելով
 զսոսա հոգեւոր սիրով միաբանութեամբ
 'ի կեանս յայտոսիկ : Օրհնեա թ Տէր և ըզ-
 պտղաբերութիւն որդէծնութեան սոցա
 'ի ժառանգութիւն վարուց առաքինու-
 թեան՝ 'ի փառս ամենասուրբ անուան քո :
 Որպէս զի խաղաղական կենօք՝ և բազմա-
 ժամանակեայ ծերութեամբ յերկարեալ
 յայտմ աշխարհիս , և յանդբաւական ու-
 րախութիւնսն 'ի վերին հարսնարանին ար-
 ժանաւորեսցին հասանիլ ընդ ամենայն

սուրբս, շնորհօք եւ մարդասիրութեամբ
Տեառն մերոյ և փրկչին Յիսուսի Քրիստոսի :
Ընդ որում օրհնեալ ես Հայր ամենա-
կալ՝ հանդերձ կենդանարար եւ ազատիչ
Սուրբ Հոգւովդ այժմ և միշտ եւ յաւի-
տեանս յաւիտենից, ամէն :

Խաղաղութիւն ավնեցուն :

Օրհնեալ ես Տէր Աստուած արարիչ ա-
մենայն արարածոց, որ դու միայնդ ես
բարերար եւ կարող, որ արարեր զամե-
նայն արարածս հրամանաւ քով զերկինս
և զերկիր, և զամենայն ինչ որ 'ի նոսա :
Ջերկինս արարեր իմաստութեամբ, զեր-
կիր հիմնեցուցեր կարողութեամբ և զծով
պատրաստեցեր ողորմութեամբ : Ջարե-
գակն ճառագայթեցեր 'ի լուսաւորու-
թիւն տունջեան, զլուսին եւ զաստեղս
պայծառացուցեր 'ի զարդ գիշերոյ, եւ
զտարերս զուգակարգեցեր առ 'ի կեն-
դանութիւն արարածոց քոց : Խորհեցար
Հայր անսկիզբն՝ ընդ միածնի Որդւոյ քո՝
և ընդ կենդանարար Սուրբ Հոգւոյդ՝ եւ
ասացեր, արասցուք մարդ ըստ պատկե-
րի մերում և ըստ նմանութեան, եւ իշ-

խեսցէ 'ի վերայ երկրի : Առեր հող յերկրէ, եւ ստեղծեր աստուածային աշուղ քով մարդ . եւ կերպարանակից քեզ արարեալ՝ կացուցեր զնա տէր եւ իշխան 'ի վերայ ամենայն արարածոց քոյ երկրաւորաց : Եւ ապա հայեցեալ 'ի միայնութիւն նորա՝ ասացեր . ոչ է բարւոք մարդոյդ միայն լինիլ . արասցուք դմա օգնական ըստ դմա : Եւ արկեալ զքուն թըմրութեան 'ի վերայ Ադամայ, առեր զմի 'ի կողից նորա, եւ շինեցեր զնա 'ի կին եւ ետուր մարդոյն բանից կցորդ, եւ կենակից 'ի զուգաւորութիւն որդէծնութեան . և օրհնեցեր ասելով, աճեցէք և բազմացարուք և լլէք զերկիր, և տիրեցէք դմա : Իսկ նախաստեղծ մարդոյն մարգարէական հոգւով ծանուցեալ՝ ասէ 'ի տեսանելն . այս այժմ ոսկր յոսկերաց իմոց, եւ մարմին 'ի մարմնոյ իմմէ . սա կոչեսցի կին, զի յառնէ իւրմէ առաւ . վասն այսորիկ թողցէ այր զհայր իւր եւ զմայր, եւ երթիցէ զհետ կնոջ իւրոյ . եւ եղիցին երկոքեան 'ի մարմին մի : Եւ յաղագս միաւորութեան սոցա ծնան Նահապետք, Քահանայք, Թագաւորք, Մարգարէք . աճե-

ցան եւ բազմացան տոհմիւք իւրեանց՝
 յաստուածային օրհնութենէդ, յասելդ
 քո արարողիդ կենաց, թէ բազմացուցից
 զզաւակս ձեր որպէս զաստեղս երկնից,
 և իբրեւ զաւաղ առ ամին ծովու:

Արդ՝ որպէս օրհնեցեր զամուսնութիւնն
 նախահարցն և զնախամարցն, զԱրրահա-
 մուն և զՍառային, զՍահակայն և զՌեբե-
 կայն, զՅակոբայն և զՀռաքելին, զՅովսե-
 փայն և զԱսանէթին, զՅովակիմայն և զԱն-
 նային, զԶաքարիային եւ զԵղիսսաբեթին,
 եւ որպէս օրհնեցեր զպսակս արդարոցն
 քոց, նայնպէս օրհնեա թ զպսակս զայս
 յամուսնութիւնն ծառայից քոյ. զի դու
 ժամանեցուցեր զոոսա յօրհնութիւնն քաղց-
 րութեան քո, և եդեր ՚ի գլուխ սոցա պը-
 սակ ՚ի քարէ պատուականէ: Եւ որպէս
 օրհնեցեր զհարսանիսն ՚ի Նանա Գալիլեաց-
 ւոյ, և աստուածային սքսնչելէդք զՋուրն
 ՚ի գինի փոխելով ծանուցեր աշակերտաց
 քոյ զաստուածային քո զփառս, և քարո-
 զեցար Աստուած և Փրկիչ ազգի մարդկան:
 Ոչ եթէ խոտեցեր զամուսնութիւնն. այլ
 քահանայապետաբար օրհնեցեր, և հաս-
 տատեցեր անսուտ բանիւդ քո, եթէ զոր

Աստուած զուգեաց՝ մարդ մի մեկնեսցէ :
 Այլ պարտին արք սիրել զիւրեանց կանայս
 որպէս զիւրեանց մարմինս . նոյնպէս եւ
 կանայք հնազանդ լինիցին արանց իւրեանց
 իբրեւ Տեառն : Զոր և սուրբ Առաքեալն
 գոչէ ՚ի մէջ Եկեղեցւոյ , թէ որպէս Եկե-
 ղեցի հնազանդ լինի Քրիստոսի , նոյնպէս
 եւ կանայք իւրեանց արանց յամենայնի .
 զի այր է Կլուխ կնոջ , որպէս և Քրիստոս
 Կլուխ է Եկեղեցւոյ : Յաղագս որոյ պա-
 տուական է ամուսնութիւն , և սուրբ են
 անկողինք նոցա : Դու Տէր՝ որ սուրբդ ես
 և ՚ի սուրբս հանգուցեալ , սուրբ պահեա
 զանկողինս ամուսնութեան սոցա . և միա-
 ւորեա զսոսա զուգակցութեամբ ընդ լծով
 վիճակի քո : Որպէս զի մի յայսմհետէ կու-
 չեսցին երկու , այլ մի մարմին միաւորեալ
 հոգւով հեղութեան . սիրել զմիմեանս
 պարկեշտ վարուք , ամբիծ հոգւով , առանց
 ամօթոյ , առանց լկտութեան պատրաստ
 լինել ՚ի գործս բարիս : Որպէս զի զեր-
 ծեալք յորոգայթից թշնամւոյն՝ առողջ
 հոգւով և մարմնով պահպանեսցին հրեշ-
 տակական պահպանութեամբ , և նշանաւ
 ամենայաղթ իրաչի քո :

Այ՛ր՝ Տէր Աստուած մեր՝ լեր պաշտպան ծառայից քոց, եւ տուն ապաւինի զամենայն աւուրս կենաց սոցա: Փրկեա զսոսա յօտարոտի խորհրդոց, եւ պատսպարեա 'ի տուէ և 'ի գիշերի ողորմութեամբ քով: Տնկեա զսոսա որպէս ձիթենի պտղալից 'ի տան Աստուծոյ: Որպէս զի կեցեալք արդարութեամբ, սրբութեամբ, և աստուած պաշտութեամբ ըստ հաճոյից կամաց քոց բարեսիրաց, տեսցեն զորդիս որդւոց իւրեանց. և եղիցին քեզ ժողովուրդ՝ և փառաբանիչ անուանդ քում սրբոյ: Եւ անդադար օրհնեսցեն զամենասուրբ Երրորդութիւնդ, զՀայր և զՈրդի և զՍուրբ Հոգիդ, այժմ և միշտ և յաւիտեանս յաւիտենից, բմէն:

Նսփո-յանէն զՓետայն՝ և ասին Շարսիան:

ԲԿ. Ո՛վ երանելիդ ամենեցուն տիեզերական իշխանութեամբ ընկալար 'ի Քրիստոսէ ըզթնագ պարծանաց. ո՛վ Աբգար մեծ Թագաւոր վասըն մեր բարեխօսեա առ Թագաւորն երկնաւոր:

Որ քոյի՛ն սուրբ աղօթիլքդ վանեցեր

ըզթըշնամին, կոխելով զսատանայ ընդ
 երկնայինսն զասեցար. ո՞վ Տրդատ:
 Ուստի և մեք հաւատացեալքս տօնեմք
 զքո՞ յիշատակս, օրհնութիւն առաքելով
 ըզքեզ պրսակողին. ո՞վ Աբգար:

Մայր լուսոյն Մարիամ անհարսնացեալ,
 օրհնեալդ ՚ի կանայս:

Զլոյսն անըստուեր յարգանդի կրեցեր,
 օրհնեալդ ՚ի:

Մի՛ զանդարիր վասշն մեր բարեխօսեալ,
 օրհնեալդ ՚ի:

Խաչըն կենարար որ եղեւ մե՞զ վրդ-
 կնութիւն. սովաւ ամենեքեան ըզքեզ
 բա՞րեբանեմք:

Որ ՚ի Հօրէ՛ լուսոյ լոյս ճառագայթեալ
 ՚ի յերկրի, եւ գաւազան զօրութեան
 հաւատացելոց. սովաւ ամե՛ն:

Փառք Հօր և Որդւոյ և:

Որ լուսամիայլ ծաղմամբ հրաշմիառա-
 պէս մե՞զ ցոնցաւ ՚ի յօգնութիւն ընդ-
 դէմ թըշնամւոյն. սովաւ ամե՛ն:


Քարոզ:

Սուրբ Խաչիւս աղաչեսցուք զՏէր զի սո՞ր

Աղօթք :

Պահպանիչ և յոյս հաւատացելոց Քրիս :
 Օրհնեալ Տէր մեր Յիսուս Քրիստոս , ամէն :
 Հայր մեր որ յերկինս :

Երբան ի պահ ասելով . Արեգականն . կամ .
 Թագաւոր գոլով :



Կ Ա Ն Ո Ն

ՊՍԱԿ ՎԵՐԱՑՈՒՑԱՆ ԵԼՈՑ

Բերէ Բահանայն շէտան և շփեսայն և շնէ
Գլխի Գլխի . և շնէ շխան ի վերայ Գլխոյ նոցա .
և ասէ Շարական .

ԳԿ . Այսօր մարտիրոսաց դասքն ցըն
ծացեալ բերկրին ընդ առաջ Տեանն Քրիս-
տոսի՛ Որդւոյն Աստուծոյ :

Ձայն ի յերկնից վըկայեալ ասէ . եկայք
օրհնեալք Հօր իմո՛յ, Ժառանգորդք երկ-
նից խորանացն :

Լըցէք ըզտեղի անկելոցն ապրստամբո՛ւ-
ղական Թըշնամւոյն , որ ի յերկնից վայր
անկեալ :

Մայր և կոյս աղախին Քրիստոսի՛ ձր բա-
րեխօսդ ես միշտ աշխարհի՛ . քեզ երա-
նեն՝ ամենայն աղի՛նք :

Մաքո՛ւր աղաւնի՛ եւ հա՛րսն երկնի՛ց Մա-
րի՛ամ, տաճա՛ր և աթո՛ռ Աստո՛ւծոյ բա-
նի՛ն . քե՛զ երանե՛ն ամե՛ն .

Քե՛ւ հաճե՛ցան իմանալի՛քն ընդ հողե՛-
ղէնքս, ե՛ւ քե՛ւ մերձեցա՛ք ՚ի փայտն կե-
նաց . քե՛զ երանե՛ն ամե՛ն .

Յա՛ղթս՛ղ եւ զնոր օրհնո՛ւթիւն միշտ ՚ի
բարձունս ե՛րգեսցուք թագա՛՞ւորին
Քրիստոսի հաւանտացեալ ժո՛ղովո՛ւրդք :
Ո՛ր եկն ՚ի լուսաւո՛րել զընտրեալ սուրբ
զեկե՛ղեցի . եւ պը՛՞սակեաց սուրբ խա՛-
չիւն , նրմա՛ ըզփառս ե՛րգեսցու՛ք :

Ա՛յսօր եւ մեք տօնե՛սցուք զնաւահատիս
սո՛ւրբ Խաչին . և փը՛՞րկողին մատո՛ւս-
ցուք փառք ե՛ւ պատիւ յա՛ւիտեան :

Փա՛ռք Հօր և Ո՛րդւոյ և :

Անթառամ պըսակըն ձե՛զ աւանդեալ մը-
նայ քան զականըս պատուականըս գերա՛-
գոյն հրաչիւք . ո՛րք վա՛նեալ ըզթը՛նամի՛ն
խո՛րտակեցի՛ք :

Աւելուիս աւելուիս .

Աթոռ քո Աստուած յաւիտեանս յաւի-

տենից , գաւազան ուղղութեան՝ գաւազան արքայութեան քո .

Բղխեսցէ սիրտ իմ զպատգամս քո բարի ,
 և ասացից զգործս իմ թագաւորի :

Ընթերցուածս Միկեայ մարգարէի :

Այսպէս ասէ Տէր . եղիցի Խորայէլ իբրեւ զցօղ , և ծաղկեսցի իբրեւ զշուշան . եւ արձակեսցէ զարմատ իւր իբրեւ զԼիբանոս .

Արձակեսցին ոստք նորա , և եղիցի իբրեւ զձիթենի պտղալից , և բուրեսցէ հոտ նորա իբրեւ զկնդրկի .

Գարձցին եւ նստցին ընդ յարկաւ նորա . կեցցեն եւ հաստատեսցին ցորենով . եւ ծաղկեսցէ իբրեւ զօրթ յիշատակ նորա եւ իբրեւ զգինի Լիբանանու եղիցի Եփրեմայ :

Պօղոսի աւարելոյն 'ի Տիմոթէոսի առաջին թղթոյն և
 Ընթերցուածս :

Կամ իմ լինել զկանայս 'ի զարդ խոնարհութեան , ակնածութեամբ և զգաստութեամբ զարդարել զանձինս . մի 'ի հիւսս ոսկեմանս ընդելուզեալս մարգարտով , կամ 'ի հանդերձս պաճուճեալս . այլ որ-

պէս վայել է կանանց՝ զաստուածպաշտութիւն յանձնառելոց գործովք բարութեան : Կին մարդ ցածութեամբ ուսցի, ամենայն հնազանդութեամբ : Այլ ուսուցանել կնոջ մարդոյ ոչ հրամայեմ, եւ ոչ ճոխաբան լինել քան զայր մարդ . այլ ՚ի լռութեան կալ : Զի Ադամ նախ ստեղծաւ եւ ապա Եւայ : Եւ Ադամ ոչ պատրեցաւ, այլ կինն պատրեցաւ եւ յանցեաւ . բայց կեցցեն վասն որդէծնութեանն՝ եթէ կայցեն ՚ի հաւատս և ՚ի սէր և ՚ի սրբութիւն պարկեշտութեամբ :

Աւելուիա աւելուիա .

Կացցէ դշխոյ ընդ աջմէ քումմէ, ՚ի հանդերձս ոսկեհուռս զարդարեալ եւ պաճուճեալ .

Աւելուիա Օրթի :

Խաղաղութիւն ամենեցունս

Եւ ընդ հոգւոյդ քում : Երկիւղածութեամբ լուարուք :

Արքայ Աւետարանիս Յիսուսի Քրիստոսի՝ որ ըստ
Յովհաննու :

Փառք քեզ Տէր Աստուած մեր :

Պաշխուժէ : Ասէ Աստուած :

Սկիզբն նշանոց Տեառն մերոյ Յիսուսի Քրիստոսի :

Եւ յաւուրն երրորդի հարսանիք էին 'ի
Կանա Գալիլեացւոց , եւ անդ էր մայրն
Յիսուսի . կոչեցաւ եւ Յիսուս եւ աշա-
կերտքն նորա 'ի հարսանիսն :

Եւ 'ի պակասել գինւոյն՝ ասէ մայրն ցՅի-
սուս . գինի ոչ ունին :

Ասէ ցնա Յիսուս . զի՞ կայ իմ և քո , կին
դու . չեւ է հասեալ ժամանակ իմ :

Ասէ մայրն ցսպասաւորսն . որ զինչ ասիցէ
ձեզ՝ արասջիք :

Անդ էին թակոյկք կճեայք վեց՝ ըստ սըր-
բութեան հրէից . տանէին մի մի 'ի նոցա-
նէ մարս երկուս կամ երիս :

Ասէ ցնոսա Յիսուս . լցէք զթակոյկսդ ջը-
րով . և լցին զնոսա մինչեւ 'ի վեր :

Ասէ ցնոսա , արդ՝ առէք և բերէք տաճա-
րապետիդ . և նոքա բերին :

Եւ իբրեւ ճաշակեաց տաճարապետն ըզ-
ջուրն գինի եղեալ . և ոչ գիտէր թէ ուս-
տի իցէ . բայց սպասաւորքն գիտէին . որք
արկին զջուրն :

Իսոսի ընդ փեսային տաճարապետն և ասէ ,
ամենայն մարդ՝ զանոյշ գինին յառաջագոյն
պաշտէ . և յորժամ արբենան՝ յայնժամ

դյոռին . դու պահեցեր զանոյշ գինիդ
մինչև և ցայժմ :

Զայս արար սկիզբն նշանաց Յիսուս ՚ի Նանա
Գալիլեացւոց , և յայտնեաց զփառս իւր .
և հաւատացին ՚ի նա աշակերտքն նորա :

Քարոզ :

Լուսիցէ Տէր ձայնի աղաչանաց մերոց , ըն-
կալցի զինդրուածս սրտից մերոց , Թողցէ
դյանցանս մեր , ողորմեսցի ՚ի վերայ մեր :
Աղօթք մեր և խնդրուածք յամենայն ժամ
մտցեն առաջի մեծի տէրութեան նորա :
Եւ նա տացէ մեզ միաբան միով հաւատով
արդարութեան վաստակիլ ՚ի գործս բա-
րեաց : Զի զողորմութեան զնորհն իւր՝
արասցէ ՚ի վերայ մեր Տէրն ամենակալ .
կեցուցէ և՛ ողորմեսցի :

Տէր ողորմեա՛ , Տէր ողորմեա՛ , Տէր ողորմեա՛ :

Աղօթք :

Տէր՝ Աստուած մեր՝ որ յամենայն ժամ ընդ
մեզ ես , և ոչ երբէք Թողուս ՚ի ձեռանէ
քումմէ զայնոսիկ , որք ճշմարտութեամբ
խոստովանին զանուն քո սուրբ : Զքեզ ա-
ղաչեմք՝ եւ առ քեզ կարդամք՝ եւ ՚ի քէն
խնդրեմք մարդասէր Տէր , քոյին հրամա-

նաւոյ օրհնեցաք զպսակս զայս ամուսնու-
թեան սոցա 'ի խորանի քում սրբութեան
առաջի սրբոյ Սեղանոյ քո . և արդ՝ Տէր բա-
րերար՝ քոյին հրամանաւոյ առնումք զնա-
րօտ սպակիս 'ի գլխոց սոցա . և օրհնեմք
զսոսա նշանաւ սուրբ Խաչին օնայեա Տէր
քաղցրութեամք քով 'ի սոսա . և առաքեա
զհրեշտակ խաղաղութեան քո , որ եկեալ
պահեսցէ զսոսա սուրբս եւ անարատս ,
միաշունչս և միախորհուրդս :

Շնորհեա սոցա Տէր՝ և զաւակս ըստ կամաց
քոց . քաղցրացոյ զվայելութիւն կենաց սո-
ցա քոյով առատ բարերարութեամբդ . զի
կեցցեն անբիծ և անարատ վարուք յայսմ
աշխարհիս մինչեւ 'ի խորին ծերութիւն , և
արժանաւորք եղիցին երկնից արքայու-
թեանդ , և անթառամ պսակացն : Եւ քեզ
ամենազօրիդ Աստուծոյ վայելէ փառք իշ-
խանութիւն և պատիւ այժմ և միշտ և :

Եւ այս բաժակ Տի գինի առնու Քահանայն
'ի Յեռն իւր՝ և ասէ շնորհքս :

Տէր Աստուած մեր , որ զամենայն ինչ
խմաստութեամբ արարեր , և հաստատե-
ցեր զտիեզերս , եւ զարդարեցեր զհար-

սանիսն 'ի Կանա Գալիլեացոց : Ինքնին
Տէր՝ օրհնեա զբաժակս զայս ողորմու-
թեամբ քով . եւ մեք յամենայն ժամ գո-
հասցուք զպարգեւաց քոց : Եւ քեզ հան-
ցուք զօրհնութիւն և զփառս Հօր և Որդ-
ւոյ եւ Հոգւոյն Սրբոյ , ամէն :

Ե- Կայ նոյա զԲաժակն ասելով .

Օրհնութիւն գոհութիւն և փառք Հօր և :

Քարոզ :

Սուրբ Խաչիւս աղաչեսցուք զՏէր զի սո :

Ազօթք :

Պահպանիչ և յոյս հաւատացեւոց Քրիս :
Օրհնեալ Տէր մեր Յիսուս Քրիստոս , ամէն :
Հայր մեր որ յերկինս :



Կ Ա Ն Ո Ն

Ե Ր Կ Ր Ո Ր Դ Պ Ս Ա Կ Ի



Քահանայն բերէ շնորհ յԵկեղեցին՝ և խոստովանե-
ցոցանէ . և ապա ասյ ջեռնն ՚ի յեռն , և հար-
ցանէ որպէս յառաջն գրեցաւ , և ասէ .

Աւելուիւ ավելուիւ .

Տէր ՚ի զօրութեան քում ուրախ եղիցի
Թագաւորն , ՚ի փրկութեան քում ցըն-
ծասցէ յոյժ .

Զցանկութիւն սրտի նորա ետուր նմա ,
եւ զկամս շրթանց նորա ոչ արգելեր ՚ի
նմանէ .

Գիրք Պօղոսի . Աւետարան Մատթէոսի և այլն ,
երէս 86—91 նոյնք են , որ ՚ի Կոստի Պատմն :

Եւ ապա ասէ ՂԱղժիս :

Տէր Աստուած մեր , որ ՚ի հրեշտակաց խա-
սեցեալ՝ և ՚ի Մարգարէիցն քարոզեալ՝ եւ
յԱռաքելոցն աւետարանեալ , որ անարատ

յայտնութեամբ քով կեանս աշխարհի պար-
 փեւեցեր : Օրհնեա Տէր և այժմ զամուս-
 նութիւն ծառայիս քո և աղախնոյս . որ-
 պէս օրհնեցեր զՂուրն 'ի Կանա Գալիլեաց-
 ւոց՝ և արարեր գինի . սքանչելագործելով
 պատուեցեր զամուսնութիւնն : Օրհնեա
 եւ այժմ Տէր զծառայքս քո զզուգաւոր-
 եալքս այժմոյս դարձեալ յերկրորդ ամուս-
 նութիւնս : Որպէս զի ընդունելով զերկ-
 րորդ ամուսնութիւնս զայս յանձինս իւր-
 եանց , միաւորեցին հաւատով և յուսով
 և սիրով ընդ սրբոյ Եկեղեցւոյ . և յառա-
 ջեալք 'ի պատուիրանս քո՝ եղիցին միա-
 ւորեալք ընդ միմեանս հոգւով և մարմնով :
 Պարգեւեա սոցա որդէծնութիւն ողոր-
 մութեամբ քով . Թող Տէր զմեզս և զյան-
 ցանս սոցա , զկամայ և զակամայ . ընկալ
 զաղօթս եւ զխնդրուածս սոցա . սրբեա
 զսոցա զհոգի և զմարմին . և շինեա զսոսա
 որպէս առաջին վարուքն կեալ ընդ մի-
 մեանս գործովք բարութեան յայսմ աշ-
 խարհիս : Օրհնեա Տէր և զծնունդս որդ-
 վայնի սոցա , զի եղիցին 'ի հաճոյս քեզ ա-
 րարչիդ և Աստուծոյդ մերոյ : Զի դու ես
 որ օրհնես և սրբես զանձինս մեր ամենե-

ցուն . և քեզ վայելէ փառք և իշխանու-
թիւն յաւիտեանս , ամէն :

Քարոզ :

Խնդրեցցուք հաւատով միաբանութեամբ
ի Տեառնէ՝ զի զողորմութեան զշնորհս իւր
արասցէ ՚ի վերայ մեր . Տէրն Ամենակալ
կեցուսցէ և ողորմեսցի :

Կէց՝ Տէր և ողորմես :

Դնէ զպսակն և ասէ զԱղօլս :

Աստուած մշտնջենաւոր , որ զօրութեամբ
քով՝ և միածնի Որդւոյ քո՝ և ամենասուրբ
Հոգւոյդ՝ արարեր յոչնչէ զամենայն արա-
րածս քո , զծով և զցամաք , եւ զամենայն
որ ՚ի նոսա : Շինեցեր զդրախտն փափկու-
թեան , եւ տնկեցեր ՚ի նմա զփայտն կե-
նաց . որ և ՚ի վախճան ժամանակի ՚ի ձեռն
սրբոյ Որդւոյ քո սիրելւոյ՝ Տեառն մերոյ
Յիսուսի Քրիստոսի՝ նոյն կենաց փայտին
ազատեցեր զսնկեալն ընդ պատրանօք բան-
սարկուին : Գու նոյն ինքն Տէր մեր՝ եւ
Աստուած ամենեցուն , օրհնեա և սրբեա
զերկրորդ Պսակս զայս յամուսնութիւն
ճառայիս քո և աղախնոյս , պահելով զսո-
սա անարատ սիրով և միաշունչ խորհրդով :

Օրհնեա Տէր և զպտղաբերութիւն որդէ-
ծնութեան սոցա . զի աճեսցին խաղաղա-
կան կենօք , և ապրեսցին շնորհօք քովք .
եւ հանդերձեալ բարեացն հանդիպելով՝
փառաւորեսցեն զքեզ ընդ Որդւոյ և ընդ
Սրբոյ Հոգւոյդ , այժմ եւ միշտ եւ յաւի-
տեանս յաւիտենից , ամէն :

Խաղաղութիւն ամենեցուն :


Տէր Աստուած մեր՝ որ գաղտնեաց մարդ-
կան գիտակ ես , և զծածուկս մեր ճանա-
չես . զի քեզ յայտնի են խորհուրդք առն ,
և ճանապարհ կնոջ . նայեա՛ բարերարու-
թեամբ քով ՚ի ծառայս քո , և տուր սոցա
զլուծ սիրոյ քո . զի ընկալցին զերկրորդ
պսակս , եւ հրամանաւ քով բնակեսցին
՚ի միասին միով խորհրդով՝ ՚ի սուրբ անկո-
ղինս իւրեանց . Հեռասցին ՚ի չար գործոց ,
եւ կացցեն ամօթխածութեամբ առ մի-
մեանս . եւ առաքինի գործովք քաղաքա-
վարեալ , արժանաւորք եղիցին հանդեր-
ձեալ բարեացդ . եւ քեզ հանցեն զօրհ-
նութիւն և զփառս Հօր և Որդւոյ և Հոգ-
ւոյդ Սրբոյ , այժմ և միշտ և յաւիտեանս
յաւիտենից , ամէն :

Քարոզ :

Սուրբ խաչիւս աղաչեսցուք զՏէր զի սո :

Առթք :

Պահպանիչ և յոյս հաւատացելոց Քրիս :
 Օրհնեալ Տէր մեր Յիսուս Քրիստոս, ամէն :
 Հայր մեր որ յերկինս :



Կ Ա Ն Ո Ն

Հ Ա Ղ Ո Ր Դ Տ Ա Լ Ո Յ

Առնո՞ւ Գահանայն զո՞րք Հաղորդութիւնն ,
շխալ և շԱ՛ւտարան և շն՞որջառն՝ և երբևայ
տա հիւանդն . և ասէ շԱղօթան Յոգնանո՞ւ
Տարգարէին :

Ի նեղութեան իմում ես առ Տէր կարդա
ցի . և լուաւ Աստուած յանդնդոց դժու
խոց աղաղակի իմում :

Լուր Տէր ձայնի իմում, զի ընկեցեր զիս
ի խորս ծովու , եւ շրջանք գետոց պաշա
րեցին զիս :

Ամենայն զբօսանք քո եւ ալիք քո անցին
ի վերայ իմ, և ասացի թէ մերժեցայ ու
րեմն յերեսաց աչաց քոց :

Արդ՝ իցէ՞ թէ յաւելից հայիլ ՚ի տաճար
սուրբ քո . զի հեղան զինեւ ջուրք մինչեւ
յանձն իմ, և անդուռնդք անհնարինք պա
շարեցին զիս :

Եմուտ գլուխ իմ ընդ փապարս լերանց .
 իջի ես 'ի խորս երկրի , և տեսի զնիգս նու-
 րա , զի էին որպէս աղիք յաւիտենից . և
 ելցեն յապահանութենէ կեանք իմ :

Առ քեզ Տէր Աստուած իմ 'ի նուաղիւ-
 անձին իմոց կարգացի , և զքեզ Տէր յիշե-
 ցի . և մտցեն աղօթք իմ 'ի տաճար սուրբ
 քո :

Զի ոչք պահէին զունայնութիւն եւ զսը-
 տութիւն , յողորմութենէ իւրեանց մեր-
 ժեցան :

Այլ ես 'ի ձայն օրհնութեան խոստովան
 եղէցքեզ , մատուցից պատարագս Տեառն ,
 և կատարեցից զուխտ իմ 'ի փրկութեան :

Փառք Հօր և Որդոյ և Սուրբ Արարչի և Մշտ և :

Շարական .

ԴԿ . Ա՛մե՛նակալ քանեա՛նք ըզմե՛զս իմ .
 զի անստուած ես ապա՛շխարողաց :

Ե՛ւ զՀո՛գի՛դ Սուրբ մի՛ հա՛մներ յի՛նէն .
 զի անստուած ես ապա՛շ :

Ե՛ւ փրկեա՛մ զիս յա՛հա՛մ գի՛ն հըրո՛յն .
 զի անստուած ես ապա՛շ :

Ե- Խոստովանեցո-յանէ շնո շո-շո-լի-տի
 և սոյա սսէ շԱշիւս :

Օրհնեալ ես Տէր Աստուած մեր Յիսուս
 Քրիստոս արարիչ ամենայն արարածոց ,
 որ արժանի արարեր զամենայն հաւատա-
 ցեալս՝ հաղորդիլ մարմնոյ և արեան քո =
 Արժանաւորեա և այժմ զծառայս քո զայս
 յետին Թոշակիս , որ հետեւի 'ի կեանսն
 յաւիտենից : Զի դու իսկ ասացեր ամե-
 նասուրբ բերանովդ , եթէ ոչ կերիջիք
 զմարմին իմ , եւ արբջիք զարիւն իմ , ոչ
 ունիք կեանս յանձինս ձեր :

Արդ՝ 'ի ձեռն սուրբ մարմնոյ և արեան
 քո՝ ազատեա զսա 'ի յանցանաց մեղաց ,
 եւ սրբեա զսա շնորհիւ քո . զի ճաշակե-
 լով 'ի կենարար մարմնոյ և յարենէ քում-
 մէ՝ արժանի լիցի կենացն յաւիտենից :
 Փառաւորել զքեզ ընդ Հօր և սուրբ Հոգ-
 ւոյդ այժմ և միշտ և յաւիտեանս յաւի :

Աւելուիս ուելուիս .

Ողորմեա ինձ , Աստուած , ըստ մեծի ողոր-
 մութեան քում , ըստ բազում գթութեան
 քում քաւեա զանօրէնութիւնս իմ :

ՉՓոխն լման սաս :

Սուրբ Աստուած , սուրբ և հզօր , սուրբ
և անմահ , որ խաչեցար վասն մեր ողոր-
մեա մեզ :

Քարոզ :

Վասն 'ի վերուստ խաղաղութեան եւ
փրկութեան անձանց մերոց , զՏէր աղա-
չեսցուք :

Տէր ողորմեա :

Վասն լսելի լինելոյ տեառն Աստուծոյ ձայ-
նի աղաչանաց մերոց , զՏէր աղա :

Վասն քաւիչ և ներող լինելոյ Աստուծոյ
'ի վերայ մեղաց մերոց , զՏէր աղա :

Վասն թողլոյ մեզ զամենայն յանցանս մեր
զկամոյ և զակամայ , զՏէր աղա :

Վասն զի մի ընդ խոտանս գտանիցիմք յա-
ւուրն պատասխանատուութեան , զՏէր ա :

Վասն հոգւոցն հանգուցելոց՝ որք ճշմա-
րիտ և ուղիղ հաւատով 'ի Քրիստոս նըն-
ջեցին՝ զՏէր աղա :

Եւ եւս միաբան վասն ճշմորիտ և սուրբ :
Զանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ մե :

Ընթերցուածս յԵսայեայ մարգարէէ :

Եւ եղեւ յամին յորում մեռաւ Ոգիա ար-
քայ , տեսի զՏէր նստեալ յաթոռ բարձ-

րութեան և վերացելոյ . եւ լի էր տունն
փառօք նորա :

Եւ սերովբէք կային շուրջ զնովաւ . վեց
թեւք միոյ՝ և վեց թեւք միոյ . երկուքն
ծածկէին զերեսս իւրեանց , եւ երկուքն
ծածկէին զոտս իւրեանց , և երկուքն թը
ռուցեալ :

Աղաղակէին մի առ մի և ասէին . Սուրբ .
Սուրբ . Սուրբ . Տէր զօրութեանց՝ լի է
ամենայն երկիր փառօք նորա :

Եւ վերացաւ դրանդն ՚ի ձայնէն զոր աղա-
ղակէին , և տունն լի եղեւ ծխով :

Եւ ասեմ , վայ է ինձ՝ ես սյր տառա-
պեալ զիարդ կամս հիացեալ . զի մարդ
եմ՝ եւ պիղծ շրթունս ունիմ , և ՚ի մէջ
պղծաշուրթն ժողովրդեան բնակեալ եմ
ես . եւ զՏէր զօրութեանց տեսի աչօք
իմովք :

Եւ առաքեցաւ առ իս մի ՚ի սրովբէից ան-
տի , և ՚ի ձեռին իւրում ունէր կայծակն ,
զոր առեալ ունելեօք ՚ի սեղանոյ անտի ,
երեր մերձեցոյց ՚ի բերան իմ , եւ ասէ ,
Ահաւասիկ մերձեցաւ այդ ՚ի շրթունս քո ,
և հանցէ զանօրէնութիւնս քո , և զմեղս
քո սրբեսցէ ՚ի քէն :

Յովհաննու առաքելոյն 'ի կաթուղիկեաց առաջին
Թղթոյն է ընթերցուածս :

Աիրելիք՝ Մարմին և Արիւն Որդւոյն Աս-
տուծոյ՝ սրբէ զմեզ յամենայն մեղաց :
Եթէ ասիցեմք՝ եթէ մեղս ինչ մեք ոչ ու-
նիմք, զանձինս խաբեմք, եւ ճշմարտու-
թիւն 'ի մեզ ոչ գոյ :

Ապա եթէ խոստովան լինիցիմք զմեղս մեր,
հաւատարիմ է նա եւ արդար՝ առ 'ի թո-
ղուլ զմեղս մեր, և սրբել զմեզ յամենայն
անօրէնութենէ :

Եթէ ասիցեմք՝ եթէ ոչ ինչ մեղաք, սուտ
առնեմք զնա, և բանն նորա ոչ է 'ի մեզ :
Որդեակք իմ, զայս գրեմ ձեզ՝ զի մի մե-
ղիցէք. եւ եթէ մեղիցէ որ, ունիմք բա-
րեխօս առ Աստուած զՅիսուս Քրիստոս՝
զարդարն և զանարատն. և նա է քաւու-
թիւն մեղաց մերոց :

Աւելուիս ավելուիս .

Տէր մի սրտմտութեամբ քով յանդիմա-
ներ զիս, և մի բարկութեամբ քով խրա-
տեր զիս :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արքայ Աւետարանիս Յիսուսի Քրիստոսի՝ որ ըստ
Յովհաննու :

Փառք քեզ Տէր Աստուած մեր :

Պաշտումէ : Ասէ Աստուած :

Տէրն մեր Յիսուս Քրիստոս :

Ամէն ամէն ասեմ ձեզ, եթէ ոչ կերիջիք
զմարմին Որդւոյ մարդոյ, եւ արբջիք զա-
րիւն նորա, ոչ ունիք կեանս յանձինս :

Որ ուտէ զՄարմին իմ՝ եւ ըմպէ զԱրիւն
իմ, ունի զկեանս յաւիտենականս . և ես
յարուցից զնա յաւուրն յետնում, զի
Մարմին իմ՝ ճշմարիտ կերակուր է, եւ

Արիւն իմ՝ ճշմարիտ ըմպելի է :

Որ ուտէ զՄարմին իմ, եւ ըմպէ զԱրիւն
իմ, նա յիս բնակեսցի, և ես ՚ի նմա :

Որպէս առաքեաց զիս կենդանին Հայր, և
եւս կենդանի եմ վասն Հօր . եւ որ ուտէն
զիս՝ և նա կեցցէ վասն իմ :

Այս է Հացն՝ որ յերկնից իջեալ . ոչ որ-
պէս կերան Հարքն ձեր զմանանայն՝ եւ
մեռան . որ ուտէ զՀացս զայս՝ կեցցէ
յաւիտեան :

Փառք քեզ Տէր Աստուած մեր :

Հաւատամք 'ի մի Աստուած 'ի Հայրն ամենակալ, յարարիչն երկնի և երկրի, երեւելեաց և : Տե՛ս յերե՛ս 88 :

Իսկ մեր փառաւորեացուք որ յառաջ քան զյաւիտեանս . երկիրպագանելով Սրբոյ :

Քարոզ :

Եւ եւս խաղաղութեան զՏէր աղաչեսցուք :

Եւ եւս հաւատով աղաչեսցուք և խնդրեսցուք 'ի տեառնէ Աստուծոյ և 'ի փրկչչէն մերմէ Յիսուսէ Քրիստոսէ 'ի ժամուս պաշտաման և աղօթից : Զի արժանի ընդունելութեան արասցէ . լուիցէ Տէր ձայնի աղաչանաց մերոց : Ընկալցի զխնդրուածս սրտից մերոց . թողցէ զյանցանս մեր . ուղորմեսցի 'ի վերայ մեր : Աղօթք մեր եւ խնդրուածք յամենայն ժամ մոցեն առաջի մեծի տէրութեան նորա : Եւ նա տացէ մեզ միաբան՝ միով հաւատով և արդարութեամբ վաստակիլ 'ի գործս բարեաց : Զի զողորմութեան զչնորհն իւր՝ արասցէ 'ի վերայ մեր Տէրն ամենակալ . կեցուսցէ և ողորմեսցի :

Զժամս և զառաջիկայ օրս խաղաղութեամբ անցուցանել 'ի Տեառնէ խնդրեսցուք :

Զհրեշտակ խաղաղութեան պահապան :
 Զբաւութիւն և զթողութիւն յանցանաց :
 Զսրբոյ խաչին մեծ և կարող զօրութիւն :
 Եւ եւս միաբան վասն ճշմարիտ և սուրբ :
 Զանձինս մեր և զմիմեանս Տեառն Աստու :
 Ողորմեաց մեզ Տէր Աստուած մեր ըստ :
 Տէր ողորմեա՛ : Տէր ողորմեա՛ : Տէր ողորմեա՛ :

Աղօթք :

Տէր մեր և Փրկիչ Յիսուս Քրիստոս , որ
 մեծդ ես ողորմութեամբ եւ առատ պար-
 գեւօք բարերարութեան քո : Որ դու քոյին
 կամաւդ 'ի ժամուս յայսմիկ համբերեցեր
 չարչարանաց խաչի եւ մահու յաղագս մե-
 ղաց մերոց : Եւ պարգեւեցեր առատապէս
 զպարգեւս Հոգւոյդ Սրբոյ երանելի Առա-
 քելոցն : Հաղորդս արեւ և զմեզ Տէր , ա-
 ղաչեմք զքեզ՝ աստուածային պարգեւացդ ,
 թողութեան մեղաց եւ ընդունելութեան
 Հոգւոյդ Սրբոյ : Որպէս զի՝ արժանաւորք
 եղիցուք գոհութեամբ փառաւորել զքեզ
 ընդ Հօր և ընդ Սրբոյ Հոգւոյդ , այժմ և
 միշտ և յաւիտեանս յաւիտենից , ամէն :

Խաղաղութիւն ամենեցուն :

Խաղաղութեամբ քով Քրիստոս փրկիչ :

մեր . որ ՚ի վեր է քան զամենայն միտս եւ
զքանս . ամրացո զմեզ եւ աներկիւղ պա-
հեա յամենայն չարէ : Հաւասարեա՛ զմեզ
ընդ ճշմարիտ երկրպագուս քո , որք հոգ-
ւով եւ ճշմարտութեամբ քեզ երկիրպա-
գանեն : Վասն զի՝ ամենասուրբ Երրոր-
դութեանդ վայելեն փառք իշխանութիւն
եւ պատիւ , այժմ եւ միշտ եւ յաւիտեանս
յաւիտենից , ամէն :

Օրհնեալ Տէր մեր Յիսուս Քրիստոս , ամէն .
Հայր մեր սր յերկինս :

Եարկան .

ԳՁ . Որ կա՛զմեցեր սեղան խորհրդոյ , եւ
արբուցեր յանմահական բաժակէն , սը՛ր-
բո՛ց քոց Առա՛քելոցն այսօր ՚ի սո՛ւրբ վեր-
նատունն . աղաչե՛մք Փրկի՛չ ս՛ղո՛ւմեա՛ն
Մաքրեա՛ ըզմիտս եւ զխորհուրդս , զի եւ
մե՛ք հաղո՛րդեսցո՛ւք սրբութեամբ ընդ
սրբո՛ց քոց Առա՛քել :

Տայ շտա՛րբ խորհո՛ւրդն ակի՛ն Տե՛ժաւ .

եւ ասէ ՂԱՂՈՒՆ :

Գրհանամք զքէն Հայր Տեսուն մերոյ Յի-
սուսի Քրիստոսի , որ արժանի արարեր

զմեզ երկնաւոր պարգեւացս այսոցիկ՝ կե-
նարար Մարմնոյ եւ Արեան միածնի քո :
Աղաչեմք զքեզ, Տէր, մի լիցի սա մեզ ՚ի
դատապարտութիւն վասն բազում յան-
ցանաց մերոց. այլ եղիցի սա մեզ յառող-
ջութիւն հոգւոյ և մարմնոյ, ՚ի զգաստու-
թիւն խորհրդոց, եւ ՚ի կատարումն ամե-
նայն գործոց առաքինութեան : Որպէս զի
սրբեսցէ զսորա միտս և զշունչս, և անուա-
նեսցի տաճար սրբոյ Երրորդութեանդ՝
առ ՚ի գտանել զողորմութիւն առաջի քո :
Եւ գոհանալով վառաւորել զքեզ ընդ
Որդւոյ և ընդ Սուրբ Հոգւոյդ այժմ և :

Քարոզ :

Սուրբ խաչիւս աղաչեսցուք զՏէր զի սո :

Աղօթք :

Պահպանիչ և յոյս հաւատացելոց Քրիս :
Օրհնեալ Տէր մեր Յիսուս Քրիստոս, ամէն :
Հայր մեր որ յերկինս :



Կ Ա Ն Ո Ն

ԳԻՇԵՐԱՅԻՆ ԺԱՄՈՒ ԱՂՕԹԻՑ

Որ կապարի 'ի վերայ ծանր հիւանդաց ,
'ի Բժշկո-լիւն յաւոյ՝ և 'ի Կառ-լիւն
յանցանաց :



Օրհնեալ Տէր մեր Յիսուս Քրիստոս , ամէն :
Հայր մեր որ յերկինս :

ԱՌԱՔԵԱ Տէր զլայս քո և զճշմարտութիւն
քո . զի առաջնորդեսցեն ինձ եւ հանցեն
զիս 'ի լեառն սուրբ և 'ի յարկս քո :

Մտից առաջի սեղանոյ Աստուծոյ առ Աս-
տուած . որ ուրախ առնէ զմանկութիւն իմ :
Խոստովան եղէց քեզ օրհնութեամբ Աս-
տուած Աստուած իմ :

Արդ՝ ընդէր տրտում ես անձն իմ . կամ
ընդէր խռովես զիս . յուսա առ Աստուած ,
խոստովանեա նմա . փրկիչ երեսաց իմոց
Աստուած է :

Փառք Հօր և Որդւոյ և : Այժմ և միշտ և :

Եւ եւս խաղաղութեան : Օրհնութիւն և փառք :

Եկեսցէ 'ի վերայ իմ ողորմութիւն քո Տէր ,
և փրկութիւն քո ըստ բանի քում :

Տաց սլատասխանի ոյք նախաւտեն զիս բա-
նիւք . զի ես 'ի բանս քո յուսացայ :

Մի 'ի բացեայ առներ 'ի բերանոյ իմմէ
զբան ճշմարտութեան , մինչեւ յոյժ . զի
յիրաւունս քո յուսացայ :

Պահեցի զօրէնս քո յամենայն ժամ . յա-
ւիտեան և յաւիտեանս յաւիտենից :

Գնայի ես յանդորրու , զի զպատուիրանս քո
խնդրեցի :

Խօսէի զվկայութիւնս քո առաջի Թագա-
ւորաց , և ոչ ամաչէի :

Խորհէի 'ի պատուիրանս քո զոր սիրեցի :
Համբարձի զձեռս իմ 'ի պատուիրանս քո
զոր սիրեցի , և խորհէի յարդարութեան
քում :

Յիշեա զբան ծառայի քո , յոր և յուսա-
ցուցեր զիս :

Սա մսիթարեսցէ զիս 'ի խոնարհութեան
իմում . զի բան քո կեցոյց զիս :

Ամբարտաւանք անիրաւեցան յիս յոյժ այլ
յօրինաց քոց ես ոչ խոտորեցայ :

Յիշեցի զիրաւունս քո յաւիտենից Տէր և
մխիթարեցայ :

Տրտմութիւն կալաւ զիս 'ի մեղաւորաց ,
և ոյք թողին զօրէնս քո :

Գովելի են ինձ իրաւունք քո , 'ի տեղւոջ
պանդխտութեան իմոյ :

Յիշեցի 'ի գիշերի զանուն քո , Տէր , և պա-
հեցի զօրէնս քոյ :

Սա եղեւ ինձ ճանապարհ 'ի կեանս . զի
զարդարութիւնս քո խնդրեցի :

Զանօրէնս ատեցի , և զօրէնս քո սիրեցի :
Օգնական եւ փրկիչ իմ ես դու , եւ ես
'ի բանս քո յուսացայ :

Ի բաց եղբրուք յինէն չարք . և քննեցից
զպատուիրանս Աստուծոյ իմոյ :

Օգնեա ինձ ըստ բանի քում , և կեցո զիս :
և մի յամօթ առներ զիս 'ի յուսոյ իմմէ :

Օգնեա ինձ , և ապրեցո զիս . և խորհեցայց
զիրաւունս քո յամենայն ժամ :

Անարգեցեր զամենեւեան՝ որք ապստամբ
եղեն յարդարութեանց քոց . զի անիրա-
ւութեամբ էին խորհուրդք նոցա :

Յանցաւորս համարեցայ զամենայն մեղա-
ւորս երկրի . վասն այսորիկ սիրեցի զպա-
տուիրանս քո :

Բեւեռեա ընդ երկիւղ քո զմարմին իմ ,
 զի 'ի դատաստանաց քոց երկեայց յոյժ :
 Մերձեացին խնդրուածք իմ առաջի քո Տէր ,
 ըստ բանի քում իմաստունն արսս զիս :
 Մտցենն աղօթք իմ առաջի քո Տէր , եւ
 բանիւ քով փրկեա զիս :

Բիղխեսցենն շրթունք իմ զօրհնութիւնս
 քո , յորժամ ուսուսցես ինձ զարդարու-
 թիւնս քո :

Խօսեսցի լիզու իմ զբանս քո , զի ամենայն
 պատուիրանք քո արդարութեամբ են :

Եղիցի ձեռն քո 'ի կեցուցանել զիս , զի
 զպատուիրանս քո ընտրեցի :

Յանկացայ փրկութեան քում Տէր , եւ
 օրէնք քո խօսք իմ էին :

Կեցցէ անձն իմ , օրհնեսցէ զբեղ , եւ
 իրաւունք քո օգնեսցեն ինձ :

Տուր զօրութիւն ծառայի քոյ , կեցո զոր-
 դի աղախնոյ քոյ , եւ արա առ իս նշան
 բարութեան :

Տեսցենն ատելիք իմ և ամաչեսցենն , զի դու
 Տէր օգնեսցեր ինձ , և մխիթարեցեր զիս :

Փառք Հօր և Որդւոյ և : Այժմ և միշտ և :

Մաղթանք :

Անձն իմ 'ի ձեռս քո է յամենայն ժամ , և

Ի սուրբ Խաչքո յուսացեալ եմ, Թագա-
 ւոր երկնաւոր, զքաղմուծիւն սրբոց քոց
 բարեխօս ունիմ առ քեզ, որ երկայնա-
 միտդ ես առ ամենեւեան, մի անտես
 առներ զապաւինեալս ՚ի քեզ. այլ պա-
 հեա պատուական եւ սուրբ Խաչիւ քով
 ՚ի խաղաղութեան :

ԱԷԼՄԻԻՍ ԱԷԼՄԻՍ.

Ես ասացի ՚ի վերանալ յինէն աւուրց
 իմոց, Թէ գնացի ես ՚ի դրունս դժոխոց :
 Թողի զամենայն յետին իմ, և ասացի՝ Թէ
 այլ ոչ եւս տեսից զփրկութիւն Տեառն
 յերկրին կենդանեաց, եւ ոչ եւս տեսից
 զմարդ բնակչօք իւրովք հանդերձ :

Պակասեցայ ես յազգատոհմէ իմմէ, այսու-
 հետեւ Թողի լքի զամենայն զկեանս իմ :
 Եւ գնաց մեկնեցաւ յինէն հոգի իմ, որ-
 պէս զայն՝ որ քակէ զտաղաւար, եւ եղէ
 ես որպէս զոստայն սատարաց մերձ ՚ի հա-
 տանիլ :

Յաւուր յայնմիկ մատնեցայ ես յառաւօ-
 տէ որպէս ՚ի ձեռս առիւծու. այնպէս խոր-
 տակեաց մանրեաց զոսկերս իմ, զի յառա-
 ւօտէ մինչ ՚ի գիշեր մատնեցայ :

Որպէս ծիծառն՝ այնպէս ճչեցի, որպէս
զաղաւնի՝ այնպէս մնչեցի, զի նուազեցան
աչք իմ՝ ՚ի տեսանելոյ :

Հայեցայ ՚ի բարձունս առ Տէր Աստուած
իմ՝ որ փրկեաց զիս, և փարատեցոյց յի-
նէն զցաւս անձին իմոյ :

Տէր, վասն այսորիկ պատմեցաւ քեզ, զար-
թուցեր զանձն իմ, դարձուցեր զհոգի իմ,
մխիթարեցայ և կեցի :

Ահա ՚ի խաղաղութիւն դարձաւ դառնու-
թիւն իմ. փրկեցեր զանձն իմ, զի մի կոր-
եայց. և ընկեցեր յետոյ զամ զմեղս իմ :
Ձի ոչ թէ որք ՚ի դժոխս են, խոստովան
առնին առ քեզ, եւ ոչ մեռեալք օրհնե-
ցեն զքեզ, եւ ոչ յուսասցին ՚ի ճշմար-
տութիւնս քո ամենեքեան, ոյք իջանեն
՚ի դժոխս :

Այլ կենդանիքս օրհնեսցուք զքեզ Տէր .
որպէս եւ ես այսուհետեւ մանկունս ծը-
նայց, որք պատմեսցեն զարդարութիւնս
քո՝ Տէր փրկութեան իմոյ :

Ես ոչ եւս դադարեցից օրհնել զքեզ
յօրհնութիւն նոր զամենայն աւուրս կե-
նաց իմոց յանդիման տաճարիդ Աստուծոյ :

Փառք Հօր և Որդւոյ և : Այժմ և միշտ և :

Մաղթանք :

Յոյս կենդանութեան , յոյս եւ ապաւէն
փրկութեան Տէր Յիսուս Փրկիչ . փրկեա
լ և փարատեցո զցաւս անձին իմոյ :

Մարդասէր Տէր , վասն սրբուհւոյ անա-
րատի մօր քո և կուսի , և վասն Խաչի քոյ
պատուականի , Տէր , ընկալ զաղաչանս մեր ,
և կեցո զմեզ :

Քարոզ :

Եւ եւս խաղաղութեան զՏէր աղաչեսցուք :

Վասն 'ի վերուստ խաղաղութեան եւ
փրկութեան անձանց մերոց , զՏէր աղա-
չեսցուք :

Տէր ողորմեա :

Եւ եւս վասն հիւանդիս (այս անուն) որ
յուսացեալ է կոչել զանուն Տեառն Աս-
տուծոյ՝ և զզօրութիւն նորա 'ի յօգնու-
թիւն և 'ի բժշկութիւն հոգւոյ և մարմնոյ
իւրոյ . որպէս զի ապրեսցի և կեցցէ , եւ
վերադին նորոգեսցի քահանայական աղա-
թիւք ձերովք՝ և կարողութեամբն Աստու-
ծոյ , զՏէր աղաչեսցուք :

Զամենասրբուհի զԱստուածածինն՝ զմիշտ
կոյսն Մարիամ՝ հանդերձ ամենայն սրբ-
բովք , յիշելով զՏէր աղա :

Եւ եւս միաբան վասն Ճշմարիտ և սուրբ :
 Զանձինս մեր և զմիմեանս Տեառն Աստու :
 Ողորմեաց մեզ Տէր Աստուած մեր ըստ մե :

Տէր ողորմեա՛ , Տէր ողորմեա՛ , Տէր ողորմեա՛ :

Աղօթք :

Տէր, որ ողորմութեամբ քով բժշկես զբե-
 կումն հոգւոց և մարմնոց մերոց . բժշկես
 զամենայն ախտս և զհիւանդութիւնս հո-
 գւոյ և մարմնոյ (այս անուն) ծառայի քո . զի
 քո է ողորմիլ և կեցուցանել Աստուած մեր :
 Եւ քեզ փառս մատուցանեմք՝ Հօր և Որդ-
 ւոյ և Հոգւոյն Սրբոյ այժմ և միշտ և յա-
 ւիտեանս յաւիտենից , ամէն :

Քարոզ :

Եւ եւս խաղաղութեան զՏէր ողաշէացուք :

Օրհնեա՛ Տէր :

Օրհնութիւն և փառք Հօր և Որդւոյ և Հոգ :

Ողորմեա ինձ , Աստուած , ըստ մեծի ողոր-
 մութեան քում , ըստ բազում գթութեան
 քում քաւես զանօրէնութիւնս իմ :

Առաւել լուա զիս յանօրէնութենէ իմմէ ,
 և ՚ի մեղաց իմոց սուրբ արա զիս :

Զանօրէնութիւնս իմ ես ինձէն գիտեմ , և
 մեղք իմ առաջի իմ են յամենայն ժամ :

Քեզ միայն մեղայ, Տէր, և չար առաջի քո
արարի :

Որպէս արդար եղիցիս 'ի բանս քո, եւ
յաղթող 'ի դատելքեզ :

Անօրէնութեամբ յղացաւ, եւ 'ի մեղս
ծնաւ զիս մայր իմ :

Դու, Տէր, զճշմարտութիւն սիրեցեր,
զանյայտս և զճածկեալս իմաստութեամբ
քով յայտնեցեր ինձ :

Յօղեա յիս մշտկաւ և սուրբ եղէց, լուա
և քան զձիւն սպիտակ եղէց :

Լսելի արա ինձ զցնծութիւն եւ զուրա-
խութիւն, եւ ցնծասցեն ոսկերք իմ տա-
ռապեալք :

Դարձո զերեսս քո 'ի մեղաց իմոց, և զամե-
նայն անօրէնութիւնս իմ քաւեա յինէն :

Սիրտ սուրբ հաստատեա յիս, Աստուած,
և հոգի ուղիղ նորոգեա 'ի փորի իմում :

Մի ընկենուր զիս, Տէր, յերեսաց քոց, և
զհոգի քո Սուրբ մի հաներ յինէն :

Տուր ինձ ցնծութիւն փրկութեան քո, և
հոգևով պետութեան քոյ հաստատեա զիս :
Ուսուցից անօրինաց զճանապարհս քո, և
ամբարիշտք առ քեզ դարձցին :

Փրկեա զիս յարենէ, Աստուած, Աստուած

փրկութեան իմոյ . ցնծասցէ լեզու իմ
յարդարութեան քում :

Տէր , եթէ զըթուենս իմ բանաս , բերան
իմ երգեսցէ զօրհնութիւնս քո :

Թէ կամեցեալ էիր , պատարագս մատու-
ցանէսք , բայց դու ընդ ողջակէզս իսկ ոչ
հաճեցար :

Պատարագ Աստուծոյ՝ հոգի խոնարհ , ըզ-
սիրտ սուրբ և զհոգի խոնարհ Աստուած
ոչ արհամարհէ :

Բարի արա , Տէր , կամօք քովք Սիոնի , և
շինեսցին պարիսպքն Երուսաղէմի :

Յայնժամ հաճեսցիս ընդ պատարագս ար-
դարութեան , յորժամ ուխտից պատարագս
հանցեն 'ի սեղան քո զուարակս :

Փառք Հօր և Որդւոյ և , Այժմ և միշտ և :

Շարական .

ԱԶ . Հայր բազմ՝ ըմբողորմ խոստովանիմ
առ քեզ որպէս զանանուակ որդիսն . Թող
ինձ ըզմեղս ի՞մ , և զորմեան :

Տէր որ գըթանցար 'ի կինն Քանանացի ,
գըթան և յիս 'ի մեղանորս , և զորմ :

Տէր որ դարձողցեր ըզմաքսանորն 'ի գի-

տո՛ւթիւն ճըշմարտութեան , դարձո՛ւ եւ
զի՛ս զմոլորեալս , և ո՛ղոր :

Յոյս և յարութիւն ազգի մարդկան ֆրիս-
տոնս Աստուած , զհիւանդութիւն հոգ-
ւոյ իմոյ կե՛նդանացո որպէս երբե՛մըն
զե՛զե՛կիայն :

Զչարչարմնս և ըզմահ յանձն առե՛ր կեն-
դանատու ամենեցուն . զհիւանդութիւն
հոգւոյ իմոյ անողջացո որպէս երբե՛ :

Ա՛ն քեզ անպաւի՛նիմք խո՛րան եւ տան-
ճար Աստուծոյ բանին Մարիամ մայր ե՛լ
կոյս . բարեխօսեա՛ առ ֆրիստոնս վասն ան-
ձա՛նց մերոց :

Քարոզ :

Լուիցէ Տէր ձայնի աղաչանաց մերոց , բա-
րեխօսութեամբ սուրբ Աստուածածնին ,
և իջանելոյ ՚ի վերայ մեր ողորմութեան և
զթութեան Տեառն Աստուծոյ . ամենակալ
Տէր Աստուած մեր կեցուցէ և ողորմեսցի :

Աղօթք :

Ընկալ Տէր զաղաչանս մեր բարեխօսու-
թեամբ սուրբ Աստուածածնին , անարատ
ծնողի միածնի որդւոյ քո , եւ աղաչանօք

ամենայն սրբոց քոց . լուր Տէր և ողորմեա ,
 ներեա , քաւեա և թող զմեզս մեր . ար-
 ժանաւորեա գոհանալով փառաւորել ըզ-
 քեզ ընդ Որդւոյ եւ ընդ Սրբոյ Հոգւոյդ
 այժմ և միշտ և յաւիտեանս յաւիտենից :

Աւերուիա աւելուիա .

Ես ասացի Տէր ողորմեա ինձ , բժշկեա
 զանձն իմ , ես մեղայ քեզ :
 Երանի որ խորհի զաղքատն և զտնանկն ,
 յաւուր չարի փրկէ զնա Տէր :

Յակովբու առաքելոյն 'ի կաթուղիկեաց առաջին
 թղթոյն է ընթերցուածս :

Խոստովան եղերուք միմեանց զմեզս , և
 աղօթս արարէք 'ի վերայ միմեանց , որպէս
 զի բժշկեսցիք . քանզի յոյժ զօրաւոր են
 աղօթք արդարոց յօգնականութիւն :
 Եղիա մարդ էր իբրեւ զմեզ չարչարելի .
 և յաղօթս եկաց , և ոչ տեղեաց յերկիր
 զերիս ամս և զվեց ամիս :

Եւ դարձեալ եկաց յաղօթս՝ և ետուն եր-
 կինք զանձրեւ և բուսոյց երկիր զպտուղ
 իւր :

Եղբարք իմ , եթէ ոք 'ի ձէնջ մոլորեացի
 'ի ճանապարհէ ճշմարտութեան , և դար-

ձուսցէ ոք զնա . գիտասցէ զի որ դար-
 ձուսցէ զմեղաւորն 'ի մոլորութեան ճա-
 նապարհէն իւրմէ , փրկեացէ զոգի իւր
 'ի մահուանէ , և ծածկեացէ զբազմութիւն
 մեղաց :

Ալէլուիա ալէլուիա .

Տէր մի սրտմտութեամբ քով յանդիմա-
 ներ զիս , և մի բարկութեամբ քով խրա-
 տեր զիս :

Ողորմեա ինձ Տէր , զի հիւանդ եմ ես ,
 բժշկեա զանձն իմ , զի խռովեցան ոս-
 կերք իմ :

Ալէլուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Աբղայ Աւետարանիս Յիսուսի Քրիստոսի՝ որ ըստ
 Մարկոսի :

Փառք քեզ Տէր Աստուած մեր :

Պաշխումէ : Աստ Աստուած :

Տէրն մեր Յիսուս Քրիստոս :

Կոչեաց առ ինքն զերկոտասանսն , և սկը-
 սաւ առաքել զնոսա երկուս երկուս . եւ
 տայր նոցա իշխանութիւն 'ի վերայ այսոց
 պղծոց :

Եւ պատուիրեաց նոցա՝ զի մի ինչ բարձ-
ցեն ՚ի ճանապարհ, բայց միայն գաւա-
զան . մի սյարկ, մի հաց, մի պղինձ ՚ի գօ-
տիս . այլ ագանել հողաթափս, եւ մի
զգենուցուք ասէ՝ երկուս պարեգօտս :
Եւ ասէր ցնոսա . յոր տուն մտանիցէք,
անդէն օթեվանս կալլիք՝ մինչեւ ելանի-
ցէք անտի :

Եւ որ ոչ ընկալցին զձեզ, և ոչ լուիցեն ձեզ,
յորժամ ելանիցէք անտի՝ թօթափեսլիք
զփոշի ոտից ձերոց ՚ի վկայութիւն նոցա :
Եւ ելեալ քարոզէին զի ապաշխարեսցեն .
եւ դեւս բազումս հանէին եւ օծանէին
իւղով զբազում հիւանդս, եւ բժշկէին
զնոսա :

Փառք քեզ Տէր Աստուած մեր :

Հաւատամք ՚ի մի Աստուած ՚ի Հայրն ամե-
նակալ, յարարիչն երկնի և երկրի, երե-
ւելեաց և : Տե՛ս յերե՛ս 88 :

Իսկ մեք փառաւորեսցուք որ յառաջ քան)
զյաւիտեանս . երկիրպագանելով Սրբոյ :

Քարոզ :

Եւ եւս խաղաղութեան զՏէր աղաչեսցուք :

Օրհնեա՛կ Տէր :

Օրհնութիւն և փառք Հօր և Որդւոյ և Հօգ :

Ողորմեա ինձ, Աստուած, ըստ մեծի ողորմութեան քում, ըստ բազում գթութեան քում քաւեա զանօրէնութիւնս իմ:

զՓոխն լման ասս:

Շարական:

ԱԿ. Ծով կե՛նցանդոյս հանամպա՛ղ զիս
ալէկո՛ծէ՛.

Մըրըրկեա՛լ ալիք թշնամի՛ն ինձ յարմու-
ցա՛նէ:

Նա՛ւապիտ բարի՛. լեր ա՛նձի՛ն իմոյ ա-
պա՛ւէ՛ն:

Աղաչեցի՛ ըզբազո՛ւմ ողորմ Ա՛ստը՛ւած,
եւ լըւա՛ւ ձայնի խընդրուածաց իմոց, զի
նուաղեցան աչք իմ ՚ի տեսանե՛լոյ, եւ
յի՛նէն փարատեցոյց զցա՛ւս անձի՛ն իմոյ:
Զթագաւորըն Քրիստոնս բարեբա՛նե-
ցէք, որ ՚ի յա՛նձն էառ ըզմա՛հ խաչի
եւ խափանեաց ըզմահո՛ւ թագաւորո՛ւ-
թիւնն. և յի՛նէն փարա:

Փութացի՛ր յձգնութի՛ւն սուրբ Աս-
տուանձա՛ծին. եւ աղաչեա՛ զառ ՚ի քէ՛ն
ըզմարմնացեալ բա՛նն Ա՛ստը՛ւած. զի

յահաւոր եւ ՚ի միւսանգամ գալստեանն
իւրոյ պարգեւեսցէ՛ մեզ ըզկեանսըն
յաւիտեանից :

Քարոզ :

Լուիցէ Տէր ձայնի աղաչանաց մերոց ,
բարեխօսութեամբ սուրբ Աստուածած-
նին , եւ իջանելոյ ՚ի վերայ մեր ողորմու-
թեան և գթութեան Տեառն Աստուծոյ .
ամենակալ Տէր Աստուած մեր կեցուսցէ
և ողորմեսցի :

Աղօթք :

Ընկալ Տէր զաղաչանս մեր բարեխօսու-
թեամբ սուրբ Աստուածածնին :

Աւելուիս պէլուիս .

Տէր հովուեսցէ զիս՝ , եւ ինձ ինչ ոչ պա-
կասեսցի :

Օծեր իւղով զգլուխ իմ , բաժակ քո որ-
պէս անապակ արբեցոյց զիս :

Յովհաննու առաքելոյն ՚ի կաթուղիկեայ առաջին
թղթոյն է ընթերցուածս :

Եղբարք՝ եթէ ասիցեմք՝ եթէ մեզս ինչ
մեք ոչ ունիմք , զանձինս խաբեմք . եւ
ճշմարտութիւնն ՚ի մեզ ոչ գոյ :

Ապա եթէ խոստովան լինիցիմք զմեզս մեր, հաւատարիմ է նա՝ եւ արդար, առ ՚ի թողուլ մեզ զմեզս մեր և սրբել զմեզ յամենայն անիրաւութենէ :

Եթէ ասիցեմք՝ եթէ ոչինչ մեղաք, սուտ առնեմք զնա, և բան նորա ոչ է ՚ի մեզ : Որդեակք իմ, զայս գրեմ ձեզ՝ զի մի մեղիցէք. եւ եթէ մեղիցէ ոք, ունիմք բարեխօս առ Աստուած զՅիսուս Քրիստոս՝ զարդարն՝ և զանարատ :

Եւ նա է քաւութիւն մեղաց մերոց. և ոչ եթէ մերոցն միայն՝ այլ և ամենայն աշխարհի :

Եւ յայսմիկ գիտեմք՝ եթէ ծանեաք զնա, եթէ զպատուիրանս նորա պահիցեմք : Որ ասիցէ՝ եթէ ծանեայ զնա, եւ զպատուիրանս նորա ոչ պահիցէ, սուտ է՝ եւ ճշմարտութիւն ՚ի նմա ոչ գոյ :

Իսկ որ պահիցէ զբան նորա, արդարեւ ՚ի նմա կատարեալ է սէրն Աստուծոյ. այսուիկ ճանաչեմք՝ եթէ ՚ի նմա եմք :

Որ ասիցէ ՚ի նմա բնակել, այնպէս պարտի գնալ՝ որպէս նայն գնաց :

ԱԷԼՄԻԱ ԱԷԼՄԻԱ.

Չայնիւ իմով ես առ քեզ Տէր կարգացի :

ձայնիւ իմով առ Աստուած . եւ նայեցաւ
առ իս :

Յաւուր նեղութեան իմոյ զԱստուած
խնդրեցի ձեռովք իմովք . եւ 'ի գիշերի
առաջի նորա ոչ խաբեցայ :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Սրբոյ Աւետարանիս Յիսուսի Քրիստոսի՝ որ ըստ
Ղուկասու :

Փառք քեզ Տէր Աստուած մեր :

Պաշտումէ : Աստ Աստուած :

Տէրն մեր Յիսուս Քրիստոս :

Եւ մտեալ շրջէր ընդ Երիքով . եւ ահա
այր մի անուն կոչեցեալ Չաբէոս , եւ նա
էր մաքսապետ , և ինքն մեծատուն . եւ
խնդրէր տեսանել՝ թէ ո՞վ իցէ Յիսուս ,
և՛ ոչ կարէր 'ի բազմութենէն , զի կարճ էր
հասակաւ :

Եւ ընթացեալ յառաջս , եւ 'ի ժանտա-
թզենին զի տեսանիցէ զնա . քանզի ընդ
այն իսկ անցանելոց էր :

Իբրեւ եկն 'ի տեղին , հայեցաւ 'ի վեր
Յիսուս՝ և ասէ ցնա . Չաբէ , փութա էջ

այտի , զի այսօր 'ի տան քու՛մ արժան է
ինձ ազանել . փութացաւ եւ էջ , եւ ըն-
կալաւ զնա ուրախութեամբ :

Իբրեւ տեսին ամենեքին , տրտնջէին եւ
ասէին՝ Թէ առ առն մեղաւորի եմուտ լու-
ծանել :

Եկն եկաց Ջաքէոս , և ասէ ցՏէր . ահա
զկէս ընչից իմոց տաց աղքատաց . և եթէ
զոք զրկեցի , հատուցից չորեքկին :

Եւ ասէ ցնա Յիսուս . այսօր եղեւ փրկու-
թիւն տանս այսմիկ . քանզի եւ սա որդի
Աբրահամու էր :

Ջի եկն Որդի Մարդոյ խնդրել և կեցու-
ցանել զկորուսեալն :

Քարոզ :

Եւ եւս խաղաղութեան զՏէր աղաչեսցուք :

Վասն 'ի վերուստ խաղաղութեան եւ
փրկութեան անձանց մերոց զՏէր աղա-
չեսցուք :

Տէր ողորմեա :

Եւ եւս վասն հիւանդիս (այս անոան) որ
յուսացեալ է կոչել զանուն Տեառն , զՏէր
աղաչեսցուք :

Տէր ողորմեա՛ , Տէր ողորմեա՛ , Տէր ողորմեա՛ :

Աղթթ :

Անսկիզըն Աստուած սուրբդ սրբոց , որ
 զմիածին քո Որդիդ առաքեցեր բժշկել
 զամենայն ախտս հոգւոց եւ մարմնոց մե-
 րոց . առաքեա զՀոգիդ քո սուրբ , եւ սրբ-
 բեա (շյս անուն) ծառայս քո , եւ ազատեա
 յամենայն մեղաց . զի ողորմած ես եւ գը-
 թած : Եւ քեզ փառս մատուցանեմք ընդ
 Որդւոյ եւ ընդ Սրբոյ Հոգւոյդ , այժմ եւ միշտ
 եւ յաւիտեանս յաւիտենից , ամէն :

Քարոզ :

Եւ եւս խաղաղութեան զՏէր աղաչեսցուք :

Օրհնեա՛ Տէր :

Օրհնութիւն եւ փառք Հօր եւ Որդւոյ եւ Հոգ :

Ողորմեա ինձ , Աստուած , ըստ մեծի ողոր-
 մութեան քում , ըստ բազում գթութեան
 քում քաւեա զանօրէնութիւնս իմ :

ՂՓոխն լման աստ :

Շարական .

ԲԶ . Մեղա՛ք մինչեւ յերկինս եւ զամրդա՛ր
 զցասո՛ւմըն քո՛ շարժեցաք ՚ի մե՛զ . Տէ՛ր
 ըստ մեծի՛ քում ողորմութեանդ , ողոր-
 մեա՛ մեզ :

Իջա՛ք մինչ ՚ի դըժո՛խս ընկը՛ղմեա՛լք յանձ-
րէնու՛թեան մերո՛ւմ. Տէ՛ր յիշեա՛ զգինս
արեա՛ն Որդւո՛յ քո և ողորմեա՛ :

Հալա՛ծեա ՚ի մէ՛նջ Տէ՛ր նըշմնա՛ն խա՛չի
քո զընդդի՛մամարտ եւ զանե՛րեւոյթ գա-
ղա՛նն . ե՛ւ մի տար յապակա՛նութիւն
զքո ժառա՛նգութիւնս :

Զե՛զեկիային քե՛ֆ՞զ մաղթե՛մ հառաչ-
մամբ սրբո՛ւ իմոյ , որ վստ՛ն իմ խոնարհե-
ցա՛ր ՚ի յերկնից . յո՛յս կենդանութեա՛ն
և փըրկութեա՛ն իմոյ Տէ՛ր :

Ո՛ր ՚ի խաչին բարձե՛ր ըզդա՛տակնիք մա-
հու , տա՛րածելով ըզքա՛զուկըս քո . ար-
ձա՛կեա եւ զիս ՚ի կա՛պանաց բանսար-
կուին . յո՛յս կենդանու :

Ո՛ր յամենայն ազգաց երա՛խեցա՛ր Ար-
բուհի եւ կո՛յս Մարիամ . աղա՛չեա զառ
՚ի քէն զմա՛րմնացեալն Աստըւած , ա՛պ-
րեցուցանե՛ լ ըզմե՛զ ՚ի սպա՛ռնալեաց
գեհենո՛յն :

Քարոզ :

Լուիցէ Տէր ձայնի աղաչանաց մերոց ,
բարեխօսութեամբ սուրբ Աստուածած-

նին , եւ իջանելոյ ՚ի վերայ մեր ողորմու-
թեան և գթութեան Տեառն Աստուծոյ ,
ամենակալ Տէր Աստուած մեր կեցուսցէ
և ողորմեսցի :

Աղօթք :

Ընկալ Տէր զաղաչանս մեր բարեխօսու-
թեամբ սուրբ Աստուածածնին :

Ալելուիա ալելուիա .

Բարձր առնեմ զքեզ Տէր , զի ընկալար
զիս . եւ ոչ ուրախ արարեր զթշնամին
իմ յիս :

Տէր Աստուած իմ կարգացի առ քեզ եւ
բժշկեցեր զիս . Տէր , հաներ ՚ի դժոխոց
զանձն իմ . փրկեցեր զիս յայնցանէ , որք
իջանեն ՚ի գուբ :

Պօղոսի առաքելոյն ՚ի կորնթացւոց երկրորդ
Թղթոյն է ընթերցուածս :

Ապաքէն դուք տաճար Աստուծոյ կեն-
դանւոյ էք . որպէս ասաց Աստուած , թէ
բնակեցայց ՚ի նոսա , և գնացից ՚ի նոսա .
և եղէց նոցա Աստուած , և նոքա եղիցին
իմ ժողովուրդք :

Վասն որոյ ելէք ՚ի միջոյ նոցա եւ մեկնե-

ցարուք, ասէ Տէր. և 'ի պիղծս մի մերձենայք. և ես ընկալայց զձեզ, եւ ես եղէց ձեզ 'ի Հայր, և դուք եղիջիք ինձ յուստերս և 'ի դստերս, ասէ Տէր ամենակալ: Իսկ որովհետեւ զայս աւետիս ունիմք սիրելիք, սրբեսցուք զանձինս մեր յամենայն պղծութենէ Վարմնոյ եւ հոգւոյ, կատարեսցուք զսրբութիւն անհիւն Աստուծոյ:

Աւելուիա աւելուիա.

Երանի որ խորհի զաղբատն և զտնանկն,
յաւուր չարի փրկէ զնա Տէր:

Աւելուիա Օրթի:

Խաղաղութիւն ամենեցուն:

Եւ ընդ հոգւոյդ քում: Երկիւղածութեամբ լուարուք:

Արոյ Աւետարանիս Յիսուսի Քրիստոսի՝ որ ըստ

Մարկոսի:

Փառք քեզ Աստուած մեր:

Պատիսուժէ: Ասէ Աստուած:

Տէրն մեր Յիսուս Քրիստոս:

Գնաց ընդ նմա, երթայր եւ ժողովուրդ բազում զհետ նորա, և նեղէին զնա:

Եւ կին մի էր 'ի տեռատեսութեան արեան զերկոտասան ամ, եւ յոյժ վշտացեալ 'ի բազում բժշկաց, եւ ծախեալ զինչս իւր

զամենայն, և չէր ինչ օգտեալ, այլ եւս
առաւել զայրացեալ:

Իբրեւ լուաւ զՅիսուսէ, եկն ՚ի մէջ ամ-
բոխին յետոյ՝ և բուռն էհար զհանդերձէ
նորա. քանզի խորհէր ՚ի մտի, թէ միայն
մերձեցայց ՚ի հանդերձս նորա՝ փրկեցայց:
Եւ վաղվաղակի ցամաքեցաւ աղբիւր ա-
րեան նորա. եւ գիտաց ՚ի մարմին իւր՝
թէ բժշկեցաւ ՚ի տանջանացն:

Եւ անդէն վաղվաղակի գիտաց Յիսուս
յանձն իւր զզօրութիւնն որ ել ՚ի նմանէ,
դարձաւ յամբոխն եւ ասէ. ո՞վ մերձե-
ցաւ ՚ի հանդերձս իմ:

Եւ ասեն ցնա աշակերտքն. տեսանես՝ զի
ամբոխդ նեղէ զքեզ, և ասես թէ ո՞վ մեր-
ձեցաւ ՚ի հանդերձս իմ:

Եւ շուրջ հայէր տեսանել՝ թէ ո՞ զայն
արար:

Եւ կինն զարհուրեալ և դողացեալ վասն
որոյ գաղտն արար. քանզի գիտէր զինչ
եղեւ նմա. եկն՝ անկաւ առաջի նորա, և
ասաց զամենայն իրսն ստուգութեամբ:

Եւ Յիսուս ասէ ցնա. դուստր՝ հաւատ քո
կեցուցին զքեզ. երթ ՚ի խաղաղութիւն,
և եղիջիր ողջ ՚ի տանջանաց քոց:

Քարոզ :

Եւ եւս խաղաղութեան զՏէր աղաչեսցուք :

Վասն 'ի վերուստ խաղաղութեան եւ փրկութեան անձանց մերոց , զՏէր աղաչեսցուք :

Տէր ողորմեա :

Եւ եւս վասն հիւանդիս (այս անուն) որ յուսացեալ է կոչել զանուն Տեառն , զՏէր աղաչեսցուք :

Տէր ողորմեա՛ , Տէր ողորմեա՛ , Տէր ողորմեա՛ :

Առթք :

Աստուած մեծ և սքանչելագործ , որ պահես զուխտս քո , եւ տաս զողորմութիւն սիրելեաց քոց , եւ զթողութիւն մեղաց 'ի ձեռն Սրբոյ Որդւոյ քո Յիսուսի Քրիստոսի . որ նորոգեաց զմեզ 'ի մեռելութենէ մեղաց մերոց : Դու ես որ լուսաւոր անես զկոյրս , եւ կանգնես զանկեալս : Դու հաներ զմեզ 'ի խաւարէ , և 'ի ստուերաց մահու . ասելով ցկապեալս՝ թէ ելէք , և որք 'ի խաւարին՝ թէ յայտնեցարուք . յորս ծագեաց լոյս գիտութեան օծելոյ քո , որ եկն երեւեցաւ յերկրի , և ընդ մարդկան շրջեցաւ . և որք ընկալան զնա , ետ նոցա իշխանութիւն որդիս Աստուծոյ լինել :

Դու Տէր, փրկական աւազանին վերստին
 ծննդեամբն զորդէգրութիւն մեզ շնոր-
 հեցեր, և հաղորդս արարեր զմեզ սուրբ
 անուան նորա: Դու ինքն Տէր ամենայնի
 նայեա (յայս անոն) ծառայ քո, զի փրկեալ
 'ի մեղաց, եղիցի արդարացեալ 'ի քեզ,
 զգեցեալ զՏէր մեր Յիսուս Քրիստոս:
 Զի ողորմած և մարդասէր Աստուած ես,
 եւ քեզ վայելէ փառք իշխանութիւն եւ
 պատիւ, այժմ և միշտ և յաւի:

Քարոզ:

Եւջեա խաղաղութեան զՏէր աղաչեսցուք:

Օրհնեա՛ Տէր:

Օրհնութիւն և փառք Հօր և Որդւոյ և Հոգ:

Ողորմեա ինձ, Աստուած, ըստ մեծի ողոր-
 մութեան քում, ըստ բազում գթութեան
 քում քաւեա զանօրէնութիւնս իմ:

ՉՓոխն լման աստ:

Շարհան.

ԲԿ. Յամենայն ժամ աղաչանք իմ այս էն.

'ի մեղաց իմոց սուրբ արա՛ զիս Տէր:

Յանցանաց իմոց զարհմլրի սիրտ իմ.

աղաչեմ զքեզ թող ինձ Տէր:

Արտասուլանց իմոց մի լուեր Տէր . զի պանդոկստ եմ ես յանցանոր երկրի :

Անմահ թագանոր որ կամիս ըզկեանս ամենայն մարդկան , որ կարդան ան քեզ . լուր աղաչանաց մերոց եւ նորոգ գեա հոգևով գիտուեան :

Որ զառժամանակեսյ ըզցանսըն բարձեր 'ի մարմնոյն Յզեկիայ , յտնջենաւոր ցուցանելով նրմա զհոգեւորական անողջ ընկթիւն . լուր աղաչա :

Անոխակալ եւ բարեգուծ , բարեխօսուեանմբ սրբբուհւոյ անարատ մօր քո՛ եւ կուսի , լուր աղաչա :

Քարոզ :

Սուրբ զԱստուածածինն եւ զամենայն սուրբս բարեխօս արասցուք առ Հայր 'ի յերկինս , զի կամեցեալ ողորմեսցի՛ եւ գթացեալ կեցուցէ զարարածս իւր . ամենակալ Տէր Աստուած մեր , կեցո եւ ողորմեա :

Աղօթք :

Ընկալ Տէր զաղաչանս մեր բարեխօսուեանմբ սուրբ Աստուածածնին :

Աւելուիա աւելուիա .

Աստուած յօգնել ինձ նայեաց , եւ Տէր ,
յընկերել ինձ փութա :

Ամաչեսցեն և յամօթ լիցին ոյք խնդրէին
զանձն իմ . դարձցին յետս և ամաչեսցեն
ոյք խորհէին ինձ չար :

Պողոսի առաքելոյն յԵփեսացւոց թղթոյն և
ընթերցուածս :

Եղբարք , աղաչեմք զձեզ ես որ կապեալս
եմ 'ի Տէր , արժանի գնալ կոչմանն յոր
կոչեցարուք :

Ամենայն խոնարհութեամբ , եւ հեզու-
թեամբ , եւ երկայնատութեամբ՝ անսալ
միմեանց սիրով :

Փութալ պահել զմիաբանութիւն Հօգւոյն
յօդիւ խաղաղութեան :

Մի մարմին՝ եւ մի հոգի . որպէս և կոչե-
ցարուք 'ի մի յոյս կոչման ձերոյ :

Մի է Տէր , մի հաւատք , մի մկրտութիւն :

Մի Աստուած , և Հայր ամենեցուն , որ 'ի
վերայ ամենայնի եւ ընդ ամենեօին եւ
յամենեօին 'ի մեզ :

Այլ իւրաքանչիւր ումեք 'ի մէնջ տուեալ
են շնորհք ըստ չափոյ պարգեւացն Քրիս-
տոսի :

Աւելուիա ալելուիա .

Դատ արա ինձ Տէր՝ զի ես յամբժուութեան
իմում գնացի . 'ի Տէր յուսացայ զի մի
եղէց հիւանդ .

Աւելուիա Օրթի .

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արոյ Աւետարանիս Յիսուսի Քրիստոսի՝ որ ըստ
Մատթէոսի :

Փառք քեզ Տէր Աստուած մեր :

Պատիւս : Աստ Աստուած :

Տէրն մեր Յիսուս Քրիստոս :

Ելեալ անտի Յիսուսի գնաց 'ի կողմանս
Տիւրոսի և Աիդոյնի :

Եւ ահա՛ կին մի Քանանացի 'ի սահմանաց
անտի նոցա՝ ելեալ, աղաղակէր և ասէր .

Ողորմեաց ինձ Տէր Որդի Իաւթի, դուստր
իմ՝ չարաչար այսահարի :

Եւ նա ոչ ետ նմա պատասխանի :

Եւ մատուցեալ աշակերտքն նորա՝ աղա-
լէին զնա եւ ասէին . արձակեա զնա՝ զի
աղաղակէ զհետ մեր :

Նա պատասխանի ետ եւ ասէ . ոչ ուրեք
առաքեցայ՝ եթէ ոչ առ ոչխարս կորու-
սեալս տանն Իսրայէլի :

Եւ նա մատուցեալ, երկիրպագանէր նմա
 և ասէր. Տէր, օգնեա ինձ :

Պատասխանի ետ նմա և ասէ. ոչ է բար-
 ւոք առնուլ զհաց մանկանց՝ եւ արկանել
 շանց :

Եւ նա ասէ. այո՛ Տէր, քանզի եւ շունք
 կերակրին ՚ի փշրանաց անկելոց ՚ի սեղանոյ
 տեառն իւրեանց :

Յայնժամ պատասխանի ետ նմա Յիսուս,
 և ասէ. ո՛վ կին դու՝ մեծ են հաւատք քո,
 եղիցի քեզ՝ որպէս և կամիս :

Եւ բժշկեցաւ դուստր նորա ՚ի նմին ժա-
 մու :

Քարոզ :

Եւ եւս խաղաղութեան զՏէր աղաչեսցուք :

Վասն ՚ի վերուստ խաղաղութեան եւ
 փրկութեան անձանց մերոց, զՏէր աղա-
 չեսցուք :

Տէր ողորմեա :

Եւ եւս վասն հիւանդիս (այս անոնն) որ
 յուսացեալ է կոչել զանուն Տեառն, զՏէր
 աղաչեսցուք :

Տէր ողորմեա՛, Տէր ողորմեա՛, Տէր ողորմեա՛ :

Աղօթք :

Բարերար եւ մարդասէր Տէր՝ որ զամե-

նայն հիւանդութիւնս և զամենայն ախտս
բժշկես, բժշկես (շայս անոն) ծառայ քո .
յարո զսա 'ի մահճաց ցաւոց . այց արա
ողորմութեամբ և գթութեամբ քո . փա-
րատես 'ի սմանէ զամենայն տկարութիւն
և զհիւանդութիւն . զի յարուցեալ քո կա-
րող ձեռամբ , ծառայեսցէ քեզ հանդերձ
ամենայն գոհութեամբ : Զի դու ես Աս-
տուած՝ Աստուած ողորմութեան եւ կե-
ցուցիչ . և քեզ մատուցանեմք զփառս Հօր
և Որդւոյ և Հոգւոյն Սրբոյ , այժմ և :

Քարոզ :

Եւ եւս խաղաղութեան զՏեր աղաչեսցուք :

Օրհնեա՛ Տէր :

Օրհնութիւն և փառք Հօր և Որդւոյ և Հոգ :

Ողորմես ինձ , Աստուած , ըստ մեծի ողոր-
մութեան քում , ըստ բազում գթութեան
քում քաւես զանօրէնութիւնս իմ :

ՉՓոխն լման աստ :

Շարական .

ԳԶ . Զանապանկան ըզհոգե՛ւոր ըզգանձըն
յապականացու կե՛նցաղըս ծախեցի . այլ

առ քեզ միայն պաղանտիմ բարեբար Փրո-
կիչ, խնայեա ՚ի մեղո՛ւցեալ ծառայս :
Զցանկ հոգւոյ ի՛մոյ քակտեցի եւ եղէ՛
անբարո՛ւնա՛կ որթ . այլ առ քեզ մի :
Ոստաքանց եղէ՛ ես որպէս զարմա՛ւենի ,
պըտղանկորոյս որպէս ձիթենի . այլ անյի-
շաչար և անօխակալ Փրոկիչ, խնայեա ՚ի :
Հառաչեցի զանլըռելի ըզհե՛ծութիւն առ
բարեգո՛ւթն Աստու՛ած , եւ լըւա՛ւ ինձ ՚ի
լե՛ռնէ սրբոյ իւրմէ . եւ եհա՛ն ըզկեանս
ի՛մ յապականութենէ :

Աւերեա՛ց ըզմահո՛ւ կարողութիւնն որ
խա՛չեցա՛ւ վա՛սըն մեր , և յարեա՛ւ ՚ի մե-
ռելոց որպէ՛ս յամե՛նայնի կարող . փրո-
կելո՛վ ըզկեանս ի՛մ յապա :

Աստու՛ած է՛ց որ ծընալ ՚ի միշտ կուսէն
՚ի փլը՛կութիւն ազգի՛ մարդկան , լուսա-
ւորելո՛վ ըզտիեզերս ՚ի գի՛տութիւն ճըշ-
մարտութեան . եւ բարեբա՛նեմք ըզնորա
բարե՛գըթութիւնն :

Զանա՛րա՛տն օրհնե՛սցուք զԱստու՛ածա-
ծինն որ կոյս մընաց յետ ծը՛նընդեանն ,
և տարալ յորմ՛վայնի զանտա՛նելին ամե՛-

նեցուն , զհամարնակիցըն Հօր և Ամենա-
սուրբ Հոգւոյն :

Քարոզ :

Սուրբ զԱստուածածինն եւ զամենայն
սուրբս բարեխօս արասցուք առ Հայր 'ի
յերկինս , զի կամեցեալ ողորմեսցի՝ և :

Աղօթք :

Ընկալ Տէր զաղաչանս մեր բարեխօսու-
թեամբ սուրբ Աստուածածնին :

Աւելուիա ուէլուիա .

Յնճացէք արդարք 'ի Տէր՝ ուղղոց վայելէ
օրհնութիւն , խոստովան եղերուք Տեառն
օրհնութեամբ . տասնաղեալ սաղմոսարա-
նաւ սաղմոս ասացէք նմա :

Օրհնեցէք զՏէր յօրհնութիւն նոր զի բա-
րի է , սաղմոս ասացէք նմա օրհնութեամբ :

Պողոսի առաքելոյն 'ի Հռովմայեցւոց թղթոյն է
ընթերցուածս :

Պարտ է մեզ որ կարողս եմք՝ զտկարու-
թիւն տկարացն բառնալ , եւ մի անձանց
և եթ հաճոյ լինել :

Այլիւրաքանչիւր ոք 'ի մէնջ ընկերին հա-
ճոյ լիցի 'ի բարիս՝ վասն շինութեան :

Քանզի և Քրիստոս ոչ եթէ անձին հաճոյ
եղեւ, այլ որպէս և գրեալ է. նախատինք

նախատչաց քոց անկան 'ի վերայ իմ:

Բայց որ ինչ գրեցաւն՝ 'ի մեր վարդապե-
տութիւն գրեցաւ, զի համբերութեամբ և

մխիթարութեամբ գրոց զյոյսն ընկալցուք:
Այլ Աստուած համբերութեան եւ ամե-

նայն մխիթարութեան տացէ ձեզ զնոյն
խորհել ընդ միմեանս ըստ Յիսուսի Քրիս-

տոսի. զի միաբանութեամբ 'ի մի բերան
փառաւոր առնիցէք զԱստուած, և զՀայր
Տեառն մերոյ Յիսուսի Քրիստոսի:

Վասն որոյ ընկալարուք զմիմեանս, որպէս
եւ Քրիստոս ընկալաւ զձեզ 'ի փառս Աս-
տուծոյ:

Աւելուիա պէլուիա.

Աստուած յանուան քում կեցո զիս, եւ
'ի զօրութեան քում իրաւ արա ինձ:

Աւելուիա Օրթի:

Խաղաղութիւն ամենեցուն:

Եւ ընդ հոգւոյդ քում: Երկ/ւղածութեամբ լուարուք:

Սրբոյ Աւետարանիս Յիսուսի Քրիստոսի՝ որ ըստ
Ղաւկասու:

Փառք քեզ Տեր Աստուած մեր:

Պատիւով: Ասէ Աստուած:

Տէրն մեր Յիսուս Քրիստոս :

Ասէ ցնոսա . ո՞վ է 'ի ձէնջ՝ որոյ իցէ բարեկամ , և երթայցէ առ նա 'ի մէջ գիշերի , և ասիցէ ցնա . բարեկամ , տո՛ւր ինձ փոխ երիս նկանակս . զի բարեկամ իմ եկն առ իս յուղւոյ , և ոչինչ ունիմ զնեւ առաջի նորա :

Եւ նա 'ի ներքուստ տայցէ պատասխանի եւ ասիցէ . մի աշխատ առներ զիս , զի դուրքդ փակեալ են , եւ մանկունքս ընդ ինեւ կան յանկողնի , ոչ կարեմ յառնել և տալ քեզ :

Ասեմ ձեզ . եթէ ոչ յարուցեալ տայցէ նմա վասն բարեկամութեանն , սակայն վասն ժտութեանն յարուցեալ տայցէ նմա՝ զինչ և պիտոյ իցէ :

Եւ ես ասեմ ձեզ . խնդրեցէք՝ եւ տացի ձեզ , հայցեցէք՝ եւ գտջիք , բաղխեցէք՝ եւ բացցի ձեզ . զի ամենայն որ խնդրէ՝ առնու , եւ որ հայցէ՝ գտանէ , եւ որ բաղխէ՝ բացցի նմա :

Յո՞ որ 'ի ձէնջ հայր՝ խնդրիցէ որդի իւր ձուկն , միթէ փոխանակ ձկանն օձ տայցէ նմա . եւ կամ խնդրիցէ ձու , միթէ կարի՞ճ տայցէ նմա :

Իսկ եթէ դուք որ չարքդ էք՝ գիտէք
պարգեւս բարիս տալ որդւոց ձերոց .
որչափ եւս առաւել Հայր ձեր յերկնից
տացէ բարիս այնոցիկ՝ որ խնդրենն 'ի
նմանէ :

Քարոզ :

Եւ եւս խաղաղութեան զՏէր աղաչեսցուք :

Վասն 'ի վերուստ խաղաղութեան եւ
փրկութեան անձանց մերոց , զՏէր աղա-
չեսցուք :

Տէր ողորմեա :

Եւ եւս վասն հիւանդիս (այս անոն) որ
յուսացեալ է կոչել զանուն Տեառն , ըզ-
Տէր աղաչեսցուք :

Տէր ողորմեա : Տէր ողորմեա : Տէր ողորմեա :

Աղօթք :

Բազումողորմ՝ և բարերար Տէր , որ զօրա-
ցուցեր զմեզ 'ի ձեռն սրբոց Առաքելոցն
քահանայական աղօթիւք զհիւանդս բը-
ժըշկել . աղաչեմք զքեզ , շնորհեա բժըշ-
կութիւն եւ փրկութիւն (այս անոն) ծա-
ռայիս քո . փարատեցո զամենայն հիւան-
դութիւնս , եւ սրբեա զաղտեղութիւնս
հոգւոյ եւ մարմնոյ սորա մարդասիրու-

Թեամբ քով : Եւ քեզ փառք և իշխանու-
թիւն և պատիւ , այժմ և միշտ և յաւի-
տեանս յաւիտենից , ամէն :

Քարոզ :

Եւ եւս խաղաղութեան զՏէր աղաչեսցուք :

Օրհնեա՛ Տէր :

Օրհնութիւն և փառք Հօր և Որդւոյ և Հոգ :

Ողորմեա ինձ , Աստուած , ըստ մեծի ողոր-
մութեան քում , ըստ բազում գթութեան
քում քաւեա զանօրէնութիւնս իմ :

ՂՓոյն լմն սաս :

Շարական .

ԳԿ . Քրիստոս Աստը՛ւած աստո՛ւծոց .
ողո՛րմեա՛ :

Անօրէնութեամբ ՚ի մե՛ղս երկնեաց զի՛ս
մայր իմ , աղա՛չեմ փրկիչ . ողո՛րմեա՛ :

Վիրաւորեալ մեղօք անկա՛նիմ առ քե՛զ
փրկի՛չ . մի անտե՛ս առներ . ողո՛ր :

Ձե՛զեկիայի՛ն քեզ մա՛ղթեմ փրկիչ , որ
կենարար բանիւ քո լո՛ւծե՛ր զերկո՛ւնըս
մահու . փարատեա՛ և զիմ զհիւանդո՛ւ-
թիւնս . յոյս կենդանութեան մեր կեցո՛
ղզմե՛զ :

Ո՛ր անմահանքա՛նք քո մե՛ռելու թեամբն ա-
 ւերելով ըզգրուներս դըժո՛խոց մեռուցեր
 ըզմահ. կե՛նագործեա՛մ և զիս զմեղօք ըզ-
 մեռեալս. յո՛յս կեն՛ :

Մաքուր եւ անբի՛ծ կոյս յե՛տ ծընըն-
 դեան . ո՛ր մարմնով ծընար զարձակո՛ղն
 ՚ի կանպից մահու . բարեխօս լեր վասն
 անձա՛նց մերոց , փրօկել ՚ի սպա՛ռնալեանց
 գեհենոյն :

Քարոզ :

Լուիցէ Տէր ձայնի աղաչանաց մերոց ,
 բարեխօսութեամբ սուրբ Աստուածած-
 նին , եւ իջանելոյ ՚ի վերայ մեր ողորմու-
 թեան և գթութեան Տեառն Աստուծոյ :
 ամենակալ Տէր Աստղած մեր կեցուսցէ
 և ողորմեսցի .

Աղօթք :

Ընկալ Տէր զաղաչանս մեր բարեխօսու-
 թեամբ սուրբ Աստուածածնին :

Աւելուիս աւելուիս .

Յարիցէ Աստուած եւ ցրուեսցին ամե-
 նայն թշնամիք նորա , փախիցեն ատելիք
 նորա յերեսաց նորա :

Պօղոսի առաքելոյն 'ի Հռովմայեցոց թղթոյն է
ընթերցուածս :

Աղաչեմ զձեզ, եղբարք, գթութեամբքն
Աստուծոյ՝ պատրաստել զմարմինս ձեր պա-
տարագ կենդանի, սուրբ, հաճոյ Աստու-
ծոյ, զխօսուն պաշտօնդ ձեր. եւ մի կեր-
պարանիք կերպարանօք աշխարհիս այսո-
րիկ, այլ նորոգեցարուք 'ի նորոգութիւն
մտաց ձերոց, առ 'ի քննել ձեզ զլաւն, և
եթէ զինչ են կամքն Աստուծոյ բարին եւ
հաճոյն և կատարեալն.

Զայս ասեմ շնորհօքն Աստուծոյ որ տը-
ւեալ են ինձ ամենայնի որ է 'ի ձեզ, մի
առաւել ինչ խորհել քան զարժանն խոր-
հելոյ. այլ խորհել 'ի զգաստանալ իւրա-
քանչիւր, որպէս և բաժանեաց Աստուած
չափ հաւատոց :

Ալէլուիա տէլուիա.

Զի՛ բարի կամ զի՛ վայելուչ, զի բնակին
եղբարք 'ի միասին :

Որպէս իւղ զի իջանէ 'ի գլուխ և 'ի մօ-
րուսն Ահարովնի, և 'ի մորուացն իջանէ
'ի գրապանս զգեստու նորա :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արոյ Աւետարանիս Յիսուսի Քրիստոսի՝ որ ըստ
Մարկոսի :

Փառք քեզ Տէր Աստուած մեր :

Պաօստուժէ : Ասէ Աստուած :

Տէրն մեր Յիսուս Քրիստոս :

Պատասխանի ետ Յիսուս և ասէ ցնոսա՝
 եթէ ունիցիք զհաւատսն Աստուծոյ, ա-
 մէն ասեմ ձեզ, որ ոք ասիցէ լերինս այս-
 միկ՝ բարձիր և անկիր ՚ի ծով, և ոչ երկ-
 մտիցէ ՚ի սրտի իւրում, այլ հաւատայցէ
 թէ զոր ասէն լինի, եղիցի նմա զոր ինչ
 և ասիցէ :

Վասն այսորիկ ասեմ ձեզ. ամենայն ինչ
 վասն որոյ աղօթս արարեալ խնդրիցէք, և
 հաւատայցէք թէ առնուցուք, եղիցի ձեզ :
 Եւ յորժամ յաղօթս կայցէք, թողուցուք
 եթէ ունիցիք ինչ զուժեքէ. զի և Հայրն
 ձեր որ յերկինս է, թողցէ ձեզ զյանցանս
 ձեր :

Քարոզ :

Եւ եւս խաղաղութեան զՏէր աղաչեցուք :

Վասն ՚ի վերուստ խաղաղութեան եւ

փրկութեան անձանց մերոց, զՏէր աղա-
չեսցուք :

Տէր ողորմեա :

Եւ եւս վասն հիւանդիս (այս անուն) որ
յուսացեալ է կոչել զանուն Տեառն, զՏէր
աղաչեսցուք :

Տէր ողորմեա, Տէր ողորմեա, Տէր ողորմեա :

Աղօթք :

Տէր Աստուած մեր՝ որ նստիս ՚ի վերայ
քերովքէից, եւ հայիս յանդունդս. հայ-
եաց (այս անուն) ծառայս քո ՚ի բարձրու-
թենէ սրբութեան քո, հեռացո ՚ի սմանէ
զամենայն ցաւս եւ զամենայն աղտոյղու-
թիւնս, և տուր սմա զառողջութիւն զա-
մենայն աւուրս կենաց իւրոց : Եւ քեզ
փառք իշխանութիւն և պատիւ այժմ և :

Քարոզ :

Եւ եւս խաղաղութեան զՏէր աղաչեսցուք, ընկալ կե :

Օրհնեա՛ Տէր :

Օրհնութիւն և փառք Հօր և Որդւոյ և Հոգ :

Ողորմեա ինձ, Աստուած, ըստ մեծի ողոր-
մութեան քում, ըստ բազում գթութեան
քում քաւեա զանօրէնութիւնս իմ :

զՓոխն լման ասա :

Շարական .

ԳԶ. Անկանխմ առաջի՛ քո՝ եւ խընդըե՛մ
զթողութիւն յանցանաց իմոց . մի՛ ան-
տես առներ Հա՛յր զաղայ՛նս իմ .

Աղաղակե՛մ որպէս մաքսա՛ւորն , եւ հե՛-
ղումն զարտասո՛ւս իմ առաջի՛ քո որպէս
պողնիկն . մի՛ անտես առ .

Յաներեւոյթ թըշնամեոյն պարտեցայ , և
ի գաղտնի՛ նետից բանսարկուին վիրա՛-
ւորեցայ . մի՛ անտես առ .

Յոյս կենդանութեան՝ եւ փրկութեան
իմոյ Տէ՛ր Ա՛ստուած իմ , յիշեա զիս որ-
պէս երբե՛մն զԵզեկիայն . եւ դարձո զհո-
գի իմ՝ ի դրանց դըժոխոց .

Որ կամաւոր մահուամբ քո՛ մեռնեցեր
ըզմահ Քրիստո՛ս Ա՛ստուած . եւ լուսա-
փայլ յարութեամբ քո կենսագործեցեր
զաշխարհս . կենսագործեա՛ և զի՛ս ըզմե-
ղօք ըզմեռեալս .

Առ քեզ ապաւինիմք սուրբ Ա՛ստուա-
ծածին . բարեխօսեա՛ն անդադար առ Որ-
դիդ քո և Աստուա՛ծ մեր , փրկել ըզմե՛զ

Ի փորձութենէ՛ եւ յամենա՛յն վըտա՛ն-
գից մերոց :

Քարոզ :

Սուրբ զԱստուածածինն եւ զամենայն
սուրբս բարեխօս արասցուք առ :

Աղօթք :

Ընկալ Տէր զաղաչանս մեր բարեխօսու-
թեամբ սուրբ Աստուածածնին :

Ալելուիա ալելուիա :

Որ բնակեալն է յօգնութիւն բարձրելոյն,
ընդ հովանեաւ Աստուծոյ յերկինս հան-
գիցէ :

Յովհաննու առաքելոյն ՚ի կաթուղիկեայ առաջին
թղթոյն է ընթերցուածս :

Եւ դուք օծութիւն ունիք առ ՚ի սրբոյն,
և գիտէք ամենեքին :

Ոչ գրեցի ձեզ՝ եթէ ոչ գիտէք զճշմար-
տութիւնն, այլ թէ գիտէք զնա, և թէ՛
զի ամենայն ստութիւն ոչ է ՚ի ճշմար-
տութենէ անտի :

Իսկ ո՞ իցէ սուտ, եթէ ոչ՝ որ ուրանայ
եթէ Յիսուս չէ Քրիստոսն. նա իսկ է
նեռն, որ ուրանայ զՀայր և զՈրդի :

Ամենայն որ ուրանայ զՈրդի, և ոչ զՀայր
ընդունի. իսկ որ խոստովանի զՈրդի, նա
և զՀայր ընդունի:

Գուք զոր լուարուքն իսկզբանէ՝ ՚ի ձեզ
բնակեցէ. զի եթէ ՚ի ձեզ բնակեցէ
զոր իսկզբանէն լուարուք, և դուք յՈրդին
և ՚ի Հայր բնակեսցիք:

Եւ այս են աւետիքն՝ զոր աւետարանեաց
նա մեզ՝ զկեանսն յաւիտենականս:

Աւելուիա աւելուիա.

Երանի ում թողութիւն եղեւ մեղաց, և
ծածկեցան ամենայն յանցանք նորա:

Աւելուիա Օրթի:

Խաղաղութիւն ամենեցուն:

Եւ ընդ հոգւոյդ քում: Երկիւղածութեամբ լուարուք:

Սրբոյ Աւետարանիս Յիսուսի Քրիստոսի՝ որ ըստ
Ղուկասու:

Փառք քեզ Տէր Աստուած մեր:

Պաշտումէ: Ասէ Աստուած:

Տէրն մեր Յիսուս Քրիստոս:

Աղաչէր զնա ոմն ՚ի փարիսեցւոցն՝ զի կե-
րիցէ ճաշ ընդ նմա. և մտեալ ՚ի տուն փա-
րիսեցւոյն՝ բազմեցաւ:

Եւ կին մի էր ՚ի քաղաքին մեղաւոր. իբ-

րեւ գիտաց թէ բազմեալ է 'ի տան փարիսեցւոյն, բերեալ շիշ մի իւղոյ ազնուի, կայր յետոյ առ ոտս նորա, լայր. եւ արտասուօքն սկսաւ թանալ զոտս նորա, և հերով գլխոյ իւրոյ ջնջէր. և համբուրէր զոտս նորա, և օծանէր իւղոյն:

Եւ տեսեալ փարիսեցւոյն որ կոչեաց զնա, ասէր ընդ միտս իւր. սա թէ մարգարէ որ էր, ապա գիտէր թէ ո՞վ և ո՞րպիսի որ կին մերձենայ 'ի սա. զի մեղաւոր է:

Պատասխանի ետ Յիսուս եւ ասէ ցնա, Աիմոն, ունիմ ինչ ասել քեզ. և նա ասէ, ասա, վարդապետ:

Եւ ասէ. երկու պարտապանք էին ուրումն փոխատուի. մին պարտ էր հինգ հարիւր դահեկան, և միւսն յիսուն. և իբրեւ ոչ գոյր նոցա հատուցանել, երկոցունց շնորհեաց. արդ ասա՝ ո՞վ առաւել սիրեցէ զնա:

Ասէ Աիմոն. ինձ այսպէս թուի՝ եթէ ուրում զբազումն շնորհեաց:

Եւ նա ասէ ցնա. ուղիղ դատեցար:

Եւ դարձեալ 'ի կին կողմն, ասէ ց'Աիմոն. տեսանե՞ս զայս կին. մտի 'ի տուն քո՝ ջուր ոտից իմոց ոչ ետուր, իսկ սա արտասուօք

իւրովք եթաց զոտս իմ, և հերով իւրով
 քնքեաց. համբոյր մի դու ոչ ետուր ինձ,
 սա աւասիկ յորմէ հետէ մտեալ եմ՝ ոչ
 դադարեաց ՚ի համբուրելոյ զոտս իմ. իւ-
 ղով զգլուխ իմ ոչ օծեր, սա իւղով անու-
 շիւ օծ :

Վասն որոյ ասեմ քեզ. թողեալ լիցին սմա
 մեղք իւր բազումք, զի յոյժ սիրեաց. զի
 որում շատ թողուցու՝ շատ սիրէ, եւ ո-
 րում սակաւ՝ սակաւ :

Եւ ասէ ցնա. թողեալ լիցին քեզ մեղք քո :
 Եւ սկսան որ բազմեալն էին ընդ նմա՝
 ասել ընդ միտս իւրեանց. ո՞վ է սա՝ որ
 զմեզս թողու :

Եւ նա ասէ ցկինն. հաւատք քո կեցու-
 ցին՝ զքեզ, երթ ՚ի խաղաղութիւն :

Քարոզ :

Եւ եւս խաղաղութեան զՏէր աղաչեցուք :

Վասն ՚ի վերուստ խաղաղութեան եւ
 փրկութեան անձանց մերոց զՏէր աղա-
 չեսցուք. Տէր ողորմեա :

Եւ եւս վասն հիւանդիս (այս անուն) որ
 յուսացեալ է կոչել զանուն Տեառն, ըզ-
 Տէր աղաչեսցուք :

Տէր ողորմեա՛, Տէր ողորմեա՛, Տէր ողորմեա՛ :

Աղբթ :

Գոհանամք զքէն Տէր Աստուած մեր , որ
 ես բժիշկ բարի՝ անձանց մերոց . որ զհի-
 ւանդութիւնս մեր բառնաս . որ քս վերօք
 ամենեքեան բժշկեցաք : Որ հովիւդ ես
 բարի , եւ խնդրող մոլորեալ ոչխարին : Որ
 անձանց բեկելոց տաս մխիթարութիւն ,
 և կեանս մահացելոց : Որ զաղբիւր արեան
 տեռատեսին քղանցիւ հանդերձի քո բը-
 ժըշկեցեր : Որ զգուստր Քանանացւոյն 'ի
 դժնդակ դիւացն ազատեցեր : Որ զպարտս
 երկուց պարտապանացն շնորհեցեր . եւ
 մեղաւոր կնոջն զթողութիւն ետուր : Որ
 զբժշկութիւն անդամալուծին պարգեւե-
 ցեր հանդերձ թողութեամբ մեղաց նորա :
 Որ զմաքսաւորն բանիւ արդարացուցեր .
 և զաւազակն 'ի վերջին խոստովանութեան
 նորա ընկալար : Որ զմեղս աշխարհի բար-
 ձեր , եւ 'ի խաչին բեւեռեցեր . Զքեզ
 աղաչեմք , եւ քեզ պաղատիմք , ներեա ;
 և թող զանօրէնութիւնս եւ զմեղս սորա
 զկամայ եւ զակամայ , զգիտութեան եւ
 զանգիտութեան , զոր 'ի գիշերի եւ զոր
 'ի տունջեան : Այո՛ Տէր Աստուած , լուր
 ինձ մեղաւորիս 'ի պահուս յայսմիկ վասն

(այս անուան) ծառայիս քո, անտես արա
 իբրեւ անյիշաչար Աստուած զյանցանս
 սորա զամենայն : Զբերան սորա քոյին
 օրհնութեամբդ լցո . զչրթունս սորա
 բաց, առ 'ի փառաբանութիւն անուանդ
 քում սրբոյ . զձեռս սորա տարածեա
 'ի գործս պատուիրանաց քոց . զոտս սո-
 րա առ յընթացս Աւետարանին ուղղեա .
 եւ զամենայն անդամս սորա եւ զմիտս
 պարփակեա քոյին շնորհօք :

Դու Տէր Աստուած մեր՝ որ 'ի ձեռն սրբոց
 քոց Առաքելոց ծանուցեր մեզ ասելով,
 թէ զոր կապիցէք 'ի վերայ երկրի՝ եղիցի
 կապեալ յերկինս . և դարձեալ՝ եթէ ու-
 մեք թողուցուք զմեզս՝ թողցին նմա : Եւ
 որպէս լուար Եզեկիայ, 'ի նեղութեան ան-
 ձին իւրում 'ի ժամու մահուան նորա, և
 ոչ անտես արարեր զաղաչանս նորա . լուր
 և ինձ մեղաւոր և անարժան ծառայի քո
 'ի պահուս յայսմիկ : Քանզի դու ես Տէր՝
 որ եօթանասնեկի եօթն թողուլ՝ օրք ան-
 կանին 'ի մեզս, հրամայեցեր քոյին մար-
 դասիրութեամբդ . ապաշաւելով 'ի վերայ
 չարեաց մերոց, և խնդալով 'ի վերայ դար-
 ձի կորուսելոց :

Տէր Աստուած մեր որ մտեալ 'ի տունն
 Զաքէի ասացեր, այսօր եղեւ փրկութիւն
 տանս այսմիկ. դու որպէս մարդասէր և
 բազումողորմ Փրկիչ, արա և այժմ փրկու-
 թիւն տանս այսօրիկ. զի որպէս մեծու-
 թիւն քո, նոյնպէս և ողորմութիւն քո:
 Եւ քեզ փառք և երկրպագութիւն, այժմ
 և միշտ և յաւիտեանս յաւիտեանից, ամէն:

Յայնժամ կէսք 'ի Քահանայից իալով յաջիւ հի-
 անդին, և կէսք 'ի յախմէ. և Աստուծոյն ե-
 կեալ շնէ ՂԱ-եփարանն 'ի վերայ Գլխոյ հի-ան-
 դին, և ասէ ՂԱղօնս:

Աստուած ամենակալ՝ արարիչ ամենայն
 արարածոց. որ առաքեցեր յաշխարհ ըզ-
 միածին Որդիդ քո, որ եկն և փրկեաց ըզ-
 տիեզերս 'ի մեղաց. և բժշկեաց զամենայն
 ախտս և զհիւանդութիւնս ժողովրդեան
 քում. ընկղմեաց զմահ, և փոխեաց զմեզ
 'ի կեանս և յանմահութիւն: Եւ այժմ ա-
 ղաչեմք զքեզ Տէր Աստուած մեր, դիր զա-
 մենակարող աջ քո 'ի վերայ հիւանդիս այ-
 սօրիկ, և բժշկեա զսա 'ի ցաւոց իւրոց:
 Զի զքեզ փառաւորեսցէ զբժիշկդ հոգւոց

և մարմնոց, և խոստովան լիցի ահեղ աստուածութիւն քո. զի քեզ վայելէ փառք և իշխանութիւն յաւիտեանս յաւիտենից, ամէն :

Խաղաղութիւն ամենեցուն :

Աստուած յաւիտենական, որ իջեր 'ի ըստորին կողմ երկրի, և շնորհս ծաւալեալ սփռեցեր յարարածս քո : Առաքեցեր եւ զերանելի Առաքեալսն քո, հրաման տալով նոցա՝ բժշկել զամենայն ախտս և զհիւանդութիւնս ժողովրդեան քում : Եւ արդ՝ ես ծառայս քո տկարս և անարժանս՝ դընեմ զձեռն իմ 'ի վերայ հիւանդիս այսորիկ, և կարդամ զահեղ աստուածութիւն քո, եւ ինդրեմ յառփտ բարերարութենէդ քումմէ. առաքեա զամենակարող զօրութիւն քո, և բժշկեա զախտս և զհիւանդութիւնս ծառայիս քո այսորիկ՝ նշանաւ ամենայաղթ Խաչի քո, որով բարձեր ըստկարութիւն ազգի մարդկան, և դատապարտեցեր զթշնամին կենաց եւ փրկութեան մերոյ. Զի դու ես Աստուած մեր, և բժիշկ հոգւոց և մարմնոց ծառայից քոց, և փարատիչ ամենայն ախտաւորութեանց

մերոց : Եւ քեզ ընդ Հօր ամենակալի՝ եւ ընդ Հոգւոյդ ճշմարտի վայելէ փառք իշխանութիւն և պատիւ , այժմ և միշտ և յաւիտեանս յաւիտենից , ամէն :

Քարոզ :

Վասն հիւանդաց եւ ամենայն վշտացելոց՝ աղաչեսցուք զՓրկիչն մեր Քրիստոս , զի ողորմեսցի ըստ մեծի ողորմութեան իւրում . և բժշկեսցէ զախտս եւ զհիւանդութիւնս հոգւոց եւ մարմնոց ծառայից իւրոց . եւ կատարեալ առողջութեամբ հասուցէ զամենեւեան 'ի մշտնջենաւոր եւ յանախտ կեանս . Որ առաքեցաւ 'ի Հօրէ 'ի բժշկութիւն ազգի մարդկան՝ միածին Որդին Աստուծոյ . Տէր մեր և Փրկիչ Յիսուս Քրիստոս . կեսցուցէ և ողորմեսցի :

Աղօթք :

Փարատեա զցաւս եւ բժշկեա զհիւանդութիւնս 'ի ժողովրդենէ քումմէ Տէր Աստուած մեր . եւ շնորհեա ամենեցուն զկատարեալ առողջութիւն նշանաւ ամենայաղթ Խաչի քո . որով բարձեր զտկարութիւն ազգի մարդկան , և դատապար-

տեցեր զթշնամին կենաց եւ փրկութեան մերոյ : Դու ես կեանք մեր և փրկութիւն՝ բարերար և բազումողորմ Աստուած . որ միայն կարող ես թողուլ զմեզս , և մերժել զախտս և զհիւանդութիւնս 'ի մէնջ . որում յայտնի են պէտք կարեաց մերոց : Պարգեւիչդ բարեաց՝ պարգեւեա զառատ ողորմութիւն քո 'ի վերայ արարածոց քոց՝ ըստ իւրաքանչիւր պիտոյից . յորոց հանապազ փառաւորեալ գովի ամենասուրբ Երրորդութիւնդ , սյժմ և միշտ և յաւիտեանս յաւիտենից , ամէն :

Քարոզ :

Խնդրեսցուք հաւատով միաբանութեամբ՝ 'ի Տեառնէ՝ զի զողորմութեան զշնորհս իւր արասցէ 'ի վերայ մեր . Տէրն Ամենակալ կեցուցէ և ողորմեսցի :

Կեցո՛՛ Տէր :

Աղօթք :

Թաղաւոր խաղաղութեան՝ օգնական եւ փրկիչ անձանց մերոց՝ Քրիստոս Աստուած մեր , պարսպեալ պահեա զժողովուրդս քո ընդ հովանեալ սուրբ և պատուական Խա-

չիւք ՚ի խաղաղութեան . փրկեա յերեւելի և յաներեւոյթ թշնամւոյն : Արժանաւորեա գոհութեամբ փառաւորել զքեզ ընդ Հօր և ընդ Արքայ Հոգւոյդ , այժմ եւ միշտ և յաւիտեանս յաւիտենից . ամէն :

Որհնեալ Տէր մեր Յիսուս Քրիստոս , ամէն :
Հայր մեր որ յերկինս :



Կ Ա Ն Ո Ն

ԽԱԶԱԼՈՒԱՅ ԱՌՆԵԼՈՅ

ՈՐ ԿՈԶԻ

ԽԱԶԱՀԱՆԳԻՍՏ

Տէր, մի սրտմտութեամբ քով յանդիմաներ զիս, և մի բարկութեամբ քով խրատեր զիս :

Ողորմեա ինձ, Տէր, զի հիւանդ եմ ես, բժշկեա զանձն իմ, զի խռովեցան ոսկերք իմ :

Անձն իմ յոյժ խռովեցաւ, և դու, Տէր, մինչեւ յերբ :

Դարձ, Տէր, և փրկեա զանձն իմ, կեցո զիս Տէր, ըստ ողորմութեան քում :

Զի ոչ ոք է որ 'ի մահու յիշէ զքեզ, կամ 'ի դժոխս խոստովան առնիցի առ քեզ :

Վաստակեցայ ես 'ի հեծութեան իմում, լուացի զամենայն գիշեր զմահիճս իմ, և արտասուօք իմովք զանկողինս իմ թացի :

Խռովեցաւ 'ի սրտմտութենէ ակն իմ, և մաշեցայ ես 'ի վերայ ամենայն թշնամեաց իմոց :

Ի բաց կացէք յինէն ամենեքեան, ոյք գործէք զանօրէնութիւն :

Լուաւ Տէր ձայնի լալոյ իմոյ, լուաւ Տէր աղօթից իմոց, եւ Տէր զխնդրուածս իմ ընկալաւ :

Ամաչեսցեն և խռովեսցին յոյժ ամենայն թշնամիք իմ, դարձցին յետս և ամաչեսցեն յոյժ վաղվաղակի և խռովեսցին :

Շարհան .

ԲԶ . Ապաւինեցաք 'ի Խաչ քո՛ արարիչ յաւիտենից, որ ետո՛ւր մեզ պահանպան յանձրող ընդդէմ թըշնամւոյն . անղաչեմք սովաւ Փլըկիչ պահպանեա՛ զանձինըս մեր : Բանձրեա՛լ թագա՛ւոր ո՛ր վասըն մեր ելեր 'ի Խաչ, ե՛ւ բարձեր սովաւ զյանցանս նախաստեղծի՛ն Ա՛դամայ . անղա :

Գլո՛ւխ սո՛ւրբ հաւատոյ եւ փայտ կենանց մարդկան յայտնեա՛լ, զո՛ր տեսեա՛լ այսոյն պըղծոյ կործանեցաւ անկանգնելի . անղա : Դո՛ղացա՛լ թըշնամի՛ն ընդ յայտնի՛լ Սրբոյ

Խաչին , եւ ՚ի յահէ՛ փառաց նորա կոր-
ծանեցաւ յանդունդս երկրի . անշա :

Մեղա՛ք մինչեւ յերկի՛նս և զանդար ըզ-
ցասո՛ւմին քո՛ շարժեցաք ՚ի մե՛զ . Տէ՛ր
ըստ մեծի՛ քում ողորմութեանդ սղոր-
մեան մեզ :

Իջա՛ք մինչ ՚ի դրժո՛խս ընկր՛ղմեա՛լք յանժ-
րէնութեան մերո՛ւմ . Տէ՛ր յիշեա՛ զգինս
արեան՝ Որդւո՛յ քո և ողորմեա՛ :

Հալա՛ծեա ՚ի մէ՛նջ Տէ՛ր նըշանա՛ւ խաչի
քո զընդդի՛մամարտ եւ զանե՛րեւոյթ գա-
ղանն . եւ մի տար յապակա՛նութիւն
զքո՛ ժառանգութիւնս :

Փառք Հօր և Որդւոյ և :

Տա՛ճար լուսոյ անընտուերին եւ անա-
գաստ անճառ բանին . ս՛ր ըզնախւո՛յ մօրն
Ե՛ւայի բարձե՛ր զսնէծսը՛ն տըրտմալի .
հայցեա յՈ՛րդւոյ քո միա՛ծնի Հօր հաշ-
տութեանըն միջնորդի , բա՛ռնալ ՚ի մէնջ
ըզխռմիւթիւն եւ տա՛լ զոգւոց խաչա-
ղութիւն :

Այժմ և միշտ և :

Ե՛րկինք ցընծայի՛ն եւ երկիրս ուրա-

խանայր , քանզի Փրօկի՛չ ցուցաւ Սո՛ւրբ
խաչն և լո՛ւսատու տի՛եզերաց . ա՛ղա :

Աւելուիա աւելուիա .

Ձայն Տեառն ՚ի վերայ ջուրց , և Աստուած
փառաց որոտաց , եւ Տէր ինքն ՚ի վերայ
ջուրց բազմաց :

Ձայն Տեառն զօրութեանց , եւ ձայն
Տեառն մեծվայելչութեանց :

Ընթերցուածս ՚ի շրբորդ Թագաւորութեանց :

Եւ ասեն արք քաղաքին ցեղիսէ . ահա
ւասիկ բնակութիւն քաղաքիս բարի է ,
որպէս եւ Տէրդ իսկ տեսանէ . եւ ջուրքս
չար եւ երկիրս անղաւակ :

Եւ ասէ Եղիսէ . առէք առ իս կուժ մի
նոր , և դիք այդր . և բերին առ նա . և եւ
Եղիսէ յականս ջուրցն , և արկ անդր աղ
և ասէ՝ այսպէս ասէ Տէր . բժշկեմ զջուր
սրդ զայդոսիկ , եւ մի եւս լիցի սյդ ՚ի
մահ եւ յանղաւակութիւն . և բժշկեցան
ջուրքն մինչեւ ցայսօր ըստ բանին Եղիսէի
զոր խօսեցաւ :

Աւելուիա աւելուիա .

Ետուր երկիւղածաց քոց նշան զի ապրեա
ցին յերեսաց աղեղան :

Ալէլուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արքայ Աւետարանիս Յիսուսի Քրիստոսի՝ որ ըստ
Յովհաննու :

Փառք քեզ Տէր Աստուած մեր :

Պաշտի ումէ : Աստ Աստուած :

Տէրն մեր Յիսուս Քրիստոս :

Ի վերջնում աւուր մեծի տօնին կայր Յիսուս՝ աղաղակէր եւ ասէր . եթէ ոք ծարաւի իցէ , եկեսցէ առ իս եւ արբցէ . որ հաւատայ յիս՝ որպէս և ասեն գիրք , գետք յորովայնէ նորա բղբեսցեն ջրոց կենդանութեան :

Զայս ասէր վասն Հոգւոյն զոր ընդունեւ լոց էին որ հաւատային 'ի նա :

Քարոզ :

Աղաչեսցուք զմարդասէրն Աստուած , որ է յոյս եւ ապաւէն անձանց մերոց . որ զամենայաղթ նշան Սուրբ Խաչին շնորհեաց մեզ զէն անպարտելի ընդդէմ ներգործութեանց սատանայի . զի զամենայն ինչ՝ յոր և մերձեսցի սա , սրբեսցէ ,

մանաւանդ զջուրս զայս . եւ շնորհեսցէ
սովաւ բժշկութիւն ակտից , եւ փարա-
տումն ցաւոց . ամենակալ Տէր Աստուած
մեր կեցուցէ և ողորմեսցի :

Աղօթք :

Տէր Աստուած ամենակալ՝ արարիչ ամե-
նայն արարածոց , որ զգեցար մարմին ըստ
մերում հողեղէն բնութեանս , և 'ի լուա-
ցումն մեղաց սրբիչ և մաքրիչ զջուրս կա-
ցուցեր . որ եւ 'ի ձեռն մարգարէին Եղի-
սէի օրհնեսցեր զջուրն չարաշունչ եւ մա-
հաբեր . և այժմ Տէր բարերար , առաքեա
զշնորհս Հոգւոյդ Սրբոյ 'ի ջուրս յայս , և
օրհնեա՞ աներեւոյթ աջով քով , և զօրու-
թեամբ ամենայաղթ Խաչի քո : Տուր սմա
շնորհս , զի ամենեքին որք արբցեն 'ի սմա-
նէ՝ եղիցի նոցա 'ի բժշկութիւն ակտից՝
և 'ի փարատումն ցաւոց :

Օրհնեա Տէր թ զջուրս զայս զօրութեամբ
Սուրբ Խաչի քո . զի հօտք և խաչինք որք
արբցեն 'ի նմանէ , եղիցի նոցա յանցա-
ւութիւն եւ 'ի ծննդականութիւն : Օրհ-
նեա Տէր թ զջուրս զայս նշանաւ Սուրբ
Խաչիս 'ի ձեռն քահանայիս՝ և խնդրուա

Ճոց ժողովրդեանս, զի ուր ցօղեսցի 'ի տունկս եւ 'ի բոյսս, եղիցին անմնասելի 'ի ժանգոյ և 'ի թրթրոյ՝ և յամենայն պատահարաց. եւ առաւել եւս պտղաբերեսցին 'ի շահաւէտութիւն որդւոց մարդկան, եւ 'ի սպաս պաշտաման քում: Եւ գոհանալով փառս մատուցանեմք քեզ ընդ Հօր եւ ընդ ամենասուրբ Հոգւոյդ, այժմ և միշտ և յաւի:

Ամեն, Աւելուիա ավելուիա ավելուիա:

Օրհնեսցի և սրբեսցի ջուրս այս նշանաւ Սուրբ Խաչիւս, և Սուրբ Աւետարանաւս, և աւուրս շնորհիւ, յանուն Հօր, և Որդւոյ, և Հոգւոյն Սրբոյ: (Երէցս կրկնէս): Օրհնութիւն եւ փառք Հօր եւ Որդւոյ եւ Հոգւոյն Սրբոյ, այժմ և միշտ և յաւիտեանս յաւիտենից. ամէն:

Քարոզ:

Սուրբ Խաչիւս աղաչեսցուք զՏէր զի սո:

Ազօթ:

Պահպանիչ և յոյս հաւատացելոց Քրիս: Օրհնեալ Տէր մեր Յիսուս Քրիստոս, ամէնէ Հայր մեր որ յերկինս:

Ելէ սրբոց հասամբք իցէ խաչալուսայն , աստ
 և զայս Եսրայիսն :

ԲԶ . Հեղմամբ արեան սըրբոց վկայիցն հաճե-
 տեանց ընդ մեզ Գրիստոս , և փրկեա՛յ յա՛-
 մենայն փորձո՛ւթենէ :

Որք նահատակեցա՛ն վասն քո ՚ի՛ մահ . վի-
 րաւորեա՛լ ըք յաղթեցի՛ն թշնամւոյն . սո՛-
 ցին աղաչա՛նձք հաճե՛ :

Ո՛րք միացան ՚ի սէր ահաւոր քո տէրու-
 թեանդ . և մատուցի՛ն զանձինս ի՛ւրեանց
 պատարագ քե՛զ և զենու՛մս . սո՛ցին աղա-
 չա՛նձք հաճե՛ :



Կ Ա Ն Ո Ն

ԴԺՈՒԱՐԱԾԻՆ ՅՂԻ ԿՆՈՋ

ԱԷԼՈՒԻԱ ԱԷԼՈՒԻԱ.

ԱՌ քեզ, Տէր, համբարձի զաչս իմ, որ
բնակեալդ ես ՚ի յերկինս :

Որպէս աչք ծառայի ՚ի ձեռն Տեառն իւ-
րոյ, և որպէս աչք աղախնոյ ՚ի ձեռն տիկ-
նոջ իւրոյ :

Այնպէս են աչք մեր առ քեզ Տէր Աս-
տուած մեր, մինչեւ ողորմեսցիս ՚ի վերայ
մեր :

Ողորմեա մեզ, Տէր, ողորմեա մեզ, զի բա-
զում լցաք արհամարհանօք :

Եւս առաւել լցան անձինք մեր նախատա-
նօք, ոյք նախատեն զմեզ արհամարհանօք
ամբարտաւանից :

Ընթերցուածս յԵսայեայ մարգարէէ :

Մինչեւ իցէ յղւոյն ծնեալ, եւ մինչեւ
հասեալ իցեն ցաւք երկանց, ապրեցաւ
և ծնաւ արու :

Ո՞ լուաւ , ո՞ ետես այսպիսի ինչ . եթէ
երկնեաց երկիր 'ի միում աւուր , և ծնաւ
ազգ մի ողջոյն միանգամայն . զի երկնեաց
Սիովն , և ծնաւ զմանկունս իւր :

Ես ետու քեզ զյոյսդ զայդ , եւ դու ոչ
յիշեցեր զիս՝ ասէ Տէր . ոչ ապաքէն զա-
մուլն եւ զծննդականն ես արարի . ասէ
Աստուած քո :

Պօղոսի առաքելոյն յերբայեցւոց թղթոյն է
ընթերցուածս :

Հաւատովք՝ որ Աբրահամն կոչեցաւ՝ ուն-
կընդիր եղեւ ելանել 'ի տեղին , զոր առնը-
լոց էր 'ի ժառանգութիւն . ել գնաց՝ եւ
ոչ գիտէր յով երթիցէ :

Հաւատովք պանդխտեցաւ յերկրին Աւե-
տեաց իբրեւ յօտարութեան . խորանօք
բնակեաց Սահակաւ և Յակովբաւ հանդերձ
ժառանգակցօք նոցին աւետեաց :

Քանզի ակն ունէր հիմամբ հաստատելոյ
քաղաքին , որոյ ճարտարապետ եւ արա-
րիչ Աստուած է :

Հաւատովք և ինքն Սարրա՝ որ ամուլն էր ,
զօրութիւն առնլոյ զսերմն որդեծնու-
թեան՝ ընդունէր , և 'ի տարածամ հասա-

կի ծնանէր՝ քանզի հաւատարիմ համարե-
ցաւ զայն՝ որ խոստացաւն :

Վասն որոյ և ՚ի միողէն ծնանէին . եւ այն
՚ի յանցեալ ժամանակի, իբրեւ զաստեղս
երկնից բաղմութեամբ, և իբրեւ զաւազ
• առ ամին ծովու առանց թուոյ :

Ալէլուիա ալէլուիա .

Ո՛՛ Տէր փրկեա զանձն իմ, ողորմած Աս-
տուած մեր ողորմի և պահէ զտղայս Տէր :

Ալէլուիա Օրթի :

Խաղաղութիւն ամենեցուն :

Եւ ընդ հոգւոյդ բուժ : Երկիւղածութեամբ լուարուք :

Արքայ Աւետարանիս Յիսուսի Քրիստոսի՝ որ ըստ
Յովհաննու :

Փառք քեզ Տէր Աստուած մեր :

Պաշտումէ : Ասէ Աստուած :

Տէրն մեր Յիսուս Քրիստոս ասէ :

Ամէն ամէն ասեմ ձեզ, զի լացջիք եւ
ողբասջիք դուք, եւ աշխարհ խնդասցէ .
դուք տրտմեսջիք, այլ տրտմութիւն ձեր
յուրախութիւն եղիցի :

Կին յորժամ ծնանիցի՝ տրտմութիւն է
նմա, զի հասեալ է ժամ նորա . այլ յոր-
ժամ ծնցի զմանուկն, ոչ եւս յիշէ զնե-

ղութիւն վասն խնդութեանն . զի ծնաւ
մարդ յաշխարհ :

Քարոզ :

Լուիցէ Տէր ձայնի աղաչանաց մերոց .
ամենակալ Տէր Աստուած մեր կեցուցէ
և ողորմեսցի :

Տէր ողորմեա՛ , Տէր ողորմեա՛ , Տէր ողորմեա՛ :

Աղօթք :

Տէր Աստուած մեր Յիսուս Քրիստոս՝ մեծ
եւ բարձրեալ , անայլայլելի անփոփոխելի
և մշտնջենաւոր , որ իջեր 'ի յերկնից և
մարմնացար 'ի սրբոյ Կուսէն Մարիամայ
Հոգւովն Արքով . և զապականեալն մեղօք
զքնութիւն մեր 'ի նախահօրն յանցանաց՝
որով ամենայն կանացի բնութիւն ընկա-
լաւ զպատուհաս անիծից՝ ցաւօք եւ
տրտմութեամբ ծնանիլ զզաւակ , սրբե-
ցեր աստուածութեամբ քով : Եւ արդ՝
աղաչեմք զքեզ մարդասէր թագաւոր՝
ստեղծող և նորոգող մեր և բժիշկ հի-
ւանդութեանս մերում , բժշկեա և ա-
ռողջացո (զայս անուն) աղախին քո 'ի հոգե-
կան և 'ի մարմնական յախտէս յայսմանէ :
Առաքեա զօգնութիւն քո 'ի սրբութենէ

քու մմէ, և տուր սմա զօրութիւն ծնանիլ
զղաւակ, որպէս զի զպտուղ որովայնի իւ-
րոյ մաքրեալ յամենայն արատոյ ծնըն-
դեամբ սուրբ Աւաղանին ընծայեսցէ Ե-
կեղեցւոյ քում սրբոյ: Շնորհեա ծննդա-
կանիս այսօրիկ հանդարտութեամբ և ա-
ռանց մնասու հասանիլ ՚ի խնդութիւն,
եւ ամենայն տանց հաւատացելոց աճիլ
և բաղմանալ ՚ի փառս տէրութեան քո,
և ՚ի լրումն աստուածային քո բանիդ, ե-
թէ աճեցէք և բաղմացարուք: Այ՛ ճէր
Աստուած մեր, լուր և այժմ խնդրուածոց
անարժան ծառայիս, եւ ամենեցուն որ
չուրջ կան աստ, բարեխօսութեամբ ա-
նարատ ծնողի քո սուրբ Աստուածածնի,
և ամենայն սրբոց քոց: Զի քեզ միածնի
Որդւոյդ, և անսկիզբն և համագոյ Հօր քո,
և կենդանարար և ամենասուրբ Հոգւոյդ՝
վայելէ փառք պատիւ եւ երկրպագու-
թիւն, այժմ և միշտ և յաւիտեանս յա-
ւիտենից, ամէն:



Կ Ա Ն Ո Ն

Վ Ա Ս Ն

ԱՅՍԱՀԱՐԱՑ ԵՒ ԼՈՒՍՆՈՏԻՑ



Որ բնակեալն է յօգնութիւն բարձրելոյն,
ընդ հովանեաւ Աստուծոյ յերկինս հան-
գիցէ :

Ասասցէ Տեառն՝ ընդունող իմ ես, ապա-
ւէն իմ Աստուած, և ես յուսամ 'ի նա :
Նա փրկեացէ զիս յորոգայթէ որսողին .
և 'ի բանիցն 'ի խռովութենէ :

Ի թիկնամէջս իւր ընկալցի զքեզ . 'ի հո-
վանի թեւոց նորա յուսասցիս :

Որպէս զէն շուրջ եղիցի զքեւ ճշմարտու-
թիւն նորա :

Ոչ երկիցես դու յերկիւղէ գիշերի, և ոչ
'ի նետէ՝ որ թռչի 'ի տուէ :

Յիրէ որ շըջի 'ի խաւարի, 'ի գայթակղու-
թենէ դիւին 'ի հասարակ աւուր :

Անկցին 'ի կողմանէ քումմէ հազարք, եւ

բիւրք ընդ աջմէ քուճմէ, և առ քեզ ինչ
ոչ մերձեսցին :

Բայց միայն աչօք քովք հայեսցիս դու, և
զհատուցումն մեղաւորաց տեսցես, զի
դու Տէր յոյս իմ ես :

Զբարձրեալն արարեր քեզ ապաւէն, զի
ոչ հասցին առ քեզ չարք. եւ տանջանք
մի մերձեսցին ՚ի յարկս քո :

Հրեշտակաց իւրոց պատուիրեալէ վասն քո
՚ի պահել զքեզ յամենայն ճանապարհս քո :
Ի բազուկս իւրեանց ընկալցին զքեզ, զի
մի երբէք հարցես զքարի զօտն քո :

Ի վերայ իժից և քարրից գնացես դու և
առ ոտն կոխեսցես զառիւծն և զվիշապն :
Քանզի յիս յուսացաւ, և փրկեցից զնա :
հովանի եղէց նմա, զի ճանեալ զանուն իմ :
Կարդացէ առ իս, և ես լուայց նմա եւ
առ նմա եղէց ՚ի նեղութեան :

Փրկեցից եւ փառաւոր արարից զնա. եր-
կայն աւուրբք լցուցից. եւ ցուցից նմա
զփրկութիւն իմ :

Ընթերցուածս յԵսայեայ մարգարէէ :

Զիարդ անկաւ յերկնից արուսեակն, որ
ընդ առաւօտն ծագէր. անկաւ յերկիր,

խորտակեցաւ՝ որ առաքէր առ ամենայն
ազգս :

Դու ասէիր 'ի մտի քում. ելից յերկինս ,
'ի վերոյ քան զաստեղս երկնից արկից զա-
թուռ իմ. նստայց 'ի լերինն բարձու , 'ի վե-
րայ լերանց բարձանց հիւսիսոյ . ելից 'ի
վեր քան զամպս , եղէց նմանող բարձրե-
լոյն :

Արդ ահաւաղիկ 'ի դժոխս իջցես եւ 'ի
հիմունս երկրի :

Պողոսի առաքելոյն յԵՐՐԱՅԵՂՈՅ ԹՂԹՈՅՆ Է
ընթերցուածս :

Արդ որովհետեւ մանկունք հաղորդեսցին
արեան եւ մարմնոյ , եւ ինքն իսկ մերձա-
ւորութեամբ կցորդ եղեւ նոցունց . զի
մահուն իւրով խափանեսցէ զայն , որ
զիշխանութիւն մահուն ունէր , այսինքն
է՝ զսատանայ . և ապրեցուսցէ զայնոսիկ ,
որ մահուն երկիւղիւ հանապազ կէին վտա-
րանդեալք 'ի ծառայութիւն :

Ալեւուի ալեւուի .

Զթշնամիս իմ հալածականս արարեր , և
զատելիս իմ սատակեցեր :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քուժ : Երկիւղածութեամբ լուարուք :

Սրբայ Աւետարանիս Յիսուսի Քրիստոսի՝ որ ըստ

Մարկոսի :

Փառք քեզ Տէր Աստուած մեր :

• Պաշխուժէ : Ասէ Աստուած :

Առ Տէրն մեր Յիսուս Քրիստոս :

Պատասխանի ետ մի ոմն 'ի ժողովրդեանէն՝
 և ասէ . վարդապետ , ածի զորդի իմ առ
 քեզ , զոր ունի այս համբ . և ուր հասանէ
 զարկուցանէ զնա , և փրփրէ , եւ կրճտէ
 զատամունս իւր և ցամաքի . եւ ասացի
 ցաշակերտսն քո զի հանցեն , և ոչ կարա-
 ցին հանել զնա :

Պատասխանի ետ նոցա , եւ ասէ . ո՛վ ազգ-
 անհաւատ , մինչեւ յերբ իցեմ ընդ ձեզ ,
 մինչեւ ցերբ անսայցեմ ձեզ . ածէք զնա
 առ իս :

Եւ ածին զնա առ նա . իբրեւ ետես զնա
 այսն , վաղվաղակի շարժլեաց զնա , և ան-
 կեալ յերկիր Թաւալէր և փրփրայր :

Եհարց ցհայր նորա եւ ասէ . քանի՞ ժա-
 մանակք են՝ յորմէհետէ այդ եղեւ դմա .
 եւ նա ասէ . 'ի մանկութենէ . բազում

անգամ 'ի հուր արկանէ և 'ի ջուր՝ զի կուրուսցէ զդա . արդ՝ եթէ կարող ինչ ես , օգնեա մեզ , Տէր , գթացեալ 'ի վերայ մեր : Եւ Յիսուս ասէ ցնա . ասացեր՝ եթէ կարող ես . ամենայն ինչ հնարաւոր է այնմ , որ հաւատայն :

Եւ վաղվաղակի աղաղակեաց հայր մանկանն և ասէ . Հաւատամ , օգնեա անհաւատութեանս իմում :

Իբրեւ ետես Յիսուս՝ եթէ կուտի ժողովուրդն 'ի վերայ , սաստեաց այսոյն պղծոյ և ասէ . համրդ՝ և խուլ այս՝ ես տամ քեզ հրաման , ել 'ի դմանէ , եւ այլ եւս՝ մի մտանիցես 'ի դա :

Եւ աղաղակեաց եւ յոյժ լլկեաց զնա՝ եւ ել . եւ եղեւ պատանեակն իբրեւ զմեռեալ , մինչեւ բազմաց իսկ ասել՝ թէ մեռաւ :

Եւ Յիսուս կալաւ զձեռանէ նորա յարոյց զնա , և կանգնեցաւ :

Եւ իբրեւ եմուտ նա 'ի տուն , աշակերտքն առանձինն հարցին ցնա . մեք ընդէ՞ր ոչ կարացաք հանել զնա :

Եւ ասէ ցնոսա . այդ ազգ՝ ոչ իւիք ելանէ , եթէ ոչ պահօք և աղօթիւք :

Ե- ԴՆԷ ՂԱ-ԵԿԱՐԱՆԻ Ի ՎԵՐԱՅ ԳԼԵՅ յԱՍԿԱՐԻՆ,
Լ ասէ .

Սաստեացէ քեզ Տէր մեր Յիսուս Քրիստոս՝ պիղծ սատանայ, որ եկն յաշխարհ և շրջեցաւ ընդ մարդկան, զի զքոյդ խափանեացէ զբռնութիւն եւ զմարդիկ ապրեցուսցէ : Որ ՚ի վերայ փայտին զընդդիմակաց զօրութիւնսն խորտակեաց արեգականն խաւարելով, երկիր շարժելով, գերեզմանացն բանալով, մարմինք սրբոցն յառնելով : Որ ելոյժ մահուամբ զմահ, եւ խափանեաց որ զունելութիւն մահուն ունէր, այսինքն է զքեզ սատանայ .

Երդմեցուցանեմ զքեզ յԱստուած կենդանի՝ որ եցոյց զՓայտն Կենաց, և կարգեաց զՔերորէսն և զՍերորէսն բոցեղէն սրով շուրջանակի պահել զնա . պապանձեաց ել եւ գնա ՚ի սմանէ : Երդմեցուցանեմ զքեզ ՚ի Տէր մեր Յիսուս Քրիստոս՝ որ գնայր որպէս ընդ ցամաք ՚ի վերայ ծովուն, եւ սաստէր պտուտից հողմոյն . որոյ հայեցուածն ցամաքեցուցանէ զանդունդս, եւ սպառնալիք նորա մաշեն զլերինս : Նոյն ինքն եւ այժմ հրամայէ

քեզ 'ի ձեռն մեր, երկիր, ել եւ գնա' 'ի ստեղծուածոյս այսմիկ . և մի' դառնայցես և մի' թագիցես 'ի սմա . և մի' եւս պատահեսցես ումեք 'ի սոցանէ . կամ ազդիցես, կամ զարկցես, մի' 'ի գիշերի, մի' յաւուր . մի' 'ի ժամու կամ 'ի տարաժամու . այլ երթիցիր 'ի քոյին խորխորատն մինչեւ 'ի պատրաստեալ տանջանսն քեզ մեծի աւուրըն դատաստանին :

Երկիր Աստուծոյ, որ նստի յաթուռ ֆերովքէից եւ հայի յանդունդս . յորմէ դողան Հրեշտակք, Հրեշտակապետք, Աթուք, Տէրութիւնք, Իշխանութիւնք, Պետութիւնք, բազմաչեայ ֆերովքէքն . յորմէ դողան երկինք և երկիր, ծով և ամենայն որ 'ի նոսա . ել եւ գնա' 'ի ծառայէս Քրիստոսի Աստուծոյ : Երգմնեցուցանեմ զքեզ Աստուած կենդանի որ գնայ 'ի վերայ թեւոց հողմոց . ո՛ր արար զհրեշտակս իւր յոգիս, եւ զպաշտօնեայօ իւր 'ի բոց հրոյ . ել և գնա' 'ի ստեղծուածոյս Աստուծոյ յայսմանէ ամենայն հրեշտակօք քո : Զի օրհնեալ և փառաւորեալ է անուն Ամենասուրբ Երրորդութեան Հօր և Որդւոյ և Սուրբ Հոգւոյն . այժմ և :

Աստուած՝ որ մեծ է եւ ահաւոր և փառաւորեալ յամենայնի գործովք և զօրութեամբ, անհասանելի և անքննելի գոյով. որ յառաջ պատրաստեաց քեզ սատանայ զյաւիտենական տանջանացն զդատաստան. այժմ՝ ՚ի ձեռն մեր անպիտան ծառայից իւրոց հրամայեաց քեզ և ամենայն գործակցաց քոց ամենայն զօրութեամբ քով ՚ի բաց կալ ՚ի ծառայէս Յիսուսի Քրիստոսի, որ զամենայն իշխանութիւն ունի յերկինս և յերկրի. որ ասաց համեր եւ խուլ գիւլին, եւ ՚ի մարդոց և այլ մի մլտաններ ՚ի դմա: Ծանիր զքո պիղծ և ունայն զօրութիւնդ, որ եւ խողիցն իշխանութիւն ոչ ունէիր: Յիշեա՛ որ սաստեացն քեզ, և քոյովք խնդրուածովք յերամակ խողիցն հրամայեաց քեզ մտանել:

Երկիր յԱստուծոյ, որոյ հրամանաւ երկիր հաստատեցաւ ՚ի վերայ ջրոց. որ շինեաց զերկիր եւ կարգեաց. որ հաստատեաց զլերինս կշռով, և զառապարս կըշռորգովք. եւ եդ զաւազ ծովու ՚ի սահման, և ՚ի ջուրս սաստիկս զչաւիղս իւր պատրաստեաց: Որ հայի ՚ի լերինս և ծըխեսցին. որ արկանէ զլոյս որպէս զօթոց.

որ ձգեաց զերկինս որպէս մագաղաթ .
 որ յարկեաց 'ի վերայ ջրոց զվերնայարկս
 նորա : Որ հիմնեցոյց զերկիր 'ի վերայ
 հաստատութեան , զի մի շարժեսցի յա-
 ւիտեան : Որ կոչեաց զջուրս ծովու , եւ
 եհեղ զնա 'ի վերայ ամենայն երկրի . եւ
 և գնա 'ի սմանէ : Երդմնեցուցանեմ ըզ-
 քեզ ամենաչար , 'ի փրկական չարչարանսն
 Քրիստոսի , և 'ի պատուական նորա Մար-
 մին և յԱրիւն , և 'ի գալուստն նորա ա-
 հաւոր . զի գայ և ոչ յապաղէ 'ի դատել
 զերկիր . եւ զքեզ եւ զգործակիցսն քո
 տանջեսցէ 'ի հուրն յաւիտենից . ուր որդն
 անքուն է և հուրն ոչ շիջանի : Զի զօրու-
 թիւն Յիսուսի Քրիստոսի հանդերձ Հարբ
 և ամենասուրբ Հոգւովն որհնեալ է այժմ
 և միշտ և յաւիտեանս յաւիտենից : Տէր
 Սաբաւովթ Աստուած Իսրայէլի , որ փա-
 րատեսս պաւս եւ զհիւանդութիւնս , եւ
 զամենայն ախտս բժշկես . նայեա 'ի վե-
 րայ ծառայիս քո , եւ 'ի բաց մերժեա 'ի
 սմանէ զամենայն ներգործութիւն սատա-
 նայի , սաստեա այսոց պղծոց և հալածեա
 զնոսա . եւ վաղվաղակի քոյին ազդամարդ
 փրկեա զճառայս քո . և խորտակեա զսա-

տանայ ընդ ոտիւք սորա , եւ տո՛ւր սմա
յաղթութիւն ընդդէմ նորա հակառակու
թեանց , և այսոց նորա պղծոց : Որպէս զի
առ 'ի քէն օգնականութիւն առ ընկալեալ
արժանաւորեսցի անմահ և երկնաւոր քոց
պարգււացդ , փառաւորելով զՀայր և զՈրդի
և զՍուրբ Հոգիդ , այժմ և միշտ և յաւի :

Աշօթք :

Որ ետդ Տէր Տէր , որ արարեր զմարդն
ըստ պատկերի քում եւ ըստ նմանու
թեան , եւ ետուր նմա իշխանութիւն
մշտնջենաւոր կենաց , եւ նորա անկեալ
ընդ մեղօք բանսարկուին պատրանօք , և
դու ոչ անտես արարեր , այլ տնօրինե
ցեր մարդանալով Քրիստոսի քո զփրկու
թիւն աշխարհի : Դսւ ինքնին մարդասէր
Տէր , զուգակցեա կենաց սորա Հրեշտակ
լուսաւոր , փրկելով զսա յամենայն խոր
հրդոց թշնամւոյն , 'ի դիւէ տարածամէ ,
յերեւելի եւ յաներեւոյթ պատահարաց
չարին :

Ե- Գեառնագրէ զլանջան , զխրան , զբերանն ասելով :
յանուն Հօր և Որդոյ և Հոգոյն Սրբոյ . և ասէ .
Հալածեա 'ի սմանէ զամենայն շունչ չար ,

որ խօսեցեալ է և որջացեալ 'ի սիրտ սո-
րա, զհոգի մոլորութեան, զհոգի չարու-
թեան, զհոգի դառնութեան, զհոգի
ստուութեան և ամենայն անմաքրութեան,
որ ներգործէ ըստ խորամանկութեան թըշ-
նամւոյն խաբէութեան: Շնորհօք և գթու-
թեամբ միածնի Որդւոյ քո, ընդ որում
օրհնեալ ես Հայր ամենակալ հանդերձ
բարերար և կենդանարար Սուրբ Հոգւովդ,
այժմ եւ միշտ և:

Քարոզ:

Արթուն մտօք և անղքօս խորհրդով կաց-
ցուք միաբան յաղօթս առաջի Տեառն մե-
րոյ և փրկչին Յիսուսի Քրիստոսի: Հաւա-
տով խնդրեսցուք 'ինմանէ զհրեշտակ խա-
ղաղութեան պահապան անձանց մերոց,
որ եկեալ բանակեսցէ շուրջ զմեօք, և ա-
ներկիւղ պահեսցէ զմեզ յամենայն հրե-
ղէն նետից սատանայի, որ թռչի 'ի տուէ;
յիրաց խաւարային գնացից, 'ի գայթակ-
ղութենէ դիւին 'ի հասարակ աւուր: Յոր-
մէ զգուշութեամբ պահելով աղօթիւք և
բարեխօսութեամբ ամենայն սրբոց, շնոր-
հեսցէ մեզ մարդասէրն Աստուած կեալ

առաքինութեամբ 'ի փրկութիւն անձանց
մերոց , 'ի պատիւ և 'ի փառս կենդանա-
ցուցիչ անուան իւրոյ : Յոյս հաղորդու-
թեան ընկալցուք 'ի յայտնութեան միած-
նի Որդւոյն Աստուծոյ , կերպարանակից
առնել զմարմին խոնարհութեան մերոյ
ըստ նմանութեան մարմնոյ փառաց իւ-
րոց . վասն զի զայս խոստացաւ սիրելեաց
իւրոց ճշմարիտն Աստուած Յիսուս Քրիս-
տոս Տէր մեր . կեցուցէ եւ ողորմեսցի :
Զժամս եւ զառաջակայ օրս խաղաղու-
թեամբ անցուցանել հաւատով 'ի Տեառնէ
խնդրեսցուք :

Զհրեշտակ խաղաղութեան պահապան ,
Զքաւութիւն և զթողութիւն յանցանաց ,
Զսրբոյ խաչին մեծ և կարող զօրութիւն ,
Եւ եւս միաբան վասն ճշմարիտ և սուրբ ,
Զանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ մե :

Տէր ողորմեա՛ , Տէր ողորմեա՛ , Տէր ողորմեա՛ :

Աղօթք :

Զգեցօ մեզ Տէր Աստուած մեր զէն ար-
դարութեան զօրաւոր եւ յաղթող լինել
ընդդէմ սատանայական պատերազմաց և

զամենայն հրեղէն նետս նորա շիջուցանելով անկասկած լիցուք յիրաց խաւարային գնացից, 'ի գայթակղութենէ դիւին 'ի հասարակ աւուր: Եւ զգաստացեալք վայելչական տուընջեամբս առաքինութեամբ կացցուք 'ի փրկութիւն անձանց մերոց, 'ի պատիւ և 'ի փառս սրբոյ Երրորդութեանդ, այժմ և միշտ և յաւիտեանս յաւի:

Խաղաղութիւն ամենեցուն:

Երկնաւոր խաղաղութեամբ քով պարըսպեալ պահեա զանձինս մեր Տէր զօրութեանց, վասն զի դու ես Աստուած խաղաղութեան, եւ բաց 'ի քէն զայլ ոք ոչ գիտեմք, և զանուն քո ամենազօր կարգամք յօգնականութիւն անձանց մերոց: Նայեաց յերկրպագութիւնս մեր, և ուսոմեզ առնել զարդարութիւն ճշմարտութեան: Եւ գոհութեամբ փառաւորեցուք, զՀայր և զՈրդի և զՍուրբ Հոգիդ, այժմ և միշտ և յաւիտեանս յաւիտենից, ամէն:

Տէր, մի յիշեր զմեզս մեր զառաջինս. վաղվաղեսցէ առ մեզ ողորմութիւն քո, զի աղքատացաք յոյժ:

Օգնեա մեզ Աստուած փրկիչ մեր, վասն
փառաց անուան քո:

Տէր, փրկեա զմեզ և քաւեա զմեզս մեր
վասն անուան քո:

Քարոզ:

Վասն հիւանդաց եւ ամենայն վշտացե-
լոց՝ աղաչեսցուք զՓրկիչն մեր Քրիստոս,
դի ողորմեսցի ըստ մեծի ողորմութեան իւ-
րում. և բժշկեսցէ զախոսս և զհիւանդու-
թիւնս հոգւոց և մարմնոց ծառայից իւրոց.
Եւ կատարեալ առողջութեամբ հասուցէ
զամենեսեան ՚ի մշտնջենաւոր և յանախտ
կեանս: Որ առաքեցաւ ՚ի Հօրէ ՚ի բժշկու-
թիւն ազգի մարդկան՝ միածին Որդին Աս-
տուծոյ. Տէր մեր և Փրկիչ Յիսուս Քրիս-
տոս. կեցուցէ և ողորմեսցի:

Աղօթք:

Փարատեա զցաւս եւ բժշկեա զհիւան-
դութիւնս ՚ի ժողովրդենէ քումմէ Տէր
Աստուած մեր. և շնոր: (Տե՛ս յերե՛ս 174):
Օրհնեալ Տէր մեր Յիսուս Քրիստոս, ամէն:
Հայր մեր որ յերկինս:



ՅԱՂՕԹԱԾԱՏՈՅՑ ԳՐՈՑ ՍՐԲՈՅՆ ԳՐԻԳՈՐԻ
ՆԱՐԵԿԱՑԻՈՑ

ԲԱՆ ՂԱ.

Ի ԽՈՐՈՑ ՍՐՏԻՑ ԽՕՍԹ ԸՆԴ ԱՍՏՈՒԾՈՑ

Ա. Տէր Տէր գթութեանց եւ Աստուած
ողորմութեանց, անուն մեծութեան, ձայն
ահաւորութեան, կոչումն սաստկութեան,
լուր անհասութեան, բարբառ դողու-
թեան, հնչումն հիացման, յուսադրու-
թիւն բարերարութեան, ամենողորմ. քաղց-
րութեան. յորմէ երկուցեալ սասանին
ամենայն բնութիւնք եղելոց 'ի քո սպառ-
նալեաց ահիդ պակուցման, սաւառնին
Սերովբէք, ամփոփին Քերովբէք, պարու-
րին պարք լուսակերպիցն, երկնչին հիաց-
մամբ բոլոր Պետութիւնք վերնոցն. նոյնք
ցնծան դողութեամբ մեծաւ 'ի մի նաւա-
կատիս բերկրութեան. զարհուրին դեւք,
ընկրկին չարութեանցն գունդք, պակա-
սին խաւարասիրացն հոգիք, անդնդոց մատ-
նին հրեշտակք օտարին: Էյապին նշանաւ
Խաչին յարձակմունք դիմամարտին, փա-
կին 'ի ստոգին բանտի քինաւոր ամաղեկա-
ցիքն, անխղելի հանգուցիւք պաշարին

խուժքք հակառակորդին, արգելին անզերծ զընդանաւ՝ մահադինացն կաճառք, պնդին 'ի մետաղս ահեղ հրամանիդ այսականացն դումարք, պապանձին կարկեալ ընդդիմաբանիցն դասակցութիւնք, պարաւանդին հիւժմամբ կորստեան աներեւութիցըն ժողովք, անլայծ շղթայիւք նեղին առաքելութիւնք դերաքրիստոսին :

Բ. Ահա կարկառեմ մատամքք ձեռինս զտեառնագրութիւն նշանիդ 'ի ժամ գիշերիս, որ ոչ մթանաս խաւարաւ անգիտութեան, ամենեւին տեսականութիւն, քան թէ 'ի լոյս անմատոյց հանգուցեալ բնակես : Ընկալ զաղաչողս վտանգաւոր գոհաբան ընդ պահպանութեամբ թեւոց հզօրիդ, փրկեա 'ի ցնորից եկամուտ պըղտորութեանց . սուրբ արա զզգայարան հայելեաց սրտիս նկատմանց . ամրացո փայտիւդ կենաց 'ի տխրական անըջոց, արեամբքո սրսկեա զըջարկութիւնս կայիցս, ըզհետս ելումտիցն կաթուածով կենարար կողիդ գծագրեա, երգոցն պահպանարան քառակերպիդ ձեւակերպութիւն եղիցի . հանդէպ տեսութեան աչացս ամբարձման փրկականդ քո կրից իօրհուրդ առդիցի ,

ընդ բարաւոր յարկիս՝ չարչարանաց քոց
 գործի հաստիցի, զծառոյդ օրհնութեան
 հաւատք յուսոյ իմոյ կախեսցի: Արգել,
 Տէր, սովաւ զսատակիչն հոգւոց, մտցէ
 անխափան պաշտպանն լուսոյ, և ընդ սաս-
 տիկ ծանրութեան ցաւոցս և զբռն պար-
 տեացս թեթեւացո, զոր 'ի լուարանի մը-
 տացս ամփոփման մահճացս անկողնի՝ ու-
 շաբերեալ զյուսահատութեանցն դառն
 պտղոցն՝ խոստովանիմ ամենագիտիդ զան-
 համար մասունս գործոց չարաչար անօրէ-
 նութեանցս:

Գ. Հանգո զվաստակեալս 'ի բազմածուփս
 աշխատութենէ, բարձ զտափնապ տարա-
 կուսանաց ոգւոյս կործանման, զդառնու-
 թիւնն ընդ վշտացն, զհեծութիւնն ընդ
 կարեացն, զանձկութիւնն ընդ թշուա-
 ռութեանցն, զհառաչմունսն ընդ խոր-
 տակմանցն, զբեկութիւնսն ընդ ապշու-
 թեանցն, զթմբրութիւնսն ընդ շրտմանցն,
 զարբեցութիւնն ընդ յիմարութեանցն,
 զթերամտութիւնն ընդ խելագարութեան-
 ցըն, զսառումն սիրոյն և զհրային ջերմու-
 թիւն աղուական ախտին: Օժանդակ լեք
 տկարութեան բազմատխուրս տարտամու-

Թեան, բարեգործ աջովդ շնորհի, ձեռամբդ նորոգողի, մատամբդ կենսաբաշխի, փառօքդ մշտափայլի, յարակայութեամբդ անեղծի, երեսօքդ զուարթականի, իսկութեամբ էիդ պաշտելի, բարձրութեամբդ երկրպագելի : Հատո զչարաչար հեծութիւն կորստականս խեղդման, զնորգիւտ չարին, զհին խարդախութիւն բանսարկուին, զօտար աղգեցմունս ՚ի մահ կրութողին, զանյարմարական երեւոյթս հանապազօրդեան եղեռնագործին, զառաջս հրնարադրութիւն դժնդակ դիւին, զողոքական բոցաշնչութիւն ձգող կախարդին : Պահեա ՚ի տեղւոջ հանգստեան մեռօրինակ այսր դադարման յաներեւոյթ մտածութեանց, ՚ի մասնալոր սխալութեանց, ՚ի մեծագոյն գայթակղութեանց, ՚ի փոքրագոյն ոտնառութեանց, ՚ի խաբեբայ չար ձանձրութեանց : Հեռացո զանհանդէպ մտածութիւնն ՚ի զգայութեանց ծառայիս յանցաւորի, զկիրս բասրելիս, զվարս թրչնամանելիս, զդիպուածս պատկառելիս, ըզհետս վրիպելիս, զպատիրս ձաղելիս, զխորհուրդս անգոսնելիս, զաւելլաբանութիւնս նշխահելիս : Անոխակալ հոգւով և անշաղախ

մարմնով զապաւինեալս 'ի քեզ հանդերձեա,
 'ի շնչմանէ հողմոց, 'ի զարկմանէ բռնու-
 թեանց, 'ի բախմանէ փոթորկաց, 'ի յոստ-
 մանէ մրրկաց, 'ի յարձակմանէ գազանաց :
 Ի կափման աչացս հայեցուած սրտիս մի-
 ստուարացի, այլ զուարթացի պայծա-
 ռացի վայելչացի՝ ընդ քեզ փայլեսցի,
 Տէր Յիսուս Քրիստոս, լուսաւոր վառ-
 մամբ անշիջանելեալ : Բանիւ քո սրբեա
 զպատասպարանս բազմականիս 'ի խորաման-
 կութեանց, 'ի զբաղմանց, 'ի քո ատելի յի-
 շատակաց, 'ի վերնամարտ մտածմանց, 'ի
 քրէական մորոսութեանց, 'ի տիրանենգ
 անշնորհութեանց, յաստուածընդդէմ
 հերձուածութեանց : Գնդիւք վերնայնոցդ
 վերակացու ինձ լիցիս : Պետութեամբք,
 Իշխանութեամբք զօրաւորօքն անյաղթա-
 կանաց մաքուր մատակարարաց սուրբ Աս-
 տուածութեանդ, Առաքեալքն աւետեաց
 Աւետարանաւն, Մարգարէքն կտակարա-
 նօքն, մաղթանք երջանկացն 'ի կատարածի
 աւուրն ընծայեալ : Որովք նիրհեցից եր-
 կիւղիւ ըստ քեզ տրտմութեամբ, և զար-
 թեայց շնորհօք քո կրկին ուրախութեամբ.
 Եթէ վհատութեամբ ննջեցից, յարեայց

դարձեալ հոգեւորական բերկրութեամբ .
եթէ ընկողմնեցայց մեղանօք , կանգնե-
ցայց վերստին զատեալ 'ի խղճէ անախտ
անբժութեամբ :

Գ. Լուր խնդրուածոց ամենահառաչ ձայ-
նիս հեծութեան , միայն բազմագութ , բա-
րեխօսութեամբ Սրբոյ Աստուածածնիդ և
ամենայն արդարոց և Նահատակաց ընտ-
րելոց : Եւ քեզ փառք յամենեցունց իմովս
գոչմամբ վերառաքեցեալ սրբովք զուարթ-
նոցն անմահականաց դասուց . 'ի գովեստ
Հօր քոյ Աստուծոյ մերոյ և Հոգւոյդ Սրբոյ
բնաւից հաստողի եւ նորոգողի . յաւի-
տեանս յաւիտենից : ամէն :



Կ Ա Ն Ո Ն

ՍԿԻՉ ԵՒ ՄԱՂՋՄԱՆ ՕՐՀՆԵԼՈՅ



Լուսնան նախ ջրով, և սրբին սուրբ կրօնով,
և ասին.

ԱՅԼՈՒԻՄ ԱԵԼՈՒԻՄ.

ԴԱՏ արա ինձ Տէր, զի ես յամբօժու-
թեան իմում գնացի, 'ի Տէր յուսացայ՝
զի մի եղէց հիւանդ:

Փորձեա զիս Տէր, և քննեա զիս. փորձեա
զերիկամունս իմ և զսիրտ իմ:

Ողորմութիւն քո Տէր, առաջի աչաց իմոց.
և հաճոյ եղէց ճշմարտութեան քում:

Ոչ նստայց ես յաթոռս նանրաց, եւ ընդ
անօրէնս ես ոչ մտից:

Ատեցի ես զժողովս չարաց, եւ ընդ ամ:
բարիչտս ես ոչ նստայց:

Լուացից սրբութեամբ զձեռս իմ, եւ
չուրջ եղէց զսեղանով քով Տէր:

Լսել ինձ զձայն օրհնութեան քո և պատ-
մել զամենայն սքանչելիս քո:

Տէր, սիրեցի զվայելութիւն տանք, և
զտեղի յարկի փառաց քոց :

Մի կորուսաներ ընդ ամբարիշտս զանձն
իմ, և մի ընդ արս արիւնահեղս զկեանս
իմ :

Որոց ձեռք իւրեանց յանօրէնութեան են,
և աջ նոցա լի է կաշառօք :

Ես յամբժութեան իմում գնացի. փրկեա
զիս Տէր և ողորմեա ինձ :

Ոտն իմ կացցէ յուղղութեան. յեկեղե-
ցիս մեծս օրհնեցից զքեզ :

Քարոզ :

Խնդրեսցուք հաւատով միաբանութեամբ
'ի Տեառնէ՝ զի զողորմութեան զշնորհս
իւր արասցէ 'ի վերայ մեր. Տէրն Ամե-
նակալ կեցուցէ՝ և ողորմեսցի :

Կեցո Տէր և ողորմեա :

Եւ եւս խաղաղութեան զՏէր ազաշեսցուք, ընկալ կե
Օրհնութիւն և փառք Հօր և Որդւոյ և Հոգ :

Եւ այս լոսնան գինով, և առին սաղմոս :

Աւելուիա աւելուիա :

Տէր հովուեսցէ զիս և ինձ ինչ ոչ պակա-
սեսցի :

Ի վայրի դալարւոջ՝ անդ բնակեցոյց զիս,
և առ ջուրս հանգստեան սնոյց զիս :

Դարձոյց զանձն իմ առ իս, եւ առաջնոր-
դեաց ինձ ՚ի ճանապարհս արդարութեան
վասն անուան իւրոյ,

Թէպէտ եւ գնացից ես ՚ի մէջ ստուերաց
մահու, ոչ երկեայց ՚ի չարէ, զի դու Տէր
ընդ իս ես :

Յուպ քո և գաւազան՝ նոքա մխիթարես-
ցեն զիս :

Պատրաստ արարեր առաջի իմ զսեղան՝
ակն յանդիման նեղչաց իմոց :

Օծեր իւղով զգլուխ իմ. բաժակ քո որպէս
անապակ արբեցոյց զիս :

Ողորմութիւն քո Տէր զհետ իմ եկեսցէ
զամենայն աւուրս կենաց իմոց. բնակիլ
ինձ ՚ի տան Տեառն ընդ երկայն աւուրս :


Եւ եւս խաղաղութեան զՏէր աղաչեսցուք, ընկալ կե :

Օրհնութիւն և փառք Հօր և Որդւոյ և Հոգ :

Աղօթք :

Օրհնեալ ես Տէր Աստուած մեր, որ ետուր
մեզ զնիւթս զայս առնել անօթ սրբու-
թեան քում ըստ հաճոյից քոց, առ ՚ի քէն
տուելոյ քո մտաւորութեան Արդ՝ ընկալ

զսա 'ի ձեռաց մերոց, եւ սրբեա սրբութեամբ քով, զի արժանի լիցի ընդունիլ 'ի սպասաւորութիւն եկեղեցոյ քում սրբոց: Որով եւ բերկրեսցին մատուցողք սորա, ակն ունեւելով 'ի քէն բարեաց հատուցման: Եւ զմեզ արժանի արա սրբութեամբ եւ արդարութեամբ կեալ 'ի քահանայութեանս կարգի, պաշտել զքեզ 'ի սուրբ եկեղեցւոջ քում զամենայն աւուրս կենաց մերոց, եւ ընդունիլ զխոստացեալ բարիսն որ 'ի քէն: Եւ քեզ ընդ Հօր և ընդ Սուրբ Հոգւոյդ վայելէ փառք իշխանութիւն և պատիւ, այժմ և միշտ և յաւիտեանս յաւիտենից, ամէն:



Կ Ա Ն Ո Ն

ԵԿԵՂԵՑԻՈՅ ԶԳԵՍՏ ՕՐՀՆԵԼՈՅ

Աւելուիա աւելուիա .

ՅԻՇԵԱ Տէր , զԴաւիթ , և զամենայն հե-
զութիւն նորա :

Որպէս երդուաւ Տեառն , եւ ուխտս եդ-
Աստուծոյ Յակովբայ :

Թէ ոչ մտից 'ի յարկս տան իմոյ , թէ ելից
յանկողինս մահճաց իմոց :

Թէ տաց քուն աչաց իմոց , կամ 'նինջ ար-
տեւանաց իմոց , կամ հանգիստ իրանաց
իմոց . մինչեւ գտից զտեղի յարկի Տեառն
Աստուծոյ Յակովբայ :

Ահա լուաք զնմանէ յԵփրաթայ , և գտաք
զնա 'ի դաշտս մայրեաց :

Մտցուք 'ի յարկս նորա , երկիրպագցուք
'ի տեղւոջ՝ ուր կացեալ են ոտք նորա :

Արի Տէր , 'ի հանգիստ քո դու և տապա-
նակ կտակի սրբութեան քո :

Քահանայք քո զգեցցին զարդարութիւն ,
և սուրբք քո ցնծալով ցնծասցեն :

Վասն Գաւթի սիրելոյ քո մի դարձուցաներ
զերեսս քո յօժելոյ քումմէ :

Երդուաւ Տէր Գաւթի ճշմարտութեամբ՝
և ոչ ստեայ նմա . 'ի պտղոյ որովայնի նորա
նստուցանել յաթոռ նորա :

Թէ պահեսցեն որդիք քո զօրէնս իմ, եւ
զվկայութիւնս իմ զոր ուսուցից նոցա :
Որդիք նոցա նստցին յաւիտեանս յաւիտե-
նից յաթոռ քո :

Հաճեցաւ Տէր ընդ Սիօն , եւ ընտրեաց
բնակիլ 'ի նմա . ասէ՛ այս է հանգիստ իմ
յաւիտեանս յաւիտենից , 'ի սմա բնակե-
ցայց՝ զի հաճեցայ ընդ սա :

Զայրիս սորա օրհնելով օրհնեցից , և զաղ-
քատս սորա լցուցից հացիւ :

Երիցանց սորա զգեցվցից զփրկութիւն ,
և սուրբք սորա ցնծալով ցնծասցեն :

Անդ ծագեցից զեղջիւր 'ի Գաւթի . պատ-
րաստ արարից զճրագ օժելոյ իմոյ :

Թշնամեաց նորա զգեցուցից զամօթ . այլ
'ի վերայ նորա ծաղկեսցի սրբութիւն իմ :

Քարոզ »

Աղաչեսցուք զմարդասէրն Աստուած , զի
ընկալցի զսպասս զայս 'ի հաճոյս բարերար
կամաց իւրոց 'ի պայծառութիւն տան իւ-

րոյ 'ի գովեստ փառաց անուան իւրոյ . եւ կեցուցէ զարարածս իւր . ամենակալ Տէր Աստուած մեր կեցո ե ողորմես :

Տէր ողորմես : Տէր ողորմես : Տէր ողորմես :

Աղօթք :

Տէր Աստուած հզօր բարձրեալ եւ, ահաւոր, որ զգեցուցեր զեկեղեցի քո լուսով փառաց քոց, եւ եղեր մեզ զգեստ անպականութեան : Ընկալ 'ի մէնջ զզգեստս զայս . որպէս 'ի ձեռն Մովսիսի զնիւթ խորանին վկայութեան, եւ իբրեւ զհանդերձս մանկանցն Եբրայեցւոց 'ի պատիւ քեզ տարածելոց : Օրհնեա եւ սրբեա զսա . որպէս ընկալար եւ օրհնեցեր զկտաւան Յովսեփայ, զոր մատոյց 'ի պատանս աստուածային մարմնոյդ . զի եւ սա արժանի լիցի եկեղեցւոյ քում սրբոյ : Եւ որպէս զի ցնծացեն մատուցողք սորա, տուր նոցա Տէր, փոխարէն . հատո նոցա աստ ե 'ի հանդերձեալ երկրիդ զողորմութիւն քո մեծ եւ զառատ : Եւ քեզ ընդ Հօր եւ Հոգւոյդ Արբոյ վայելէ փառք իշխա :

Հայր մեր որ յերկինս :

ԱՂՕԹԻՔ

ԽՈՒՆԿ ՕՐՀՆԵԼՈՅ

ԱՄԵՆԱԿԱԼ Տէր Աստուած մեր, որ ընկալար զխունկն 'ի ձեռաց Ահարօնի եւ որդւոց նորա, եւ ոչ հաճեցար ընդ հուրն օտար, եւ ընդ խունկն օտարոտի. վասն որոյ եւ մեք սարսիմք եւ դողամք, զի մի՛ զնոյն կրեսցուք պատիժ: Եւ այժմ աղաչեմք զքեզ Տէր բարերար, ընկալ զսա 'ի ձեռաց մերոց, որպէս 'ի ձեռաց Ահարօնի ընկալար, եւ Զաքարիայի. եւ պարգեւեա մեզ զշնորհս Հոգւոյդ Արքայ: Մերժեա 'ի մէնջ անենայն ահաւորութիւն խաւարասէր թշնամւոյն. եւ տուր մեզ առնուլ 'ի միտ զահ եւ զերկիւղ Աստուածութեանդ: Շնորհօք եւ մարդասիրութեամբ Տեառն մերոյ եւ Փրկչին Յիսուսի Քրիստոսի որում վայելէ փառք և իշխանութիւն այժմ և միշտ և յաւի:



Կ Ա Ն Ո Ն

Ն Ո Ր Գ Ի Ր Ք Օ Ր Հ Ն Ե Լ Ո Յ



Սարխապի ունելլի ՚ի վերայ Բաղլայի ասիւն .

ՆԱՅՆՑԱՐՈՒՔ Ժողովուրդք յօրէնս իմ . խոնարհեցուցէք զունկն ձեր ՚ի բանս բերանոյ իմոյ :

Բացից առական զբերան իմ , և խօսեցայց զառակս . ՚ի սկզբանէ :

Որպէս լուաք՝ և ծանեաք զայս , և հարքն մեր պատմեցին մեզ :

Ոչինչ ծածկեցաւ յօրդւոց նոցա յազգայլ , պատմել զօրհնութիւնս Տեառն , ըզզօրութիւն և զսքանչելիս իւր զոր արար : Հաստատեաց զվկայութիւն իւր առ Յակովբ , և օրէնս եդ ՚ի վերայ Իսրայելի :

Որ ինչ միանգամ պատուիրեաց հարցն մերոց , ցուցանել զայս օրդւոց իւրեանց . զի ծանիցեն յազգայլ :

Որդիք որք ծնանին , յարիցեն և պատմեցեն զայս օրդւոց իւրեանց . զի դիցեն

առ Աստուած զյոյսս իւրեանց , եւ մի
մոռասցին զգործս Աստուծոյ :

Զպատուիրանս նորա խնդրելով խնդրես-
ցեն . և մի եղիցին որպէս և հարքն իւ-
րեանց :

Ազգ չար և դժուանացող . ազգ որ ոչ ուղ-
ղեաց զսիրտ իւր , և ոչ հաստատեաց առ
Աստուած զհոգի իւր :

Որդիք Եփրեմի լիաձիգք և պնդաձիգք . յա-
ւուր պատերազմի կապարճս դարձուցին .
Ոչ կացին նոքա յուխտի Տեառն . եւ ըստ
իրաւանց նորա ոչ կամեցան գնալ :

Մոռացան զերախտիս նորա եւ զսքանչե-
լիսն՝ զոր եցոյց նոցա :

Առաջի հարց նոցա զոր արար զսքանչելիս
իւր յերկրին Եփրայտնացւոց եւ ՚ի դաշտին
Տայանու :

Էհերձ զծովն՝ և անցոյց զնոսա և կացոյց
զջուրսն որպէս ՚ի տիկս :

Առաջնորդեաց նոցա ամպով ՚ի տուէ , եւ
զամենայն գիշեր ՚ի լոյս հրոյ :

Էհերձ զվէմն յանապատին , և ետ ըմպել
նոցա որպէս ՚ի խորոյ մեծէ :

Եհան զջուրսն ՚ի վիմէն , և հոսեաց որպէս
զգետոս զջուրսն :

Սակայն յաւելին 'ի մեղանչել. եւ եւս
բարկացուցին զբարձրեալն յանջրդի.
Փորձեցին զԱստուած 'ի սիրտս իւրեանց,
'ի խնդրել զկերակուր անձանց իւրեանց:
Տրտնջեցին զԱստուծոյ և ասացին. միթէ
կարո՞ղ իցէ Աստուած պատրաստել սե-
ղան յանապատի:

Քանզի հարկանէր զվէմն՝ և հոսէին ջուրք,
և վտակք խաղային 'ի նմանէ:

Աղէ հաց եւս կարացէ տալ նա մեղ.
կամ պատրաստեցէ սեղան ժողովրդեան
իւրոյ:

Վասն այսորիկ լուաւ զայս Տէր եւ յա-
պաղեաց. հուր բորբոքեցաւ 'ի Յակովբ.

և բարկութիւն ել 'ի վերայ Իսրայելի:

Զի ոչ հաւատացին յԱստուած. եւ ոչ
յուսացան 'ի փրկութիւն նորա:

Հրաման ետ ամպոց 'ի վերուստ, եւ զղը-
րունս երկնից եբաց, եւ տեղեաց 'ի նոսա.
զմանանայ 'ի կերակուր:

Զհաց երկնից ետ նոցա, զհաց հրեշտա-
կաց կերան մարդիկ. եւ իջոյց 'ի նոսա
զկերակուր 'ի լիութիւն:

Եհան զհողմն հարաւոյ, եւ էած զօրու-
թեամբ իւրով զհիւսիսիւ:

Տեղեաց ՚ի նոսա միս որպէս զհող. որպէս
գաւաղ ծովու զթռչունս թեւաւորս :

Էարկ ՚ի մէջ բանակի նոցա, եւ շուրջ
զվրանօք նոցա :

Կերան եւ յագեցան յոյժ եւ զցանկու-
թիւն նոցա ետ նոցա. եւ ոչինչ կարօտ
եղեն ՚ի ցանկութենէ իւրեանց :

Մինչդեռ կերակուրք ՚ի բերանս իւրեանց
էին, բարկութիւն յԱստուծոյ եւ ՚ի վե-
րայ նոցա :

Սպան զբաղումս ՚ի նոցանէ, եւ զընտիր
ընտիրս իսրայելի սատակեաց :

Յայսմ ամենայնի մեղան եւ եւս. եւ ոչ
հաւատացին սքանչելեաց նորա :

Պակասեցան յունայնութեան աւուրք նո-
ցա, և ամք նոցա վուրթապէս անցին :

Յորժամ սպանանէր զնոսա, խնդրէին զնա.
դառնային եւ առաւօտ առնէին առ Աս-

տուած :

Յիշեցին՝ զի Աստուած օգնական էր նոցա.

Աստուած բարձրեալ փրկիչ էր նոցա :

Միրեցին զնա բերանօք իւրեանց, եւ
լեղուօք իւրեանց ստեցին նմա. եւ սիրտ

նոցա ոչ էին ուղիղք ընդ նմա. և ոչ հա-
ւատացին ուխտի նորա :

Այլ նա ինքն գթած էր . քաւէր զմեղս
նոցա , և ոչ ապականէր :

Յաճախէր դարձուցանել զբարկութիւն
իւր . և ոչ բորբոքէր զամենայն սրտմտու-
թիւն իւր :

Յիշեաց՝ թէ մարմին են նոքա . հոգի որ
ելանէ , այլ ոչ եւս դառնայ :

Քանիցս անգամ դառնացուցին զնա յա-
նապատի . եւ բարկացուցին զբարձրեալն
յանջրդի :

Դարձան և փորձեցին զԱստուած , և ըզ-
սուրբն Իսրայելի զայրացուցին :

Ոչ յիշեցին զձեռն նորա , յաւուր յորում
փրկեաց զնոսա ՚ի ձեռաց նեղչաց նոցա :

Որպէս արար զնշանս եւ զարուեստս իւր
յերկրին Եգիպտացւոց և ՚ի դաշտին Տա-
յանու :

Դարձոց յարիւն զգետս նոցա , և զանձ-
րեւս նոցա , զի մի արբցեն :

Առաքեաց ՚ի նոսա շանաճանճ եւ եկեր
զնոսա . և գորտիւ ապականեաց զնոսա :

Ետ ժանկոյ զպտուղս նոցա , և զվաստակս
նոցա մարախոյ :

Եհար կարկտիւ զայգիս նոցա , և զթզենիս
նոցա եղեմամբ :

Մատնեաց ՚ի կարկուտ զանասունս նոցա .
 և զստացուածս նոցա հրով դատեաց :

Առաքեաց ՚ի նոսա զսրտմտութիւն բար-
 կութեան իւրոյ , զսրտմտութիւն զբար-
 կութիւն և զնեղութիւն :

Առաքեաց ՚ի նոսա տանջանս ՚ի ձեռն հրեշ-
 տակի չարի . և դիմեցոյց ՚ի նոսա զսրամը-
 տութիւն բարկութեան իւրոյ :

Ոչ անխայեաց ՚ի մահուանէ զանձինս նոցա .
 և զանասունս նոցա ՚ի մահ մատնեաց :

Եհար զամենայն անդրանիկս Եգիպտաց-
 ւոց , զսկիզբն ամենայն վաստակոց նոցա
 ՚ի յարկս Քամայ :

Քարոզ :


Խնդրեսցուք հաւատով միաբանութեամբ
 ՚ի Տեառնէ՝ զի զողոր :

Տէր ողորմեա՛ , Տէր ողորմեա՛ , Տէր ողորմեա՛ :

Աղօթք :

Օրհնեալ ես Տէր Աստուած մեր , որ ե-
 տուր մեզ զպատուիրանս քո ՚ի լուսաւո-
 րութիւն անձանց մերոց : Ընկալ և այժմ՝
 զնորատիպ գիրս զայս ՚ի ձեռաց մերոց ՚ի
 տաճար սուրբ քո : Օրհնեա՛ և սրբեա զսա ,
 զի որք ընթերցցին , և որք լուիցեն , բա-

Նայցին սիրտք նոցա առնել զհրամանս քո
 գրեալ ՚ի սիրտս իւրեանց, լինել քեզ ժո-
 ղովուրդ սեպհական : Պայծառացո, Տէր,
 և զհոգի մատուցողի սորին . և եթէ յան-
 ցեալ ինչ իցէ փոքու կամ մեծի, արա
 թողութիւն բարեխօսութեամբ սուրբ Աս-
 տուածածնին և ամենայն սրբոց : Զի դու
 ես Տէր Աստուած մեր . եւ քեզ վայելէ
 փառք՝ իշխանութիւն և պատիւ . այժմ և
 միշտ և յաւիտեանս յաւիտենից, ամէն :



Կ Ա Ն Ո Ն

Ա Ղ Օ Ր Հ Ն Ե Լ Ո Յ



ԱՍՏՈՒԱԾ ողորմեա մեզ և օրհնեա զմեզ,
երեւեցո զերեսս քո 'ի մեզ, եւ ողորմեա
մեզ :

Ճանաչել յերկրի զճանապարհս քո, յա-
զինս ամենայն զփրկութիւնս քո :

Խոստովան եղիցին առ քեզ ժողովուրդք
Աստուած, խոստովան եղիցին առ քեզ
ժողովուրդք ամենայն :

Ուրախ եղիցին եւ ցնձասցեն ազինք, զի
դու դատես զժողովուրդս ուղղութեամբ .
և ազգաց երկրի դու առաջնորդես :

Խոստովան եղիցին առ քեզ ժողովուրդք
Աստուած . գոհասցին զքէն ժողովուրդք
ամենայն :

Երկիր ետ զպտուղ իւր, և օրհնեաց զմեզ
Աստուած Աստուած մեր :

Աստուած մեր օրհնեսցէ զմեզ, և 'ինմա-
նէ երկիցեն ամենայն ծագք երկրի :

Շարական .

ԴԿ . Պա՛րունակեա՛լ պահէ՛լն յանեղա-
 շէ՛ն դրամխօրի՛հն ըզճանապարհըս ծա-
 ուոյն կե՛նաց քրովբէակա՛հն հոյլ-
 քըն բոցեղէ՛ն սրովբէ՛լիւք . ա՛յսօր տը-
 տա՛փայլեալ ցուցա՛ր յերկրի անտուածա-
 զարդ փայտ Կենաց ե՛ւ փրկո՛ւթեան .
 ըզքեզ ճրհնեն յանկո՛ւնըք սուրբ ե-
 կեղե՛ցւոյ .

Սարեկայ՛ ծառայն վերաբերեա՛լ խոյ
 յողջակէ՛հն փոխանակ Ի՛սանհակայ .
 ա՛յլ ՚ի վերա՛հն քո զենա՛ւ գառն անա՛-
 րատ ՚ի հաշտութի՛ւն Հօր եւ ՚ի բառնա՛լ
 ըզմեղըս մեր . ըզքեզ ճրհ :

Պարծանըք Պողոսեա՛ն , դաւանեալ ըզ-
 քեզ անտուածային բանին տեղի՛ ե՛ւ
 զե՛նարան . քանզի քե՛հն ապրեցաք
 ՚ի խածանող և յանմարմին գա՛զանէ՛ն :
 Ի՛նչ ՚ի վերայ՛ քո հեղեալ շիթք անապա-
 կան արեա՛նն , ըզկողածնի՛ն շքնըեաց
 ըզմեղս . ըզքեզ ճրհ :

Քարոզ .

Լուիցէ Տէր ձայնի աղաչանաց մերոց .

ամենակալ Տէր Աստուած մեր կեցուցէ
և ողորմեսցի :

Տէր ողորմահ : Տէր ողորմահ : Տէր ողորմահ :

Աղօթք :

Օրհնեալ ես Տէր Աստուած ամենակալ,
արարիչ ամենայն արարածոց, որ արարեր
զամենայն արարածս քո բարի և լաւ, եւ
չեք ինչ ՚ի նոսա խոտան. զոր ետուր ՚ի
պէտս որդւոց մարդկան : Որ արարեր զա-
ղըն ՚ի հաստատութիւն երկրի եւ ՚ի ժո-
ղովս ջուրց :

Եւ արդ՝ մեք հաւատացեալքս անուան
քում սրբոյ, առեալ զպարգեւս քո՝ գո-
հանամք զառատ ողորմութենէդ քումմէ,
եւ փառաւորեմք զամենամեծ տէրու-
թիւն քո :

Օրհնեալ Տէր, ողորմութեամբդ քո զաղս
զայս, եւ սրբեա զսա : Զի ամենայն ինչ՝
յոր և խառնեսցի սա, եղիցի քեզ ՚ի հա-
ճոյս և յընդունելութիւն, և մեզ ՚ի մաք-
րութիւն՝ եւ յառողջութիւն հոգւոյ եւ
մարմնոյ : Որպէս զի հաստատեալք սովաւ
եւ զուարճացեալք, յամենայնի անդա-
դար փառաւորեսցուք զՀայր եւ զՈրդի

և զՍուրբ Հոգի. այժմ և միշտ եւ յաւիտեանս յաւիտենից, ամէն:

Ամէն, Ալելուիա ալելուիա ալելուիա.

Օրհնեսցի եւ սրբեսցի աղս այս նշանաւ սուրբ Խաչիւս և սուրբ Աւետարանաւս. յանուն Հօր և Որդւոյ և Հոգւոյն Սրբոյ, այժմ և միշտ և յաւիտեանս: (Երէջս կրիստոս):

Օրհնութիւն և փառք Հօր և Որդւոյ և Հոգւոյն Սրբոյ, այժմ և միշտ և:

Շարական.

ԴԶ. Ահեղ խորհո՞ւրդ քահանայի՞նս, բազկատարած կայ ի՞նչ բեմի՞ն առաջի՞ սուրբ Սեղանո՞ւն. հո՞ւր շիջանի՞ խաւար մերժի. տրտմեալ հոգիքն ուրախանա՞ն, զի թողմութիւն մեղացի լինի. ողորմա՞ծ Տէր ողորմեա՞ն հոգ:

Հոգւոյն հանգուցե: Ասան հանգ: Քրիստոս Որդի Աս:

Հոգր մեր որ յերկինս:




Կ Ա Ն Ո Ն

ՕՐՀՆՈՒԹԵԱՆ ՀԱՏԻ ՊԱՏԱՐԱԳԻ

• Կ Ա Մ

ՍԵՂԱՆՈՅ ՄԱՏԱՂԻ



ՅԻՇԵՍՑԷ ՏԷՐ զամենայն Պատարագս քո
 և զուխոսս քո ընդունելի արասցէ :
 Տացէ քեզ ՏԷՐ ըստ սրտի քում և զամե-
 նայն խորհուրդս քո նա կատարեսցէ :
 Փառք Հօր և Որդւոյ և : Ա՛յԺՄ և յիշտ և ։

Շարական .

ԴԿ . Ո՞ր յանէ՛լից ստեղծ՞ող գո՛ւհից
 արարչա՛կից Հօր բանդ Ա՛ստիւԼած . Թո-
 զուԹի՛ւն շնորհեա՛ն նընջեցելոց քոց ծան-
 ունյից , յորժամ գաս գա՛հտել զոր ա-
 նարատ ձեռո՞ք ստեղծեր :

Ո՞ր ՚ի Հօրէ՛ առաքե՛լիցս ար և մարմնա՛-
 ցար ՚ի՞ սո՛ւրբ կի՛ւսէն . Թողու :

Ո՞ր 'ի խանչեն անշընչա՛ր ԲՊԳՄԻՆ ԳՄԱՐ զմահու
լուծե՛ր զնշխանութիւն . Թողու :

Ո՞ր պըսակիրչդ ես քոց սը՛ր ԲՊԳՄԻՆ ԳՄԱՐ , եւ
անվախճան բարեանց բաշխող . Թողու :

Աղօթք :

Գոհանամք զքէն Տէր Աստուած ամենա-
կալ , արարիչ ամենայն արարածոց , որ լցիւր
և զարդարեցեր զամենայն երկիր պտղալից
և վայելուչ պարարտութեամբ , և ետուր
զնոսա 'ի պէտս ուրախութեան որդւոց
մարդկան , զի փառաւորեսցի հանապազ
ամենասուրբ անուն քո՛ 'ի քո ստեղծեալ
ճառայիցս , որք վայելեմք միշտ յամենա-
ռատ բարութեան քում : Եւ արդ՛ բարե-
բար և բազմագութ Տէր , քեզ խոնարհե-
ցուցանեմք զծունր սրտից մերոց , և հայ-
ցեմք 'ի բարերարութենէ քումմէ , առա-
քեա 'ի ժամուս յայսմիկ զչնորհս ամենա-
զօր Հոգւոյդ Սրբոյ 'ի վերայ սեղանոյս այ-
սորիկ , եւ օրհնեա ողորմութեամբ քով
զառաջիկայ հացս զայս և զգինիս , զոր 'ի
քո առատ բարութենէդ մատուցանեմք
առաջի քո անկարօտդ Աստուած , 'ի յիշա-
տակ հոգւոցն հաւատով 'ի քեզ ննջեցե-

լոյ : Եւ շնորհեա ամենեցուն որք հաղորդին ՚ի սմանէ՝ զփրկութիւն , և զառողջութիւն կենաց , և զթողութիւն յանցանաց : Եւ զհոգիս ննջեցելոյ մերոյ յիշեա Տէր՝ և դասաւորեա ընդ սուրբս յերկնաւոր առաքաստին յանսպառ ուրախութիւնսն . և պարգեւեա վարձս բարեաց՝ մատուցողաց պատարագիս : Եւ վասն առատ մարդասիրութեան քո Տէր , ջնջեա զձեռագիր յանցանաց ամենայն ժողովրդեանս , բարեխօսութեամբ սուրբ Աստուածածնին և ամենայն քոյ սրբոյ , և արժանի արա ըզմեզ դտանել ողորմութիւն յաւուր հատուցման ամենայն գործոց : Զի դու ես կեանք անվախճան , և երանութիւն ամենայն արդարոց : Եւ քեզ ամենասուրբ Երրորդութեանդ և միոյ Տէրութեանդ վստիք յիշեալ փառք եւ իշխանութիւն և պատիւ այժմ և միշտ և յաւիտեանս յաւիտենից , ամէն :

Հոգւոցն հանգուցե : Վասն հանգ : Քրիստոս Որդի Աստուծո
Հայր մեր որ յերկինս :



Կ Ա Ն Ո Ն

ՋՐՀՈՐ ՕՐՀՆԵԼՈՅ

Անո՞ր Քահանայն շխալն և զԱ-եփարանն և Երևոյ
ի պղծեալ ջրհորն . և քայ հանել յառաստան զոյլ
ջուր . և ապա զոյլ յի այլ և առի .

Ալելուիա ալելուիա .

Չաօն Տեառն ՚ի վերայ ջուրց , եւ Աս-
տուած փառաց որոտաց . եւ Տէր ինքն
ի վերայ ջուրց բազմաց : (Տե՛ս յերե՛ս 33) :

Խնկարի՛է զԵբրան հորոյն և առի Եարական .

ԴԿ . Ա՞ղբիւր չկենաց բաշխող շնորհաց
Հոգիդ իջեալ ՚ի բարձանց . զանապակամն
պարգեւըս քո՞ր բաժանեցեր յա՞ռա-
քեալսն :

Ո՞ր ՚ի վերայ ջուրցն գողով ստեղծանէի՛ր
զսրբարածս . իջեալ ՚ի ջուրս աւազանի՞ն
ծնանիս Որդի՛ս Ա՞ստուծոյ :

Ո՞ր զարդարեալ նորոգես միշտ ըզնոր
քո զնկեղեցի . պէս պէս շնորհաց քոց
պարգեւօք փայլին մանկո՞ւնք սորա :

Ապա լնո՛ւ շնորհն խաչանման 'ի ջրերն և ասէ .

Աւելուիա պէլուիա .

Չայն Տեառն 'ի վերայ ջուրց , և Աստուած
փառաց որոտաց , եւ Տէր ինքն 'ի վերայ
ջուրց բազմաց :

Ընթերցուածս 'ի չորրորդ թագաւորութեանց :

Եւ ասեն արք քաղաքին ցեղիսէ . ահա
լասիկ բնակութիւն քաղաքիս բարի է ,
որպէս եւ տէրդ իսկ տեսանէ . եւ ջուրքս
չար եւ երկիրս անզաւակ :

Եւ ասէ Եղիսէ . առէք առ իս կուժ մի
նոր , և դիք այդր . և բերին առ նա . և եւ
Եղիսէ յականս ջուրցն , և արկ անդր աղ
և ասէ՝ այսպէս ասէ Տէր . բժշկեմ զջուր
սըդ զայդոսիկ , եւ մի եւս լիցի այդ 'ի
մահ եւ յանզաւակութիւն . և բժշկեցան
ջուրքն մինչեւ ցայսօր ըստ բանին Եղիսէի
զոր խօսեցաւ :

Պողոսի առաքելոյն ՚ի կորնթացւոց առաջին
թղթոյն է ընթերցուածս :

Ոչ կամիմ եթէ տգէտք իցէք եղբարք ,
զի հարքն մեր ամենեքեան ընդ ամպոյն
էին . և ամենեքին ընդ ծովն անցին . և
ամենեքին ՚ի Մովսէս մկրտեցան յամպն
և ՚ի ծովն . և ամենեքեան զնոյն հոգեւոր
կերակուրն կերին . եւ ամենեքեան զնոյն
հոգեւոր ըմպելին արբին . զի ըմպէին ՚ի
հոգեւոր վիմէն որ երթայր զհետ նոցա .
և վէմն էր ինքն Քրիստոս :

Աւելուիա ալելուիա .

Տեսին ամենայն ծագք երկրի զվերկուծիւն
Աստուծոյ մերոյ :

Աւելուիա Օրթի :

Խաղաղութիւն ամենեցուն :

Եւ ընդ հոգւոց քում : Երկիւղածութեամբ լուարուք :

Արքայ Աւետարանիս Յիսուսի Քրիստոսի՝ որ ըստ
Մատթէոսի :

Փառք քեզ Տեր Աստուած մեր :

Պատիսուսէ : Ասե Աստուած :

Վասն Մկրտութեան Տեառն մերոյ Յիսուսի Քրիստոսի :

Յայնժամ գայ Յիսուս ՚ի Գալիլէէ ՚ի Յոր-
դանան առ Յովհաննէս՝ մկրտիլ ՚ի նմանէ .

և Յովհաննէս արգելելու զնա՝ և ասէ . ինձ
պիտոյ է ՚ի քէն մկրտիլ . եւ դու՝ առ իս
գաս :

Պատասխանի ետ Յիսուս՝ եւ ասէ ցնա .
Թոյլ տուր այժմ, զի այսպէս վայելէ մեզ
լնուլ զամենայն արդարութիւն . եւ ապա
Թոյլ ետ նմա . Եւ իբրեւ մկրտեցաւ Յի-
սուս՝ ել վաղվաղակի ՚ի ջրոյ անտի . և ա-
հա բացան նմա երկինք , և ետես զՀոգին
Աստուծոյ՝ զի իջանէր իբրեւ զաղաւնի և
գայր ՚ի վերայ նորա :

Եւ ահա ձայն յերկնից՝ որ ասէր . դա՛ է
Որդի իմ սիրելի , ընդ որ հաճեցայ :

Քարոզ :

Ազաչեսցուք զբարերարն Աստուած , եւ
խնդրեսցուք ՚ի նմանէ . զի մաքրեսցէ ըզ-
ջուրս զայս յամենայն աղտեղութենէ , և
տացէ ՚ի պէտս ծառայից իւրոց շնորհօք
ողորմութեան իւրոյ . ամենակալ Տէր Աս-
տուած մեր կեցուսցէ և ողորմեսցի :

Տէր ողորմեա՛ , Տէր ողորմեա՛ , Տէր ողորմեա՛ :

Աղօթք :

Տէր Աստուած մեր , որ արարիչդ ես ամե-
նայն արարածոց՝ երեւելիսոց եւ աներե-

ւուծից . որ գոյացուցեր զծով եւ զցա-
 մաք , եւ զոր 'ի նոսա վայելչութիւն . եւ
 հայեցեալ տեսեր զամենայն արարածս քո ,
 ևահա բարի են յոյժ . յորոց վերայ ստեղ-
 ծեալ 'ի քէն զմարդն իշխան կարգեցեր :
 Իսկ ինքնայօժար կամօք չարացեալ բան-
 սարկուն՝ պատրեալ զնա վրիպեցոյց 'ի փա-
 ռացն . եւ սերմանեաց 'ի նմա զիւր չա-
 րութեան սերմն : Զոր խնամօք արարչա-
 կան ողորմութեան քո զերծուցանել կա-
 մելով 'ի նորին դաւաճանութենէն՝ ետուր
 զգրաւորական օրէնս ազգի մարդկան 'ի
 դաստիարակութիւն : Եւ զտղայաբարոյ
 միտս նոցա զգուշացուցանելով 'ի հեթա-
 նոսական սովորութեանց՝ գրեցեր նոցա
 զխտրութիւն կերակրոյն : Իսկ յերեւիլ
 միածնի քո՝ Տեառն մերոյ Յիսուսի Քրիս-
 տոսի , որ լուսաւորեաց զեկեղեցի իւր
 սուրբ՝ աւետարանական վարդապետու-
 թեամբն . ուսաք 'ի նմանէ եւ հաւատա-
 ցաք ոչ արտաքուստ մտանել 'ի մեզ պղղ-
 ծութիւն ինչ յարարածոցս , զոր ետուր
 մեզ 'ի վայելս մարմնական պիտոյից : Վասն
 որոյ եւ մեք աշակերտեալքս վարդապե-
 տութեան սրբոյ Աւետարանին՝ եւ քարո-

զուժեան սրբոց Առաքելոցն, խնդրեմք ՚ի
քէն և աղաչեմք, ՚ի վերահոչելս մեր՝ զեր-
կրպագելի անունն Ամենասուրբ Երրորդու-
թեանդ՝ Հօր և Որդւոյ և Հոգւոյդ Սրբոյ,
սրբեա ամենակարող զօրութեամբդ զՋըր-
հորս զայս՝ եւ զոր ՚ի սմա զջուրս մաքրեա
յամենայն կարծեալ պղծութենէ՝ ՚ի մերմէ
հիւանդամտութենէս, եւ զօրացո զար-
կար միտս մեր՝ առնուլ զսա առանց խղճի
՚ի վայելս մարմնական պիտոյից մերոց, և
գոհութեամբ փառաւորել զքեզ Հայր՝
Որդւովդ միածնիւ եւ Հոգւովդ Սրբով-
այժմ և միշտ և յաւիտեանս յաւիտենից,
ամէն :

Խաղաղութիւն ամենեցուն :

Տէր մեր Յիսուս Քրիստոս միածին Որդի և
Բանդ Աստուած, որ զախտացեալ բնու-
թիւնս մեր խառնեալ ընդ անախտ աստ-
ուածութիւնդ՝ ՚ի վերայ մեր սուրբ արա-
րեր զանձն քո : Ուստի եւ մեք սրբեալք
՚ի ճշմարտութենէդ քումմէ՝ գոհանամք
զքէն, և աղաչեմք զմիայն բարերարդ եւ
զմարդասէրդ, խոնարհեաց առ մեզ որք
ժողովեալ եմք յանուն քո սուրբ, և հեզ

զնորհս Հոգւոյդ Սրբոյ 'ի ջուրս այս՝ նշա-
նաւ սուրբ Խաչին . և սրբեա զսա յամե-
նայն կարծելի եւ յանկարծելի աղտեղու-
թենէ : Որպէս զի անխիղճ սրտիւ վայել-
եալ զսա 'ի պէտս մարմնական պիտոյից
մերոց , փառաւորեսցուք զքեզ ընդ Հօր
և ընդ Սուրբ Հոգւոյդ , այժմ և միշտ եւ
յաւիտեանս յաւիտենից , ամէն :

Քարոզ :

Սուրբ Խաչիւս աղաչեսցուք զՏէր զի սո :

Աղօթք :

Պահպանիչ և յոյս հաւատացելոց Քրիս :
Օրհնեալ Տէր մեր Յիսուս Քրիստոս , ամէն :
Հայր մեր որ յերկինս :



Կ Ա Ն Ո Ն

ՕՐՀՆԵԼՈՅ ԶԱՐՏՈՐԱՅՍ

ԶՍԵՐԾԱՆԻՍ , ԶԱՐԾՏԻՍ , ԶՇԵՂՁ , ԶԿԱԼ
ԵՒ ԶՀՆՁԱՆ

Այելուիա պէլուիա .

Քեզ վայելէ օրհնութիւն Աստուած 'ի
Սիօն և քեզ տացին աղօթք յերուսաղէմ :

Ընթերցուածս յԱռակաց :

Պատուեա զՏէր 'ի քոց, արդար վաստակոց,
և հան նմա պտուղ 'ի քոց արդարութեան
արմտեաց :

Զի լցցին շտեմարանք քո լիութեամբ ցո-
րենոյ , եւ գինեաւ հնձանք քո առաւել
եւս բղխեսցեն :

Ընթերցուածս 'ի Յովկեոյ մարգարէի :

Քաջալերեաց , երկիր , ինդա եւ ուրախ
լեր , զի մեծացոյց Տէր զառնել իւր ընդ
քեզ :

Քաջալերեա, երէվայրի, զի դալարեցան
դաշտք անապատի. զի ծառ ետ զպտուղ
իւր, որթ եւ թզենի ետունն զզօրութիւն
իւրեանց.

Որդիք Սիոմի, ցնծացէք եւ ուրախ լե-
րուք ՚ի Տէր Աստուած ձեր. զի ետ ձեզ
Տէր կերակուր արդարութեան. եւ տե-
ղասցէ ձեզ անձրեւ կանուխ եւ անագան
իբրեւ զառաջինն. և լըցին կալք ցորենոյ,
և զեղցին հնձանք գինւոյ և իւղոյ.

Եւ հատուցից ձեզ փոխանակ ամացն՝ յորս
եկեր մարախն և ջորեակն և թրթուրն,
զօր իմ մեծ զոր առաքեցի ՚ի վերայ ձեր.
Եւ ուտելով կերիջիք՝ և յագեսջիք, և օրհ-
նեսջիք զանուն. Տեառն Աստուծոյ ձերոյ,
որ արար ընդ ձեզ սքանչելիս. և մի եւս
ամաչեսցէ ժողովուրդ իմ յաւիտեան:

Պօղոսի առաքելոյն ՚ի կորնթացոց երկրորդ
թղթոյն է ընթերցուածս:

Այլ այն որ պարգեւէ սերմն սերմանա-
հանաց՝ և հաց ՚ի կերակուր, պարգեւեսցէ
և բազմացուսցէ զսերմանիս ձեր, և աճե-
ցուսցէ զարդիւնս արդարութեան ձերոյ.
յամենայնի մեծացեալք ամենայն առաւ-

տուժեամբ , որ յօրինէն մեօք գոհուժիւն
Աստուծոյ :

Ձի պաշտօն հարկիս այսօրիկ՝ ոչ միայն առ
ի լնուլ զպակասուժիւն սրբոցն է , այլ առ
առաւելուլ բազմօք գոհուժիւնս Աստուծոյ :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արբոյ Աւետարանիս Յիսուսի Քրիստոսի՝ որ ըստ
Մարկոսի :

Փառք քեզ Տէր Աստուած մեր :

Պաշտումէ : Ասէ Աստուած :

Տէրն մեր Յիսուս Քրիստոս :

Եւ ասէր . այսպէս է արքայութիւն Աս-
տուծոյ , որպէս զի այր մի արկանիցէ ըզ-
սերմանիս յերկիր :

Եւ ննջիցէ և յառնիցէ զցայգ և զցերեկ .
և սերմանիքն բուսանիցին և աճիցին , եւ
նա ոչ գիտէ՝ թէ երկիրն ինքնին բերէ
զպտուղ . նախ զխոտն , եւ ապա զհասկն ,
և ապա զցորեան ատոք ՚ի հասկին :

Այլ յորժամ տայցէ զպտուղն , վաղվա-
զակի առաքի մանգաղ , զի հասեալ են
հունձք :

Փառք քեզ Տէր Աստուած մեր :

Քարոզ :

Աղաչեսցուք զմարդասէրն Աստուած, զի օրհնեսցէ զսերմանիս եւ զարդիւնս ծառայից իւրոց. ամենակալ Տէր Աս :

Աղօթք :

Օրհնեալ ես Տէր Աստուած ամենակալ, որ վերածես զամպս 'ի ծագաց երկրի, և զփայլատակունս յանձրեւս առնես. կոչես զջուրս ծովու եւ հեղուս 'ի վերայ երեսաց երկրի. Խնդրեմք 'ի քէն և աղաչեմք, աղերսեմք եւ երկրպագեմք՝ խոստովանելով զմեզս մեր, եւ հայցելով զառատ ողորմութիւն քո : Բաց, Տէր, զահանս երկնից առ 'ի ցօղել մեզ զանձրեւս շահեկանս : Քթա, Տէր, 'ի ծերս և 'ի մանկունս, 'ի տղայս եւ 'ի ստնդեայս, 'ի խաչինս և յանասունս, և յամենայն կենդանիս : Օրհնեա, Տէր, զքերս երկրի մերում, զարտոյ եւ զայգւոյ, զծառոյ եւ զխոտոյ : Օրհնեա, Տէր, զսերմանիս մեր հանդերձ սերմանողօքս. զի առատ ես 'ի պարգեւս քո. տաս սերմն սերմանողաց և հաց 'ի կերակուր մարդկան. աղաչեմք զքեզ Թա-

դաւոր զօրութեանց Աստուած Աստուած մեր, որ խնամօք քովք ընուս զդաշտս եւ զլերինս պարարտութեամբ, հայեաց ՚ի սերմանիս մեր. որ կարողդ ես առանց սերման շնորհել հասկս՝ և առանց կերակրոյ ընուլ զքաղցեալս : Տուր, Տէր, զառատ ողորմութիւն քո, և աճեցո զարդիւնս ծառայից քոց ՚ի պիտոյս կարեաց կենցաղոյս. զի աչք ամենեցուն ՚ի քեզ յուսան, եւ դու տաս նոցա կերակուր ՚ի ժամու : Օրհնեա, Տէր, և զամպս ՚ի վերուստ, զի զցօղ քաղցրութեան ցօղեսցեն յանդաստանս մեր : Օրհնեա, Տէր, և զարտորայս մեր, զի առանց ամենայն վնասուց սնուցանիցեն զպտուղս իւրեանց : Օրհնեա, Տէր, զմշակս եւ զեզինս սոցա, զի առողջութեամբ ժողովեսցեն զարդիւնս վաստակոց իւրեանց : Օրհնեա, Տէր, և զպսակ տարւոյ քաղցրութեան քո, զի լիութեամբ եւ խաղաղութեամբ կատարեսցի : Օրհնեա, Տէր, զչտեմարանս ցորենոյ, եւ զհնձանս գինւոյ եւ իւղոյ. զի լցեալք յառատութենէ բարեաց քոց՝ առաւել եւս բղխեսցեն ըստ քոյին անսուտ բանիդ : Եթէ երկինք լուիցէ երկրի և երկիր լուիցէ ցորե-

նոյ և գինևոյ և ձիթոյ, և նոքօք լցցի ժողովուրդ իմ: Եւ զմեզ զամենեւեան արժանի արա խաղաղութեամբ վայելել զպարգեւս առատ ողորմութեան քո, և գոհանալով փառաւորել զքեզ ընդ Որդւոյ եւ ընդ Արքոյ Հոգւոյդ, այժմ և միշտ և յաւիտեանս յաւիտենից, ամէն:

Քարոզ:

Սուրբ Խաչիւս աղաչեսցուք զՏէր զի սո:

Աղօթք:

Պահպանիչ և յոյս հաւատացելոց Քրիս: Օրհնեալ Տէր մեր Յիսուս Քրիստոս, ամէն: Հայր մեր որ յերկինս:



ԱՂՕԹԻՔ

Վ Ա Ս Ն Ե Ր Ա Շ Տ Ի

Տէր Աստուած մեր, որ յաղագս առ քեզ նախանձուէն՝ լուար Եղիայի մարգարէին ՚ի ժամանակին յայնմիկ. և երկնի հրամայեցեր արգելուլ զանձրեւ, զի մի տացէ երկիր զստուղ իւր. և դարձեալ յաղագս խընդրոյ նորա՝ ցօղ պտղաբեր պարգեւեցեր = Դու Տէր ամենայնի՝ շարժեալ ՚ի բարեգլխութենէ քումմէ՝ անձրեւ ըստ կամաց քոց պատրաստեցեր ժառանգութեան քում. եւ զբազում մեղս մեր անտես արարեր: Եւ այժմ աղաչեմք զքեզ, զանձրեւս քո առաքեա. զրբ պէտս ունին եւ խնդրեն ՚ի քէն. Ուրախ արա զերեսս երկրի յաղագս ժողովրդեան քո, եւ վասն տղայոց՝ եւ անասնոց, եւ ամենայն կենդանեաց. որք ակն ունին առ քեզ՝ տալ նոցա կերակուր ՚ի ժամու: Զի դու ես Տէր Աստուած մեր՝ Աստուած բարերար. եւ քեզ վայելէ փառք իշխանութիւն և պատիւ. այժմ և միշտ և յաւիտեանս յաւիտենից, ամէն:

Կ Ա Ն Ո Ն

ՆՈՐՈԳ ՍԱՓՐԵԼՈՅ ԶՀԵՐՍ

ՊԱՏԱՆԻՈՅՆ



Շարական .

ԴԶ. Մանկունք ըզՏէր օրհնեցէք . որոյ
անո՞ւնն որ էն , եւ միշտ եղիցի անուն
Տեանն օրհնեալ :

Ծագմամբ լուսոյ զարդարեաց զազգըս
մարդկան թագաւորն Քրիստոս . եւ
միշտ եղիցի անուն Տեանն օրհնեալ :

Որդիք լուսոյ տո՛ւք ըզփա՛ռըս Հօրն լու-
սոյ , Որդւոյն միա՛ծնի եւ Սո՛ւրբ Հոգւոյն
յաւիտեամնս ամէն :

Աւելուի աւելուի .

Օրհնեցէք մանկունք զՏէր եւ օրհնեցէք
զանունն Տեանն :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Սրբոյ Աւետարանիս Յիսուսի Քրիստոսի՝ որ ըսա
Մատթէոսի :

Փառք քեզ Տէր Աստուած մեր :

Պատիւովք : Ասէ Աստուած :

Տէրն մեր Յիսուս Քրիստոս :

Ո՛չ ապաքէն երկու ճնճղուկք դանգի
միող վաճառին . եւ մի՛ ՚ի նոցանէ յերկիր
ոչ անկցի առանց Հօր ձերոյ :

Այլ ձեր եւ ամենայն իսկ հեր գլխոյ
թուեալ է , եւ արդ՝ մի երկնչիցիք , զի
լաւ էք քան զքաղում ճնճղուկս :

Ամենայն՝ որ խոստովանեցի յիս առաջի
մարդկան , խոստովանեցից եւ ես զնմանէ
առաջի Հօր իմոյ որ յերկինսն է :

Աղօթք :

Ձքեզ աղաչեմք Տէր Աստուած փրկու-
թեան մերոյ . որպէս օրհնեցեր զԴաւիթ
ձեռամբ մարգարէին Սամուէլի . նոյնպէս
օրհնեա զտղայս զայս ձեռամբ անարժա-
նութեանս իմոյ . եւ տպաւորեա ՚ի սմա
զՀոգիդ քո սուրբ . որպէս զի յառաջա-

Նալով հասակաւ՝ լի աւուրբք՝ եւ ալեօք
 ծերութեան վայելեսցէ՝ ՚ի բարութեան
 քում։ Եւ քեզ յամենայնի փառք եւ իշ-
 խանութիւն, այժմ և միշտ և յաւիտեանս
 յաւիտենից, ամէն։

Ե- նախ ինչն կարէ զհերս պատանայն
 ՚ի լուսն կողմանց ասելով։

Հարթին հերք գլխոյ (այս անուն) ծառայի,
 յանուն Հօր և Որդւոյ և Հոգւոյն Սրբոյ =

Աղօթք։

Եւ վասն Սուրբ Խաչի քո պատուականի
 Տէր ընկալ զաղաչանս մեր եւ կեցոյ զմեզ։

Քարոզ։

Սուրբ Խաչիւս աղաչեսցուք զՏէր զի սո։

Աղօթք։

Պահպանիչ և յոյս հաւատացելոց Քրիս։
 Օրհնեալ Տէր մեր Յիսուս Քրիստոս, ամէն։
 Հայր մեր որ յերկինս։



Կ Ա Ն Ո Ն

Թ Ա Ղ Մ Ա Ն

ՆԵՋԵՑԵԼՈՑ ԱՇԽԱՐՀԱԿԱՆԱՑ

ԱՐԱՆՑ ԵՒ ԿԱՆԱՆՑ



ԱԵԼՈՒԻՄ ԱԵԼՈՒԻՄ

Երկինք պատմեն զփա : Տիկ 'ի Դատեան :

Օրհնեալ Հոգիդ Սուրբ Աստուած Ճշմարիտ :

Ողորմեա ինձ, Աստուած, ըստ մեծի ողորմութեան քում, ըստ բազում գթութեան քում քաւեա զանօրէնութիւնս իմ :

ՉՓոխ լման սաս :

Փառք Հօր և Որդւոյ և :



Կ Ա Ն Ո Ն Ա Գ Լ Ո Ի Խ

ԱԶ . Դատեա՛ Տէր զայնոսիկ՝ ոյք դատեն
զիս . ալէ՛ լուհա՛ . մարտիր ընդ այնոսիկ
որք մարտը՛նչին ընդիս . ալէ՛ լուհա՛ :

Առ զզէն և զասպար քո . և արի յօգնել
ինձ . հան զսուր քո ընդդէմ հալածչաց
իմոց , արգել զնոսա . և ասա՛ դու ցանձն
իմ , թէ փրկութիւն քո ես եմ :

Ամաչեսցեն և յամօթ լիցին՝ ոյք խնդրէին
զանձն իմ . դարձին յետս և ամաչեսցեն ,
ոյք խորհէին ինձ չար :

Եղիցին նոքա որպէս փռչի առաջի հողմոյ
և հրեշտակ Տեառն նեղեսցէ զնոսա :

Եղիցին ճանապարհք նոցա ՚ի խաւար՝ եւ
՚ի գայթակղութիւն , և հրեշտակ Աստուծոյ
հալածեսցէ զնոսա :

Ի նանիր թագուցին ինձ որոգայթ յապա-
կանութեան իւրեանց , եւ ՚ի նանիր նա-
խատեցին զանձն իմ :

ԿԵՐԵՂ . Տէ՛ր՝ յերկինս է ողորմութիւն քո .
ճմարտութիւն քո՛ մի՛նչե՛լ յամպս .
ալէ՛ լուհա՛ ալէ՛ լուհա՛ :

Արդարութիւն քո որպէս լերինք Աստուած .

իրաւունք քո որպէս խորք բազումք . ըզմարդիկ և զանասուն կեցուցանեսս դու Տէր :
 Որպէս զի բազում արարեր զողորմութիւն քո Աստուած . այլ որդիք մարդկան 'ի հովանի թեւոց քոց յուսասցին :

Արբեսցին նոքա 'ի պարարտութենէ տան քո . և զուղիսս փափկութեան քո տացես ըմպել նոցա :

Ի քէն է Տէր աղբիւր կենաց . եւ լուսով երեսաց քոց տեսանեմք զլոյս :

Մագեսա զողորմութիւնս քո՝ ոյք ճանաչեն զքեզ , զարդարութիւնս քո՝ ոյք ուղիղ են սրտիւք :

Մի՛ եկեսցեն 'ի վերայ մեր ոտք ամբարտաւանից , եւ ձեռք մեղաւորաց մի՛ դողացուցեն՝ զմեզ :

Անդ անկցին ամենեքեան՝ ոյք գործեն զանորէնութիւն , մերժեսցին և այլ մի՛ կարացեն հաստատիլ :

Փառք Հօր և Որդւոյ և : Այժմ և միշտ և :

Եւ եւս խաղաղութեան զՏէր աղաչեսցուք . ընկալ կէ :

Օրհնութիւն և փառք Հօր և Որդւոյ և Հոգ :

Կարդ . Ես ասացի 'ի վերանալ յինէն աւճարց իմոց՝ թէ գնացի ե՛ս 'ի դրունս դրժոխոց :

Շարական, ԴԿ.

Ա-Գ. օրհ. Ի վերանալ յինէն աւմլոց իմոց .

Տէ՛՛ր օգնեա՛ ինձ միայն մարդասէր ,

Զչարչարանքս խաչի՛ եւ մահու յանձն
աներ . Տէ՛՛ր օգնեա՛ :

Բարեխօսութեամբ սուրբ Աստուածածնի
Է միշտ կո՛ւսի . Տէ՛՛ր օգնեա՛ :

Ա-Գ. օրհ. Ամե՛նասուրբ Երրորդութեանդ
Երկրպագե՛ն զօրք երկնայինք , եւ սանդղ-
ծուածք անմրատ ձեռանցդ փառաւորե-
լո՞՛վ զտէրութիւնդ քո հա՛նապա՛ղ :

Ամե՛նազօր խաչի՛ քս Տէր երկրպագես-
ցուք . որով բարձե՛ր ըզդատակնիք մա՛-
հու՛ քո անարածոցս . փառա :

Ամե՛նօրհնեալ Աստուածամայր Մարիամ,
քերովբէական աթոռ Արարչին մերոյ
տնօրէնութեան . զոր երանե՞ն ամե-
նայն ազինըք հա՛նապա՛ղ :

Ա. Կ. 2. Քրիստո՛ս Աստը՛ւած յոյս ապաշ-
խարհողաց . շնորհեա՛ զթողութիւն բա-
ղում յանցանաց իմոց :

Առ քեզ բաղմա՛գու՛թ ապաւի՛նեալ կա՛ր-

դամք . մի մերժեր ըզմեզ յո՞ղորմու-
թե՛նէ՞ քու մէ՛ :

Որպէս զաւանգանն աղաղակեմ առ քեզ .
յիշեա՛ եւ զիս Տէր ՚՛ քում յարքայու
թեանդ :

Աղաչ . Ը՛զմե՛ղս ի՞մ խոստովան լինիմ
առ քեզ Քրիստոս , որ մի՛այնդ ես բազ-
մա՛գու՛թ թո՞ղմութեամբ . ո՞ղորմեա՛ ինձ
Ա՛ստուանձ :

Դու՛ Տէ՛ր որ ճըշմարտութեանց ես սի-
րող , և քը՛ննե՛ս ըզծած ո՛ւկըս գաղտնեանց
սը՛րտի՞ իմոյ . ո՞ղոր :

Տու՛ր ի՞նձ ցընծութի՛ւնն փը՛րկութեան ,
և հո՛գևո՛վ տէրութեանըդ քո՛ հաստա՛-
տեան զիս . եւ ո՞ղոր :

Աղաչ . Ալիք յանցանաց զիս ալէկոծեն ,
և մեղք իմ բա՛զու՛մ զիս յանդի՛մանե՛ն :

Արդ զի՛նչ արարից մեղս՛ցեալ անձամբս ,
որ չեմ ապրե՛լոց յահագի՛ն հրոյն :

Մեղայ՛ քեզ Քրիստոս Որդի՛ Աստուծոյ ,
չնորհեա զթողմութիւնն բա՛զում յանցա՛-
նաց իմոց :

Աղաչ . Տէ՛ր , որ ՚՛ մեջ շերինն աղբերա-

Ապաշ. Զարհուրեալ դողանցա՛յմք անմե՛ն
նամեղ անձն իմ, յա՛հե՛ղ քոց դատանս՝
տանաց, յաններելի՛ տանջանանցն:

Քանզի կամա՛ւ մերձեցա՛յմք ի՛նչ ի՛նչ մե՛ղըս
մե՛ծամեծս. անդ կա՛յ ե՛ւ մընայ ինձ
աններելի՛ պատուհանս:

Արդ անկեալ աղանձե՛մք իմ Փըրկի՛ն ե՛ւ բա՛ւ
րերար. խնայեա՛յ յիս ի՛նչ մեղուցեալսն,
ե՛ւ ողորմեա՛յ ինձ բանձմամեղիս:

Ապաշ. Ա՛մե՛նակալ քա՛ւեա՛մք ըզմե՛ղս
իմ. զի Ա՛ստուած ես ապանշխարողաց,
ե՛ւ զՀոգի՛դ Սուրբ մի՛ հա՛խներ յի՛նէ՛ն:
զի Ա՛ստուած ես ապանշ:

ե՛ւ փրկեա՛յ զիս յա՛հա՛խ գի՛ն հըրո՛յն. զի
Ա՛ստուած ես ապանշխարողաց:

Ապաշ. Յո՛ճյս իմ ի՛նչ մանկո՛ւթե՛նէ՛ր իմմէ.
մի թո՛ղո՛ւր զի՛ս Տէր Աստը՛ւած իմ.

Յո՛ճյս իմ ի՛նչ ժամանակի՛ ծե՛րո՛ւթեա՛րն
իմոյ. մի թո՛ղո՛ւր զի՛ս Տէր Աստը՛ւ:

Յո՛ճյս իմ ի՛նչ մի՛ւսանգամ գանձստեա՛րն
քո. մի՛ անտես առնե՛ր զի՛ս Տէր Աստը՛ւ:

Մար. Զողորմութեան՛ քո զդուռն բաց
մեղ Տէր. և արժանի արա՛ն զմեզ լուսե՛:

ղէն յարկանց քոց ընդ սո՛ւրբըս քո՛ :
 Ի պատրաստեալ քո յօթեվանքս սրբոց
 քոց ընկալ և ըզմեզ Փրկիչ յորդէգրու-
 թիւն ՚ի դըպրութեան կենանց :

Ի նըստիլ քո յատենի դատաւոր ահեղ
 խնայեալ յարարածըս քո , բարեխօսու-
 թեամբ և աղօթիւք սուրբ ճըզնաւորացն :
 Գրի . Ո՞ր կոչեցե՛ր ըզհե՛ռացեալքս ՚ի հար-
 սանիս քո՛ միածնին , ըմպել զբաժակն ի-
 մաստութեան ՚ի ձե՛ռն սրբոցն Գրիգո-
 րի՛ . բարեխօսութեամբ սորա ո՞ղորմեա՛
 մեզ Աստուած :

Ո՞ր գերագոյն քան ըզբնութիւն չարչա-
 րանօք քո՛ ընտրելոյն դարձուցեր ըզմո՛-
 լորեալքս ՚ի գի՛տութիւն ճըջմարտու-
 թեան . բարե :

Ո՞ր ՚ի վերանան անդընդային ջաղխեր նո-
 վաւ զգլուխ վիշապին , ՚ի գբի ներքնումն
 իջմամբ նորին բարձրացուցեր զմե՛զ ՚ի
 յերկի՛նս . բարե :

Յ-ր . Յարեա՛ր երեւեցա՛ր առաքելոցն ,
 ե՛ւ մե՛զ Փրկիչ ո՞ղորմեա՛ :

Գե՛զ Գրիստոսի՞ թագաւորի՞դ անմահի

Երկիրպագանեմք, և զյարութիւննրդ քո
փանաւորեմք :

Փանօրք փրօկնդնդ և միածնիդ անմահի .
փրօկեա՛ ըղժողովուրդդս քո՛ զոր ըստանցար
պատուականն արեամբըդ քո՛ սրբոյ :

Հոգ . Ա՛ռ ղբիւր կենաց բաշխող շնորհաց
Հոգիդ իջեա՛լ ՚ի բարձանց . զանապական
պարգեւըս քո՛ս բաժանեցեր յանա-
բեալսն :

Ո՛ր ՚ի վերայ ջուրցն գոլով ստեղծանէիր
զսրարածս . իջեալ ՚ի ջնրս աւազանի՞ն
ծնանիս Որդիս Ա՛ստուծոյ :

Ո՛ր զարդարեալ նորոգես միշտ ըզնոր քո
ղեկեղեցի . պէս պէս շնորհաց քոց պար-
գեւօ՞ք փայլն մանկունըք սորա՛ :

Հան . Հայր անըսկիզբն բարեխնամ մար-
դասէր . որ ստեղծիչդ ես հոգւոց եւ
մարմնոց . յիշեա՛ զնրնջեցեալսն մեր և
հանգօ ընդ սո՛ւրբըս քո՛ :

Ո՛րդիդ միածին ո՛ր գրթածդ ես ան ան-
մենեսեան . և թաշիւ և արեամբ գնեցեր
ըզքո՛ ժողովուրդս . յիշեա՛ զգինս արեան
քո Տէր , և հան :

Հոգինդ շըշմարիտ որ աղբիւրդ ես անլնս-
պառելի, եւ լըցուցիչ ամենայն բարու-
թեանց. յիշեա՛ գնընջեցեալսն մեր և :

Մեծ. Ի քեզ եմք անպաւնեալ Քրիստոսի
մայր Աստուծոյ մերոյ :

Ո՛ր քան զերկիւնըս բարձրագոյն Մարիամ,
պարծանք եկեղեցւոյ. Քրիստո :

Ո՛ր քան զարեգակըն պայծառագոյն Մա-
րիամ, մի՞ դադարի՛ր բարեկիսուել վասըն
մեր, Քրիստոսի մայր Աստուծոյ մերոյ :

Խաչի. Խաչի քո Քրիստոս երկրորպագե՛ն
արարածք ամենայն որ ՚ի՛ փրկութիւն մեզ
կանգնեցաւ. սա՞՞՞՞ եղիցի մեզ պահապան
յանդթող, ապրեցուցանել ըզմեզ ՚ի պատ-
րանայ թըշնամւոյն :

Ի՛ սմա բարձրացար բարձո՛ղդ անիծից որ
փառաւորեալդ ե՛ս ընդ Հօր. ժողովե՛՞՞՞՞
ըզհեռացեալսն կենսաբե՛ր փայտիւն. ապ-
րեցուցանել ըզմեզ ՚ի պատ :

Փառք Հօր և Որդւոյ և : Այժմ և միշտ և :

Սովաւ լուսաւորեցան արարածք ամե-
նայն. սմա՞՞՞՞ սպասէին արգելեալքն ՚ի

մեղսասէր բանտին . որ ազատեանց ըզ-
մեղ 'ի պատրամ :

Քարոզ :

Վասն 'ի վերուստ խաղաղութեան եւ
փրկութեան անձանց մերոց , զՏէր աղա-
ջեսցուք : Տէր ողորմեա :

Վասն լսելի լինելոյ Տեառն Աստուծոյ ձայ-
նի աղաչանաց մերոց , զՏէր աղա :

Վասն քաւիչ եւ ներող լինելոյ Աստուծոյ
'ի վերայ մեղաց մերոց , զՏէր աղա :

Վասն թողլոյ մեզ զամենայն յանցանս մեր
զկամայ և զակամայ , զՏէր աղա :

Վասն զի մի ընդ խոտանսն գտանիցիմք
յաւուրն պատասխանատուութեան , ըզ-
Տէր աղա :

Վասն հոգւոցն հանգուցելոց , որք ճըշ-
մարիտ եւ ուղիղ հաւատով 'ի Քրիստոս
ննջեցին , զՏէր աղա :

Եւ եւս միաբան վասն ճշմարիտ և սուրբ :
Զանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ մե :

Տէր ողորմեա . Տէր ողորմեա . Տէր ողորմեա :

Աղօթք :

Աստուած յաւիտենական , անսկիզբն՝ ա -

նեղ՝ անիմանալի՝ անհասանելի խորհուրդ :
 Հայր բարեխնամող, ծնող միածնի Որդւոյ,
 եւ արտաքս առաքող Հոգւոյդ Սրբոյ, որ
 ՚ի քէն ելանէ՝ եւ ընու զամենայն արա-
 բածս : Դու Տէր, կարող զօրութեամբ քով
 առեալ հող յերկրէ՝ արարեր զմարդն, և
 բնակեցուցեր զնա յանախտ եւ յանաշ-
 խատ կեանս անմահս, եւ պատուիրանա-
 դրութեամբ քով զգեցուցեր զնա անա-
 մօթ փառօք ՚ի դրախտին փափկութեան :
 Սակայն չարին խանդացեալ ընդ մեծու-
 թիւն փառաց պատուոյ նորա, զոր ՚ի
 քումմէ բարերարութենէդ ընկալեալ էր,
 եւ պատրեալ զնա յաղադս անհասկցն
 ցանկութեանց. որ եւ զիւր տեղի փա-
 ռացն ոչ պահեաց, կամակոր եղեալ յե-
 րեսաց քոց Տէր : Իսկ յանցանել նորա ըզ-
 պատուիրանաւ քով հանեալ եդեր զնա
 արտաքոյ դրախտին փափկութեան, զգե-
 ցուցանելով նմա զմաշկեղէն հանդերձս ;
 զտխրալի և զախտաւոր մարմինս. և սահ-
 մանեցեր հողադարձիլ հողոյն :

Սակայն եւ ոչ այնու անտես արարեր ըզ-
 նա, այլ առաքեցեր զմիածին Որդիդ քո,
 որ եկեալ մարմնացաւ յանարատ եւ յա-

նապական կուսէն Մարիամայ, և զգեցաւ
 զհնացեալ մարմին ծառայութեան մերոյ,
 զոր ծառայեցաք մահու մեղաց՝ տարա-
 գրութեամբ ՚ի ձեռն կնոջն դաւաճա-
 նութեան. եւ ազատեցոյց աստուածու-
 թեամբն իւրով ՚ի ձեռն փրկական խաչին
 իւրոյ՝ եւ անապական թաղմանն: Զի զոր
 վասն անսուտ բանի քո հարկիւ պարտ-
 էաք մեռանել, եբարձ սքանչելագործ
 յարութեամբն իւրով. եւ լուսաւորեաց
 զազգս որդւոց մարդկան ՚ի նոյն նմանու-
 թիւն պատկերի քո, որով ստեղծեր ըզ-
 նախնին մեր զՀայր. եւ ծանոյց մեզ զա-
 նուն քո, որով արժանաւորեցաք կոչել
 զքեզ Հայր: Վասն զի նստելով ընդ աջմէ
 քումմէ մարմնովն զգր ՚ի մէնջն էառ, եւ
 մեզ խոստացաւ յոյս յարութեան կենաց
 ՚ի միւսանգամ գալստեան իւրում ՚ի դա-
 տաստան յաւուրն յետնում: Եւ պար-
 գեւեաց մեզ զժամագրութիւն գործոց բա-
 րեաց զանցաւոր կեանս որով մարթաս-
 ցուք գտանել զերկիրն կենդանեաց ՚ի ձե-
 ուրն վարդապետութեան սրբոց Առաքելոց
 իւրոց, որովք եբարձ զդիւամուկ կռապաշ-
 տութիւն յաշխարհէս:

Եւ այժմ բարերար և բազումողորմ Աստուած՝ ընկալ զհոգի ծառայիս այսորիկ, որ ելից զժամանակ պանդխտութեան իւրոյ 'ի վերայ երկրի, եւ ընկալաւ զլուծումն յաշխատութեանց, եւ յաշխարհահեղձ պատրողական խարէութեանց, և դասաւորեա զսա ընդ սուրբս քո յարքայութեանդ երկնից, ուստի մերժեալ են ցաւք և հեծութիւնք, միշտ յարազուարճ բերկրանօք պայծառացեալ տեսլեամք աստուածային փառաց քոց, ուր ուրախանան ամենայն ընտրեալք քո: Ընդ նոսին դասաւորեա Տէր, զհոգի հանգուցելոյս մերոյ այսորիկ, զի և մեք սովաւ հանդերձ փառաւորեսցուք զքեզ Հայր՝ ընդ Որդւոյ և ընդ Սրբոյ Հոգւոյդ, այժմ և միշտ և յաւիտեանս յաւիտենից, ամէն:

Խաղաղութիւն ամենեցուն:

Հայր մեր որ յերկինս և յերկրի և յամենայնի, սուրբ եղիցի անուն քո 'ի վերայ մեր: Եղիցին կամք քո որպէս յերկինս և յերկրի, և փառաւորեսցի անուն քո յաւիտեան: Որ պատրաստեցեր մեզ հանգիստ յերկրաւոր աշխատութեանցս՝ յանանց եւ յանախտ կեանս: Որ 'ի ձեռն

միածնի քո սպաններ զմահ, և լուսաւորեցեր զմեզ 'ի կեանս եւ յանեղծութիւն : Որ փրկեցեր զսուրբս քո յիշխանութենէ խաւարի, եւ փոխեցեր յարքայութիւն Որդւոյ քո սիրելւոյ՝ Տեառն մերոյ և փրկչին Յիսուսի Քրիստոսի : Ընկալ եւ այժմ մարդասէր Տէր՝ աղաչեմք զքեզ՝ զհոգի սորա ընդ արդարս քո 'ի հանգստեան քում, եւ թուեա զսա 'ի համարս սրբոց քոց 'ի ձեռն միածնի Որդւոյ քո, և նորոգողի Հոգւոյդ Սրբոյ : Ընդ որում քեզ Հօր ամենակալի, վայելէ փառք եւ իշխանութիւն յաւիտեանս յաւիտենից, ամէն :

Աւելուիա աւելուիա .

Ահա չափով եղեր զաւուրս իմ, և կար զօրութեան իմոյ որպէս ոչ ինչ է առաջի իմ. սակայն ընդունայն է ամենայն մարդ մսեղի :

Աստաքէն որպէս 'ի պատկերի շրջի մարդ, սակայն 'ի զուր խռովի, գանձէ և ոչ գիտէ ում ժողովէ :

Պօղոսի առաքելոյն 'ի կորնթացոց երկրորդ թղթոյն է ընթերցուած :

Օրհնեալ է Աստուած եւ Հայր Տեառն

մերոյ Յիսուսի Քրիստոսի . Հայր գթութեանց , և Սատուած ամենայն մխիթարութեան . որ մխիթարէն զմեզ յամենայն նեղութիւնս մեր . առ ՚ի կարող լինելոյ մեզ մխիթարել զայնօսիկ՝ որ յամենայն նեղութիւնս իցեն , մխիթարութեամբն՝ որով մեք մխիթարիմք Սատուծոյ :

Զի որպէս առաւելան չարչարանքն Քրիստոսի ՚ի մեզ , նոյնպէս և ՚ի ձեռն Քրիստոսի առաւել լիցի և մխիթարութիւնն մեր : Զի եթէ նեղիմք , վասն ձերոյ մխիթարութեան և փրկութեան . և եթէ մխիթարիմք , վասն ձերոյ մխիթարութեան եւ փրկութեան . որ յաջողեալն է համբերութեամբ նոցին չարչարանաց , զոր և մեքն չարչարիմք . և յոյսն մեր հաստատուն է վասն ձեր . քանզի գիտեմք՝ եթէ որպէս կցորդ եմք չարչարանացն՝ նոյնպէս և մխիթարութեանն :

Քանզի ոչ կամիմ տգէտս լինել ձեզ եղբարք՝ վասն նեղութեան մերոյ եղելոյ յԱսիա . զի առաւել քան զկար մեր ծանրացաք , մինչեւ անյոյս լինելոյ մեզ եւ ՚ի կենաց :

Այլ անձամբ յանձինս զվճիռ մահու ընկալաք . զի մի յանձինս ապաստանիցիմք , այլ յԱստուած՝ որ յարուցանէ զմեռեալս . որ յայնպիսի մահուանէ փրկեաց զմեզ՝ և փրկեսցէ . քանզի յուսացեալ եմք , եթէ տակաւին փրկեսցէ օգնականութեամբ և զսթիյ ձերոց վասն մեր :

Ալէլուիա ալէլուիա .

Չայնիւ իմով ես առ Տէր կարդացի . ձայնիւ իմով առ Աստուած , և նայեցաւ առիս :

Ալէլուիա Օրթի .

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Սբոյ Աւետարանիս Յիսուսի Քրիստոսի՝ որ ըստ Յովհաննու :

Փառք քեզ Տէրս Աստուած մեր :

Պաշտումէ : Ասէ Աստուած :

Տէրն մեր Յիսուս Քրիստոս :

Պատասխանի ետ Յիսուս և ասէ ցնոսա . ամէն ամէն ասեմ ձեզ . ոչ կարէ Որդի մարդոյ առնել յանձնէ եւ ոչ ինչ , եթէ ոչ տեսանիցէ զՀայրն զի առնէ . զի զոր նայն առնէ , զնոյն եւ Որդին նմին նման գործէ :

Զի Հայր սիրէ զՈրդի, եւ զամենայն ինչ
ցուցանէ նմա՝ զոր ինքն առնէ. եւ մե-
ծամեծս եւս քան զսոյնս ցուցանէ նմա
զգործս, ընդ որ դուքդ զարմանայք :

Զի որպէս Հայր յարուցանէ զմեռեալս և
կենդանի առնէ, նոյնպէս եւ Որդի զորս
կամի կենդանի առնէ :

Եւ ոչ եթէ Հայր դատի զոք, այլ զամե-
նայն դատաստանն ետ Որդւոյ իւրոյ. զի
ամենեքեան պատուեցեն զՈրդի, որպէս
պատուեն զՀայրն, որ ոչ պատուէ զՈր-
դին, սչ պատուէ զՀայր զառաքիչն նորա :

Քորդ :

Վասն ուղղելոյ զգնացս մեր 'ի ճանապար-
հըս խաղաղութեան՝ զՏէր աղաչեսցուք :
Տէր ողորմեա :

Վասն ցրելոյ 'ի մէնջ զամենայն խորհուրդս
չարին՝ զՏէր աղա :

Վասն պարգեւելոյ մեզ առողջ խորհուրդս.
և առաքինի վարս՝ զՏէր աղա :

Վասն պահելոյ զմեզ ընդ հովանեաւ ամե-
նազօր աջոյն իւրոյ՝ զՏէր աղա :

Վասն խորտակելոյ զհակառակօրդն վաղ-
վաղակի ընդ ոտիւք մերովք՝ զՏէր աղա :

Վասն հոգւոցն հանգուցելոց՝ որք ճշմարիտ և ուղիղ հաւատով ՚ի Քրիստոս ննջեցին՝ զՏէր աղա :

Եւ եւս միաբան վասն ճշմարիտ և սուրբ : Զանձինս մեր և զմիմեանս Տեառն Աստու : Ողորմեաց մեղ Տէր Աստուած՝ մեր ըստ :

Տէր ողորմեա՛ , Տէր ողորմեա՛ , Տէր ողորմեա՛ :

Աղօթք :

Աստուած հոգւոց և ստեղծիչ մարմնոց . որ զմահ խափանեցեր՝ եւ զսատանայ կոխեցեր . և աշխարհի կեանս պարգևեցեր : Հանգո զհոգի ծառայիս քո ՚ի տեղւոջ լուսոյ՝ և ՚ի տեղւոջ հանգստեան , ուստի փախուցեալ են ամենայն ցաւք եւ տրտմութիւնք և հեծութիւնք : Եւ ամենայն մեղաց առ ՚ի սմանէ գործելոց ներուժն արասցես , եթէ բանիւ՝ եւ եթէ գործով և եթէ մտածութեամբ . Դու որպէս բարերար եւ ողորմած եւ մարդասէր Աստուած՝ թողութիւն շնորհեա սմա : Վասն զի սով է մարդ՝ որ կեցցէ եւ ոչ մեղիցէ . զի դու միայն ես առանց մեղաց . եւ արքայութիւն քո՝ արքայութիւն յաւիտենից՝ որ ոչ անցանէ . և բանք քո ճշմարիտ են . և դու ես կեանք եւ յարութիւն ա-

մենայն ննջեցելոց, եւ քեզ ընդ Հօր եւ
Սուրբ Հոգւոյդ, այժմ եւ միշտ եւ յաւի-
տեանս յաւիտենից, ամէն :

Խաղաղութիւն ամենեցուն :

Ամենակալ Տէր, որ բարերարութեամբ
քով զաշխարհս արարեր. եւ ստեղծեր
զմարդն ՚ի հողոյ, և եդեր զնա ՚ի կեանս
և ՚ի փառաբանութեան քում. և լոուցեր
զնա բարւոք պարգեւօք՝ եւ սուտ ողոր-
մութեամբ քով, Իսկ նա խաբեալ ՚ի չա-
րէն՝ արտաքսեցաւ ՚ի դրախտէն՝ եւ ան-
կաւ յերկիր մահու, և զանիծաբեր կեա-
նքս ժառանգեաց : Այլ դու ողորմած
Տէր՝ ոչ անտես արարեր զնա ՚ի խնամոց
գթութեան քո, այլ դարձեալ անդրէն
առ քեզ դարձուցեր, եւ հանգուցեր ՚ի
հանգիստ կամաց քոց :

Վասն որոյ աղաչեմք զքեզ Հայր երկնա-
ւոր՝ ՚ի վերայ ամենայն ննջեցելոց, մանա-
ւանդ որ այժմ հանգուցեալս է. ընկալ
զհոգի սորա խաղաղութեամբ, եւ հանգո
ընդ սուրբս քո : Եւ մեք գոհանալով փա-
ռաւորեսցուք զքեզ ընդ Որդւոյ եւ ընդ
Սրբոյ Հոգւոյդ, այժմ և միշտ և յաւի :

Ե- սպա սոյ Եարական .

ԴԿ . Աստուած անեղ անժամանակ , Հայր անըսկի՛ղքն եւ անքանակ . Որդւո՛յ պատճառ ծննդեամբ անճառ , Հոգւո՛յն բըղխմամբ անբըննաբար . անղաչեմք ըզքեզ գը՛լթած՝ երկայնամիտ և ողորմած , սղորմեա քո ստեղծուածոյս՝ ՚ի քե՛զ յուսով նընջեցելո՛յս :

Բանդ որ ՚ի ծոց Հօր միածին , և կերպարան սկըզբնատրպին , որով երկինք գոյացան , աշխարհ լըրիւ հաստատեցան . հայցեմք ՚ի քե՛ն Տէր և փըրկիչ , ամենողորմ և կեցուցիչ . ողորմեա քո ստեղծ .

ԴԶ . Արարի՛չ և մարդանսէ՛հ՞ր անոխակահլ ե՛ւ բարեգո՛ւթ , որ գովլի՛սդ ՚ի սրբո՛վբէի՛հ՞ց Տէր դատաւոր արդարութեան . ընդ սրբո՛ց Առա՛քելո՛հ՞ց Տէր պըսակեա՛ զմեր նը՛նջեցեալն . ողորմա՛ծ Տէր ո՛ղորմեա՛հ՞ հոգւոցը՛ն մեր նը՛նջե՛ցելո՛ց .

Հոգւոցն հանգուցն : Ասան հանգ : Քրիստոս Որդի Ա .

Հայր մեր որ յերկինս :

Տանին յԵկեղեցին և ասին .

Շարական . ԳԿ .

Հանգ . Բանդ Աստուլած որ 'ի ծոց Հօր ,
վասն մերոյ փրկութեան 'ի յերկնից
խոնարհեցար , զի զմեզ նորոգեսցես 'ի
կեանս . Աստուլած հարցըն մերոց :

Որ հանդերձեալ ես գալ փառօք Հօր
զարթուցանել զննջեցեալսն 'ի սուրբ
անուկնրդ քո . նորոգեալ եւ ըզմեր ննջե-
ցեալսն Աստուլած հար :

Անմահութեանց տուող Քրիստոս եւ
պարգեւիչ կենդանութեան , 'ի միւսան-
գամ գալտեանն և յաշխարհական ան-
տենին թողութիւն շնորհեա մեր նրն-
ջեցելոցն . Աստուլած հար :

Որ նրստի ընդ աջմէ Հօր ծնողի իւրոյ .
և մարդասիրապէս խընամէ զարարածքս .
բարձր արա :

Որ զհողացեալ բնութիւն մարդկան նու-
րոգէ իւր աստուածութեամբն . եւ կե-
նագործէ 'ի կեանս անմահ . բարձր :

Յանըսկողբնական ծոցոյ Հօր խոնարհեալ
բանրդ մարմնացար 'ի կոկսէն վասըն

փրկողութեան մերոյ, անղաչեմք ըզքեզ .
 զնրնջեցեալսն մեր ՚ի քեզ ուղիղ հա-
 ւատով յիշեա՛մ Տէ՛ր՝ յորժամ գա՛նս թա՛-
 գաւորո՛ւթեամբըդ քո՛ :

Անոխական քաղցրո՛ւթեամբ Որդի՛ Աստու-
 ծոյ, հաճեցար բանալ ըզմեզս աշխարհի՛
 քո խանջելութեամբն . անղա .

Կամաւորական մահուամբ քո լո՛ւծե՛ր
 զերկունքս մահու , եւ արժանի արարեր
 թողութեան յանցանաց քաւի՛չ քո ա-
 րեամբ . անղա .

Որ փոխանակ մեղաւորաց ըզմե՛ռանի՛լ
 յանձն առեր . իջանելով ՚ի դժոխս շր-
 կեցեր ՚ի մեղսանէ՛ր բանտէ՛ն ըզգերեալ-
 սն . անղա .

Բարեբանեմք զանչա՛փ քո զմարդանսիրու-
 թիւնդ , որ երեքօրեայ յարուցեալ զկեն-
 դանութիւն պարգե՛ւեցեր աշխարհի . ան .
 Տէր . Լէ՛յս ՚ի լուսոյ՛ զմեզ լուսաւորեա ,
 որ փառօք Հօ՛ր հանդերձեալ ե՛ս գա՛լ ՚ի
 դատել զերկիր . արժանաւորեա՛մ և ըզմեր
 ըզնը՛նջեցեալսն անձառ խմստմանց քոց
 լե՛նդ սուրբըս քո՛ :

ՀճՐ և Հոգւոյ համագոյակից, ՚ի տիեզե-
րականն տհեղ ատենին արժան:

Երկնի և երկրի արդար դատաւոր, յոր-
ժամ հատուցանես ըստ գործոց իւրա-
քանչիւրոց, արժան:

ՄԵԾ. Լեառըն վիմաճի՛ն, աղբի՛ւր յոր-
դառատ, բարունակ ծանղկեա՛ն, այգի՛
վայելո՛ւչ, սրովբէ՛ հողեղէն. բաբունոյ
բանի՛ն տուն տնօրէնութեանն, տաղա՛-
ւար Հոգւոյն. առ ծրնեալն ՚ի քէ՛ն միշտ
բարեխօսեա՛ անգա՛դար հայցմամբ շնոր-
հել զթողո՛ւթիւն մեր նը՛նջեցելոցն:

Փափկո՛ւթեան դրախտի՛ն բացող բանա-
լի. Գրի՛ստոսի բարձող նրմանող երկնից,
սափո՛ր ոսկեղէ՛ն լի մանանայի՛ւ, գաւա՛-
զան ծաղկեա՛ն յարմատոյն Յեսսեայ, տա-
ճար լուսոյ մայր. ա՛ռ ծրն:

Յօղ քաղցրածաւա՛ն, ցանկալի զուարթ-
նոցն, նիւթեղէն սրովբէ՛. գեղ մարգար-
տափայլ, հիմն Ե՛կեղեցւոյ. մաքուր ա-
ղանի՛, ամպ հո՛վանաւոր սուրբ կոյս Մա-
րիամ. ա՛ռ ծրնեալն ՚ի քէ՛ն միշտ բարե-
խօսեա՛ անգա՛դար հայցմամբ շնոր:

Խաչէ . Ո՛վ պահապան ո՛ր ծանօտեցար յԵդեմայ , նըշան յաղթուածեան՝ նընդդէմ աներեւոյթ թըշնամուոյն :

Գու փակելոյ՛ դրախտի՛ն բացող և անաջնորդ անաղակին . որ զբոցեղէ՛ն սուրըն կանպտեան՝ ց անեղին հրամանա՛ւ :

Փառք Հօր և Որդւոյ և ս. Արժամ և Սիշտ և :

Քեւ ցընծան՛ ըստորայինքս ամենայն ՚ի մի՛ւսանգամ քո գա՛լըստեանն . և յաւէ՛ժ զուարճանան՝ ն գասք անմարմնոցն անէկցս :

Ալէլուիա ալէլուիա .

Երանի ամենեցուն որ բնակեալ են ՚ի տան Տեառն , յաւիտեանս յաւիտենից օրհնեսցեն՝ զնա :

Որպէս սիրելի են յարկք քո Տէր զօրութեանց , ցանկայ եւ փափագի անձն իմ ՚ի գաւիթս քո :

Պօղոսի առաքելոյն ՚ի Թեսաղոնիկեցւոց առաջին թղթոյն է ընթերցուածս :

Ոչ կամիմ եղբարք՝ եթէ տգէտք իցէք վասն ննջեցելոցն . զի մի տրտմիցիք որպէս և այլքն որոց ոչ գոյ յոյս :

Եթէ հաւատամք՝ եթէ Յիսուս մեռաւ
 և յարեալ . նոյնպէս և Աստուած զննջե-
 ցեալսն ՚ի ձեռն Յիսուսի անցէ ընդ նմա .
 Բայց զայս ասեմք Տեառն բանիւ , թէ մեք
 որ կենդանիքս եմք մնացեալք՝ ՚ի գալըս-
 տեանն Տեառն ոչ ժամանեմք ննջեցելոցն :
 Զի ինքն Տէր հրամանաւ ՚ի ձայն հրեշտա-
 կապետի , և ՚ի փող Աստուծոյ իջանէ յերկ-
 նից . եւ մեռեալք ՚ի Քրիստոս՝ յարիցեն
 յառաջագոյն :

Ապա եւ մեք որ կենդանւոյն մնացեալ
 իցեմք , նոքօք հանդերձ յափշտակիցուք
 ամպովք ընդ առաջ Տեառն յօդս . և այն-
 պէս յամենայն ժամ ընդ Տեառն լինիցիմք :
 Այսուհետեւ մխիթարեցէք զմիմեանս բա-
 նիւքս այսոքիւք :

Աւելուիա պելուիա .

Բարձր առնեմ զքեզ Տէր զի ընկալար զիս .
 և ոչ ուրախ արարեր զթշնամին իմ յիս :

Աւելուիա Օրթի :

Խաղաղութիւն ամենեցուն :

Եւ ընդ հոգեոցք քու՛մ : Երկեղածութեամբ լուարուք :

Արոյ Աւետարանիս Յիսուսի Քրիստոսի՝ որ ըստ
 Յովհաննու :

Փառք քեզ Տէր Աստուած մեր :

Պատիւս մե : Ասե՛ Աստուած :

Տէրն մեր Յիսուս Քրիստոս առէ :

Ամէն ամէն ասեմ՝ ձեզ . եթէ ոչ հատն
ցորենոյ անկեալ յերկիր մեռանիցի ինքն
միայն կայ . ապա թէ մեռանիցի , բազում
արդիւնս առնէ :

Որ սիրէ զանձն իւր՝ արձակէ զնա . եւ որ
ատեաց զանձն իւր յաշխարհիս յայսմիկ , ՚ի
կեանսն յաւիտենականս պահեսցէ զնա :
Եթէ ոք զիս պաշտեսցէ , զկնի իմ եկես-
ցէ . և ուր եսն եմ , անդ և պաշտօնեայն
իմ եղիցի :

Եթէ ոք զիս պաշտեսցէ , պատուեսցէ
զնա Հայրն իմ :

Քարոզ :

Վասն հրաժարելոյ , անձանց ննջեցելոյ՝
զՏէր աղաչեսցուք :

Տէր ողորմեա :

Վասն քաւութեան՝ մեղաց և թողութեան
յանցանաց սորա եւ մեր՝ զՏէր աղա :

Վասն առաջնորդելոյ սմա յանըստուեր
օթեւանս , զոր պատրաստեաց Որդին մի-
ածին ՚ի տան Հօր իւրոյ՝ զՏէր աղա :

Վասն լսելոյ սմա զձայն կենարար փողոյն .
և վերանալ ընդ առաջ Փրկչին՝ զՏէր աղա :

Վասն արժանի լինելոյ սմա դասիլ յաջա-
կողմեան դասուեն՝ զՏէր աղա :
Եւ եւս միաբան վասն ճշմարիտ և սուրբ :
Զանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ :

Տէր ողորմա՛ . Տէր ողորմա՛ . Տէր ողորմա՛ :

Աղօթք :

Որ թագաւորդ ես յաւիտենից Քրիստոս
Աստուած եւ եւս , եւ առնես զամենայն
ինչ ողորմութեամբ առաւել քան զոր
խնդրեմք եւ իմանամք . որ զամենայն ինչ
ի բարի մատակարարեցեր որդւոց մարդ-
կան : Ընկալ զհոգի ծառայիս քո այսորիկ ,
և հանգո ընդ սուրբս քո՝ որք ՚ի սկզբանէ
հաճոյ լեղեն քեզ : Ընկալ զսա ընդ ար-
դարս քո , եւ ՚ի խորանս սիրողաց քոց
բնակեցո զսա : Եւ եթէ մարդկօրէն ինչ
յանցեալ իցէ սորա՝ բանիւ , կամ գործով ,
կամ մտածութեամբ , դու որպէս մարդա-
սէր և բարերար Աստուած՝ թողութիւն
չնորհես սմա . եւ զմեր ամենեցուն ելս
յերկրէ աստի՛ խաղաղութեամբ յաջողես ,
լինել ժառանգորդ երկնից արքայութեանդ :
Զի յամենայնի փառաւորեսցուք զքեզ ընդ

Հօր և Սուրբ Հոգւոյդ, այժմ և միշտ և յա-
ւիտեանս յաւիտենից, ամէն :

Խաղաղութիւն ամենեցուն :

Գթած եւ մարդասէր Աստուած՝ հանգո
ղհոգի ծառայիս քո այսորիկ յօթեանս ար-
դարոց, և զմեր հաւատս քրիստոնէութեան
առանց մեղաց պարգևեա կատարել, հաս-
տատելով զմեզ յամենայն գործս բարիս,
չնորհօք եւ մարդասիրութեամբ Տեառնդ
մերոյ և Փրկչիդ Յիսուսի Քրիստոսի : Ընդ
որում Հօր և Սուրբ Հոգւոյդ, այժմ և միշտ
և յաւիտեանս յաւիտենից, ամէն :

Հոգւոցն հանգուցե : Ասան հանգ : Քրիստոս Որդի Աս :
Հայր մեր որ յերկինս :

Տանին ՚ի գերեզման, ասելով : Տեսեալ զքեզ մա-
հու : Ես ասացի, ինչ Տրյեանն ՚ի գերեզման,
հանգիսս առնէն և ասէն :

Աւելուիա պէլուիա :

Չճանապարհս իմ ուղիղ արա ինձ ըստ բա-
նի քում, եւ մի տիրեսցեն ինձ ամենայն
մեղք :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արքայ Աւետարանիս Յիսուսի Քրիստոսի՝ որ ըստ
Մատթէոսի :

Փառք քեզ Տէր Աստուած մեր :

Պաշտումէ : Աստ Աստուած :

Տէրն մեր Յիսուս Քրիստոս :

Յայնմ ժամանակի պատասխանի ետ Յիսուս՝ եւ ասէ . Գոհանամ զքէն Հայր՝ Տէր երկնի և երկրի . զի ծածկեցեր զայս յիմաստնոց և ՚ի Կիտնոց , և յայանեցեր տղայոց . այն Հայր . զի այսպէս հաճոց եղեւ սուաջի քո :

Ամենայն ինչ տուաւ ինձ ՚ի Հօրէ իմմէ . եւ ոչ ոք ճանաչէ զՈրդի եթէ ոչ Հայր . և ոչ զՀայր ոք ճանաչէ՝ եթէ ոչ Որդի , և ում Որդին կամի յայանել :

Եկայք առ իս ամենայն վաստակեալք եւ բեռնաւորք , և ես հանգուցից զձեզ . առ էք զլուծ իմ ՚ի ձեզ , և ուսարուք յինէն զի հեզ եմ եւ խոնարհ սրտիւ . եւ գտջիք հանգիստ անձանց ձերոց . զի լուծ իմ քաղցր է . և բեռն իմ փոքրոզի :

Հոգւոցն հանգուցե : Վասն հանգ : Քրիստոս Որդի Ա :

Ե- երբեք չի գերելու ինչ .

Մարտի, ԳԶ .

Հանգ . Մեր ձեռքայն էս ի դո՛ւռն գերեզ-
մաննի, ե՛ւ եհասն ինձ ժա՛մանակ մտա-
նե՛լ ի յարգանդ երկրի յորմէ՞ ստեղ-
ծեալ եմք ամե՛նեքեանի . բրժիշկ իմաստո՛ւն
և ճարտարանպետ, բըժրշկեա զհո՛գւոյ իմ
զհիւանդո՛ւթիւն . անարող և յո՛յս փըր-
կո՛ւթեան մերոյ .

Եղիցի՛ ձեռն քո պահանպան անձին ի-
մոյ, ե՛ւ անքո բարի առաջնորդեցէ՛ ինձ
ի՛ յարդարո՛ւթիւն . բրժիշկ :

Բրդխեսցեն առ իս ըզգո՛ւթ մարդասի-
րո՛ւթեանդ . ե՛ւ յաղբերէ՛դ կենանց լը-
ւանցեն զմեզս անձին իմոյ . բրժիշկ :

Կեցցէ՛ անձն իմ օրհնեսցէ՛ ըզքեզ զամե-
նայն անո՛ւրբս կենանց իմոյ . և առ քեզ
ասպա՛ւի նիմ հովի՛ւ բանաւոր հօտի .
դարձո՛ զմո՛լորեանս ի հօտ քո՛ Քրիստոս .
բրժիշկ իմաս :

Մեծ . Ը՛զքեզ օրհնութեամբ մե՛ծացու-
ցանեմք .

Որ ըզբանն Աստուծոյ յարգանդի կրե-
ցիւր Արքուհի անարամտ, և անճառապէս
ծընար ըզվերանձգողն երկնից . ըզբեզ
ծրհնութեամբ մեծա :

Որ էից լուսոյն արժանի եղեր բառնա-
լոյ ՚ի քո գիրկս . եւ արեգականն արդա-
րութեան եղեր արեւելք . ըզբեզ ծրհ-
նութեամբ մեծա :

Խաչ . Չօրութիւն Սուրբ Խաչի քո Գրիս-
տոս որ կանգնեցեր ՚ի փրկմութիւն աշ-
խարհի . սա՞հ պահեսցէ ըզմեզ յամե-
նայն փորձութենէ :

Քանզի ՚ի սմա բարձրացար Աստուծոյ ,
և ՚ի սմա հեղեր ըզպատուական սուրբ
զարիւնըդ . սա՞հ :

Փառք Հօր և Որդւոյ և :

Եւ ըզքո՛ միւսանգամ ըզգալուստըդ նըշա-
նաւ Խաչի քո ցոլցեր աշխարհի . սա՞հ .
պահեսցէ ըզմեզ յա :

Եւ Կատալ ՚ի գերեզման սեն .

Դարձ անձն իմ ՚ի հանգիստ քո զի Տէր
կոչեանց զբեզ :

Սիրեցի՛ր զի լուսիցէ Տէր զձայն աղօթից
իմոց . զի խոնարհեցո՞յց զունկն իւր առ իս .

և ես յաւուրս իմ կարդացի՛ր առ նա :
Երջեցա՛ն զինեւ երկունք մահու . և վիշաք
դժոխոց գլխին զիս :

Ձնեղութի՛ւն և զանձկութիւն գտի , և զա-
նուն Տեառն կարդացի :

Ո՛ր Տէր փրկեա զանձն իմ . ողորմած Աս-
տուած մեր , ողորմի՛ եւ պահէ զտըղայս
Տէր :

Ե՛ս խոնարհ եղէ՛ և Տէր կեցո՞յց զիս :
Դարձ անձն իմ ՚ի հանգիստ քո՛ , զի Տէր
կոչեաց զքեզ :

Պօղոսի առաքելոյն ՚ի կորնթացւոց առաջին
Թղթոյն է ընթերցուածս :

Ապա եթէ Քրիստոս քարոզի թէ ՚ի մե-
ռելոց յարուցեալ է , զիարդ ասեն ոմանք
՚ի ձէնջ՝ եթէ յարութիւն մեռելոց չիք .
եթէ յարութիւն մեռելոց չիք , ապա եւ
Քրիստոս չէ յարուցեալ . եւ եթէ Քրիս-
տոս չիցէ յարուցեալ , ընդունայն է քա-
րոզութիւնն մեր . ընդունայն են եւ հա-
ւատքն ձեր . եւ գտանիցիմք սուտ վկայք

ԱԼԷԼՈՒԻՍ ՕՐԹԻ :

Խաղաղութիւն ամենեցուն :

Եւ ընդ հոգւոյդ բուժ : Երկիւղածութեամբ լուարուք :

Սրբոյ Աւետարանիս Յիսուսի Քրիստոսի՝ որ ըստ
Յովհաննու :

Փառք քեզ Տէր Աստուած մեր :

Պաօստուժէ : Ասէ Աստուած :

Տերն մեր Յիսուս Քրիստոս ասէ :

Ամէն ամէն ասեմ ձեզ . զի որ զքանն իմ
լսէ , եւ հաւատայ այնմ որ առաքեացն
զիս , ընդունի զկեանսն յաւիտենականս .
եւ ՚ի դատաստան ոչ մտանէ , այլ փոխե -
ցաւ ՚ի մահուանէ ՚ի կեանս :

Ամէն ամէն ասեմ ձեզ , զի քայ ժամանակ՝
և արդէն իսկ է . յորժամ մեռեալք լսիցեն
ձայնի Որդւոյն Աստուծոյ . և որք լսիցենն
կեցցին :

Զի որպէս Հայր ունի կեանս յանձին իւ -
րում , նոյնպէս ետ և Որդւոյ ունել կեանս
յանձին իւրում :

Եւ իշխանութիւն ետ նմա դատաստան
առնել . եւ զի Որդի մարդոյ է , ընդ այն
զի՞ զարմանայք :

Զի եկեսցէ ժամանակ՝ յորում ամենեքին

որ 'ի գերեզմանս կայցեն , լուիցեն ձայնի նորա , և եկեսցեն արտաքս . որոց զքարիս գործեալ իցէ՝ 'ի յարութիւն կենաց , եւ որոց զչար արարեալ իցէ՝ 'ի յարութիւն դատաստանաց :

Ոչ կարեմ ես յանձնէ առնել եւ ոչ ինչ . այլ որպէս լսեմ՝ դատիմ , և դատաստանն իմ արդար է . զի ոչ խնդրեմ զկամս իմ , այլ զկամս այնորիկ՝ որ առաքեացն զիս :

Քարոզ :

Վասն ուղղելոյ զգնացս մեր 'ի ճանապարհս խաղաղութեան՝ զՏէր աղաչեսցուք :

Տէր ողորմեա :

Վասն ցրելոյ 'ի մէնջ զամենայն խորհուրդս չարին՝ զՏէր աղա :

Վասն պարգեւելոյ մեզ առողջ խորհուրդս և առաքինի վարս՝ զՏէր աղա :

Վասն պահելոյ զմեզ ընդ հովանեաւ ամենազօր աջոյն իւրոյ՝ զՏէր աղա :

Վասն խորտակելոյ զհակառակորդն վաղվաղակի ընդ ոտիւք մերովք՝ զՏէր աղա :

Վասն հոգւոցն հանգուցելոց՝ որք ճշմարիտ և ուղիղ հաւատով 'ի Քրիստոս ննջեցին՝ զՏէր աղա :

Եւ եւս միաբան վասն ճշմարիտ և սուրբ :
 Զանձինս մեր և զմիմեանս Տեառն Աստու :
 Ողորմեաց մեզ Տէր Աստուած մեր ըստ :
 Տէր ողորմեա՛, Տէր ողորմեա՛, Տէր ողորմեա՛ :

Աղօթք :

Աստուած հոգւոց և ստեղծիչ մարմնոց ,
 Տէր ես կենդանեաց՝ ես յարութիւն մե-
 ռելոց . տուիչ ես բարեաց՝ և մխիթարիչ
 ամենայն վշտացելոց , եւ հանգուցիչ՝ հա-
 լատով 'ի քեզ ննջեցելոց : Զոր ժողովե-
 ցեր ճշմարտութեամբ քով 'ի կոչումն
 հաւատոց , եւ խոստացար հաւատացելոց
 քոց զհանգիստն յաւիտենական կենացն
 անվախճանից : Քանզի շնորհեցեր նախա-
 հօրն մերում զանմահական կեանս , և կա-
 ցուցեր զնա 'ի վերայ ամենայն ձեռա-
 կերտաց քոց , եւ զամենայն ինչ հնազանդ-
 արարեր 'ի ներքոյ ոտից նորա . և 'ի ձեռն
 յանցանայն նորա կոչեցեր զնա յերկիր
 ուստի առաւ : Եւ դարձեալ խոստացար
 'ի ձեռն Կալստեան միածնի քո յաշխարհս՝
 անճառելի խոստմամբ՝ յարուցանել զմե-
 ռեալս , և ասել ամենակարող և հզօր բա-
 նիւ քով , եկայք առ իս ամենայն աշխա-
 տեալք և ծանրաբեռինք , և ես հանգու-

ցից զձեզ : Հանգո՞ Տէր Աստուած մեր՝
 զհոգի ծառայիս քո ըստ բանիդ այդորիկ .
 եւ գրեա զսա 'ի գիր հանգստեան փառա-
 ւոր արքայութեան քո . եւ սրբաբերեա
 սմա մասն եւ բաժին 'ի խորանոց յաւիտե-
 նականսն : Եւ եթէ մարդկօրէն մեղու-
 ցեալ ինչ իցէ սորա 'ի յանցանս աշխար-
 հիս այսորիկ , անվախճան քո բանիւդ թո-
 ղութիւն շնորհեա սմա . եւ յամենայն մե-
 ղաց եւ 'ի սնտոի խաբէութեանց զհոգի սո-
 րա աղատեա . եւ զամենայն ժողովուրդս քո
 օրհնեա : Զի 'ի բերանոյ ամենայն արարա-
 ծոց քոց փառաւորի ամենասուրբ տէրու-
 թիւն քո , այժմ եւ միշտ եւ յաւիտեանս
 յաւիտենից , ամէն :

Խաղաղութիւն ամենեցուն :

Արդ՝ խնդրեմք 'ի քէն թագաւոր թա-
 գաւորաց եւ տէր տերանց , յորժամ գաս
 Քրիստոս , եւ երեւիս մեծութեամբ քով-
 գունդք հրեշտակաց եւ զօրութիւնք ա-
 ռաջի քո ընթանան : Գաս հիացմամբ եւ
 ձայնիւ փողոյ , զարթուցանես զննջեցեալ-
 սրն , յարուցանես զմեռեալս , կանգնես
 զգլորեալս , բժշկես զվիրաւորեալս . գաս

բողով, և դատիս անշէջ հրով: Ծագիս ՚ի վերուստ յարեւելից կողմանէ, եւ սուրբ Խաչն առաջի քո. յայտնեալ երեւիս յերկրի, և հատուցանես իւրաքանչիւր ումբք: Բանին զպրութիւնք. կարգին աթոռք. լինի ահեղ դատաստան. դնին կշիռք արդարութեան, եւ ընդունի իւրաքանչիւր ըստ գործոց իւրոց. վկայքն պսակին ըստ ճգնութեանցն, եւ մեղաւորքն տանջին ըստ յանցանացն: Դատես զխաչեցողսն, տանջես զմեղաւորսն. սրապակին ուրացողքն: Յայնժամ յայտնին կառք հրեղէնք յերկնից. լինի ձայն փողոյ մեծի. ընթանան զօրութիւնք. սարսափին հրեշտակք. փայլատակի հուր. խաւարի արեգակն, եւ լուսին. թօթափին աստեղք. խառնակին ամպք. ցամաքի ծով. հիանան արարածք ամենայն. Ուրախանան բարիքն, եւ ողբան չարքն. բերկրին երկրպագուքն Քրիստոսի. եւ հառաչեն ուրացողքն: Պսակքն յայտնին, եւ կուսանքն խնդան, առադաստն զարդարի և իմաստուն կուսանքն պատրաստք մտանեն ճրագունք վառեալք: Իսկ յիմար կուսանքն դատարկացեալք, ճրագք անցեալք, գլուխք

խոնարհեալք, սիրտք տրտմեալք, ոգիք
 Լքեալք եւ տարակուսեալք հալածին 'ի
 ձայնէն թագաւորին որ ասէ, թէ ոչ գի-
 տեմ զձեզ: Խնդան աջակողմեանքն, եւ
 լան ձախակողմեանքն. խայտան օգիքն,
 և մերժին այծիքն յերեսաց Տեառն. լոյսն
 պայծառանայ, եւ խաւարն նուազի.
 դժոխքն աղաղակէ, եւ սատանայ յամօթ
 լինի. ցանկութիւնն անցանէ, եւ որդն
 ոչ մեռանի: Յայնժամ բարերար եւ մար-
 դասէր Տէր՝ յորժամ այս ամենայն կար-
 գի 'ի քուժմէ մեծութենէդ, յիշեա զհո-
 գի ծառայիս քո այսորիկ, եւ դասաւո-
 րեալ պայծառացո ընդ սուրբս քո յար-
 քայութեանդ երկնից: Եւ զամենայն զոր
 ինչ մեղուցեալ իցէ սորա՝ բանիւ, կամ
 գործով, կամ մտածութեամբ, զկամայ
 և զակամայ, զգիտութեան և զանգիտու-
 թեան, ներեա և թող սմա քոյով մարդա-
 սիրութեամբդ, վասն զի ո՞վ է մարդ որ
 կեցցէ եւ ոչ մեղիցէ. զի դու միայն ես
 առանց մեղաց. և արքայութիւն քո՝ ար-
 քայութիւն յաւիտենից որ ոչ անցանէ:
 Եւ քեզ վայելէ փառք և իշխանութիւն և
 պատիւ այժմ և միշտ և յաւի:

Այս Գահանայն ալ յի հող առնոմ ՚ի յեռն
խալիկէ, և աւել .

Օրհնեա թ Տէր՝ ողորմութեամբ քով զհողս
ծառայիս քո այսորիկ, և յիշեա զսա . զի
հող էր՝ եւ անդրէն ՚ի հող դարձաւ ըստ
հրամանի քում : (Երեմ. ևրկէ) :

Այս յգէ զհողն ՚ի գերեզմանն, և աւել .

Օրհնութիւնն աստուածային իջցէ ՚ի հող
մահու սորին . և բուսուցցէ յօրն վերջին,
անուամբ Հօր և Որդւոյ և Հոգւոյն Սրբոյ,
այժմ և միշտ և յաւի :

Շարական .

Մերձեցայ ես ՚ի դուռն գերեզմանի .
(Տե՛ս յերե՛ս 279) :

Այս իջոյանն զնջեցեալն ՚ի գերեզմանն :

Աւելուիս աւելուիս .

Տէր հովուեսցէ զիս և ինձ ինչ ոչ պակաս
սեսցի :

Ի վայրի դալարւոջ անդ բնակեցոյց զիս .
և առ ջուրս հանգստեան սնոյց զիս :

Դարձոյց զանձն իմ առ իս, եւ առաջնոր-

դեաց ինձ 'ի ճանապարհս արդարութեան
վասն անուան իւրոյ :

Թէպէտ և դնացից ես 'ի մէջ ստուերաց
մահու , ոչ երկեայց 'ի չարէ , զի դու Տէր
ընդ իս ես :

Տուպ քո եւ գաւազան՝ նոքա մխիթարես
ցեն զիս :

Պատրաստ արարեր առաջի իմ զսեղան՝
ակն յանդիման նեղչաց իմոց :

Օծեր իւղով զգլուխ իմ . բաժակ քո որ
պէս անապակ արբեցոյց զիս :

Ողորմութիւն քո Տէր , զհետ իմ եկեսցէ
զամենայն աւուրս կենաց իմոց . բնակիլ
ինձ 'ի տան Տեառն ընդ երկայն աւուրս :

Մաղթանք :

Տէր , ուղղեա զգնացս մեր 'ի ճանապարհս
խաղաղութեան : Տէր , ուղղեա և առաջ
նորդեա հոգւոց մերոց եւ ամենայն հա
ւատացելոց գնալ յարդարութեան ճա
նապարհն և 'ի կեանսն յաւիտենից :

Քարոզ :

Աղայեսցուք զամենակայն Աստուած , զի
յաջողեալ ուղղեսցէ զճանապարհս ծա

ուայից իւրոց 'ի բարի և 'ի խաղաղութիւն :
Ամենակալ Տէր Աճ մեր կեցո և ողորմեա :

Աղօթք :

Առաջնորդ կենաց և պարգեւիչ խաղա-
ղութեան Քրիստոս Աստուած մեր , ա-
ռաջնորդեա մեզ գնալ 'ի ճանապարհս քո
արդարութեամբ և խաղաղութեամբ ժա-
մանել 'ի նաւահանգիստն կենաց և փրո-
կութեան շնորհօք ողորմութեան քո . զի
դու ես օգնական և փրկիչ մեր . և քեզ
վայելէ փառք իշխանութիւն և պա :

Խաղաղութիւն ամենեցուն :

Օրհնեալ ես Տէր Աստուած Փրկիչ մեր ,
որ յամենայն ժամ ընդ մեզ ես , և ոչ եր-
բէք թողուս 'ի ձեռաքէ քումմէ զայնօսիկ՝
որք հաւատով եւ ճշմարտութեամբ կար-
դան առ քեզ : Աղաչեմք եւ խնդրեմք 'ի
քէն Տէր , ճանապարհորդակից լեր ծա-
ռայից քոց՝ քոյին վերակացութեամբդ պա-
հելով 'ի խաղաղութեան . եւ առաջնոր-
դեա մեզ միւսանգամ խաղաղութեամբ
եւ խնդութեամբ հասանել յիւրաքանչիւր
բնակութիւնս 'ի Քրիստոս Յիսուս 'ի Տէր
մեր . որում վայելէ փառք իշխանութիւն

և պատիւ , այժմ և միշտ և յաւիտեանս
 յաւիտենից , ամէն :

Ե- Դարձեալ հող յգէ , և սսէ .

Հող օրհնութեան իջցէ 'ի գերեզման սո-
 րին , և բուսուսցէ յօրն վերջին :

(Երեցս իրիկէ) :

Ապա ծածիկն հողով , և սսէն աղօթելով :

Ողորմած Աստուան՝ թաւեա՛ զանօրէնու-
 թիւնս իմ :

Հաւատ ունե՛լով հոգի՛ խաղաղութեանն ,
 երթ առ արարի՛չն հայցելով , Աստուան՝
 իմ հանգո՛ :

Ես ասացի՛ 'ի զարմանալ իմում , թէ ամե-
 նայն մարդ սո՛ւտ է :

Հաւատ ունե՛լով հոգի՛ խաղաղութեանն ,
 երթ առ արարի՛չն հայցելով , Աստուան՝
 իմ հանգո՛ :

Ձճանապարհս իմ ուղի՛ղ արա ինձ ըստ
 քանի՛ քո՛ւմ . և մի տիրեսցեն ինձ ամե-
 նայն մեղք :

Հաւատ ունե՛լով հոգի՛ խաղաղութեանն ,

Երթ առ արարիչըն հայցելով, Աստուած
իմ հանգստի :

Որ ետուր հոգի Յիսուս, ըզսա պահեմ
զի քոյ խաչի եւ Յարութեանըդ հաւա-
տաց թագաւոր երկնաւոր, հանգո ըզ-
հոգի սորա յիշելով սորա զհաւատս :

Ի քաղաք Տեառն զօրութեանց եւ ի
քաղաք թագաւորին մեծի. ուր ժողովք
սրբոցն են ի խաղաղութեան, գնանցես
յուսով եւ հանգիցես ընդ հրեշտակաց
դասս, տեսանել ըզլոյսըն յաւիտենից :

Մերձեցաւ անձն իմ ի հնդ յորմէ ստեղծ
ծեր զիս, եւ հոգւոյս մեկնեալ յինէն.
Տէր զապաւինեմլս յիշեմ ի քովմ գա-
լըստեանն :

Ստեղծած եմ անարատ ձեռաց քոց մի
անտես առներ, այլ խնայեմ յիս յահա-
գին աւուրն. Տէր զապաւի :

Յմրժամ գաս փառօք Հօր դատել ըզտիե-
ղերս ամենայն, և հարկանի փող հընչման
յարութեան Տէր :

Փառք Հօր և Որդւոյ և : Ա. յժմ և միշտ և :

Ընդ Քրիստոսի պահելով յաղթող լիցմէք

փորձողին . և ընդ հրեշտակս երգեցուք .
Փառք 'ի բարձունս Աստուծոյ :

Փառք 'ի բարձունս Աստուծոյ , և յերկիր
խաղաղութիւն 'ի :

Փառք՝ պատիւ և երկրպա :

Եղին զիս 'ի գրի ներքնումն 'ի խաճարի
և 'ի ստուերս մահսն :

Տէր Աստուանձ փրկութեան իմոյ 'ի տուէ
կարգացի և գիշերի առաջի քոյ :

Քարոզ :

Վասն 'ի վերուստ պահպանութեան 'ի
Տեառնէ անձանց մերոց , եւ հաճոյական
սղօթս առնելոյ՝ զՏէր աղաչեսցուք :

Տէր ողորմեա :

Վասն ընդունելոյ Տեառն Աստուծոյ ըզ-
հոգի հանգուցելոյս 'ի հանգստեան ար-
դարոց՝ զՏէր աղա :

Վասն թողոյ սմա զյանցանս զկամայ եւ
զակամայ՝ զՏէր աղա :

Վասն արժանի լինելոյ սմա՝ խաղաղու-
թեամբ և մեծաւ յուսով սպասել տեառ-
նագալուստ փողոյն՝ զՏէր աղա :

Վասն քաղցրաբարբառ լսելոյ սմա զահա-
 ւոր ձայնն որ ասէ, եթէ արիք՝ ահա գայ
 Քրիստոս՝ զՏէր աղա :

Վասն համարձակապէս տեսանելոյ սմա
 զանապական եւ զանստուեր լոյսն՝ զՏէր
 աղաչես :

Վասն աչալըջութեամբ եւ առանց ամօ-
 թոյ կալ սմա առաջի արդար դատաւորին
 Քրիստոսի՝ զՏէր աղա :

Վասն տալոյ սմա տեղի ՚ի հայրական խը-
 նամոցն յաջակողմեան դասուն՝ զՏէր աղա :

Վասն լսելոյ սմա զերանաւէտ զձայնն,
 եթէ եկայք օրհնեալք Հօր իմոյ ՚ի տեղի
 հանգստեան՝ զՏէր աղա :

Վասն պարգեւելոյ սմա զերկնային պսակն
 կենաց և անմահութեան՝ զՏէր աղա :

Վասն հրեշտակի խաղաղութեան աւան-
 դելոյ զհօգի սորա ՚ի տեղի արդարոցն՝
 զՏէր աղա :

Վասն առաքման շնորհաց մեծի՝ եւ ամե-
 նազօր աջոյն Քրիստոսի ՚ի հողանիւթեայ
 յարկ տապանի սորա՝ զՏէր աղա :

Վասն կնքելոյ զգերեզմանս զայս նշանաւ
 խաչին իւրոյ մինչև ՚ի գալուստն իւր սուրբ՝
 զՏէր աղա :

Վասն առաքելոյ զշնորհս Հոգւոյն Սրբոյ
 'ի սիրտ լսողաց հաւատացելոց անուան
 իւրոյ՝ զՏէր աղա :

Վասն մխիթարելոյ զվշտագնեալս սրտիւք
 'ի ձեռն ողորմութեան իւրոյ՝ զՏէր աղա :

Վասն պահելոյ զմնացորդս սորա յամենայն
 հնարից սատանայի՝ զՏէր աղա :

Վասն հոգւոյն հանգուցելոց՝ որք ճշմարիտ
 և ուղիղ հաւատով 'ի Քրիստոս նըն-
 ջեցին՝ զՏէր աղա :

Եւ եւս միաբան վասն ճշմարիտ և սուրբ :
 Զանձինս մեր և զմիմեանս Տեառն Աստու :
 Ողորմեաց մեզ Տէր Աստուած մեր ըստ :

Տէր ողորմա՛ . Տէր ողորմա՛ , Տէր ողորմա՛ :

Աղօթք :

Օրհնեալ ես Տէր Աստուած մեր , որ ըստեղծեր զմարդն հող յերկրէ , և փչեցեր յերեսս նորա շունչ կենդանի , լինելով նմա կամօք քո 'ի հոգի կենդանարար . եւ եդեր զնա 'ի դրախտին փափկութեան գործել զնա եւ պահել : Եւ յանցանել նորա զպատուիրանաւ քով՝ հանեալ եդեր զնա արտաքոյ դրախտին փափկութեան յերկիր . ուստի առաւ , մատնելով զնա տաժանա-

ւոր և ախտալից կենցաղոյս այսորիկ . և ե-
դեր սահման ասելով . հող էիր՝ և 'ի հող
դարձցիս :

Եւ այժմ Տէր բարերար՝ ընկալ զծառայս
քո զայս , որ ելից զժամանակ պանդխտու-
թեան իւրոյ 'ի վերայ երկրի . և ըստ հրա-
մանի քում եմուտ 'ի յարգանդ երկրի , յոր-
մէ ծնանելոց է վերստին 'ի կեանս անմա-
հականս . Եւ այժմ Տէր Աստուած մեր՝
ձգեա զպահպանողական աջ քո , և կնքեա
զտեղի հանգստեան սորա . զի եղիցին 'ի
զգուշութեան և 'ի պահպանութեան ոս-
կերք սորա իբրեւ զգանձս պատուականս
առաջի աստուածութեանդ քո . և մի իշ-
խեսցէ մերձենալ 'ի սա թշնամին երեւելի
կամ աներեւոյթ : Եւ զհոգի սորա զոր ա-
ւանդեցեր 'ի ձեռն հրեշտակի քո՝ մերձեցո
առ սուրբ փառս աթոռոյ քո , ընդ այլ պայ-
ծառացեալ հոգիսն ցնծալ պարել և զուար-
ճանալ շուրջ զարքունական աթոռովդ մին-
չեւ յօր կրկնակի կենսաբեր գալստեան քո
յերկնից՝ փառօք Հօր , և ամենայն հրեշ-
տակօք սրբովք : Յորժամ գաս 'ի նորոգել
և կանգնել զանկեալ և զկործանեալ պատ-
կերս քո , այցելութեամբ այց արա Տէր ,

ծառայիս քո այսօրիկ, և հան սմա մասն և բաժին յարքայութեանդ երկնից ընդ այնօսիկ՝ որք սիրեցին զքեզ յամենայն սրբտէ, եւ յամենայն զօրութենէ իւրեանց: Զի յամենայնի մեծացեալ և փառաւորեալ եղևցիս Տէր մեր Յիսուս Քրիստոս՝ ընդ Հօր և ընդ Սրբոյ Հոգւոյդ, այժմ և միշտ և յաւիտեանս յաւիտենից:

Խաղաղութիւն ամենեցուն:

Տէր մեր և Փրկիչ Յիսուս Քրիստոս Որդի Աստուծոյ կենդանւոյ, կենդանի եւ կենդանարար, կերպարան եւ կնիք Հօր. որ վասն նախաստեղծին քո Ադամայ անկէլոյն յանցանօք ՚ի փառակենցաղ դրախտէն, կամաւ Հօր եւ հաճութեամբ Սուրբ Հոգւոյն խոնարհեցար յերկնից՝ եւ իջեր յերկիր, եւ առեր մարմին ՚ի սրբոյ Կուսէն. խաչիւ և անապական արեամբդ քով զհնացեալս մեղօք վերստին նորոգեցեր. որպէս զի ստեղծուածն առաջին որ առանց ապականութեան էր, ՚ի հանդերձեալ յարութեանն մեռելոց՝ երեւեսցի փառօք: Զի դու ինքնին Տէր վասն մերոյ փրկութեան իջեր ՚ի գերեզման. աւերեցեր զգժօխս, ողորմելով արգելեալ հոգ-

ւոցն 'ի նմա . լուծեր ղերկունս մահու
 թաղմամբ քով . եւ աստուածասքանչ յա-
 րութեամբ քով ազատութիւն եւ նորո-
 գութիւն շնորհեցեր յուսացելոցս 'ի քեզ :
 Եւ այժմ դու նոյն ինքն Տէր Աստուած
 մեր՝ գթա 'ի մեղուցեալ ծառայս քո , որ
 վախճանեաց ղերկրաւոր զկեանսն իւր :
 Եւ բարեխօսութեամբ , սուրբ Աստուա-
 ծածնիդ՝ և ամենայն սրբոց քոց որք յա-
 լիտենից հաճոյ եղեն քեզ , ներեա քաւեա
 և թող զմեզս իւր զոր գործեաց՝ զկամայ
 և զակամայ . քանզի ոչ արդարանայ առա-
 ջի քո ամենայն կենդանի : Օրհնեա ☩ Տէր ,
 եւ զհողանիւթեայ յարկ տապանի սորա ,
 և կնքեա անարատ աջովդ , եւ պատուա-
 կան Խաչիւղ . յորոչմ հեղեր ըզփրկա-
 կան արիւնդ 'ի թողութիւն մեզաց մերոց :
 Օրհնեա ☩ Տէր , եւ զմնացորդս սորա . սփո-
 փեա և մխիթարեա և փարատեցո 'ի սըր-
 տից սոցա զսուգ եւ զտրտմութիւն . եւ
 խաղաղական կենօք աճեցո և զարգացո և
 միացո 'ի սէր սրբութեան քո : Ընդ նոսին՝
 աշխատաւորացս եւ համօրէն զհետ եկե-
 լոցս ողորմեա Տէր , եւ տուր զբարի պար-
 գեւաց քոց զհատուցումն : Հալածեա եւ

հեռացո՞ ՚ի սոցանէ զխորամանկութիւն սատանայի, եւ զգաստութեամբ առաջնորդեա ՚ի շաւիղս արդարութեան քո, հասանիլ ՚ի կոչումն փողագոջ ձայնի Հրեշտակապետին ՚ի յաւիտենական հանգիստն: Զարթուցեալք ՚ի յայս մահահանգիստ քնոյս՝ եւ սրաթուիչ լուսեղէն ամպովք ընդ առաջ ելանել քոց փառաց, եւ արժանի լինել բարեբանող փառատրութեամբ օրհնել զքեզ Քրիստոս Աստուած մեր՝ ընդ Հօր և Սուրբ Հոգւոյդ, այժմ և միշտ և յաւիտեանս յաւիտենից, ամէն:

Փայլին արդարքն յարքայութեան և ճրգնաւորքն ՚ի հանգըստեանն, մարտիրոսքն պըսակի՛ն և կուսանաց լապտերք վառին, դասեցո՞ Տէր ընդ նոսին որք զքեզ Աստուած խոստովանին, արդարութեամբ մի դատեսցի՛ն այլ գըթութեամբ քո քաւեհսցի՛ն:

Քո՞ անպատում խոնարհութեամբդ որ թաղեցար մե՛ռելութեամբ, եւ յարուցեր յորդւոց մարդկան որք հաւանտով ՚ի քեզ անկան, յարո և զմե՛զ արդարու-

Թեամբ և զնրնջեցեալսն ողորմութեամբ .
 զի կենդանեացրս բերանով տային քեզ
 փառս ընդ Հօր Հօգևով :

Փառաց ՚ի փառքս բարձրանան , աջակող-
 մեանքն վերանան , յորժամ լըսեն զերան-
 նական ձայն օրհնութեան ՚ի քէն կոչ-
 ման . նրնջեցելոյս մեր լըսեցո զաստուա-
 ծային բարբառըդ քո . դասաւորեա ըզ-
 սա՛ վերնոցն երգել քեզ ըզփառս ընդ
 զըւարթնոցն .

Քահանայք եւ ժողովորդք հայցեմք ՚ի
 քէն Տէր բարեգութ , ընդ նրնջեցեալսն
 հաւատով ընկալ ըզմեզ նովին յուսով ,
 յերուսաղէմ քաղաք վերին յորում ար-
 դարբրն ժողովին . փառս վերերգել միշտ
 ընդ նոսին Երրորդութեանդ երրեակ ան-
 ձին .

Ի վերի՛նն Երուսաղէմ ՚ի բնակա-
 րանքս հրե՛ շտակաց , ուր Ենովք եւ
 Եղիաբ՛ս կան ծերացեալ աղա՛ւնա-
 կերպ . ՚ի դրախտի՛ն Եզե՛մակաբ՛ն
 պայծառացեալ արժա՛նապէս . ողոր-

Մա՛ծ Տէ՛ր ո՛ղորմեալի՛ն հոգւոցը՛ն մե՛ր
նը՛նջե՛մ յե՛լոց :

Հոգւոցն հանգուցե : Վասն հանգ: Քրիստոս Որդի Աս :

Եւ եւս խաղաղութեան զՏէր աղաչեսցուք : Ընկալ կե :

Օրհնութիւն և փառք Հօր և Որդւոյ և Հոգ :

Օրհնեսցի թ եւ կնքեալ պահեսցի գե-
րեզման եւ ոսկերք ծառայիս Աստուծոյ ,
նշանաւ սուրբ Խաչիս , եւ բանիւ սուրբ
Աւետարանիս , յանուն Հօր և Որդւոյ և
Հոգւոյն Սրբոյ :

Եւ եւս խաղաղութեան զՏէր աղաչեսցուք : Ընկալ կե :

Օրհնութիւն և փառք Հօր և Որդւոյ և Հոգ :

Օրհնեսցի թ եւ կնքեալ պահեսցի շիրիմ
և ոսկերք ծառայիս Աստուծոյ :

Եւ եւս խաղաղութեան զՏէր աղաչեսցուք : Ընկալ կե :

Օրհնութիւն և փառք Հօր և Որդւոյ և Հոգ :

Օրհնեսցի թ և կնքեալ պահեսցի դամբա-
րան և ոսկերք ծառայիս :

Կեցուցե և ողորմեսցի :

Անշարժ եղիցի կնիք թ տէրութեան ՚ի
վերայ գերեզմանի ծառայիս Աստուծոյ՝

Մինչեւ 'ի գալուստն Քրիստոսի . որ եկեալ
 միւսանգամ նորոգեսցէ փառք 'ի փառս
 Հօր և Հոգւոյն Սրբոյ , ամէն :
 Հայր մեր որ յերկինս :

Ապա՛ թէ երբեք 'ի գոն ննջեցելոյն ստին .

Աւելուիա աւելուիա .

Այս ամենայն եկն 'ի վերայ մեր , եւ մեք
 դքեզ ոչ մոռացաք , եւ ոչ ստեցաք ուխտի
 քում , եւ ոչ դարձաք յետս սրբտիւք
 մերովք :

Դարձուցեր զչաւիղս մեր 'ի ճանապարհաց
 քոց , խոնարհ արարեր զմեզ 'ի տեղի
 չարչարանաց , եւ ծածկեցին զմեզ ըստ
 տուերք մահու :

Թէ մոռացեալ իցէ մեր զանուն Աստուծոյ
 մերոյ , կամ ձգեալ իցէ զձեռս մեր
 առ աստուածս օտարս :

Սակայն Աստուած խնդրէ զայս . զի նա
 քննէ զգաղտնիս սրտից մերոց :

Վասն քո մեռանիմք զօրհանապազ , հա-
 մարեցաք որպէս զոչխար 'ի զենումն :

Զարթիր , ընդէ՞ր ննջես Տէր . արի եւ մի
 մերժեր զմեզ իսպառ :

Զմէ՞ դարձուցանես զերեսս քո 'ի մէնջ,
մոռանաս զաղքատութիւն եւ զնեղու-
թիւնս մեր:

Խոնարհ եղեն մինչեւ 'ի հող անձինք մեր,
և յերկիր կցեցան մէջք մեր:

Արի Տէր օգնեսու մեզ եւ փրկեսա զմեզ,
վասն անուան քո:

Փառք Հօր և Որդւոյ և: Ա, յԺԺ և յԷտ և:

Քարոզ:

Խնդրեսցուք հաւատով 'ի Հօրէ վասն քա-
ւութեան մեղաց, և թողութեան յանցա-
նաց. փրկելոյ զմեզ 'ի վշտաց և 'ի նեղու-
թեանց. իջանելոյ 'ի վերայ մեր ողորմու-
թեան եւ գթութեան Տեառն Աստուծոյ
ամենակալին. կեցո և ողորմես:

Աղօթք:

Հայր գթութեանց՝ եւ Աստուած ամե-
նայն մխիթարութեան, որ մխիթարես
զմեզ յամենայն նեղութիւնս մեր. հար-
կանես՝ և դու բժշկես. և ոչ երբէք թո-
ղուս 'ի ձեռանէ քումմէ զստեղծուածս
քո: Տուր սոցա Տէր, հոգի զգաստութեան,
հոգի մխիթարութեան. քեւ մխիթարես

զվշտագնեալս սրտիւք եւ բժշկեա զվէրս
տրտմութեան սոցա : Զի հաստատուն յու-
սով փառաց քոց առողջացեալք 'ի սգոյ
տրտմութեան իւրեանց , փառաւորեսցեն
զամենամեծ տէրութիւնդ քո , այժմ եւ
միշտ և յաւիտեանս յաւիտենից , ամէն :

Հողւոցն հանգուցելոց Քրիստ : Վասն հանգուցեալ :

Քրիստոս Որդի Աստուծոյ անոխակալ և :

Հայր մեր որ յերկինս :



Կ Ա Ն Ո Ն

ՄԵԾԻ ԱՅԳՈՒՑ ԿԱՏԱՐԵԼՈՑ

Գան ՚ի Տիսուս մարտն ՚ի Գերեզմանն
Լ ասէն զամբիծան :

Եւ եւս խաղաղութեան զՏէր աղաչեսցուք :
Օրհնութիւն և փառք Հօր և Որդւոյ և Հոգ :

Քահանայն խոնկ արիանէ և ասէ .

Շարական, ԴԿ .

Ղալ. Յիսո՛ւս միածինն անմահութեանց
պարգե՛ւատուն երեւեցա՛ւ մե՛՛մբ՞զ, խա-
փանեա՛ց զզօրո՛ւթիւն մահո՛ւ :

Բրդիամա՛ մք արտասուա՛ց Մարիամու եւ
Մարթայի անկեա՛լ ա՛ռ ոտսըն Տեա՛մբ՞ռն,
խընդրէ՛ին զնորո՛գո՛ւմն եղբօրն :

Բանի՛ Լ բանն Աստուա՛ծ կենա՛գործեաց
ըզՂա՛զարոս ՚ի՛ թաղմանէ՛ մե՛մբ, և եկեա՛լ
արտաքս անապակա՛ն :

Թաղ. Յովսէփ քեզ հաւանտացեալ Պի-
ղատոսի մղերսէր, շնորհել զտէրո՛ւ-
նեանդ մարմին :

Ձանապակա՛ն զմատուածացեալ մար-
մինդ պատեալ սուրբ կրտանովք, ե՛ւ եդ
ի գերեզմանի :

Ո՞ր արարիչդ ե՛ս անարածոց հանգուց-
եալդ ՚ի քերովքէս, վիճո՞վ կընքեցա՞ր
յերկրի :

Յար. Յորժամ եկին ՚ի գերեզմանն ի՛ւ-
ղաբեր կանայքն, եւ բերի՛ն զխճենկսն
ի խրնկել զանապակա՛ն մարմինն :

Յայնժամ հրեշտակն աւետարանէր յա՛-
րեաւ Քրիստո՛ս. պատմեցէք աշակեր-
տացըն զյարսւթի՛ւնն Տեսու՛ն :

Ի՛սկ նոցա զարհո՛ւրեալ վասն ահագի՛ն
տեսլեանն. պա՛տմէին աշակերտացըն զա՛-
հագի՛ն տեսիլն :

Հոգ. Ա՛ղբուր կենաց բաշխող շնորհաց
Հոգիդ իջեալ ՚ի բարձանց. զանապակա՛ն
պարգեւը՛ս քո՞ բաժանեցեր յա՞ռա-
քեանսն :

Ո՞ր ՚ի վերայ ջուրցն գոլով ստեղծանէի՛ր

զանրարածս . իջեալ 'ի ջնւրս աւազանի^ն և
ծնանինս Որդի^ն Աստուծոյ .

Ո՞ր զարդարեալ նորոգես միշտ ըզնոր քո
զեկեղեցի . պէս պէս շնորհաց քոց պար-
գեւօ^ք փայլի^ն մանկունը^ք սորա :

Հանգ . Ո՞ր արարիչդ ես արարածոց հան-
գուցեալդ 'ի հրեղէ^ն կառս . յիշեա^ն
զհոգիս նընջեցելոց մերոց , եւ հանգո
ընդ սո՛ւրբըս քո :

Ո՞ր երկայնամիտդ ես առ ամենեսեա^ն
և ներմիջ յանցանաց մերոց . յիշեա^ն զհո :
Ո՞ր միւսանգամ գալոց ես հայրենի փա-
ռօ^ք նորոգել զնախաստեղծին ծընունդ .
յիշեա^ն զհո :

ՄԵԾ . Ի քեզ եմք անպաւինեալ Քրիստոսի
մայր Աստուծոյ մերոյ :

Ո՞ր քան զերկի^ն նրս բարձրագոյն Մարիամ,
պարծանք եկեղեցւոյ . Քրիստո :

Ո՞ր քան զարեգակը^ն պայծառագոյն Մա-
րիամ , մի՞ դադարի՞ր բարեխօսել վասըն
մեր , Քրիստոսի մայր Աստու :

Խալի . Սո՛ւրբ զԽաչ քո շնորհեցեր զէն
եկեղեցւոյ քում սրբոյ . զրով դատա-

սարտեալ սարտեցալ թըշնամի՛ն .

Սո՛վալ սահպա՛նեա՛ զժողովո՛ւրդս քո
Քրիստո՛ս . ո՛րով երկըրպա՛գեմք քե՛զ ընդ
Հօ՛ր և Հոգւո՛յն :

Ի՛ քեզ ապաւինիմք Քրի՛ստո՛ս որ գալո՞ցդ
ես խաչիւ . ո՛րպէս զի փըրկեսցես ըզմե՛զ
յայնմ աւո՛ւր ահեղ ա՛տենի՛ն :

Փառք Հօր և Որդւոյ և : Այժմ և միշտ և :

Ընդ սո՛ւրբըս քո դասեա՛ և ընդ արդա՛նը
սըն սըսակեա՛ ՚ի տեղի՛ անկելո՞ց հրե՛շտա-
կաց ըզնը՛նջեցեալսըն մեր կարգաւորեա .
որ ողմըմա՛ծդ ես յամե՛նայնի՛ :

Ալեւուիա ալեւուիա .

Ի խորոց կարգացի առ քեզ Տէր Տէր , լուր
ձայնի իմում :

Եղիցին ականջք քո ՚ի լսել զձայն աղօ-
թից իմոց :

Պողոսի առաքելոյն ՚ի Կորնթացոց երկրորդ
թղթոյն է ընթերցուածս :

Այլ մեք պարտիմք գոհանալ զԱստուծոյ
յամենայն ժամ՝ վասն ձեր եղբարք սիրե-
ցեալք ՚ի Տեառնէ . զի ընտրեաց զմեզ
Աստուած ՚ի սկզբանէ ՚ի փրկութիւն՝ սրբ-

բուժեամբ հոգւոյն , եւ հաւատովքն
 շքմարտութեան . յոր եւ կոչեաց զձեզ
 աւետարանաւն մերով 'ի փրկութիւն փա-
 ռացն Տեառն մերոյ Յիսուսի Քրիստոսի :
 Այսուհետեւ եղբարք՝ հաստատուն կա-
 ցէք՝ և պինդ կալարուք զաւանդութիւն-
 սըն՝ զոր ուսարուք , եթէ բանիւ , և եթէ
 թղթով մերով :

Այլ ինքն Տէր մեր Յիսուս Քրիստոս , և
 Աստուած Հայր մեր , որ սիրեացն զմեզ՝
 և ետ մեզ մխիթարութիւն յաւիտենից՝
 և յոյս բարեաց շնորհօք , մխիթարեացէ
 զսիրտս ձեր , և հաստատեացէ յամենայն
 բանս և 'ի գործս բարութեան :

Աւելուիա ալելուիա .

Բարձր առնեմ զքեզ Տէր , զի ընկալար զիս .
 և ոչ ուրախ արարեր զթշնամին իմ յիս :

Աւելուիա Օրթի :

Խաղաղութիւն ամենեցուն :

Այլ ընդ հոգւոյդ քում : Երկիւղածութեամբ լուարուք :

Արքայ Աւետարանիս Յիսուսի Քրիստոսի՝ որ ըստ
 Ղուկասու :

Փառք քեզ Տէր Աստուած մեր :

Պատիւսմէ : Ասէ Աստուած :

Տերն մեր Յիսուս Քրիստոս ասէ :

Զգոյշ լերուք անձանց , գուցէ ծանրա-
նայցեն սիրտք ձեր շուայտութեամբ եւ
արբեցութեամբ՝ եւ հոգովք աշխարհա-
կանօք , և յանկարծակի հասանիցէ 'ի վե-
րայ ձեր օրն այն . զի իբրեւ զորոգայթ
հասանիցէ 'ի վերայ ամենեցուն որ բնա-
կեալ են ընդ ամենայն երեսս երկրի :

Արթուն կացէք այսուհետեւ , յամենայն
ժամ աղօթս արարէք , զի արժանի լինի-
ջիք զերծանիլ յայնմ յամենայնէ որ լի-
նելոց է , և կալ առաջի Որդւոյ մարդոյ :
Եւ 'ի տուէ 'ի Տաճարին ուսուցանէր ,
և զգիշերս ելեալ ագանէր 'ի լերինն՝ որ
կոչուր ձիթենեաց :

Եւ ամենայն ժողովուրդն կանխէր ընդ ա-
ռաւօտս առ նա 'ի Տաճարն լսել 'ի նմանէ :

Քարոզ :

Վասն 'ի վերուստ խաղաղութեան եւ
փրկութեան անձանց մերոց , զՏէր աղա-
չեսցուք :

Տէր ողորմեա :

Վասն լսելի լինելոյ Տեառն Աստուծոյ ձայ-
նի աղաչանաց մերոց , զՏէր աղա :

Վասն քաւիչ եւ ներող լինելոյ Աստուծոյ
 'ի վերայ մեղաց մերոց, զՏէր աղա :

Վասն թողլոյ մեզ զամենայն յանցանս մեր
 զկամայ և զակամայ, զՏէր աղա :

Վասն զի մի քննդ խոտանան գտանիցիմք
 յաւուրն պատասխանատուութեան, ըզ-
 Տէր աղա :

Վասն հոգւոցն հանգուցելոց, որք ճըշ-
 մարիտ եւ ուղիղ հաւատով 'ի Քրիստոս
 ննջեցին, զՏէր աղա :

Եւ եւս միաբան վասն ճշմարիտ և սուրբ :
 Զանձինս մեր և զմիմեանս Տեառն Աստու :
 Ողորմեաց մեզ Տէր Աստուած մեր ըստ մե :

Տէր ողորմեա՛ , Տէր ողորմեա՛ , Տէր ողորմեա՛ :

Աղօթք :

Գոհանամք զքէն Տէր՝ Հայր Տեառն մերոյ
 Յիսուսի Քրիստոսի, որ յայց ելեր, և ար-
 դարութեամբ քով փրկեցեր զմեզ 'ի մե-
 քենայից բանսարկուին. զի նախանձեցաւ
 և եհան զմեզ պատրանօք 'ի յաւէժական
 կենացն, արտասահմանելով զմեզ 'ի կո-
 րուստ և յապականութիւն : Այլ դու բա-
 րերար և մարդասէր Աստուած՝ ոչ թողեր
 զնորա դառնութիւն թունիցն 'ի մեզ յա-

րակայ . վասն որոյ զմահ կոչեցեր և հեղեր
 'ի վերայ ամենայն արարածոց քոց , զի մի
 անմահ մնասցէ չարութիւնն պատահեալ .
 այլ բառնալով զմեզ 'ի կենացս յայսցանէ՝
 եւ հատանելով 'ի մեղաց , եղեւ փրկու-
 թիւն՝ բարերարիդ պատուհասն : Իսկ 'ի
 վախճան աւուրցս այսոցիկ առաքեցեր զՈր-
 դիդ քո սիրելի 'ի կերպարանս մահու մե-
 ղաց . որ դատապարտեաց զմեզս մարմնով
 իւրով և կամաւոր խաչելութեամբն իւրով ,
 խորտակեաց զղօրութիւն թշնամւոյն . ե-
 ղեւ առաջին պտուղ ննջեցելոց , և աստ-
 ուածահրաշ յարութեամբն իւրով հրաւի-
 րեաց զմեզ յիւր անմահութիւնն : Յոր
 հաւատացեալ ծառայս քո այս՝ մկրտեցաւ
 'ի մահ Քրիստոսի քո , և լցեալ այժմ՝ զժա-
 մանակ պանդխտութեան կենցաղավարու-
 թեան իւրոյ , փոխեցաւ 'ի կէտ սահմանա-
 դրութեան քո : Վասն որոյ աղաչեմք ըզ-
 քեզ Հայր սուրբ՝ միջնորդութեամբ Մար-
 մնոյ և Արեան միածնի Որդւոյ քո՝ և խո-
 նարհութեան . թող զպարտիս սորա զկա-
 մայ և զակամայ , զոր վիրաւորեաց անմար-
 մին թշնամին պատրանօք խաբէութեան
 իւրոյ , զի դու միայն ես սուրբ և բարերար

Տէր, որ յանգոյութենէ 'ի գոյութիւն ածեր զամենայն :

Եւ այժմ զվէրս սորա բժշկեա, և խաղաղութեամբ անցո զսա ընդ իսաւարային իշխանութիւնս, զի մի զչարութիւն իւրեանց Կտցեն 'ի ծառայս քո : Այլ ջնջեա Տէր, զձեռագիր ներգործութեանց 'նոցա՝ զոր 'ի սմա սերմանեցին, եւ տուր սմա ճանապարհ բարի : Բացակայ եղիցի 'ի սմանէ հրեղէն սուրն՝ որ պահէ զճանապարհ ծառայն կենաց, պատկառելով 'ի փրկական նշանէ թաշին՝ որ զպտուղն կենաց մեզ ընծայեցոյց առ հաւատչեայ յաւիտենական կենացն եւ առաջնորդ : Յոր ապաւինեալ ծառայս քո՝ սովաւ հասցէ 'ի պահեստ՝ ուր սուրբք ամենայն հաւաքեալ սպասեն մեծի հարսանեացդ, յերեւիլ մեծիդ Աստուծոյ և Փրկչիդ Յիսուսի Քրիստոսի : Ի ձայն փողոյ մեծի՝ յորժամ սասանին տարրեղէն արարածք, գալարին երկինք, նսեմանան լուսաւորք, թօթափին աստեղք, ցոլանան գետք հրեղէնք յերկնից, եւ երեւին բանակք անմահիցն :

Եւ յակնարկել դատաւորիդ սասանի եր-

կիր . բանին կնքեալ գերեզմանք . նորոգին հողացեալ մարմինք . և հոգիքն սլացեալ իբրեւ զարծուիս՝ անդր հասանեն , և զգե- նուն զանապական մարմինսն ՚ի վայրկեան ժամանակի , եւ ժամանեն յիւրաքանչիւր տեղիս :

Աղաչեմք զքեզ Տէր՝ ժամանեցո զճառայս քո զայս յանսպառ ուրախութիւնսն . և զամենեսեան զմեզ զհաւատացեալքս ՚ի քեզ՝ խաղաղութեամբ պահեա , եւ մխի- թարեա հոգւով և մարմնով : Զի արժանի յիցուք փառաւորել զՀայր և զՈրդի և ըզ- Սուրբ Հոգի , այժմ և միշտ և յաւիտեանս յաւիտենից , ամէն :

Խաղաղութիւն ամենեցուն :

Օրհնեալ ես Տէր Աստուած մեր , որ ան գորրիչ ես նեղելոց , և ընդունող հոգւոցն հանգուցելոց , ընկալ զհոգի ծառայիս քո ՚ի բարի . և փարատեա զսուգ և տրտմու- թիւն ՚ի սիրելեաց սորա , որք հետեւե- ցան յուղարկել զսա ընդ երկայնաձիգ ճա- նապարհն , և մորմոքին ՚ի վերայ անդառ- նալի ուղեգնացութեան սորա . և յաւէժ անջատելոյ ՚ի սմանէ առ ժամանակ մի՝ մին

չեւ յիւրեանց յուղի անկանիլն յայսմ բազմաթողով ծովածուփ կենցաղոյս : Եւ զչափաւոր արտասուս սոցա ընկալ քեզ 'ի հաճոյս , եւ մի 'ի զայրացումն . և մխիթարեալ սփոփեսցես զլքեալ սիրտս սոցա գալստեամբ շնորհի քո . եւ զօրացուցես զտարակուսեալ հոգիս սոցա սուաքմամբ Հոգւոյդ Սրբոյ : Եւ թ կնքեալ պահեսցես զգերեզմանս փակեալս յանուն քո՝ նշանաւ Խաչիւ քով՝ մինչեւ յօր կրկնակի կենսաբեր գալստեանն քո : Զի քո ամենակարող զօրութեամբդ՝ եղեմնապատ և ձիւնաթաղեալ պահին ամենայն արմատք , և սերմանիքն թաղեալ յերկիր մեռանին , և 'ի ժամանակս որոտընդոստ գարնանային յարութեանն զուարճացեալ պայծառանան . զորս կարգեցեր մեզ 'ի սպաս պիտոյից :

Իսկ զբանական կենդանիքս պահեալ անկորուստ՝ խնամով աստուածութեան քո՝ յարուցանես դարձեալ 'ի հողոյ , և նորոգես 'ի պատկեր փառաց քոց : Վասն որոյ խոնարհեցար 'ի հայրական ծոցոյ՝ լինել մեզ պատկերակից՝ հացդ անմահութեան : որ ոչ մնացեր 'ի քո մշտնջենաւոր անմահութիւնդ , այլ հատդ կենդանութեան զմահ

յանձն առեր, զի բազում արասցես արդիւնս : Իջեր ՚ի գերեզման, լուծեր զերկունս մահու, և զդժոխս աւերեցեր. որ յերկնաւորաց օրհնիս, և յերկրաւորաց, և ՚ի սանդարամետականաց երկրպագիս, և լի է ամենայն երկիր փառօք քո :

Արդ՝ պահես ամենազօր Տէր՝ զհոգի սորա առ ամենայն սուրբս եւ սիրելիս անուան քո, եւ զգերեզման ծառայիս քո այսօրիկ & կնքեալ պահեսցես. որ փակես զխորս, եւ կնքես ամենազօր աջով քով : Որպէս երկինք՝ և երկնից երկինք՝ և երկիր ամենայն հաստատեալ կան բանիւ քով. այսպէս անշարժ եղիցի & կնիք տէրութեան քո ՚ի վերայ բնակութեան սորա եւ պահարանի ծառայիս : Եւ մի իշխեսցէ մերձենալ ՚ի սա պիղծ եւ անմաքուր դեւն, որպէս ՚ի մարմին և յօսկերս հեթանոսաց, որք ոչ ունին զճնունդ սուրբ Աւազանին, և զկնիքն ահաւոր եւ պատկառելի ՚ի վերայ գերեզմանացն : Այլ ծառայս քո այս՝ որ հրաւիրեալ կոչեցաւ ՚ի քոյոց հրաւիրողացդ ՚ի հանգիստ քո. որ հաւատացեալ ՚ի քեզ ՚ի կենդանութեան իւրում՝ թաղեցաւ ընդ քեզ մկրտութեամբն ՚ի

մահ, եւ սերմանեալ պահեցաւ 'ի քէն,
 և կոչեցեալ՝ յերկիր դարձաւ :

Լուր աղաչանաց մերոց մարդասէր Տէր՝
 և թող սմա զամենայն մեղս իւր զոր մե-
 ղաւ . եւ քաւիչ լեր ամենայն սխալանաց
 սորա, եթէ կամայ եւ եթէ ակամայ, ե-
 թէ բանիւ՝ եւ եթէ գործով, եթէ խոր-
 հրոգիսով՝ եւ եթէ մտածութեամբ . զամե-
 նայն կտակ չարին պատառեա, և զձեռա-
 գիր մեղացն ջնջեա Տէր, եւ զաղտ հնու-
 թեանն լուա : Զի անպատկառ լիցի 'ի մե-
 ծի որոտընդոստ աւուրն վերջնում, ընդ
 համօրէն պահպանելոցն 'ի քէն՝ ընդ ա-
 ռաջ վերանալ քեզ նորափետուր արփի-
 ափայլ դիմք՝ զարդարեալ 'ի զարդ անկու-
 ղոպտելի . յորժամ գաս եւ երեւիս Աս-
 տուածդ 'ի մէջ աստուածացելոց բաժա-
 նել եւ որոշել զզանազան պատիւս սիրե-
 լեաց քոց :

Եւ այժմ աղաչեմք զքեզ Տէր՝ եւ զմեզ
 զամենեսեան զհաւատացեալքս 'ի քեզ
 արժանի արա՝ զայս ահաւօր եւ զսոսկալի
 օրս տպաւորել հանապազ առաջի աչաց
 մերոց . և յամենայն զգալի և 'ի պատրու-
 ղական կենցաղավարութեանց պատասխա-

րեա զմիտս եւ զգայարանս մեր : Պատկերացո Տէր՝ զանհրաժեշտ գալուստ քո առաջի աչաց մերոց . դու Տէր քաղցրութեամբդ քո քաւեա զմեզ 'ի մեղաց մերոց . 'ի հանդերձեալ գեհենէն փրկեա զմեզ զամենեսեան , եւ ժամանեցո արժանապէս հանդիպիլ փառաց փեսայիդ 'ի գալստեան քում՝ ամենագութ Տէր : Նորոգեա եւ զմարմին խոնարհութեան մերոց ըստ անեղծ փառաց քոց՝ Յիսուս Քրիստոս Աստուած մեր : Եւ քեզ ընդ Հօր՝ եւ Սուրբ Հոգւոյդ՝ վայելէ փառք՝ իշխանութիւն եւ պատիւ , այժմ եւ միշտ եւ յաւիտեանս յաւիտենից , ամէն :

Փառաց 'ի փառքս բարձրանան , աջակողմեանքն վերանան , յորժամ լրսեն զերանական ձայն օրհնութեան 'ի քէն կոչման . նընջեցելոյս մեր լրսեցո զաստուածային բարբառըդ քո . դասաւորեա ըզսան վերնոցն երգել ըզփառս ընդ զբարթնոցն :

Քահանայք եւ ժողովորդք հայցեմք 'ի քէն Տէր բարեգութ , ընդ նընջեցեալսն հաւատով ընկալ ըզմեզ նովին յուսով , յե-

րուսաղէմ քաղաք վերին յորում արդար-
 քն ժողովին, փառս վերերգել միշտ ընդ
 նոսին երրորդութեանդ երրեակ անձին :
 Ի վերջնն Յրուսաղէմմ ՚ի բնակա-
 րանքս հրե՞ա շտակաց, ուր են՞ վք եւ
 Յղիաբնոս կան ծերացեալ անա-
 կերայ, ՚ի դրախտի՞ն Յգե՞մակաբնոս
 պայծառացեալ արժանապէս . ո՞ղոր-
 մա՞ծ Տէր ո՞ղորմեաբնոս հոգւոցըն մեր
 նընջե՞ցեցն :

Հոգւոցն հանգուցե : Վասն հանգ : Քրիստոս Որդի Աս :

Եւ եւս խաղաղութեան զՏէր աղաչեսցուք : Ընկալ կե :

Օրհնութիւն և փառք Հոր և Որդւոյ և Հոգ :

Օրհնեսցի Թ եւ կնքեալ պահեսցի գե-
 րեզման եւ ոսկերք ծառայիս Աստուծոյ,
 նշանաւ սուրբ Խաչիս, եւ բանիւ սուրբ
 Աւետարանիս, յանուն Հոր և Որդւոյ և
 Հոգւոյն Սրբոյ :

Եւ եւս խաղաղութեան զՏէր աղաչեսցուք : Ընկալ կե :

Օրհնութիւն և փառք Հոր և Որդւոյ և Հոգ :

Օրհնեսցի Թ եւ կնքեալ պահեսցի շիրիմ
 և ոսկերք ծառայիս Աստուծոյ :

Եւ եւս խաղաղութեան զՏեր աղաչեսցուք ընկալ կե :

Օրհնութիւն և փառք Հօր և Որդւոյ և Հոգ :

Օրհնեսցի օ և կնքեալ պահեսցի դամբարան և ոսկերք ծառայիս :

Կեցուսցէ և ողորմեսցի :

Անշարժ եղիցի կնիք օ տէրութեան 'ի վերայ գերեզմանի ծառայիս Աստուծոյ՝ մինչեւ 'ի գալուստն Քրիստոսի. որ եկեալ միւսանգամ նորոգեսցէ փառօք 'ի փառս Հօր և Հոգւոյն Սրբոյ, ամէն :

Հայր մեր որ յերկինս :



Կ Ա Ն Ո Ն

ՄԵԾԻ ԵՕԹՆ ԱՒՈՒՐ

ԿԱՄ

ՔԱՌԱՍՆՆՈՐԵԱՅ ԵՒ ԿԱՄ ՏԱՐԵՄՈՒՏ
ԿԱՏԱՐԵԼՈՅ



Ելևան ՚ի գերեզման, և ստեն շաբիճան :

Շարական, ԴԿ.

Ղալ. Յիսո՛ւս միաճի՛նն անմահութեանց
պարգե՛ւատուն երեւեցա՛ւ մե՛՞սք, խա-
փանեանց զզօրո՛ւթիւն մահու՛ն :
Բըղխմա՛ մք արտասուանց Մարի՛ամու եւ
Մարթայի անկեալ ա՛ռ ոտսըն Տեա՛՞մք ոն,
խընդրէ՛ի՛ն զնորո՛գումն եղբօրն :
Բանի՛՛ւ բանն Աստուա՛ծ կենա՛գործեաց
ըզՂա՛զարոս ՚ի՛ թա՛ղմանէ՛՞ք, և եկեա՛լ
արտաքս ա՛ննապական :

Ընթերցուածս յԵսայեայ մարգարէէ :

Այսպէս՝ ասէ Տէր . գամ ժողովել զամե-
նայն ազգս և զլեզուս . եկեսցեն և տես-
ցեն զփառս իմ . և թողից ՚ի վերայ նոցա
նշան :

Եւ առաքելից ՚ի նոցանէ փրկեալս յազ-
գըս , ՚ի Թարսիս , և ՚ի Փուռ , և ՚ի Լուռ ,
և ՚ի Մոսոգ , և ՚ի Թորէլ , և Յելլադա , և
՚ի կղզիս հեռաւորս՝ որոց չիցէ լուեալ
զանուէն իմ , եւ ոչ տեսեալ զփառս իմ .
և պատմեսցեն զփառս իմ և զանուն իմ
՚ի մէջ ազգաց :

Եւ ածցեն զեղբարս իւրեանց յամենայն
ազգաց պատարագ Տեառն . հեծեալս կա-
ռօք՝ հանդերձ պալարակապ երիվարօք եւ
հովանոցօք ՚ի սուրբ քաղաքն Երուսաղէմ ,
ասէ Տէր :

Պողոսի առաքելոյն ՚ի Կորնթացւոց առաջին
Թղթոյն ե ընթերցուածս :

Այլ ասիցէ որ . զիա՞րդ յառնեն մեռեալք՝
կամ որո՞վ մարմնով գայցեն :

Անմիտ , դու զոր սերմանեսն , ո՞չ կենդա-
նանայ՝ եթէ ոչ մեռանիցի :

Եւ զոր սերմանեսն , ոչ զնոյն մարմին զոր
 ծնանելոցն իցէ՝ սերմանես , այլ հատ մերկ .
 եթէ ցորենոյ իցէ՝ և եթէ այլոց սերմա-
 նեաց :

Եւ Աստուած տայ նմա մարմին՝ որպէս և
 կամի . և յւրաքանչիւր սերմանեացն զիւր
 մարմին :

Ոչ ամենայն մարմին նոյն մարմին է , այլ՝
 այլ մարմին է մարդկան եւ այլ մարմին ա-
 նասնոց , այլ մարմին թռչնոց՝ և այլ մար-
 մին ձկանց :

Եւ մարմինք երկնաւորք՝ և մարմինք երկ-
 րաւորք . այլ՝ այլ փառք երկնաւորաց՝ և
 այլ փառք երկրաւորաց : Այլ փառք արե-
 գական , և այլ փառք լուսնի , և այլ փառք
 աստեղաց . և աստղ քան զաստղ առաւել
 է փառօք :

Ալելուիա ալելուիա .

Տէր ողորմութիւն քո յաւիտեան զգործն
 ձեռաց քոց մի՛ անտես առներ :

Ալելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արոց Աւետարանի Յիսուսի Քրիստոսի՝ որ ըստ
 Յովհաննու :

Փառք քեզ Տէր Աստուած մեր :

Պատխուսէ : Ասէ Աստուած :

Տէրն մեր Յիսուս Քրիստոս ասէ :

Խաղաղութիւն թողու՛մ ձեզ, զխաղաղու-
թիւն զի՛մ տամ ձեզ, ոչ որպէս աշխարհս
տայ՝ տամ ես ձեզ. մի՛ խռովեսցին սիրտք
ձեր, և մի՛ զանգիտեսցեն :

Հուայք զի ասացի ես՝ ձեզ՝ թէ երթամ
և գամ առ ձեզ. եթէ սիրէիք զիս՝ ապա
ուրախ լեալ էր ձեր՝ եթէ ես առ Հայր
երթամ, զի Հայր իմ մեծ է քան զիս :
Եւ այժմ ասացի ձեզ մինչչեւ եղեալ. զի
յորժամ լինիցի, հաւատասցիք :

Ոչ եւս այլ շատ խօսեցայց ընդ ձեզ. գայ
իշխան աշխարհիս այսօրիկ, և յիս ինչ ոչ
գտանէ. այլ զի ծանօցէ աշխարհ՝ եթէ սի-
րեմ զՀայր. եւ որպէս պատուիրեաց ինձ
Հայր՝ այնպէս առնեմ. օն սրիք գնասցուք
աստի :

Քարոզ :

Վասն ՚ի վերուստ խաղաղութեան եւ
փրկութեան անձանց մերոց, զՏէր աղա-
չեսցուք :

Տէր ողորմեա :

Վասն լսելի լինելոյ Տեառն Աստուծոյ ձայնի աղաչանաց մերոց, զՏէր աղա :

Վասն քաւիչ եւ ներող լինելոյ Աստուծոյ ՚ի վերայ մեզաց մերոց, զՏէր աղա :

Վասն թողլոյ մեզ զամենայն յանցանս մեր զկամոյ և զակամայ, զՏէր աղա :

Վասն զի մի ընդ խոտանսն գտանիցիմք յաւուրն պատասխանատուութեան, ըզՏէր աղա :

Վասն հոգւոցն հանգուցելոց, որք ճըշմարիտ եւ ուղիղ հաւատով ՚ի Քրիստոս ննջեցին, զՏէր աղա :

Եւ եւս միաբան վասն ճշմտրիտ և սուրբ : Զանձինս մեր և զմիմեանս Տեառն Աստու : Ողորմեաց մեզ Տէր Աստուած մեր ըստ մե :

Տէր ողորմեա՛, Տէր ողորմեա՛, Տէր ողորմեա՛ :

Աղօթք :

Աստուած յաւիտենական եւ թագաւոր անմահ, որ ստեղծեր զմարդն ՚ի հողոյ, եւ եղեր զնա ՚ի դրախտին փափկութեան գործել զնա և պահել, և պատուիրանադրեցեր կալ ըստ հրամանի քում : Իսկ բանսարկու թշնամին պատրողական բանիւք խաբեալ զնա, խրատեաց լուծանել

զաստուածական հրամանսդ : Եւ նորա ուն-
կընդիր եղեալ չարին , արտաքսեցաւ 'ի լու-
սեղէն փառացն . և փոխանակ անմահու-
թեան՝ մահու եղեւ ժառանգաւոր , ըստ
արարչական հրամանիդ զոր ասացեր , հող
էիր և 'ի հող դարձցիս . և ոչ կարացին ա-
րարածք հնացուցանել զհրամայեալն 'ի քէն :
Եւ արդ՝ Տէր Աստուած մեր ողորմած եւ
մարդասէր՝ գթա 'ի ծառայս քո յայս , որ
ելից զերկրաւոր կեանս իւր , և դարձաւ
անդրէն 'ի հող ըստ հրամանի քում : Ըն-
կալ զհողի սորա , և խառնեա 'ի գունդս
հրեշտակաց քոց . և արժանի արա պարել
եւ ցնծալ ընդ սուրբս և ընդ սիրելիս ա-
նուան քո սրբոյ : Եւ ընդ նոսին գոհանա-
լով փառաւորել զՀայր և զՈրդի և զՍուրբ
Հոգիդ այժմ և միշտ և յաւի :

Խաղաղութիւն ամենցուն :

Օրհնեալ ես Տէր Աստուած մեր՝ յոյս ա-
մենայն արարածոց , որ նստիս յաթոռ քե-
րովբէականս , և բարեբանեալ երկրպագիս
յերկնաւորաց և յերկրաւորաց . որ և կո-
չեցեր զճառայս քո զայս 'ի հանդերձեալ
կեանսդ՝ զոր խոստացար ամենայն հաւա-

տացելոց քոց : ՊԹա 'ի ստեղուածս ձեռաց
քոց , եւ հանգո զհոգի սորա 'ի խորանսդ
լուսոյ , բարեխօսութեամբ մօր քոյ սրբոյ
կուսին Մարիամու :

Լուր Տէր պաղատանաց մերոց , որ հայ-
ցեմք 'ի քէն զթողութիւն սորա եւ մեր .
զի դու ես Աստուած արդարոց եւ մեղա-
ւորաց . փառք սրբոց , եւ հանգիստ աշ-
խատելոց : Ընկալ զհոգի սորա 'ի տեղուջ
լուսոյ եւ 'ի տեղուջ հանգստեան . 'ի թիւս
սրբոց՝ եւ 'ի համարս արդարոց : Եւ հանգո
զսա 'ի գոգն Աբրահամու ընդ այլ պայծա-
ռացեալ սրբոց քոց . եւ զմեզ արժանի արա
Տէր՝ հասանիլ մասին ժառանգութեան
սրբոցն 'ի լոյս : Զի ընդ նոսին միշտ գոհա-
նալով փառաւորեսցուք զքեզ ընդ Հօր եւ
Հօգւոյդ Սրբոյ , այժմ եւ միշտ եւ յաւի-
տեանս յաւիտենից , ամէն :

Փայլին արդարքն յարքայութեան ե' :
Քո՞ անպատճմ խոնարհութեամբդ որ" :
(Տե՛ երե՛ 300) :

Փառաց 'ի փառլս բարձրանան , աջա" :
Քահանայք եւ ժողովորդք հայցեմք 'ի" :
(Տե՛ երե՛ 301) :

Տըրտման հաղորդ շարչան՝ րանօրք ՚ի յանձն
 աներ ըղման՝ հ խաչին . եւ փայտին՝ ն
 բարձնող եղեֆէր վանն Ադամայ նախան՝ ս
 տեղծի՝ ն . ողորման՝ ծ Տէր ողորմեալ
 հոգւոցըն մեր նընջեցեւոց :

Հոգւոցն հանգուց : Վան հանգ : Քրիստոս Որդի Աս :
 Եւ եւս խաղաղութեան զՏէր աղաչեսցուք : Ընկալ կե :

Օրհնութիւն և փառք Հօր և Որդւոյ և Հոգ :

Օրհնեսցի & եւ կնքեալ պահեսցի գե-
 րեղման եւ ոսկերք ծառայիս Աստուծոյ ,
 նշանաւ սուրբ խաչիս , եւ բանիւ սուրբ
 Աւետարանիս , յանուն Հօր և Որդւոյ և
 Հոգւոյն Սրբոյ :


(Տե՛ս յերե՛ս 302) :

Հայր մեր որ յերկինս :



Կ Ա Ն Ո Ն

ՏՂԱՅԱԹԱՂ ԿԱՏԱՐԵԼՈՅ



Ալեւուիա ալեւուիա .

Առ քեզ Տէր համբար . Տիչ ՚ի Դատեան :

Օրհնեալ Հոգիդ Սուրբ Աստուած Ճշմարիտ :

Ողորմեա ինձ , Աստուած , ըստ մեծի ողորմութեան քում , ըստ բազում գթութեան քում քաւեա զանօրէնութիւնս իմ :

զՓոխ լման աստ :

Փառք Հօր և Որդւոյ և :



Կ Ա Ն Ո Ն Ա Գ Լ Ո Ի Խ

ԱՁ . Դատեան Տէր զայնօսիկ՝ ոյք դանտեն զիս . ալէ՛ լուիս . մարտիր ընդ այնօսիկ որք մարտընչի՛ն ընդիս ալէ՛ լուիս .

Առ զղէն և զասպար քո . և արի՛ յօգնել
ինձ . հան զսուր քո ընդդէմ հալածչաց
իմոց , արգել՛ զնոսա . և ասա՛ դու ցանձն
իմ , թէ փրկուեթիւն քո ես եմ :

Ամաչեսցեն և յամօթ լիցին՝ ոյք խնդրէին
զանձն իմ . դարձցին յետս և ամաչեսցեն ,
ոյք խորհէին ինձ չար :

Եղիցին նոքա որպէս փռչի առաջի հողմոյ
և հրեշտակ Տեառն նեղեսցէ զնոսա :

Եղիցին ճանապարհք նոցա ՚ի խաւար եւ
՚ի գայթակղութիւն , և հրեշտակ Աստուծոյ
հալածեսցէ զնոսա :

Ի նանիր թագուցին ինձ որոգայթ յապա-
կանութեան իւրեանց , եւ ՚ի նանիր նա-
խատեցին զանձն իմ :

Կոորդ . Տէ՛ր՝ յերկինս է ողորմութիւն քո՛ .
ճշմարտութիւն քո՛ մի՛նչե՛ւ յամսս . ալէ՛՛
լուիա ալէ՛՛ լուիա՛ :

Արդարութիւն քո որպէս լերինք Աստուած .
իրաւունք քո որպէս խորք բազումք . ըզ-
մարդիկ և զանասուն կեցուցանեսս դու Տէր :
Որպէս զի բազում արարեր զողորմութիւն
քո Աստուած . այլ որդիք մարդկան ՚ի հո-
վանի թեւոց քոց յուսասցին :

Արբեսցին նոքա 'ի պարարտութենէ տան
քո . և զուղխս փափկութեան քո տացես
ըմպել նոցա :

Ի քէն է Տէր աղբիւր կենաց . և լուսով
երեսաց քոց տեսանեմք զլոյս :

Ծագեա զողորմութիւնս քո՝ ոյք ճանաչեն
զքեզ, զարդարութիւնս քո՝ ոյք ուղիղ են
սրտիւք :

Մի՛ եկեսցեն 'ի վերայ մեր ոտք ամբարտա-
ւանից , եւ ձեռք մեղաւորաց մի՛ դողա-
ցուսցեն զմեզ :

Անդ անկցին ամենեքեան՝ ոյք գործեն զա-
նօրէնութիւն , մերժեսցին և այլ մի՛ կա-
րասցեն հաստատիլ :

Փառք Հօր և Որդւոյ և : Այժմ և միշտ և :

Օրհնեցէք մանկունք զՏէր եւ օրհնեցէք
զանուն Տեառն :

Երբայն, ԱԶ .

Հանգ . Ո՛ր ստեղծմամբ ըստ պատկերի քո՝
Տէր պատուեցեր ըզմեզ . ընկալ և այժմ
ըզննջեցեալսն 'ի քեզ ուղիղ հաւատով,
ըստ մեծի՛ քում ողորմութեան :

Որ շնորհօք սուրբ Հոգւոյն լուսաւորեց
ցեր, յիշատակի իւրեանց զհոգիս նոցա
ընկալ մարդասէր, ըստ մեծիւն.

Որք հաղորդեցան Մարմնոյ և Արեանքոյ
Տէր. հանգո զհոգիս նոցա ընդ սուրբս
քո Քրիստոս Աստուած. բանդի գիւնք
սուրբ արեանքո կէն.

Ձհողիս ծառայից քոյ՝ Քրիստոս, ընկալ
ի դասս անդրանկաց գրելոց ՚ի յիւրկիսս.
Ընկալ վասրն սոցա՝ ըզբանաւոր պատմ-
րագս ՚ի մէնջ. և շնորհեա՛ նոցա ըզթո՛-
ղութիւն գտանել յաւուրն յետնում:

Աղաչ. Ոչր. Հայր բազումողորմ խոստո-
վանիմ առ քեզ որպէս զանառակ որդիս.
Թող ինձ ըզմեղս, իմ, և ձղորմեա՛.

Տէր որ գրթացար ՚ի կինն Քանանացի,
գրթա՛ և յիս ՚ի մեղաւորս, և ձղոր:

Տէր որ դարձողցեր ըզմաքսաւորն ՚ի գի-
տումթիւն ճըշմարտութեան, դարձո՛ եւ
զիս զմօլորեալս, և ձղոր:

Աղաչ. Տէր. Տէր որ ՚ի վերայ քերովբէից
փառաբանիս, քաղցրութեամբ խոնար-
հեալ ընկալ զաղաչանքս մեր:

Տէր ո՛ր շնորհեցեր ողորմութիւն ազգի՝
մա՛րդկան, քաղցրու՛ :

Տէր ո՛ր ուսուցեր մեզ յամէ՛նայն ժամ
փառւ՛ս տալ անուանելո՞ք քում սը՛րբոյ՝ ,
քաղցրութեամբ խոնար՛ :

Ղալա . Կենդանութեանց բաշխող Քրիս-
տո՛ս ՚ի Բեթանիա՛ եկաւորեալ այսօր ,
բարեկամի՛ն Ղաղարու պարգեւէ զկե՛ն-
դանութիւն .

Տընօրինաբար արտասուելով ընդ Մար-
թայի՛ և ընդ Մարիամու ողբակցէր . եւ
որպէս մարդ հարցանէր ո՛ւր եդիք ըզ-
Ղաղարո՞ս .

Ե՛ւ որպէս զԱստուած բարբա՛ռով յա-
րուցանէ՛ ՚ի մեռելոց ըզչորեքօրեայն . եւ
զուզընթաց ձայնի՛ն մեռեալն եկն ար-
տաքս անանպական .

Յար . Ողբ . Անճառելի՛ Հօր էակից , ՚ի՛
խա՛չ ելե՛ր կամաւ Հօր . ողորմեա՛ :

Անմահութեանց տրւող Քրիստոս , ՚ի գե՛-
րեզման իջե՛ր որպէս մարդ . ողոր՛ :

Եւ յերրորդ անուր յարեա՛ր , յոյս յա-
րութեան՛ն ցուցար մեզ . ողոր՛ :

Հ-գ. Տէր. Ո՛ր 'ի քրովբէական կանուսրդ հանգչիս, այսօր իջեր յերկնից 'ի դասս Առաքելոցըն սուրբ Հոգի օրհնեալ ես թագաւոր անմահ:

Ո՛ր գընաս 'ի վերայ թե՛ւոց հողմոց, այսօր 'ի հրեղէն լեզուս բաժանեալ հանգեար յԱռաքեալսն սուրբ Հոգի. օրհն:

Որ խնամես տեսչութեամբ զքո զարսւրածս, այսօր եկիր 'ի հաստատել զԵկեղեցի քո սուրբ Հոգի. օրհն:

Մեծ. Որ ըղբանն Աստուած բաւական եղեր ընդունիլ յորովայնի միշտ կոյս. զքեզ մեծանցուցանեմք որ օրհնեալդ ես 'ի կանայս:

Որ էից լուսոյն արժանի եղեր բառնալոյ 'ի գիրկըս քո մարմնով. զքեզ մեծանարատ տաճար տընօրէնութեան կուչեցար Հոգւոյն Արբոյ միշտ կոյս զքեզ մեծանցուցանեմք որ օրհն:

Խաչ. Սուրբ Խաչն օգնական հաւատացեւոց, կանգնեցաւ 'ի յերկրի յաղթող թընամուտն. եկայք ժողովուրդք երկրւպագետացուք:

Արարիչն Աստուած, բարձրացաւ ՚ի խա-
չին, եւ զմեռեալըս մեղօք փայտին
ճաշակմամբն, ՚ի սմա նորոգեալ կեն-
դանացոյց :

Ի միւսանգամ գալըստեան Աստուած-
որդւոյն, Սուրբ Խաչն երեւի եւ լուսաւ
ւորէ. զի նա է յոյս հաւստացելոց :

Փառք Հօր և Որդւոյ և : Արժեք և միշտ և :

Հաշտեալ ՚ի ձեռնն սուրբ Մարմնոյ եւ
Արեան քո՛՛ Տէր, եւ պարգեւեալ նոցա
դասիլ յաջակողմեանն քո՛ :

Քարոզ :

Վասն ՚ի վերուստ խաղաղութեան եւ
փրկութեան անձանց մերոց, զՏէր աղա-
չեսցուք :

Տէր ողորմեա :

Վասն լսելի լինելոյ Տեառն Աստուծոյ ձայ-
նի աղաչանաց մերոց, զՏէր աղա :

Վասն քաւիչ և ներող լինելոյ Աստուծոյ
՚ի վերայ մեղաց մերոց, զՏէր աղա :

Վասն թողլոյ մեզ զամենայն յանցանս մեր
զկամայ և զակամայ, զՏէր աղա :

Վասն զի մի՛ ընդ խոտանան գտանիցիմք

յաւուրն պատասխանատուութեան, ըզ-
Տէր աղա :

Վասն հոգւոցն հանգուցելոց՝ որք ճշմա-
րիտ և ուղիղ հաւատով 'ի Քրիստոս ննջե-
ցին՝ զՏէր աղա :

Եւ եւս միաբան վասն ճշմարիտ և սուրբ :
Ջանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ :

Տէր ողորմեա՛ : Տէր ողորմեա՛ : Տէր ողորմեա՛ :

Աղօթք :

Սուրբ ես Տէր Աստուած մեր՝ հզօր և ա-
հաւոր . հայր պթութեանց՝ և Աստուած
ողորմութեանց . որ նստիս 'ի բարձունս ,
և բարեբանիս 'ի սրբոց քոց , եւ խնամես
քաղցրութեամբ զարարածս քո : Որ վասն
անբաւ սիրոյ քո գթացեալ 'ի ստեղծուածս
անարատ ձեռաց քոց , առաքեցեր յաշ-
խարհս ողորմութեամբ քով զծոցածին Որ
գիդ քո՝ առ 'ի փրկել զգրաւեալս մահու
ղորդիս մարդկան 'ի ձեռացն գժօխոց : Որ
եկեալ մարմնացաւ յանարատ և 'ի սուրբ
կուսէն Մարիամայ , և ծնաւ տղայապէս :
Խանձարրօր պատեցաւ , և յանբանից մը-
սուր եղաւ . 'ի կուսական ստեանցն կե-

բակրեցաւ, որ բանայ զձեռն իւր՝ և կերակրէ զարարածս։ Մանուկ մատաղ ըստ Եսայեայ՝ էարկ զձեռն իւր՝ ՚ի ծակ իժից, եւ ելոյժ զզօրութիւն աներեւոյթ օձին։ Արար զօրութիւնս բազումս և մեծամեծս՝ աստուածահրաշ ներգործութեամբն իւրով, և ծանոյց զանուն քո Հայր՝ ամենայն աշխարհի։ Նստաւ խոնարհութեամբ ՚ի վերայ յաւանակի, և բարեբանեցաւ ՚ի տղայոց, ըստ նախաձայն բանի երգողին Դաւթայ։ Եւ կատարեալ զաստուածագործ տնօրէնութիւնն իւր՝ յանձն էառ զմահ մարմնով, թաղեցաւ ՚ի յերկրի, և յարեալ ինքնիշխան զօրութեամբն իւրով, եւ ետոյս յարութեան հաւատացելոց իւրոց։ Եւ արդ՝ Տէր բարերար, ընկալ զհոգի տըղայիս այսօրիկ, որ հաւատացեալ յանուն միածնի քո, ծնաւ ՚ի սուրբ Աւագանէն վերստին ծննդեամբ, և այժմ՝ ՚ի տղայական հասակին կոչեցու առ քեզ։ Ընկալ զսաւ և դասեա ընդ սուրբս քո, և հանգո ՚ի խորանօդ երկնից. զի դու ես Աստուած մեր, և բաց ՚ի քէն զայլ ոք ոչ գիտեմք։ Եւ քեզ փառք և երկրպագութիւն ընդ Որդւոյ և Սուրբ Հոգւոյդ, այժմ և միշտ և յաւի։

Խաղաղութիւն ամենեցուն :

Օրհնեալ ես արդարադատ եւ ողորմած Աստուած, որոյ ճշմարտութիւնդ անպատում է, եւ ողորմութեանդ ոչ գոյ թիւ : Որ վասն մարդասիրութեան քո լուծեր 'ի հող զնչաւոր մարմինս զպատրեալս 'ի բանսարկուէն՝ ասելով, հող էիր եւ 'ի հող դարձցիս. ըստ որում խոնարհեցաք 'ի ծերոց մինչեւ ցտղայս, եւ յերկիր մածան մէջք մեր : Իսկ վասն բազում ողորմութեան քո խոնարհեցար մարդասէր Տէր՝ նորոգել 'ի մեզ զմարմին հոգեւոր : Առաքեցար դու ինքն միածինդ Հօր. եւ տղայացեալ 'ի Արբոյ Կուսէն՝ տպաւորեցեր յանձին քում զմահ մարմնով կամաւորապէս. զի տացես, մեզ զքո անմահութիւնդ : Իջեր 'ի գերեզման, համարելով ընդ մեռեալս. և յարուցեալ համբարձար յերկինս. և զսիրելեաց քոց զմարմին խոնարհութեան՝ տնկակից եւ կերպարանակից առնել խոստացար մարմնոյ փառաց քոց յերեւիլ քո Տէր՝ 'ի փող յեաին, յորժամ գաս տալ վարձս սիրելեաց քոց : Արդ՝ ազաչեմք զքեզ մանկացեալդ Աստուած Յիսուս Քրիստոս. արա արժանի

զտղայս զայս՝ փառաւորութեան ընդ ար-
դարս քո յաւուր յայնմիկ, հանդիպիլ
քեզ զուարթ երեսօք, եւ փառաւորել
ցնծութեամբ եւ գոհութեամբ զքեզ
ընդ Հօր՝ և Սուրբ Հոգւոյդ, այժմ և միշտ
և յաւիտեանս յաւիտենից, ամէն :

Աւելուիա աւելուիա :

Ի բերանոց մանկանց տղայոց և ստնդեայց
հաստատեցեր զօրհնութիւն :

Ընթերցուածս յԵսայեայ մարգարէէ :

Ահաւասիկ Տէր Աստուած մեր, յոր յու-
սացեալ էաք՝ եւ ապրեցուցէ զմեզ, զի
սա է Տէր որում սպասէաք սմա :

Յնծասցուք եւ ուրախ լիցուք ՚ի փրկու-
թեան մերում, եւ տացէ մեզ Տէր Աս-
տուած մեր հանգիստ ՚ի լերինն սրբու-
թեան իւրոյ :

Եւ մտցէ ՚ի նա ժողովուրդ որ պահէ զու-
ղորմութիւն, որ վերակացու է ճշմարտու-
թեան, և պահէ զխաղաղութիւն :

Եւ արդ՝ մխիթարեցից զքեզ յամենայն
տրտմութեանց քոց ասէ Տէր :

ի վարդապետութենէ սրբոյն Գրիգորի լուսաւորչին
մերմէ ասացեալ :

Եթէ մեք որ կենդանիքս եմք մնացեալք
ի գալստեանն Տեառն՝ հանգուցելովքն
հանդերձ յափշտակիցուք ամպովք ընդ ա-
ռաջ Տեառն յօդս . եւ այնպէս յամենայն
ժամ ընդ Տեառն լինիցիմք :

Խառնեալք ՚ի դունդս . հրեշտակաց . եւ
Թռուցեալք ՚ի Թռիչս երազութեան ՚ի
լուսափետուր սպիտակակերպ երամս ա-
ղաւնեաց . որք առին եւ կերպարանեցին
յանձինս իւրեանց զկերպարանս Որդւոյն
Ստուծոյ . որ երեւեցաւ նոցա , եւ պա-
տուիրեաց սուրբս լինել . զի բուսուցէ
արդարոցն Թեւս հոգեւորս խառնիլ ՚ի
դունդն աստուածական :

Արդ՝ զարմացեալք հարցանիցեն զօրքն վե-
րինք լուսեղէնք , յորժամ տեսանիցեն
զներքնագունդս սրբոց մարմնականաց՝ զի
առ Տէր ՚իներբուստ Թռուցեալ գնացեն ,
Թէ ո՞վ են սոքա որ իբրեւ զամպս Թռու-
ցեալ են , և իբրեւ զաղաւնիս ձագախառն
երամովին գան առ Տէր :

Ապա լուիցեն ՚ի Տեառնէ զպատասխանիս .
Եթէ սոքա են որ յիս յուսուցեալ են . տա-

րայց զնոսա 'ի լեառն սրբութեան իմոյ ,
 և ուրախ արարից զնոսա 'ի տաճարի իմում :

Պօղոսի առաքելոյն յԵրբայեցւոց Թղթոյն է
 ընթերցուածս :

Այլ մատուցեալ էք 'ի Սիոմն լեառն եւ
 'ի քաղաք Աստուծոյ կենդանւոյ՝ յԵրու-
 սաղէմ՝ յերկինս , և 'ի բիւրաւոր բանակս
 հրեշտակաց , եւ յեկեղեցիս անդրանկաց
 գրեւոց յերկինս , և առ դատաւորն ամե-
 նեցուն Աստուած , եւ յոգիս արդարոց
 կատարելոց . եւ 'ի նորոց կտակարանաց
 միջնորդն Յիսուս , եւ 'ի հեղումն արեան
 նորա՝ որ առաւել խօսի քան զՀաբէլին :
 Զգոյշ լերուք գուցէ հրաժարիցէք յայն-
 մանէ՝ որ խօսեցաւն . զի եթէ նոքա ոչ
 կարացին զերծանել հրաժարեալք յայն-
 մանէ՝ որ յերկրին հրաման տայր . որչափ
 եւս առաւել մեք , եթէ յերկնաւորէն
 Թիկունս դարձուցանիցեմք :

Որոյ ձայնն զերկիր շարժեաց յայնժամ . և
 այժմ խոստացեալ է՝ և ասէ . միւսանգամ
 շարժեցից ոչ միայն զերկիր՝ այլ և զերկինս :
 Այլ միւսանգամն յայտ առնէ զշարժելոցն
 իբրեւ զեղելոց փոփոխումն , զի հաստա-
 տուն կացցեն անշարժքն :

Աւելուիա այելուիա .

Պատ արա ինձ Տէր՝ զի ես յամբժուածեան
իմում գնացի , 'ի Տէր յուսացայ՝ զի մի
եղէց հիւանդ :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արոյ Ա. ետարանիս Յիսուսի Քրիստոսի՝ որ ըստ
Մարկոսի :

Փառք քեզ Տէր Աստուած մեր :

Պատիւս մէ : Ասէ Աստուած :

Տէրն մեր Յիսուս Քրիստոս :

Եւ մատուցանէին առ նա մանկտի՝ զի ձեռն
դիցէ նոցա . իսկ աշակերտքն՝ սաստէին
այնոցիկ որ մատուցանէինն :

Իբրեւ ետես Յիսուս , բարկացեալ սաս-
տեաց նոցա եւ ասէ . Թոյլ տուք ման-
կըտուոյդ գալ առ իս , եւ մի արգելուք
զդոսա . զի այդպիսեացդ է արքայութիւնն
Աստուծոյ :

Ամէն ասեմ ձեզ . որ ոչ ընկալցի զար-
քայութիւն Աստուծոյ իբրեւ զմանուկ ,
ոչ մտցէ 'ի նա :

Եւ առեալ զնոսա 'ի գիրկս , ձեռն եզ
'ի վերայ՝ և օրհնեաց զնոսա :

Քարոզ :

Վասն ուղղելոյ զգնացս մեր 'ի Ճանապարհս
խաղաղութեան՝ զՏէր աղաչեսցուք :

Տէր ողորմեա :

Վասն ցրելոյ 'ի մէնջ զամենայն խորհուրդս
չարին՝ զՏէր աղա :

Վասն պարգեւելոյ մեզ առողջ խորհուրդս
և առաքինի վարս՝ զՏէր աղա :

Վասն պահելոյ զմեզ ընդ հովանեաւ ամե-
նազօր աջոյն իւրոյ՝ զՏէր աղա :

Վասն խորտակելոյ զհակառակորդն վաղ-
վաղակի ընդ ոտիւք մերովք՝ զՏէր աղա :

Վասն հոգւոցն հանգուցելոց , որք ճշմարիտ
և ուղիղ հաւատով 'ի Քրիստոս ննջեցին ,
զՏէր աղա :

Եւ եւս միաբան վասն ճշմարիտ և սուրբ :
Ջանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ :

Տէր ողորմեա՛ : Տէր ողորմեա՛ : Տէր ողորմեա՛ :

Աղօթք :

Փառք քեզ թագաւոր յաւիտենից Աստուած՝
և արարիչ բոլորից գոյութեանց ,
Հայր Տեառն մերոյ Յիսուսի Քրիստոսի-
քեզ խոնարհեցուցանեմք զծունրս սրտից

մերոց ամենայն հաւատացեալքս 'ի քեզ,
 և աղաչեմք զամենասուրբ տէրու թիւն քո:
 Հանգո զհոգի տղայիս այսորիկ 'ի ժառան-
 գութիւն երկնից բարութեանդ, և դասեա
 'ի թիւ այնոցիկ՝ որք կարգեցան յաջակող-
 մեան միածնի քո, յորժամ գայ յերկնից
 'ի սպարաստ բնակութենէ իւրմէ: Յայնմ
 աւուր ահեղին գթա Տէր՝ 'ի գինս արեան
 միածնի քո Տեառն մերոյ Յիսուսի Քրիս-
 տոսի, որ նորոգեաց զտիեզերս կամաւոր
 խոնարհութեամբն իւրով: Ընդ որում
 գոհութիւն եւ փառս վերառաքեսցուք
 քեզ Հօր ամենակալի՝ եւ Հոգւոյդ Սրբոյ,
 այժմ և միշտ և յաւիտեանս յաւիտենից,
 ամէն:

Խաղաղութիւն ամենեցուն:

Օրհնեալ ես Որդի Աստուծոյ՝ և բան Հօր,
 որ վասն մեր տղայացար 'ի սուրբ կուսէն
 Մարիամայ, եւ սրբեցեր զտղայացեալսն
 հաւատով 'ի ձեռն վերստին ծննդեան
 սուրբ Աւաղանին: Զի որք մկրտեալ լու-
 սաւորին, առնուն զորդէգրութեան պա-
 տիւն 'ի ձեռն մկրտութեան շնորհին, զոր
 պարգեւեցեր հաւատացելոց քոց, ասե-

լով սրբոց Առաքելոցն . մկրտեցէք զնոսա
 յանուն Հօր և Որդւոյ և Հոգւոյն Սրբոյ .
 Արդ՝ ընկալ զլուսաւորեալս սուրբ Աւա-
 զանաւն , և զհաղորդեալս սուրբ Մարմնոյ
 և Արեան քո . և խառնեա 'ի սուրբ եւ 'ի
 կատարեալ մանկունսն , որք ոստովք եւ
 տերեւեալ ձիթենեօք օրհնէին զսուրբ
 գալուստ քո յԵրուսաղէմ : Եւ զմեզ զա-
 մենեսեան արժանի արա փառաւորել
 զքեզ ընդ Հօր եւ ընդ Սուրբ Հոգւոյդ ,
 այժմ և միշտ և յաւիտեանս յաւի :

Ե- սպա սի Եարախն .

ԴԿ . Զէակիցըդ Հօր զՈրդի փառաւո-
 րեմք անլըռելի . որ իջեր յարգանդ կու-
 սին զԱդամայինն առեր մարմին , աղաչա-
 նք Աստուածամօնին անապական քում
 ծընողին , սղորմեա քո ստեղծուածոյս՝
 'ի քեզ յուսով նընջեցելոյս :

Էրեւեցար մարմնով յԵրկրի որ 'ի Հօրէմ
 անմեկնելի . ընդ հողեղէնըս բնակեցար
 'ի հրեղինաց երկրբպագեալդ . պաղատա-
 նօք երկնաւորաց փառաբանիչ քոց հրեւ-
 տակաց , սղոր :

Թաղանձր փառաց քրիստոսէն որ
 ժամանեալ զան յՄ յերկնից ՚ի վերայ
 թեւոց հողմոսէնց քմ հայրենի կեր-
 պիս րանօք . եւ աննե՛ս հրափո՛րձու-
 թեալէ՛մք ըզքըննմլթիւնն որդւոց մարդ-
 կանն . ողոր :

Հողոցն հանգուց : Վասն հանգ : Քրիստոս Արդի Աս :
 Հայր մեր որ յերկնս :

Տանին յԵԿԵՂԵՑԻՆ Լ ասէն .

Շարախան , ԳԿ .

Հանգ . Բանդ Աստըլած որ ՚ի ծոց Հօր ,
 վասն մերոյ փրկուածեանն ՚ի յերկնից
 խոնարհեցար , զի՛ զմեզ նորոգեցես ՚ի
 կեանս . Աստըլած հարցըն մերոց :

Որ հանդերձեալ ես գալ փառօք Հօր
 զարթուցանել զննջեցեալսն ՚ի սուրբ
 անուներդ ք . նորոգեա՛ եւ ըզմեր ննջե-
 ցեալսն Աստըլած հար :

Անմահութեանց տուող Քրիստոս եւ
 պարգեւիչ կենդանութեան , ՚ի միւսան-
 գամ գալստեանն և յաշխարհականն ա-

տենին թողութիւն շնորհեա մեր նըն-
ջեցելոցն . Աստուած հար :

Որ նըստի՛ ընդ աջմէ՛ Հօր ծնողի իւրոյ .
և մարդասիրապէ՛ս խընամէ՛ զարարածըս .
բարձր արա :

Որ զհողացեալ բնութիւն մարդկան նու-
րո՛գէ՛ իւր անտուածութեամբն , եւ կե-
նագործէ ՚ի կեանս անմահ . բարձր :

Յանըսկըզբնական ծոցոյ Հօր խոնարհեալ
բանըդ մարմնացար ՚ի կո՛ւսէ՛ն վասըն
փրկո՛ւթեան մերոյ՛ , անղաչեմք ըզքեզ .
զնընջեցեալսըն մեր ՚ի քե՛զ «ւղի՛ղ հա-
ւատով յիշեա՛մ Տէ՛հ՛ր յորժամ գանս թա՛մ
գաւորո՛ւթեամբըդ քո :

Անոխական քաղցրո՛ւթեամբ Որդի՛ Աստու-
ծոյ , հաճեցար բա՛ռնալ ըզմեզս աշխարհի՛
քո խանչելութեամբն . անղա :

Կամաւորական մահուամբ քո ընձե՛ր .
զերկո՛ւնըս մահու , եւ արժանի արարեր
թողութեան յանցանաց քաւի՛չ քո ա-
րեամբ . անղա :

Որ փոխանակ մեղաւորաց ըզմե՛ռանի՛լ
յանձն առեր . իջանելով ՚ի դրժօխըս փրկ-

կեցեր 'ի մեղսամէր բանտէն ըզգերեան-
սրն . աղա :

Բարեբանեմք զանչամի քո զմարդասիրու-
թիւնդ , որ երեքօրեայ յարուցեալ զկեն-
դանութիւն պարգեւեցեր աշխարհի . ա :

Տէր . Լիցս 'ի լուսոյ զմեզ լուսաւորեա ,
որ փառօք Հօր հանդերձեալ ես գալ 'ի
դատել զերկիր . արժանաւորեամք և ըզմեր
ըզնընջեցեալսն անճառ խոստմանց քոց
ընդ սուրբըս քո :

Հօր և Հոգւոյ համագոյակից , 'ի տիեզե-
րական ահեղ ատենին արժա :

Երկնի և երկրի արդար դատաւոր , յոր-
ժամ հատուցանես ըստ գործոց իւրա-
բանչիւրոց , արժա :

Մեծ . Լեառքն վիմածին , աղբիւր յոր-
դառատ , բարունակ ծանղկեան , այգի
վայելուչ , սրուբէ հողեղէն . բաբունոյ
բանին տուն տնօրէնութեան , տաղա-
ւար Հոգւոյն . առ ծրնեալն 'ի քէն միշտ
բարեխօսեալ անդամդար հայցմամբ շնոր-

հել զթողութիւն մեր նընջեցելոցն .
Փափկութեան գրոխախն բոցոյդ բանա-

լի . Գրի՛ստոսի բարձո՛ղ նրմանող երկնից ,
սափո՛ր ոսկեղէ՛ն լի մանանայի՛ւ , գաւա՛մ-
զան ծաղկեա՛լ յարմատոյն Յեսսեա՛յ , տա-
ճա՛ր լուսոյ մայր . ա՛ռ ծըն :

Յօղ . քաղցրածաւա՛լ , ցանկալի զուարթ-
նոցն , նիւթեղէ՛ն սրո՛վքէ՛ . գեղ մա՛րգար-
տափայլ , հիմն Ե՛կեղեցւոյ . մա՛քուր ա-
ղա՛ւնի՛ , ամպ հո՛վանաւո՛ր սուրբ կոյս Մա-
րիամ . ա՛ռ ծըն :

Խաչ . Ո՛վ պահապան մ՛ր ծա՛ղեցար յԵդե-
մայ , նըշան յաղթութեա՛մ՝ն ընդդէմ անե՛-
րեւոյթ թը՛շնամւոյն :

Դու փակելո՛յ դրախտի՛ն բացող և ա՛ռաջ-
նորդ ա՛ւազակին . որ զբոցեղէ՛ն սուրըն
կա՛պտեա՛մ՝ց ա՛նեղին հրամանա՛ւ :

Փառք Հօր և Որդւոյ և : Աշո՛ժ և միշտ և :

Քեւ ցընձա՛ն ըստորայինքս ամենայն ՚ի մի՛ւ-
սանգամքօ գա՛լըստեանն . և յաւէ՛ժ զուար-
ճանա՛մ՝ն դասք ա՛նմարմնոցն ա՛ռ է՛լիցս :

Ալէլուիա - լէլուիա .

Երանելիք են որք բնակեալ են ՚ի տան
Տեառն յաւիտեանս յաւիտենից օրհնես-
ցեն զբեղ :

Ընթերցուածս յԱռակաց :

Արդարքն յաւիտեան կեցցեն , եւ ՚ի Տեառնէ են վարձք նոցա , եւ խնամք նոցա ՚ի բարձրելոյն :

Վասն այնորիկ ընկալցին զարքայութեանն վայելչութիւն , և զթագն գեղեցկութեան ՚ի ձեռանէ Տեառն . զի աջով իւրով հովանի լիցի նոցա , և բազկաւ իւրով վերակացու լիցի նոցա :

Ընթերցուածս յԵսայեայ մարգարէէ :

Այսպէս ասէ Տէր . ահաւասիկ ես դարձուցանեմ ՚ի դոսա իբրեւ զգէտ զխաղաղութիւն , և իբրեւ զհեղեղատ յորդեալ զփառս հեթանոսաց . զմանկսունս դոցա ՚ի վերայ ուսոց իւրեանց բարձեալ բերիցեն , եւ ՚ի վերայ ծնգաց իւրեանց գգուիցեն :

Որպէս մայր զմանուկ իւր գգուիցէ , այնպէս գգուեցից զձեզ :

Եւ յերուսաղէմ մխիթարեսջիք , և տեսջիք և խնդասցեն սիրտք ձեր , եւ ոսկերք ձեր իբրեւ զդալարի զուարճասցին . եւ ծանիցի ձեռն Տեառն երկիւզածաց իւրոց , և սպառնացի անհաւատիցն :

Պողոսի առաքելոյն ՚ի կորնթացւոց առաջին
թղթոյն է ընթերցուածս :

Մինչ տղայն էի՝ իբրեւ զտղայ խօսէի ,
իբրեւ զտղայ խորհէի , իբրեւ զտղայ հա-
մարէի . այլ յորժամ եղէ սյր՝ զտղայու-
թեանն ՚ի բաց խափանեցի :

Այժմ տեսանեմք իբրեւ ընդ հայելի օ-
րինակաւ , այլ յայնժամ դէմ յանդիման .
այժմ խելամուտ եմ փոքր ՚ի շատէ , այլ
յայնժամ գիտացից՝ որպէս եւ նայն ծա-
նեալ զիս :

Բայց արդ՝ մնան հաւատք՝ յոյս՝ սէր , սու-
քա երեքեան . և մեծ քան զսոսա սէր է :
Զհետ երթայք սիրոյ , եւ նախանձաւոր
լերուք հոգեւորացն , առաւել զի և դուք
մարգարէանայցէք :

Ալեւուիա պէլուիա .

Կարդացին արդարքն առ Տէր , և Տէր լը-
ւաւ նոցա . յամենայն նեղութենէ նոցա
փրկեաց զնոսա :

Ալեւուիա Օրթի :

Պողոսութիւն ամենեցուն :

Եւ ընդ հոգւոյդ քում : Երկիւզածութեամբ լուարուք :

Արքայ Աւետարանիս Յիսուսի Քրիստոսի՝ որ ըստ
Մատթէոսի ւ

Փառք քեզ Տէր Աստուած մեր :

Պատիւով և Աստուած :

Տէրն մեր Յիսուս Քրիստոս :

Յայնմ ժամանակի պատասխանի ետ Յիսուս՝ եւ ասէ . Գոհանամ զքէն Հայր՝ Տէր երկնի և երկրի . զի ծածկեցեր զայս յիմաստնոց և ՚ի գիտնոց , և յայտնեցեր տղայոց . այն Հայր . զի այսպէս հաճոյ եղեւ առաջի քո :

Ամենայն ինչ տուաւ ինձ ՚ի Հօրէ իմմէ . եւ ոչ ոք ճանաչէ զՈրդի եթէ ոչ Հայր . և ոչ զՀայր ոք ճանաչէ՝ եթէ ոչ Որդի , և ում Որդին կամի յայտնել :

Եկայք առ իս ամենայն վաստակեալք եւ բեռնաւորք , և ես հանգուցից զձեզ . առ էք զլուծ իմ ՚ի ձեզ , և ուսարուք յինէն զի հեզ եմ եւ խոնարհ սրտիւ . եւ գտջիք հանգիստ անձանց ձերոց . զի լուծ իմ քաղցր է . և բեռն իմ փոքրոգի :

Քարոզ :

Վասն հրաժարելոյ անձանց ննջեցելոց՝
զՏէր աղաչեսցուք :
Տէր ողորմեա :

Վասն քաւութեան մեղաց և թողութեան
յանցանաց սորա և մեր՝ զՏէր աղա :

Վասն առաջնորդելոյ սմա յանըստուեր
օթեւանս , զոր պատրաստեաց Որդին մի-
ածին 'ի տան Հօր իւրոյ՝ զՏէր աղա :

Վասն լսելոյ սմա զձայն կենարար փողոյն ,
և վերանալ ընդ առաջ Փրկչին՝ զՏէր աղա :

Վասն արժանի լինելոյ սմա դասիլ յաջա-
կողմեան դասուն՝ զՏէր աղա :

Վասն հոգւոցն հանգուցելոց , որք ճըշ-
մարիտ եւ ուղիղ հաւատով 'ի Քրիստոս
ննջեցին , զՏէր աղա :

Եւ եւս միաբան վասն ճշմարիտ և սուրբ :
Զանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ :

Տէր ողորմեա՛ , Տէր ողորմեա՛ , Տէր ողորմեա՛ :

Աղթբ :

Տէր Աստուած Յիսուս Քրիստոս՝ Թագա-
ւոր յաւիտենից՝ յոյս մեր եւ ապաւէն
Որդի Աստուծոյ ճշմարիտ . ճառագայթ
անշիջանելի . լոյս 'ի լուսոյ . եւ կեանք 'ի
կենաց . Հօր սահման և բան . բժիշկ հոգ-
ւոց եւ պատիչ վերաց մերոց , որ բժշկես
զբեկեալ սիրտս , եւ պատես զամենայն

վերս նոցա : Որ ոչ խոտան համարեցար զմանկունս առնուլ ՚ի գիրկս քո՝ և օրհնել զնոսա . այլ սաստեցեր եւս աշակերտացն քոց , թէ մի արգելուք զդոսա . և հաստատեցեր անսուտ հրամանաւդ , թէ այդ սխեացդ է արքայութիւնն երկնից : Արդ ՚ի ձեռն բանիդ այդորիկ՝ ընկալ զտղայս զայս յարքայութեան քում , գրելով ՚ի գիրս ազատութեան որդեգրեցելոցն Հօր քո բարերարի : Ընդ որում քեզ՝ և Հոգւոյդ Սրբոյ վայելէ փառք՝ իշխանութիւն և պատիւ , այժմ՝ և միշտ և յաւիտեանս յաւիտենից , ամէն :

Խաղաղութիւն ամենցուն :

Քեզ երկիրպագանեմք , եւ զքեզ աղաչեմք , և ՚ի քէն խնդրեմք Տէր մեր Յիսուս Քրիստոս . որ իշխանդ ես և Տէր՝ սպանանել և կեցուցանել , հարկանել և բժշկել : Քո անմոռաց գթութեամբդ՝ եւ անբաւմարդասիրութեամբդ գթա ՚ի վերայ ամենայն հաւատացեալ ննջեցելոց , և մանաւանդ ՚ի վերայ տղայիս այսորիկ՝ որ այժմս հանդուցեալ է : Ընկալ զսա ՚ի լուսեղէն խորանսդ ՚ի յարկան արդարոց ընդ

երջանիկ տղայոցն այնոցիկ , որ վասն քո
 փոխանակեցան 'ի Բեթղեհէմէ : Եւ մեզ
 հաւատացելոցս 'ի քեզ՝ ուղարկաւորացս
 սորա՝ շնորհեա հոգի զգաստութեան կան
 խել միշտ 'ի սէր և յերկիւղ քո , և թո-
 ղութիւն գտանել 'ի քէն : Եւ գոհանա-
 լով փառաւորել զքեզ ընդ Հօր՝ և Սուրբ
 Հոգւոյդ , այժմ և միշտ և յաւիտեանս
 յաւիտենից , ամէն :

Ե- սպա սսի Եսրայիւն .

ԴՁ . Կեանք 'ի կենաց լոյս 'ի լուսոյ որ
 ըստեղծեր զմեզ 'ի հողոյ . նորոգեցեր
 դարձեալ կրօնին ծննդեամբ սրբոյ Աւա-
 զանին , զոր կեցուցեր շնորհիւ քոյին 'ի
 մահուանէն այն առաջին . 'ի յօթեվանս
 Հօր քո՝ լուսոյ ըզնընջեցեալքս մեր հանգո՛ւ-
 Հոգւով լըցեր զմարդն առաջին , զոր կո-
 րուսեալ խաբամբ չարին . ըզնոյն հոգի
 բանիւ քոյին հեղեր յոգիս մեր վերըս-
 տին . նովին Հոգւով Սուրբ եւ բարի
 առաջնորդեալ հոգւոյ սորին . 'ի յօթե :

Ի դնել բեմի՛ն բազմի՛վ փեսաա՛հոյն , եւ

առանգանստըն զարդարի . Գաբրիէլեանն
 փողըն զոչէհն . սո՛ւրբք ամենայն անդ
 հանձնաքին . արդարո՛ց դասքըն բերկ-
 րիհն . իսկ մեղսասէրքըն Թանխան-
 ձին . ողոր :

Հողւոցն հանգուցելոց ֆրիս : Այսան հանգուցեալ :
 Քրիստոս Որդի Աստուծոյ անտխակալ և :
 Հայր մեր որ յերկինս :

Տանին ՚ի գերեզման , ասելով . Բաղմերամք =
 Ես ասացի : Մինչ Ռեյէնան ՚ի գերեզման ,
 հանգիստ առնէն և կարդան շԱ-եգարան .
 Յայնմ ժամանակի . (Տես յերես 353) :

Ե- երկուով ՚ի գերեզման ասէն , Շարախան .

ԲԶ . Ո՛ր կոչեցեր առ քեզ Տէր զտիեզերս
 ամենայն . ընկալ զմեր ըզննջեցեալսն ՚ի
 գոգ նահապետին Արրահամու , ողոր-
 մանձ Տէր փրկիլն և բարերար :
 Ո՛ր ԹողնԹեանց ես տըւող Աստըւանձ ,
 Թող ըզմեղըս մեր ննջեցելոցն . կարող
 յամենայնի և հըղոր . ողոր :

Ո՛ր լուսատու ես տին՛զերաց Քրիստո՛ս
Աստը՛ւած . լուսաւորեա՛ն և զմեր ը՛զննջե-
ցեալսն լո՛ւսով երա՛նաւէ՛տ զըւարթնոցն .

ո՞ղոր :

Մե՛ծ . Սո՛ւրբ և անտու՛ած անձի՛ն Մարիա՛մ,
ցանկալի՛ կուսի՛ց եւ պարծա՛նք ազգի
մարդկան , մայր եւ անձա՛խին մեծանցու-
ցանե՛մք .

Անկէ՛զ մորե՛նի եւ տաճա՛ր ընդհանո՛ւր
լո՛ւսոյն , անարատ եւ անխա՛խտելի՛ կու-
սութիւն . մայր և անձա՛ն :

Խո՛րհուրդ կենա՛ց եւ մայր կենդա՛նու-
թեա՛ն , եւ առաջա՛ստ հրափայլ ծագ-
մամբ . մայր և անձա՛ն :

Խաչ . Գլո՛ւխ սո՛ւրբ հաւատոյ եւ փայտ
կենա՛ց մարդկան յայտնեալ , զո՛ր տեսեալ
այսոյն պը՛ղծոյ կործանեցաւ անկանգնելի .
անձա՛ցեմք սովաւ Փը՛րկի՛նչ պահպանեա՛ զան
ձինըս մեր .

Դողացա՛ւ թըշնամի՛ն ընդ յայտնի՛լ Սըր-
բոյ Խաչին , եւ ՚ի յահէ՛ փառաց նո՛րա
կործանեցաւ յանդու՛նդս երկրի . անձա՛ն :

Փառք Հօր և Որդւոյ և : Արժամ և միշտ և :

Ե՛րկինըք ցընծայի՛ն և երկիրս ուրախա-
նայր, քանզի փրկի՛չ ցուցաւ Սմէրբ Խաչն
և լմսատու տի՛եղերաց. ա՛ղա :

Ե- Կասեալ ՚ի գերեզման ասեն
որպէս ՚ի Տեճի Լաղմանն :

Դարձ անձն իմ ՚ի հանգի՛ստ քո՛ զի Տէր
կոչեաց զքե՛զ :

Սիրեցի՛ զի լուիցէ Տէր զձայն աղօթից
իմոց. զի խոնարհեցոյց զունկն իւր առ իս,
և ես յաւուրս իմ կարգացի՛ առ նա :

Շրջեցա՛ն զինեւ երկունք մահու. և վիշտք
դժոխոց գըտին զիս :

Ջնեղութիւն և զանձկութիւն գտի, և զա-
նուն Տեառն կարգացի :

Ո՛ր Տէր փրկեա զանձն իմ. ողորմած Աստ-
ուած մեր, ողորմի՛ և պահէ զտըղայս Տէր :

Ե՛ս խոնարհ եղէ՛ և Տէր կեցոյց զիս :

Դարձ անձն իմ ՚ի հանգիստ քո՛, զի Տէր
կոչեաց զքե՛զ :

Աւելուիա աւելուիա.

Օրհնեցէք մանկունք զՏէր եւ օրհնեցէք
զանուն Տեառն :

Եղիցի անուն Տեառն օրհնեալ, յայսրմ-
հետէ մինչեւ յաւիտեան:

Ընթերցուածս յԵսայեայ մարգարէէ:

Այսպէս ասէ Տէր. ոչ եւս եղիցի քեզ
արեգակն 'ի լոյս տուրնջեան, և ոչ ծա-
գումն լուսնի տացէ քեզ լոյս 'ի գիշերի.
այլ եղիցի քեզ Տէր լոյս յաւիտենական,
և փառք քո Աստուած:

Ոչ մտցէ քեզ արեգակն, և լուսին 'ի քէն
ոչ պակասեսցի. զի եղիցի քեզ Տէր լոյս
յաւիտենական. եւ եղիցի հանգիստ քո
պատուով:

Ի վարդապետութենէ սրբոյն Գրիգորի լուսաւորչին
մերմէ ասացեալ:

Ամենքին որ տեսանիցեն զարդարսն ճա-
նաչիցեն զնոսա և ասասցեն, սոքա են զա-
ւակ օրհնեալ Աստուծոյ. և ուրախու-
թեամբ ուրախ եղիցին 'ի Տէր:

Եւ Տէր ամենակալ ասէ ցնոսա, եղիջիք
ինձ յուստերս և 'ի դստերս:

Գութք արարչական խնամոցն յուզեսցին
'ի նոսա, ըստ մարգարէին որ ասէ. որպէս
գլթայ հայր 'ի վերայ որդւոց իւրոց, այն-
պէս գլթասցի Տէր յերկիւղածս իւր:

Զի այժմ յուսով հայելով՝ զայս ամենայն
իրբեւ ընդ հայելի տեսանեմք, բայց յայն-
ժամ դէմ յանդիման տեսանեմք, և ՚ի նոյն
պատկեր նորոգիմք փառօք ՚ի փառս :

Պողոսի առաքելոյն յԵրբայեցւոց թղթոյն է
ընթերցուածս :

Արդ որովհետեւ մանկունք հաղորդեսցին
արեան և մարմնոց, և ինքն իսկ մերձաւո-
րութեամբ կցսրդ եղեւ նոցունց . զի մա-
հուն իւրով խափանեսցէ զայն որ զիշխա-
նութիւն մահուն ունէր, այսինքն զսատա-
նայ . և ապրեցուսցէ զայնոսիկ որ մահուն
երկիւղիւ հանապաղ կէին վտարանդեալք
՚ի ծառայութիւն :

Քանզի ոչ երբէք զհրեշտակաց բուռն հար-
կանէ, այլ զզաւակէն Աբրահամու բուռն
հարկանէ :

Ուստի պարտ իսկ էր նմա ամենայնիւ
եղբարց նմանել, զի ողորմած լինիցի, եւ
հաւատարիմ քահանայապետ յուստուա-
ծակոյս կողմանէ անտի առ ՚ի քաւելոյ ըզ-
մեղս ժողովրդեանն :

Զի որով ինքն չարչարեցաւ զփորձ ա-
ռեալ, կարող է եւ փորձանաւորացն օգ-
նական լինել :

Աւելուիա աւելուիա .

Արդարքն որպէս զարմաւենիս ծաղկես-
ցին . որպէս զմայրսն Լիբանանու բա-
զումք եղիցին :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւզածութեամբ լուարուք :

Արոյ Աւետարանիս Յիսուսի Քրիստոսի՝ որ ըստ
Մատթէոսի :

Փառք քեզ Տէր Աստուած մեր :

Պատիւով : Ասէ Աստուած :

Ի ժամանակի Մենգեան Տեառն մերոյ Յիսուսի Քրիստոսի :

Յայնժամ իբրեւ ետես Հերովդէս թէ
խաբեցաւ ՚ի մոգուց անտի, բարկացաւ
յոյժ . եւ առաքեաց կոտորեաց զամենայն
մանկունս որ էին ՚ի Բեթղէհէմ և յամե-
նայն սահմանս նորա յերկեմենից և ՚ի խո-
նարհ, ըստ ժամանակին զոր ստուգեաց
՚ի մոգուցն :

Յայնժամ կատարեցաւ ասացեալն ՚ի ձեռն
Երեմիայ մարգարէի որ ասէ . ձայն գու-
ժեաց ՚ի Հռամայ, ողբումն եւ լալումն և
աշխարումն յոյժ . Հռաքէլ լայր զորդիս
իւր, և ոչ կամէր մխիթարիլ զի ոչ էին :

Քարոզ :

Վասն ուղղելոյ զգնացս մեր 'ի ճանապարհ-
հրս խաղաղութեան՝ զՏէր աղաչեսցուք :

Տէր ողորմեա :

Վասն ցրելոյ 'ի մէնջ զամենայն խորհուրդս
չարին՝ զՏէր աղա :

Վասն պարգեւելոյ մեզ առողջ խորհուրդս
և առաքինի վարս՝ զՏէր աղա :

Վասն պահելոյ զմեզ ընդ հովանեաւ ամե-
նազօր աջոյն իւրոյ՝ զՏէր աղա :

Վասն խորտակելոյ զհակառակորդն վաղ-
վաղակի ընդ ոտիւք մերովք՝ զՏէր աղա :

Վասն հօգւոցն հանգուցելոց , որք ճշմա-
րիտ և ուղիղ հաւատով 'ի Քրիստոս ննջե-
ցին , զՏէր աղա :

Եւ եւս միաբան վանն ճշմարիտ և սուրբ :
Ջանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ :

Տէր ողորմեա՛ : Տէր ողորմեա՛ : Տէր ողորմեա՛ :

Աղօթք :

Տէր Աստուած ամենակալ , բարերար եւ
բազումողորմ , քաղցր եւ անոխակալ . որ
մարդասիրութեամբ քով գթացար յազգս
մարդկան , և առաքեցեր յաշխարհ զմիա-

ծին Որդիդ քո . որ եկեալ տղայացաւ . յամենասուրբ կուսէն Մարիամայ , և փրկեաց զմեզ յանիծիցն Ադամայ , եւ նորոգեաց Հոգւովդ քով Սրբով . և ազատեալ զմեզ յիշխանութենէ խաւարի . խոստացաւ մեզ կեանս անմահականս : Եւ արդ բազմագութ և ողորմած Տէր , գթա 'ի հոգի տըղայիս այսորիկ զոր փոխեցեր յաշխարհէ աստի 'ի գաւառն կենդանեաց . և արժանի արա զսա լինել ժառանգորդ երկնից արքայութեանդ : Զի դու ես արարիչ ամենայնի , որ ամփոփես զհոգի և զշունչ մարդկան , և դարձեալ նորոգես որպէս և կամիս խորին քո տեսչութեամբդ : Ընկալ զտղայս զայս ընդ սուրբ մանկունսն Բեթղեհէմի , որք վասն անճառ տնօրէնութեան միածնի քո խողխողեցան . և արժանի եղեն հոգեւոր թեւօք արագաթռիչ ելանել 'ի կամարս լուսեղէնս և հանգչիլ 'ի գոգն Արրահամու : Աղաչեմք զքեզ Տէր՝ ընկալ զսա , և հան սմա մասն և բաժին ընդ ամենայն սուրբս քո . որք հաճոյ եղեն տէրութեան քում : Եւ քեզ ընդ Որդւոյդ միածնի եւ ընդ Հոգւոյդ ճշմարտի վայելէ փառք և իշխանութիւն յաւի :

Խաղաղութիւն ամենեցուն :

Յորժամ ծագին արդարքն իբրեւ զարե-
 դակն յարքայութեան քում Տէր՝ պայծա-
 ռացեալք որպէս հրեշտակս լուսաւորս :
 Յորժամ լինի յարութիւն ամենայն մարդ-
 կան՝ և փոփոխումն և նորոգումն կերպա-
 րանաց : Յորժամ լինի՝ միանգամայն մուտ
 վերին ճանապարհին՝ ի յօթեվանս բազումս
 անճառ խնդութեամբ, ըստ անսուտ բանի
 Փրկչին մերոյ, եթէ ՚ի տան Հօր իմոյ օթե-
 ւանք բազումք են : Յորժամ մտանեն կա-
 տարեալքն յերկնային առագաստն բազում
 համարձակութեամբ եւ լի աստուածային
 փառք, իջանեն ՚ի դրախտն փափկու-
 թեան՝ և ելանեն ՚ի վերինն Երուսաղէմ :
 Յայնժամ ընդ նոսին դասաւորեա Տէր՝
 զննջեցեալսն մեր, եւ մանաւանդ զտը-
 ղայս զայս, զոր անարատ եւ անշաղախ
 կենօք առ քեզ կոչեցեր անապական ըզ-
 գեստու սուրբ Աւագանին, ցնծալ և պա-
 րել շուրջ զարքունական աթոռովդ : Զի
 դու ես Տէր, որ հաստատեցեր զամենայն
 ՚ի փառս տէրութեան քոյ : Եւ քեզ վա-
 յելէ փառք՝ ի շտանութիւն եւ պատիւ,

այժմ եւ միշտ եւ յաւիտեանս յաւիտե-
նից , ամէն :

Այս Գահանայն ալ մի հող առնո՞ւ ՚ի յեռն
խաչակնիկ , և ասէ .

Օրհնեա Ձ Տէր՝ ողորմութեամբ քով զհողս
ծառայիս քո այսորիկ , և յիշեա զսա . զի
հող էր՝ եւ անդրէն ՚ի հող դարձաւ ըստ
հրամանի քում : (Երեմ . 17) :

Այս յգէ զհողն ՚ի գերեզմանն , և ասէ .

Օրհնութիւնն աստուածային իջցէ ՚ի հող
մահու սորին . և բուսուսցէ յօրն վերջին ,
անուամբ Հօր և Որդւոյ և Հոգւոյն Սրբոյ ,
այժմ և միշտ և յաւիտեանս յաւիտենից ,
ամէն :

Շարական , ԴԶ .

Հանգ . Մերձեցայ ես ՚ի դո՛ւռըն գերեզ-
մանի , եւ եհաս ինձ ժա՛մանակ մտա-
նե՛լ ՚ի յարգանդ երկրի յորմէ՞ ստեղ-
ծեալ եմք ամե՛նեքեան . բըժիշկ իմաստուն
և ճարտարանպետ , բըժըշկեա զհո՛գւոյ իմ
զհիւլանդութիւն . արարող և յո՛յս փըր-
կութեան մերոյ .

Եղիցի՛ ձեռըն քո պահանպանն անձինն իմոյ, եւ աջ քո բարի առաջնորդեացէ՛ ինձ ՚ի յարդարութիւն. բըժիշկ :

Բըղխեսցենս առ իս ըզգո՛ւթ մարդասիրութեանդ. եւ յաղբերէ՛դ կե՛նաց լըւանցենս զմեղս անձինն իմոյ. բըժիշկ :

Կեցցէ՛ անձն իմ օրհնեսցէ՛ ըզքեզ զամենայն անճրըս կենաց իմոց. եւ առ քեզ ապա՛ Վի՛նիմ հովի՛վ բանաւոր հօտի, դարձո՛ զմո՛լորեսալս ՚ի հօտ քո՛ Քրիստոս. բըժիշկ իմաս :

Մեծ. Ը՛զքեզ օրհնութեամբ մե՛ծացուցանեմք :

Որ զբանն Աստու՛ած յարգանդի՛ կրեցեր Սըրբուհի՛ անարատ, և անձառապէս ծընար ըզվերա՛ձգողն երկնից. ըզքեզ օրհնութեամբ մե՛ծա՛ :

Որ էից՛ լուսոյն արժանի՛ եղեր բառնալոյ ՚ի քո գիրկս. եւ արեգականն արդարութեան եղեր արեւելք. ըզքեզ օրհնութեամբ մե՛ծա՛ :

Խաչ. Զօրութիւն Սո՛ւրբ Խաչի՛ քո Քրիստոս որ կանգնեցեր ՚ի փրկո՛ւթիւն աշ-

խարհի . սա^{ՄԲ} պահեսցէ՛ ըզմեզ յամե-
նայն փո՛րձութենէ :

Քանզի ՚ի սմա՛ բարձրացա՛ր Աստուած ,
եւ ՚ի սմա՛ հեղեր ըզպատուական սուրբ
զարիւնըդ . սա^{ՄԲ} :

Փառք Հօր և Որդւոյ և :

Եւ ըզքո՛ միւսանգամ ըզգալուստըդ նըշա-
նաւ Խաչի քո՛ ցո՛ւցեր աշխարհի . սա^{ՄԲ}
պահեսցէ՛ ըզմեզ յա :

Դարձ անձն իմ ՚ի հանգի՛ստ քո՛ զի Տէր
կոչեանց զքեզ :

(Տե՛ս յերե՛ս 359) :

Ապա իջո՛ցանեն զնշեցեալն ՚ի գերեզմանն :

Աւելուի՛ս աւելուի՛ս :

Տէր հովուեսցէ զիս և ինձ ինչ ոչ պակա-
սեսցի :

Ի վայրի դալարւոջ անդ բնակեցոյց զիս .
և առ ջուրս հանգստեան սնոյց զիս :

Դարձոյց զանձն իմ առ իս , եւ առաջնոր-
դեսց ինձ ՚ի ճանապարհս արդարութեան
վասն անուան իւրոյ :

Թէպէտ և գնացից ես 'ի մէջ ստուերաց
մահու, ոչ երկեայց 'ի չարէ, զի դու Տէր
ընդ իս ես :

Յուպ քո եւ գաւազան՝ նոքա մխիթարես
ցեն զիս :

Պատրաստ արարեր առաջի իմ զսեղան՝
ակն յանդիման նեղչաց իմոց :

Օծեր իւղով զգլուխ իմ. բաժակ քո որ
պէս անապակ արբեցոյց զիս :

Ողորմութիւն քո Տէր, զհետ իմ եկեսցէ
զամենայն աւուրս կենաց իմոց. բնակիլ
ինձ 'ի տան Տեառն ընդ երկայն աւուրս :

Մարթանք :

Տէր, ուղղեա զգնացս մեր 'ի ճանապարհս
խաղաղութեան : Տէր, ուղղեա և առաջ
նորդեա հոգւոց մերոց եւ ամենայն հա
ւատացելոց գնալ յարդարութեան ճա
նապարհն և 'ի կեանսն յաւիտենից :

Քարոզ :

Աղաչեսցուք զամենակալն Աստուած, զի
յաջողեալ ուղղեսցէ զճանապարհս ծա
ռայից իւրոց 'ի բարի և 'ի խաղաղութիւն :
Ամենակալ Տէր Աստուած մեր կեցո՛ եւ
ողորմեա :

Աղբթ :

Առաջնորդ կենաց և պարգեւիչ խաղաղութեան Քրիստոս Աստուած մեր, առաջնորդեա մեզ գնալ 'ի ճանապարհս քարդարութեամբ և խաղաղութեամբ ժամանել 'ի նաւահանգիստն կենաց և փրկութեան շնորհօք ողորմութեան քո. զի դու ես օգնական և փրկիչ մեր. և քեզ վայելէ փառք իշխանութիւն և պա :

Խաղաղութիւն ամենցուն :

Օրհնեալ ես Տէր Աստուած Փրկիչ մեր, որ յամենայն ժամ ընդ մեզ ես, և ոչ երբէք թողուս 'ի ձեռանէ քումմէ զայնոսիկ՝ որք հաւատով եւ ճշմարտութեամբ կարդան առ քեզ : Ողաչեմք եւ խնդրեմք 'ի քէն Տէր, ճանապարհորդակից լեր ծառայից քոց՝ քոյին վերակացութեամբդ պահելով 'ի խաղաղութեան. եւ առաջնորդեա մեզ միւսանգամ խաղաղութեամբ եւ խնդութեամբ հասանել յԻւրաքանչիւր բնակութիւնս 'ի Քրիստոս Յիսուս 'ի Տէր մեր. որում վայելէ փառք իշխանութիւն և պատիւ, այժմ և միշտ և յաւիտեանս յաւիտենից, ամէն :

Ե- Դարձեալ հող յգէ, և ասէ .

Հող օրհնութեան իջցէ 'ի գերեզման սո-
րին, և բուսուսցէ յօրն վերջին, անուամբ
Հօր և Որդւոյ և Հոգւոյն Սրբոյ .
(Երէջ- իրնէ) :

Այս ծածիկն հողով, և ասէն աղօթելով :

Ողորմած Աստուան՝ քաւեա՛ զանօրէնու-
թիւնս իմ .

Հաւատ ունեւնով հոգի՛ խաղաղութեան ,
Երթ առ արարիչըն հայցելով, Աստուան՝
իմ հանգստ .

Ես ասացի՛ 'ի զարմանալ իմում, թէ ամե-
նայն մարդ սուտ է .

Հաւատ ունեւնով հոգի՛ խաղաղութեան ,
Երթ առ արարիչըն հայցելով, Աստուան՝
իմ հանգստ .

Զճանապարհս իմ ուղի՛ղ արա ինձ ըստ
բանի՛ քում . և մի տիրեսցեն ինձ ամե-
նայն մեղք .

Հաւատ ունեւնով հոգի՛ խաղաղութեան ,
Երթ առ արարիչըն հայցելով, Աստուան՝
իմ հանգստ .

Որ ետողը հոգի Յիսուս , ըզսա պահեա՛

զի քոյ խաչի՛ եւ Յարութեան՝նրդ հանա-
տաց թագաւոր երկնաւոր, հանգո ըզ-
հոգի սորա՛ յիշելով սորա զհաւանտս:

Ի՛ քաղաք Տեառն զօրութեանց եւ ՚ի
քաղաք թագաւորին մեծի՛. ուր ժողովք
սրբբոցն են ՚ի խաղաղութեան, գնանցես
յուսով եւ հանգիցես ընդ հրեշտակաց
դասս, տեսանել ըզլոյսըն յաւիտենից:

Մե՛ր ձեցաւ անձն իմ ՚ի հող յորմէ ստեղ-
ծե՛ր զի՛ս, եւ հոգւոյս մեկնեալ յինէ՛ն.
Տէ՛ր զապաւինեալս յիշեա՛ ՚ի քովմ գա-
լլստեա՛նն:

Ստեղուած եմ անարատ ձեռաց քոց մի
անտես առնե՛ր, այլ խնայեա՛ յիս յահա-
պին աւուրն. Տէ՛ր զապաւինեալս յիշեա՛
ի քովմ գալլստեա՛նն:

Յո՛ր ժամ գաս փառօք Հօր դատել ըզտիե-
զերս ամենայն, և հարկանի փող հընչման
յարութեա՛ն Տէ՛ր:

Փառք Հօր և Արդոյ և: Ա. յԺԺ և միշտ և:

Ընդ Բրիստոսի պահելով յաղթող լիցովք
փորձողին. և ընդ հրեշտակս երգեսցուք.

Փառք ՚ի բարձունս Ա՛ստուծոյ:

Փառք 'ի բարձունս Աստուծոյ, և յերկիր
խաղաղութիւն 'ի:

Փառք՝ պատիւ և երկրպա:

Եղի՛ն զիս 'ի գրի ներքնումն 'ի խաճարի՛
և 'ի ստուերս մա՛հն:

Տէր Աստուա՛ծ փրկութեան իմոյ 'ի տուէ
կարդացի և գիշերի առա՛ջի քոյ:

Քարոզ:

Վասն 'ի վերուստ պահպանութեան 'ի
Տեառնէ անձանց մերոց, եւ հաճոյական
աղօթս առնելոյ՝ զՏէր աղաչեսցուք:

Տէր ողորմեա:

Վասն ընդունելոյ Տեառն Աստուծոյ ըզ-
հոգի հանգուցելոյս 'ի հանգստեան ար-
դարոց՝ զՏէր աղա:

Վասն թողոյ սմա զյանցանս զկամայ եւ
զակամայ՝ զՏէր աղա:

Վասն արժանի լինելոյ սմա՝ խաղաղու-
թեամբ և մեծաւ յուսով սպասել տեառ-
նագալուստ փողոյն՝ զՏէր աղա:

Վասն քաղցրաբարբառ լսելոյ սմա զահա-
ւոր ձայնն որ ասէ, եթէ արիք՝ ահա գայ
Քրիստոս՝ զՏէր աղա:

Վասն համարձակապէս տեսանելոյ սմա

զանապական եւ զանստուեր լոյսն՝ զՏէր
աղաչես :

Վասն աչալըջութեամբ եւ առանց ամօ-
թոյ կալ սմա առաջի արդար դատաւորին
Քրիստոսի՝ զՏէր աղա :

Վասն տալոյ սմա տեղի ՚ի հայրական խը-
նամոցն յաջակողմեան դասուեն՝ զՏէր աղա :

Վասն լսելոյ սմա զերանաւէտ զձայնն ,
եթէ եկայք օրհնեալք Հօր իմոյ ՚ի տեղի
հանգստեան՝ զՏէր աղա :

Վասն պարգեւելոյ սմա զերկնային պսակն
կենաց և անմահութեան՝ զՏէր աղա :

Վասն հրեշտակի խաղաղութեան աւան-
դելոյ զհօգի սորա ՚ի տեղի արդարոցն՝
զՏէր աղա :

Վասն առաքման շնորհաց մեծի՝ եւ ամե-
նազօր աջոյն Քրիստոսի ՚ի հողանիւթեայ
յարկ տապանի սորա՝ զՏէր աղա :

Վասն կնքելոյ զգերեզմանս զայս նշանաւ
Խաչին իւրոյ մինչև ՚ի գալուստն իւր սուրբ՝
զՏէր աղա :

Վասն առաքելոյ զշնորհս Հոգւոյն Սրբոյ
՚ի սիրտ լսողաց հաւատացելոց անուան
իւրոյ՝ զՏէր աղա :

Վասն մխիթարելոյ զվշտագնեալս սրտիւք

Ի ձեռն ողորմութեան իւրոյ՝ զՏէր աղա :
Վասն պահելոյ զմնացորդս սորա յամենայն

հնարից սատանայի՝ զՏէր աղա :

Վասն հոգւոցն հանգուցելոց՝ որք ճշմարիտ և ուղիղ հաւատով ՚ի Քրիստոս նընջեցին՝ զՏէր աղա :

Եւ եւս միաբան վասն ճշմարիտ և սուրբ :
Զանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ :

Տէր ողորմեա՛ : Տէր ողորմեա՛ : Տէր ողորմեա՛ :

Աղօթք :

Աստուած յաւիտենական , որ արժանի արարեր զծառայս քո զայս՝ դառնալ անդրէն ՚ի հող ուստի ստեղծաւ : Եւ այժմ բարերար և մարդասէր Տէր՝ օրհնեա զհոգախշտի բնակութիւն ծառայիս քո այսօրիկ . կնքեա և պահեա զոսկերս սորա ամրածածուկ աջովդ քով Սրբով . զի ՚ի հօտէ խաշանց քոց է և ՚ի հաւատացելոց ՚ի Տէր մեր Յիսուս Քրիստոս : Աղաչեմք զքեզ Հայր երկնաւոր՝ ՚ի վերայ ննջեցեալ տղայիս այսօրիկ . յիշեա զհոգի սորա , եւ խառնեա ՚ի գունդս հրեշտակաց , եւ ՚ի թիւս այնոցիկ որ սիրեցին զօր երեւելոյ

գալստեան միածնի քո : Ի գոչել աստուածային փողոյն՝ եւ յերեւիլ սրբոյ Խաչին՝ պայծառասցի սա յանանց լոյսն , և ընկալցի զգեղափայլ կերպարանն . զուարթ երես կացցէ առաջի ահաւոր բեմի միածնի քո , եւ առանց ամօթոյ տեսցէ զթագաւորդ փառաց : Որ եւ զմեզ արժանի արասցես ընդ Սուրբս քո փառաւորել զքեզ ընդ Որդւոյ և ընդ Սրբոյ Հոգւոյդ , այժմ եւ միշտ և յաւիտեանս յաւիտենից , ամէն :

Խաղաղութիւն ամենեցուն :

Փառաւորեալ է անուն քո սուրբ՝ Թագաւոր անմահ , որ պատրաստեցեր մեզ հանգիստ յերկրաւոր աշխատութեանցս՝ զանախտ եւ զանաշխատ կեանսդ՝ ի հանդերձեալ աշխարհին՝ ի ձեռն միածնի Որդւոյ քո սիրելւոյ . որ սպան զմահ՝ և լուսաւորեաց զմեզ ի կեանս և յանեղծութիւն . փրկեաց զմեզ յիշխանութենէ խաւարի , և փոխեաց յարքայութիւնդ երկնից :

Արդ՝ աղաչեմք եւ խնդրեմք ի քէն Տէր՝ առաքեա զպահպանողական զօրութիւն աջոյ քո , եւ օրհնեա զտեղի հանգստեան սորա . զի ի գոչել փողոյ գալստեան մի-

ածնի քո՝ նորոգեսցի սրաթուխ թեւօք
վերանալ յարքայութիւնդ երկնից ընդ այլ
սրբոց քոց : Եւ ընդ նոսին փառաւորել
զքեզ Հայր՝ ընդ Որդւոյ և ընդ Սուրբ Հոգ-
ւոյդ , այժմ և միշտ և յաւիտեանս յաւի-
տենից , ամէն :

Ե- ապա ախ Դարական .

Փառաց ՚ի փառքս բարձրանան , աջակող-
մեանքն վերանան , յորժամ լըսեն զերա-
նական ձայն օրհնութեան ՚ի քէն կոչ-
ման . նընջեցելոյս մեր լըսեցո զաստուա-
ծայի՛ն բարբառըդ քո , դասաւորեա ըզ-
սա՛ վերնոցն երգել ըզփառս ընդ զը-
լարթնոցն :

Քահանայք և ժողովորդք հայցեմք ՚ի քէն
Տէր բարեգութ , ընդ նընջեցեալսն հա-
ւատով ընկալ ըզմեզ նսվի՛ն յուսով , յԵ-
րուսաղէմ քաղաք վերին յորում արդար-
քն ժողովին , փառս վերերգել միշտ ընդ
նոսին Երրորդութեանդ երրեակ անձի՛ն .
Փայլին արդարքն յարքայութեան և ճրգ-
նաւորքն ՚ի հանգրստեանն . մարտիրոսքն
պըսակի՛ն և կուսանաց լոպտերք վառին .

դասեցո՞ Տէր ընդ նոսին որք զքեզ Աստուած խոստովանին . անդարութեամբ մի դատեսցին այլ գրթութեամբ քո քաւեսցին .

Քո՞ անպատում խոնարհութեամբդ որ թաղեցար մե՛ռելութեամբ , եւ յարուցեր յորդանց մարդկան որք հաւատով ՚ի քեզ անկան . յարո ե զմե՛զ արդարութեամբ ե զնընջեցեալսն ողորմութեամբ . զի կենդանեացրս բերանով տացին քեզ փառս ընդ Հօր Հոգւո՞ւմ :

Հոգւոցն հանգուցե : Աան հանգ : Քրիստոս Որդի Ա :

Եւ եւս խաղաղութեան զՏէր աղաչեսցուք , ընկալ կե :

Օրհնութիւն ե փառք Հօր ե Որդւոյ ե Հոգ :

Օրհնեսցի թ եւ կնքեալ պահեսցի գերեզման եւ ոսկերք ծառայիս Աստուծոյ , նշանաւ սուրբ Խաչիս , եւ բանիւ սուրբ Աւետարանիս , յանուն Հօր ե Որդւոյ ե Հոգւոյն Սրբոյ :

Եւ եւս խաղաղութեան զՏէր աղաչեսցուք , ընկալ կե :

Օրհնութիւն ե փառք Հօր ե Որդւոյ ե Հոգ :

Օրհնեսցի թ եւ կնքեալ պահեսցի շիրիմ ե ոսկերք ծառայիս Աստուծոյ , նըշա :

Եւ եւս խաղաղութեան ղՏէր աղաշեսցուք ընկալ կե :

Օրհնութիւն և փառք Հօր և Որդւոյ և Հոգ :

Օրհնեսցի ☩ և կնքեալ պահեսցի դամբարան և ոսկերք ծառայիս Աստուծոյ, նըշա :

Կեցուցէ և ողորմեսցի :

Անշարժ եղիցի կնիք ☩ տէրութեան ՚ի վերայ գերեզմանի ծառայիս Աստուծոյ՝ մինչեւ ՚ի գալուստն Քրիստոսի. որ եկեալ միւսանգամ նորոգեսցէ փառք ՚ի փառս Հօր և Հոգւոյն Սրբոյ, ամէն :

Հայր մեր որ յերկինս :



Կ Ա Ն Ո Ն

ՏՂԱՅԻ ԱՅԳՈՒՑ ԿԱՏԱՐԵԼՈՑ



Երևանի գերեզման և ասեռ գո-բույ յի Անբիծ :

Ե- ապա ասի Շարաիան, ԴԿ.

ՍԻՒ. Երանեղի^ա սուրբ մանկո՛ւնքն որ-
պէս քաջ նահատակք ետո՛ւն զանձինս
իւրեանց ՚ի մա^աբ^ան փոխանակ Որդ-
ւոյն Աստուծոյ :

Եւ դիակո՛^աւնք սուրբ մանկանցն որ-
պէս ըզժաղիկ նրունենեանց հարեալ ՚ի
կարկրտե^աբ^ա, եւ անկեալ ՚ի սո՛ւրբ
Բեթղեհէմ :

Եւ հոգի^աք սուրբ մանկանցն որպէս
զերամս աղաւնեանց թռուցեալք ՚ի յեր-
կի^անս . եւ դասեալք ընդ զբար-
թո՛ւնս երկնից :

Ղալ. Յիսո՛ւս միածինն անմահութեանց
պարգե՛ւատուն երեւեցա՛ւ մե՛ւք՝ խա-
փանեա՛ց զգորո՛ւթի՛ւն մահու՛ւ :

Բըղիամա՛ մբ արտասուեա՛ց Մարի՛ամու եւ
Մարթայի անկեա՛լ ա՛ռ ոտսըն Տեա՛ւքն,
խընդրէ՛ին զնորո՛գումն եղբօրն :

Բանի՛ւ բանն Աստուա՛ծ կենա՛գործեաց
ըզՂա՛ղարոս ՚ի՛ թաղմանէ՛ւք, և եկեա՛լ
արտաքս ա՛նապակա՛ն :

Յար. Յորժամ եկին ՚ի՛ գերեզմանն ի՛ւ-
ղաբեր կանայքն, եւ բերի՛ն զխո՛ւնկսն
ի խընկել զա՛նապակա՛ն մարմի՛նն :

Յայնժամ հրեշտակն աւե՛տարանէր յա՛-
րեաւ Քրի՛ստոս. պա՛տմեցէք ա՛շակեր-
տացըն զյարո՛ւթի՛ւնն Տեսու՛ն :

Ի՛սկ նոցա զարհո՛ւրեալ վասն ահագի՛ն
տեսլեանն. պա՛տմէին ա՛շակերտացըն զա՛-
հագի՛ն տեսի՛ն :

Հոգ. Ա՛ղբիւր կենաց բաշխող շնորհաց
Հոգի՛դ իջեա՛լ ՚ի բարձանց. զանապակա՛ն
պարգե՛ւըս քո՞ք բա՛ժանեցեր յա՛ռա-
քեա՛լսն :

Ո՞ր ՚ի վերայ ջուրցն գոլով ստե՛ղծանէի՛ր

զարարածս . իջեալ ՚ի ջո՛ւրս աւազանի՞ն
 ծնանինս Որդի՛ս Ա՛ստուծոյ :

Ո՞ր զարդարեալ նորոգես միշտ ըզնոր քո
 զեկեղեցի . պէս պէս շնորհաց քոց պար-
 գեւօ՞ք փայլին մանկո՛ւնըք սորա :

Հանգ . Ո՞ր արարիչդ ես արարածո՞ց հան-
 գուցեալդ ՚ի հրե՛ղէ՛ն կառս . յի՛շեա՞
 զհոգիս նընջեցելոց մերոց , եւ հանգո
 ընդ սո՛ւրբըս քո :

Ո՞ր երկայնամիտդ ես առ ամենե՛սեա՞ն
 և ներմղ յանցանաց մերոց . յի՛շեա՞ զհո :

Ո՞ր միւսանգամ գալոց ես հայրենի փա՛-
 ո՞ք նորոգել զնախաստեղծին ծընունդ .
 յի՛շեա՞ զհո :

Մեծ . Ի քե՛զ եմք անպաւինեալ Քրի՛ստոսի
 մայր Աստո՛ւծոյ մերոյ :

Ո՞ր քան զերկի՛նըս բարձրագոյն Մարի՛ամ,
 պարծանք եկեղեցւոյ . Քրի՛ստո :

Ո՞ր քան զարեգակը՛ն պայծառագոյն Մա-
 րի՛ամ , մի՞ դադարի՛ր բարեխօսել վասըն
 մեր , Քրի՛ստոսի մայր Աստո՛ւ :

Խալի . Սո՛ւրբ զԽա՛չ քո շնորհեցեր զէն
 եկեղեցւոյ քում . սրբոյ . ո՞րով դատա-

պարտեալ պարտեցաւ թըշնամին .

Սովաւ պահպանեալ զժողովորդս քո
Քրիստոս . սիրով երկըրպանգեմք քեզ ընդ
Հօր և Հոգւոյն :

Ի՞քեղ ապաւինիմք Քրիստոս որ գալոցդ
ես Խաչիւ . սրպէս զի փրկեացես ըզմեզ
յայնմ աւո՞ւր ահեղ անտենիկն .

Փառք Հոր և Որդւոյ և : Ա. յ. Ժ. և Սիշտ և :

Ընդ սո՞ւրբըս քո դասեալ և ընդ արդանը
սըն պըսակեալ ՚ի տեղի՞ անկեւոց հրեշտա-
կաց ըզնընջեցեալսն մեր կարգաւորեա .
որ ողորմածդ ես յամենայնի :

Աւելուիա պելուիա .

Օրհնեցէք մանկունք զՏէր . եւ օրհնեցէք
զանուն Տեառն .

Եղեցի անուն Տեառն օրհնեալ , յայսրմ
հետէ մինչեւ յաւիտեան :

Ընթերցուածս յԵսայեայ մարգարէէ :

Այսպէս ասէ Տէր . յաւուր յայնմիկ մո-
ռասցին զնեղութիւնս առաջինս , եւ ոչ
եւս անկցի ՚ի սիրտս նոցա :

Զի եղեցին երկինք նոր եւ երկիր նոր ,

այլ օրհնութիւն եւ ցնծութիւն գտցեն
զոր ես հաստատեցից :

Զի 'ի Տեառնէ եղիցի դարձ նոցա . եկես-
ցեն 'ի Սիօն ցնծութեամբ եւ ուրախու-
թեամբ յաւիտենից . զի 'ի վերայ գլխոց
նոցա ցնծութիւն և ուրախութիւն հասցէ :
Մերժեցան ցաւք եւ տրտմութիւնք եւ
հեծութիւնք . զի ես եմ որ մխիթարեմ
զձեզ յամենայն տրտմութեանց ձերոց
ասէ Տէր ամենակալ :

Պողոսի առաքելոյն 'ի Կորնթացւոց առաջին
Թղթոյն է ընթերցուածս :

Քանզի փող հարկանի , եւ մեռեալք յա-
րիցեն առանց ապականութեան , եւ մեք
նորոգեսցուք :

Զի պարտ է ապականութեանս այսմիկ
զգենուլ զանապականութիւն , և մահկա-
նացուիս այսմիկ զգենուլ զանմահութիւն :
Այլ յորժամ մահկանացուս այս զգեցցի
զանմահութիւն , և ապականութիւնս զա-
նապականութիւն , յայնժամ եղիցի բանն՝
որ գրեցաւ . եթէ ընկրու մահ 'ի յաղ-
թութիւն :

Ո՛ւր է մահ յաղթութիւն քո . ո՛ւր դժոխք
խայթոց քո :

Խայթոյ մահու մեղք են , եւ զօրութիւն
մեղաց օրէնք :

Այլ շնորհք Աստուծոյ՝ օր ետ մեզ զյաղ-
թութիւն ՚ի ձեռն Տեառն մերոյ Յիսուսի
Քրիստոսի :

Աւելուիա պէլուիա .

Հոգի քո Սուրբ և բարի՝ առաջնորդեսցէ
ինձ ՚ի յերկիր ուղիղ :

Աւելուիա Օրթի :

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Սրբոյ Աւետարանիս Յիսուսի Քրիստոսի՝ օր ըստ
Յովհաննու :

Փառք քեզ Տէր Աստուած մեր :

Պաշտումէ : Ասե Աստուած :

Տէրն մեր Յիսուս Քրիստոս ասէ :

Եթէ սիրէք՝ զիս զպատուիրանս իմ պա-
հեսջիք , և ես աղաչեցից զՀայր , և այլ
միսիթարիչ տացէ ձեզ . զի ընդ ձեզ բնա-
կեսցի ՚ի յաւիտեան , զՀոգին Ճշմարտու-
թեան . զոր աշխարհս ոչ կարէ ընդունել ,
զի ոչ տեսանէ զնա , և ոչ ճանաչէ զնա .
բայց դուք ճանաչէք զնա , զի առ ձեզ
բնակեսցի , և ընդ ձեզ եղիցի :

Ո՛չ թողից զձեզ որքս. գամ առ ձեզ. փոքր միւս եւս՝ եւ աշխարհս ոչ եւս տեսանէ զիս, բայց դուք տեսանիցէք զիս. զի ես կենդանի եմ, և դուք՝ կենդանի լինելոց էք:

Քարոզ:

Վասն ՚ի վերուստ խաղաղութեան եւ փրկութեան անձանց մերոց, զՏէր աղա-
չեսցուք: Տէր ողորմեա:

Վասն լսելի լինելոյ Տեառն Աստուծոյ ձայ-
նի աղաչանաց մերոց, զՏէր աղա:

Վասն քաւիչ եւ ներող լինելոյ Աստուծոյ
ի վերայ մեղաց մերոց, զՏէր աղա:

Վասն թողլոյ մեզ զամենայն յանցանս մեր
զկամայ և զակամայ, զՏէր աղա:

Վասն զի մի ընդ խոտանսն գտանիցիմք
յաւուրն պատասխանատուութեան, ըզ-
Տէր աղա:

Վասն հոգւոցն հանգուցելոց՝ որք ճշմա-
րիտ և ուղիղ հաւատով ՚ի Քրիստոս ննջե-
ցին՝ զՏէր աղա:

Եւ եւս միաբան վասն ճշմարիտ և սուրբ:
Զանձինս մեր և զմիմեանս Տեառն Աստու:
Ողորմեաց մեզ Տէր Աստուած մեր ըստ մե:

Տէր ողորմեա՛, Տէր ողորմեա՛, Տէր ողորմեա՛:

Աղօթք :

Օրհնեալ ես միածին Որդի Աստուծոյ՝ Տէր մեր Յիսուս Քրիստոս . որ ամենառատ գթութեամբ քով մարմնացար ՚ի սուրբ կուսէն Մարիամայ, և պարգեւեցար մեզ ՚ի խաչին նուէր հաշտութեան Հօր՝ հեղմամբ քո սուրբ արեանդ . Քաղեցար ՚ի գերեզմանի, եւ իջեր ՚ի դժոխս, եւ ազատեցեր զհոգիսն որ ՚ի նմա . ՚ի սուրբ միաշաբաթին յարուցեալդ ՚ի մեռելոց, ձայնելով հզօր քո բանիւդ, թէ որք ՚ի կապանսդ էք՝ ելէք, եւ որք ՚ի խաւարի՝ յայտնեցարուք . Ուստի եւ մեք ՚ի սուրբ եւ ՚ի լուսաւոր յարութեան քո եկեալ ՚ի գերեզմանս մեռելոց . կենսատու Սուրբ Խաչիւս եւ Սուրբ Աւետարանաւս աւետեմք սոցա զսքանչելի եւ զանսուտ յոյս վերստին նորոգմանն՝ զոր խոստացար մեզ : Վասն որոյ աղաչեմք զամենագութ Փրկիչդ մեր միաբան ծառայքս քո, խոնարհեաց Տէր՝ յաղաչանս մեր՝ և հանգս զհոգի տղայիս այսորիկ շնորհօք ողորմութեան քո : Որպէս զի տնկակից եղեալս նմանութիւն մահու քո, լիցի եւ

կցորդ կենսաբեր յարութեան քո, և վա-
յելեսցէ զարքայութիւնդ երկնից ընդ
սուրբս քո: Եւ մեք ողորմութիւն գտեալ
'ի քէն՝ փառաւորեսցուք զքեզ ընդ Հօր՝
և ընդ Սրբոյ Հոգւոյդ, այժմ եւ միշտ եւ
յաւիտեանս յաւիտենից, ամէն:

Խաղաղութիւն ամենեցուն:

Յոյս յարութեան մերոյ՝ Տէր մեր Յիսուս
Քրիստոս, որ աւետարանեցեր զխաղա-
ղութիւն հեռաւորաց եւ մերձաւորաց,
սպանանելով զթշնամութիւն մահու մե-
ղաց: Քոհանամք զքէն, որ առատ մար-
դասիրութեամբ քով զանէծս լուծեր,
զդժոխս աւերեցեր, և զմեզ զամենեսեան
յարքայութիւնդ երկնից վերածեր, և 'ի
դասակցութիւնս հրեշտակաց խառնեցեր:
Եւ այժմ ժողովեալ մեր 'ի հանգիստ տը-
ղայիս այսորիկ՝ հնչեմք զաւետիս յարու-
թեան ճշմարիտ բարբառով Սուրբ Աւե-
տարանին. եւ խոնարհեալ առաջի քո՝ ա-
ղաչեմք զբարեգուլթ մարդասիրութիւն քո:
Հանգո Տէր, զհոգի տղայիս այսորիկ ընդ
ընտրեալս քո, և ժառանգակից արա զսա-
սրբոց քոց յարքայութեանդ երկնից: Եւ

զմեզ ընդ նոսին արժանի արա յարագուարձ
բերկրանօք օրհնել զքեզ ընդ Հօր՝ և Սուրբ
Հոգւոյդ, այժմ և միշտ և յաւիտեանս յա-
ւիտենից, ամէն :

Ե- ապա սպի Շարական .

Մերով բնութեամբ, զոր ըզգեցար 'ի
փայտ խաչին բեւեռեցար . լուծանելով
զմեզ 'ի մեղաց 'ի նախահօրըն կապանաց .
լոյծ եւ զսա՛մ 'ի յանցանաց վասըն քո՛
սուրբ չարչարանաց . լի լապտերօք մոյծ
յառագաստ ընդ իմաստուն սուրբ կող-
սանանցն :

Յետ կամաւոր մահու խաչի եղար 'ի նոր
գերեզմանի . երեքօրեայ թաղմամբ յերկրի
նոր ըստեղծեր զմեզ կեանդանի . զիջեալս
ընդ քեզ 'ի հող մահու վերակոչեա ձայնիւ
փողոյ . լի լապտե :

Կուսածի՛բա՛ն մարդացեալ Աստուած
իմ Յիսուս . յայնմ աւա՛րա՛նք մէջ ա-
տէնին զգինս արեա՛րա՛ն քո մի՛ դա-
տապանրտեր . օգնեա՛ր եւ ինձ քրիս-
տոս այսօր յառաջի՛ն ճանապարհին . եւ

ի՞ միւսանգամ գալըստեանն քո օգ-
նեալի՞նձ :

Հոգւոցն հանգուցե : Վասն հանգ : Քրիստոս Որդի Աս :

Եւ եւս խաղաղութեան զՏեր աղաչեսցուք :

Օրհնութիւն և փառք Հօր և Որդւոյ և Հոգ :

Օրհնեսցի ք և կնքեալ պահեսցի գերեզ-
ման և ոսկերք ծառայիս Աստուծոյ , նշա-
նաւ սուրբ Խաչիս , և բանիւ սուրբ Աւե-
տարանիս , յանուն Հօր և Որդւոյ և Հոգ-
ւոյն Սրբոյ :

(Տե՛ս երե՛ս 378) :

Հայր մեր որ յերկինս :




Կ Ա Ն Ո Ն

ՏՂԱՅԻ ԵՕԹՆ ԱԻՈՒՐ

ԿԱՄ

ՔԱՌԱՍՆՈՐԵԱՅ ԵՒ ԿԱՄ ՏԱՐԵՄՈՒՏ

ԿԱՏԱՐԵԼՈՅ



Գո-բըայ յի Անբիծ : Շարական ՚ի յայնէն :
Գիբք . Ա-ե-պարան . Քարող՝ Այգուցին է :
(Տէն յերեւ 383) :

Աղօթք :

Օրհնեալ ես բարեխնամող և բարեգուժ
Աստուած . որ նեղելոց ես անդորրիչ , և
տրտմելոց մխիթարիչ . որ տնանկաց ես
ապաւէն , և սգսւորաց սփոփիչ . աշխա-
տելոց նաւահանգիստ , եւ լքելոց զօրա-
ցուցիչ . մեղաւորաց ես քաւարան , եւ
անմեղաց պատսպարան . որ յոյսդ ես և
ապաւէն կենդանեաց և մեռելոց . Ընկալ
եւ պահպանեա զհոգի ծառայիս պստորիկ
Հոգւովդ քով Սրբով . պայծառացո զսա

ընդ սուրբս քո, և կարգաւորեա ընդ արդարս քո՝ անճառ փառօք եւ աննուազելի լուսով: Կնքեա եւ զպահարան բնակութեան սորա, եւ օրհնեա ողորմութեամբ քով: Եւ մեզ ուղարկաւորացս սորա՝ եւ զհետ եկեալ ժողովոյս՝ շնորհեա զքաւութիւն մեղաց. փրկեա ՚ի խորամանկութենէ սատանայի, և զգաստացո զսիրտս մեր ՚ի հաճոյս քո. բեւեռեա զմեզ յերկիւղ քո և ՚ի սէր՝ միշտ խորհիլ զպատուէր քո սուրբ հրամանիդ, և անմոռաց ունել առաջի աչաց մերոց զօրն յետին ահաւոր դատատանիդ: Զի արժանի լիցուք կեալ առաքինասէր վարուք՝ և ոչ յաղթիլ ՚ի մարմնական զբաղմանց. և յամենայնի անդադար փառաւորեսցուք զՀայր և զՈրդի և զՍուրբ Հոգի, այժմ և միշտ և յաւիտեանս յաւիտենից, ամէն:

Խաղաղութիւն ամենեցուն:

Արդ՝ և ձեզ պարտ է գոհանալ զԱստուծոյ, զի վախճանեալս ձեր՝ յերկրէս յերկինս վերացաւ. ՚ի մարդկանէ ՚ի հրեշտակս փոխեցաւ, ՚ի մահուանէ ՚ի կեանս. ՚ի խաւարէ ՚ի լոյս. յաղքատութենէ ՚ի

Թագաւորութիւն . 'ի վաստակոց 'ի հան-
գիստ . 'ի տրտմութենէ աշխարհիս 'ի
յերկնային ուրախութիւնսն . 'ի մեղաց
յարդարութիւն . 'ի հողեղինացս 'ի լու-
սեղէնս վերացաւ , և ընդ հրեշտակս դա-
սակարգեցաւ : Վասն այսորիկ ոչ է պարտ
Քրիստոնէից սուգ առնուլ , 'ի վերայ մե-
ռելոց՝ այլ լացցեն Հրէայք , և կոծեսցին
թերեհաւատք . զի նոքա են արժանի կո-
ծոց և ողբոց : Այլ դուք մխիթարեցա-
րուք՝ միւսանգամ կենդանութեամբ ամե-
նայն ընտրելոց 'ի Քրիստոս Յիսուս 'ի Տէր
մեր : Որում վայելէ փառք՝ իշխանութիւն
և պատիւ , այժմ և միշտ և յաւիտեանս
յաւիտենից , ամէն :

Ե- ապա սփ Եարական .

Սարսափին տարերք երկրի՝ յորժամ
փառօք գան հայրենի , արեգական լոյս
խաւարի լուսի՛նն աստեղքքն նըլաղին .
զսա յաւուրն աներեկի լուսաւորեա՛լ լու-
սով քոյին . դասաւորեա ըզսա՛ վերնոցն
երգե՛լ ըզփառս ընդ զլաւարթնոցն .
Տուցանի՛ն գաղտնիք մարդկան՝ , իւրա-

քանչի՛ւր որ գործեցան . բարեանց գործողքըն պըսակին , չարեանցն ՚ի հուրն անչէջ մատնին . յայնժամ յիշեամ զսորա՛ բարին , գործըք մեղանցըն ջընջեսցին . դասա : Գըրեցա՛մ՝ ես ՚ի գիր կե՛նդանու՛թեան : Եւ մեկնեցա՛մ՝ երթալ առ արարի՛չն երկնի և երկրի . օգ :

Հոգւոցն հանգուցելոց Քրիս : Ասան հանգուցեալ :
Քրիստոս Որդի Աստուծոյ անոխակալ և :

Եւ եւս խաղաղութեան զՏեր աղաչեսցուք , ընկալ կե :
Օրհնութիւն և փառք Հօր և Որդւոյ և Հոգ :

Օրհնեսցի ☩ եւ կնքեալ պահեսցի գերեզման եւ ոսկերք ծառայիս Աստուծոյ , նշանաւ սուրբ Խաչիս , եւ բանիւ սուրբ Աւետարանիս , յանուն Հօր և Որդւոյ և Հոգւոյն Սրբոյ :

(Տե՛ս Երե՛ս 378) :

Հայր մեր որ յերկինս :



Կ Ա Ն Ո Ն

ՀՈԳԵՀԱՆԳԻՍՏ ԿԱՏԱՐԵԼՈՅ

Աւելուիա աւելուիա :

Երասի որ խորհի զաղքատն և զտնանկն .

յաւուր չարի փրկէ զնա Տէր :

Տէր փրկէ զնա և կեցուցանէ , երանելի
առնէ զնա 'ի վերայ երկրի , և ոչ մատնէ
զնա 'ի ձեռս թշնամեաց իւրոց :

Տէր օգնական է նմա 'ի մահիճս ցաւոց իւ-
րոց . զամենայն անկողինս նորա դարձու-
ցանէ 'ի հիւանդութենէ նորա :

Ես ասացի Տէր ողորմեա ինձ . բժշկեա
զանձն իմ , ես մեղայ քեզ :

Թշնամիք իմ ասացին ինձ չար . երբ իցէ
զի մեռցի , և կորիցէ անուն նորա :

Մտանէր տեսանել զնանրութիւն . խօսէր
'ի սրտի իւրում , և ժողովէր զանօրէնու-
թիւն յանձն իւր :

Արտաքս ելանէր և զնոյն խօսէր . զինէն
չչնջէին ամենայն թշնամիք իմ :

Խորհեցան չար 'ի վերայ իմ. բան անօրէ-
նութեան եղին 'ի վերայ իմ:

Մի թէ որ ննջիցէ, այլ ոչ եւս յաւելցի
յառնել. քանզի և այրն խաղաղութեան
իմոյ, յոր և եսն յուսացայ:

Որ ուտէր զհաց իմ, յաճախեաց առնել
ինձ խաբէութիւն:

Այլ դու Տէր, ողորմեա ինձ և կանգնեա
զիս, և ես հատուցից նոցա:

Յայսմ ծանեայ՝ թէ հաճեցար ընդ իս. զի
մի ուրախ եղիցին յիս թշնամիք իմ:

Այլ զիս յամբժութեան իմում ընկալար, և
հաստատեցեր զիս առաջի քո յաւիտեան:

Օրհնեալ Տէր Աստուած Իսրայելի յաւի-
տեանս յաւիտենից. եղիցի եղիցի:

Աւելուի՛ւ աւելուի՛ւ:

Որպէս փափագի եղջերու յաղբերս ջուրց,
այնպէս փափագի անձն իմ առ քեզ Աս-
տուած:

Ծարաւի է անձն իմ առ քեզ Աստուած,
հզօր և կենդանի. երբ եկից երեւեցայց
երեսացդ Աստուծոյ:

Եղեն ինձ արտասուք իմ կերակուր 'ի
տուէ և 'ի գիշերի. և այն զի ասէին ցիս

զօրհանապաղ՝ թէ ո՛ւր է Աստուած քո :
 Զայս որպէս յիշէի, տառապէր յիս անձն
 իմ. քաջալերէի, զի մտից ընդ յարկաւ
 սքանչելեաց տանն Աստուծոյ :

Ի ձայն ցնծութեան խոստովանութեան,
 և ՚ի ձայն բարեկենդանութեան :

Արդ ընդէր տրտում ես անձն իմ, կամ
 ընդէր խռովես զիս. յղևսա առ Աստուած
 խոստովանեա նմա՝ Փրկիչ երեսաց իմոց
 Աստուած է :

Անձն իմ յոյժ խռովեցաւ. վասն այսորիկ
 յիշեցի զքեզ յերկրէն Յորդանանու, ՚ի
 Հերմոնէ լեռնէ փոքուէ :

Խորք խորոց կարդացին առ քեզ, ՚ի ձայն
 սահանաց քոց :

Ամենայն զբօսանք քո, և ալիք քո անցին
 ՚ի վերայ իմ :

Ի տուէ պատուիրեաց Տէր զողորմութիւն
 իւր, ՚ի գիշերի զօրհնութիւն նոր. եւ
 աղօթք իմ առ Աստուած վասն կենաց
 իմոց :

Ասացի Աստուծոյ ընդունող իմ ես. ըն-
 դէր մերժեցեր զիս. ընդէր տրտում
 գնամ ես ՚ի նեղել թշնամոյ իմոյ :

Ի փշիւլ ոսկերաց իմոց նախատեցին զիս

Թշնամիք իմ. յասել ցիս զօրհանապազ,
Թէ ո՛ւր է Աստուած քո :

Արդ ընդէր տրտում ես անձն իմ, կամ
ընդէր խռովես զիս. յուսա առ Աստուած,
խոստովանեա նմա՝ Փրկիչ երեսաց իմոց
Աստուած է :

Աւելուիս ակուրիս .

Դատ արա ինձ Աստուած . եւ իրաւ արա
ինձ 'ի դատաստանի իմում :

Յազգէ որ ոչ է սուրբ, 'իմարդոյ մեղաւորէ
նենգաւորէ վրկես զիս :

Դու Աստուած հզօրիչ իմ ես. ընդէր մո-
ռացար զիս, ընդէր տրտում գնամ ես 'ի
նեղել թշնամւոյ իմոյ :

Առաքեա Տէր զլոյս քո և զճշմարտութիւն
քո. զի առաջնորդեսցեն ինձ, և հանցեն
զիս 'ի լեառն սուրբ և 'ի յարկս քո :

Մտից առաջի սեղանոյ Աստուծոյ առ Աս-
տուած, որ ուրախ առնէ զմանկութիւնն
իմ :

Խոստովան եղէց քեզ օրհնութեամբ Աս-
տուած Աստուած իմ :

Արդ ընդէր տրտում ես անձն իմ, կամ
ընդէր խռովես զիս, յուսա առ Աստուած,

խոստովանեա նմա Փրկիչ երեսաց իմոց
Աստուած է :

Փառք Հօր և Որդւոյ և : Այժմ և միշտ և :

Ողորմեա ինձ , Աստուած , ըստ մեծի ողորմութեան քում , ըստ բազում գթութեան քում քաւեա զանօրէնութիւնս իմ :

զՓոխն լման ասա :

Փառք Հօր և Որդւոյ և : Այժմ և միշտ և :

Եւ եւս խաղաղութեան զՏէր աղաչեացուք ընկալ կէ :
Որհնութիւն և փառք Հօր և Որդւոյ և Հոգ :

Քահանայն խոնկ արիանէ և ասէ .

Շարական , ԳԶ .

Հանգ . Որ երկայնամիտդ եմ Տէր քաղցր եւ անոխակալ հանգո՞ զհոգիս քոց ծանայից . զի մի դարձցի տնանկ ամանչեցեալ յանճարն ահեղ ամտենին .

Զյիշատակ հրատարելոցն ՚ի հաճոյս քեզ ընկալցիս . եւ զուխտըս մե՛ր ընկալ որպէ՛ս զԱբելին զՆոյի՞ն և զԱբրահամուն . զի մի ՚ի խորան քում սիրողաց հանգուսցես ըզծանայս քո՛ , և զհոգիս նոցա՛ դասեցես ընդ սմէրբըս քո . զի մի :

Մանկունք . Ահաւոր ես թագաւոր քրով-
բէական ձայնի՛ւ օրհնեալ . 'ի յերկի՛նս
'ի յերկրի և յամենայն ժամանակի՛ .

Ահաւոր ես թագաւոր որ նորոգես զքո՛
զարարածս . հաստատես 'ի հաւատս 'ի
գիտութիւն ճշմարտութեան .

Լուսաւորեա ըզմեզ Քրիստոս 'ի մի՛ւսան-
գամ քո՛ գալըստեանն . յորժամ ծագի՛ս
'ի յերկնից և նորոգես զքո զարարածս .

Յար . Այսօր յարութիւն Քրիստոսի՛ տօ-
նեցե՛ք հաւատացեալք 'ի մի՛ Աստուծ
Հայր ամենակալ .

Այսօր եւ կանայքն ի՛ւղաբերք աւետիս
տալով անաբելոցն օրհնեն զԱ՛ծ զՀայր ա .

Այսօր և հրեշտակք 'ի յերկինըս հոգե՛-
ւոր հընչմամբ երգով . օրհնեն զԱ՛ս .

Մեծ . Լոյս լուսոյ՛ մայր , և կենարար բա-
նին բնակարան . քեզ երանիցեն անգգ և
ազի՛նք ամենայն .

Ստեղծողի՛ն մայր , և հընութեան կերպի
նորոգողի՛ն . քեզ երա .

Լոյս ծագեցաւ 'ի քէն , նրստելոցս 'ի
խաւարի՛ . քեզ երա .

Խաչէ . Փայտ կենաց որ փոխանակ մահացո՛ւ պըտղոյն ըզՔրիստոս պըտղաբե՛րեցեր . պարըսպեա՛լ պահեա զն՛խտս հա՛ւատացելոց .

Քեւ բա՛ցաւ մեզ ճանապարհ ծառո՛յն կենաց ՚ի սրովքէափակ պահպանութե՛ննէ՛ն . պարըսպեա՛լ պահ :

Փառք Հօր և Որդւոյ և : Ա՛յժմ և միշտ և :

Քեւ ազանտե՛ցաւ նախահայրն ՚ի ճաշակմանէ պըտղոյն . ե՛ւ քեզ երկընթացազեն ամենայն հա՛ւատացեալք պարըս :

Մաղթանք :

Յամենայն ժամու աղաչանք իմ այս են . ՚ի մեղաց իմոց սուրբ արա զիս Տէր , եւ յօտարէն պահեա ՚զծառայս քո մարդասէր Տէր :

Քարոզ :

Աղաչեսցուք զկենսատու Փրկիչն մեր Քրիստոս . որ կամաւոր խաչելութեամբն իւրով զարարածս փրկեաց . եւ հեղմամբ արեան իւրոյ զթողութիւն շնորհեաց յուսացելոց իւրոց . ամենակալ Տէր Աստուած մեր կեցո և ողորմեա :

Աղօթք .

Անկեալ առաջի քո բարերար և բազում-
 ողորմ Աստուած՝ աղաչեմք ամենայն սրբ-
 տիւք մերովք , եւ խնդրեմք զգթուծիւն
 'ի քէն . որպէս խոստացար ծառայից քոց
 և ասացեր , զամենայն զոր ինչ խնդրիցէք
 հաւատով յանուն Որդւոյ 'ի Հօրէ , տացի
 ձեզ : Շնորհեա և այժմ հաւատացելոցս 'ի
 քեզ , և կատարեա 'ի բարի զխնդրուածս
 մեր . զի 'ի քեզ եմք ապաւինեալ : Եւ քո
 առատ ողորմութեամբդ մխիթարեա զմեզ
 'ի կեանս այսոսիկ . և առաջնորդեալ հասո
 յանձառ երկնից արքայութիւնդ , 'ի փա-
 ռաբանութիւն և 'ի պատիւ Ամենասուրբ
 Երրորդութեանդ , այժմ և միշտ և յաւի :

Յիշեա Տեր և ողորմեա :

Բարերար եւ բազում ողորմ Աստուած՝ քո
 անմոռաց գիտութեամբդ և անբաւ մար-
 դասիրութեամբդ՝ յիշեա զամենայն հաւ-
 ւատացեալս 'ի քեզ , և ողորմեա ամենե-
 ցուն : Օգնեա , և փրկեա յիւրաքանչիւր
 փտանգից և 'ի փորձութեանց : Արժանա-
 ւորեա գոհութեամբ փառաւորել զՀայր
 և զՈրդի և զՅուրբ Հոգիդ . այժմ և :

Ալեբուիա ալեբուիա .

Ահա Աստուած օգնական իմ, և Տէր ընդունող Հոգւոյ իմոյ :

Ընթերցուածս յԱռաւիսց :

Պատուեա զՏէր 'ի քոյոց արդար վաստակոց . եւ հան նմա պտուղ 'ի քոց արդարութեան արմտեաց . զի լըցին շտեմարանք քո լիութեամբ՝ ցորենոյ . գինեաւ հնձանք քո առաւել եւս բղխեսցեն :

Որդեակ՝ մի՛ լքանիր 'ի խրատու Տեառն . և մի՛ լուծանիցիս յանդիմանեալ 'ի նմանէ , զի զոր սիրէ Տէր՝ խրատէ , տանջէ զամենայն որդի զոր ընդունի :

Ընթերցուածս 'ի Գործոց Առաքելոց :

Այնպէս պաշտեմ՝ զՀայրենի Աստուածն . հաւատացեալ ամենայնի որ ինչ յօրէնս և 'ի մարգարէս գրեալ է :

Ունիմ յոյս առ Աստուած , որում և դոքա իսկ ակն ունին՝ թէ յարութիւն լինելոց է արդարոց եւ մեղաւորաց :

Յորում եւ ես իսկ ճգնիմ , անխիղճ միտս ունել առ Աստուած և առ մարդ յամենայն ժամ :

Ի բազում ամաց ողորմութիւնս եկի առ .

նեւ յազգոյ իմ, եւ ետու պատարագիս .
որովք գտին զիս սրբեալ 'ի տաճարին :

Պետրոսի առաքելոն 'ի կաթուղիկեայց առաջին
Թղթոյն է ընթերցուածս :

Սիրելիք, զսոյն իսկ եւ մեռելոց խոստացեալ է՝ զի դատեսցին ըստ մարդկան մարմնով. եւ կենդանասցին ըստ Աստուծոյ՝
Հոգւով :

Ամենեցուն վասնճան մերձեալ է. զգաստացարուք այսուհետեւ. եւ լերուք զըլարթունք յաղօթս :

Աւելուիա ալելուիա .

Աստուած ողորմեա մեզ և օրհնեա զմեզ .
երևեցո զերեսս քո 'ի մեզ՝ և ողորմեա մեզ :

Աւելուիա Օրթի .

Խաղաղութիւն ամենեցուն :

Եւ ընդ հոգւոյդ քում : Երկիւղածութեամբ լուարուք :

Արոյ Աւետարանիս Յիսուսի Քրիստոսի՝ որ ըստ
Ղուկասու :

Փառք քեզ Տէր Աստուած մեր :

Պաշտումն : Ասէ Աստուած :

Տէրն մեր Յիսուս Քրիստոս :

Եւ մտեալ չըջէր ընդ Երիբով. և ահա այր մի անուն կոչեցեալ Զաքէոս . եւ նա էր մաքսապետ . և ինքն մեծատուն . և խընդ-

րէր տեսանել՝ թէ ո՞վ իցէ Յիսուս , և ոչ
կարէր ՚ի բազմութենէն , զի կարճ էր հա-
սակաւ . և ընթացեալ յառաջս , ել ՚ի ժան-
տաթղենին զի տեսանիցէ զնա . քանզի
ընդ այն իսկ անցանելոց էր :

Իբրեւ եկն ՚ի տեղին . հայեցաւ ՚ի վեր Յի-
սուս՝ եւ ասէ ցնա . Զաքէ՛ փութա՛ էջ
այտի , զի այսօր ՚ի տպն քում՝ արժան է
ինձ ագանել . փութացաւ և էջ՝ և ընկա-
լաւ զնա ուրախութեամբ :

Իբրեւ տեսին ամենեքին , տրտնջէին եւ
ասէին՝ թէ առ առն մեղաւորի եմուտ
լուծանել :

Եկն՝ եկաց Զաքէոս՝ եւ ասէ ցՏէր . Տէր՝
ահա զկէս ինչից իմոց տաց աղքատաց . և
եթէ զոք զըկեցի , հատուցից չորեքկին :
Եւ ասէ ցնա Յիսուս . այսօր եղեւ փրկու-
թիւն տանս այսմիկ . քանզի եւ սա որդի
Աբրահամու էր :

Զի եկն Որդի Մարգոյ խնդրել և կեցու-
ցանել զկորուսեալսն :

Քարոզ :

Վասն ՚ի վերուստ խաղաղութեան եւ
փրկութեան անձանց մերոց , զՏէր աղա-
չեսցուք : Տէր ողորմեա :

Վասն լսելի լինելոյ Տեառն Աստուծոյ ձայնի աղաչանաց մերոց, զՏէր աղա :

Վասն քաւիչ եւ ներող լինելոյ Աստուծոյ ՚ի վերայ մեզաց մերոց, զՏէր աղա :

Վասն թողլոյ մեզ զամենայն յանցանս մեր զկամայ և զակամայ, զՏէր աղա :

Վասն զի մի ընդ խոտանսն գտանիցիմք յաւուրն պատասխանատուութեան, ըզՏէր աղա :

Վասն հոգւոցն հանգուցելոց՝ որք ճշմա :
Եւ եւս միաբան վասն ճշմարիտ և սուրբ :
Զանձինս մեր և զմիմեանս Տեառն Աստու :
Ողորմեաց մեզ Տէր Աստուած մեր ըստ :

Տէր ողորմեա՛ : Տէր ողորմեա՛ : Տէր ողորմեա՛ :

Աղօթք :

Հայր երկնաւոր՝ բարեգուծ և ողորմած ,
քաղցր և երկայնամիտ առ ամենեւեան որք
խնդրեն ՚ի քէն : Հայեաց ՚ի ստեղծուածս
ձեռաց քոց , որ ապաւինիմք ՚ի քո բարե-
րարութիւնդ . եւ ընկալ ողորմութեամբ
քով զպատարագս , զոր մատուցանեմք հա-
ւատացեալքս ՚ի քեզ՝ առ ՚ի յիշատակ նրն-
ջեցելոց յանուն քո սուրբ : Զի դու ես Տէր՝
որ հաստատեցեր ՚ի սիրտս մեր զյոյս յա-

րութեան, և զհատուցումն բարեաց ամենեցուն՝ որ հաւատան գալստեան միածնիքո՛ւ : Դու՛ Տէր Աստուած մեր, յաղթեալ ՚ի մարդասիրութենէ քումմէ՛ առաքեցեր յանքննին ծոցոյ քումմէ զմիածին Որդիդքո՛ւ, որ եկն և դնեաց զմեզ ՚ի ծառայութենէ մեղաց : Եղեւ իբրեւ զմեզ մարդ, և հրաւիրեաց զմեզ յորդեգրութիւն Հօրդ երկնաւորի : Մատոյց զինքն պատարագ կամօք քովք, և եբարձ զպարտիս մարդկութեանս մերոյ, հաշտեցուցանել զտարագրեալքս ՚ի քէն՝ ՚ի ձեռն հեղման արեան իւրոյ : Համարեցաւ ընդ մեռեալս՝ ՚ի գերեզմանի դնելով անապականաբար, և զմահացեալսն ՚ի սկզբանէ՛ կորզեաց ՚ի ձեռաց մահու : Յարեաւ սքսնչելապէս, և մշտնջենաւոր կենդանութեանն հաղորդս արար զմահկանացու բնութիւնս մեր : Եւ այժմ՝ Տէր Աստուած մեր՝ օրհնեա զպատարագս զայս, առաքելով զաներեւոյթ աջ քո . և հանգո զկամս ընդունելութեան քո ՚ի մատուցողքս . որք հաւատացին առհաւատչեայ ընդունել զհանգիստ փոխեցելոյն, զոր աւանդեցեր ՚ի պատրաստ բնակութիւնքո՛ւ անձառ բարեացդ : Լցո Տէր՝ քո ան

Ճառ շնորհօքդ, և բազմասպատիկ ցնծութեամբ զժողովուրդս քո, որք հաղորդ հանդիպեցան լինիլ այսմ հոգեւոր խրախութեանս: Ծաւալեսցին ընդ մեզ պարակցութեամբ բանակք զուարթնոցն, բազմելով 'ի վայելս հաշտարար կամաց քոց: Որպէս զի երկոքումբք հրճուանօք բերկրեսցին հոգիք հանգուցելոցն ազդմամբ շնորհաց սուրբ Հոգւոյդ, որ անզեղձ ես 'ի փոխարութիւն նոցա՝ որք կամակար մտօք ընծայեցին զքոյդ քեզ: Պայծառացո Տէր, աննուազելի փայլմամբ զհոգիս այնոցիկ, յորոց անուն կատարին աղօթքս եւ պատարագս՝ բարեխօսութեամբ ընտրելոց քոց, որք մատուցին զինքեանս արեամբ բանականաւ քեզ ընդունողիդ Հօր, և յանտեսանելի քոց հատուցմանցդ վայելեսցեն 'ի փառս՝ որ ոչն երեւին: Վասն որոյ գոհացողական փառատրութեամբ եւ երկրպագութեամբ մատուցանեմք օրհնութիւն աւմենասուրբ Երրորդութեանդ՝ Հօր և Որդւոյ և Հոգւոյդ Սրբոյ, այժմ և միշտ եւ յաւիտեանս յաւիտենից, ամէն:

Հայր մեր որ յերկինս:

ԱՌԱՋԻՆ ԱՆԲԻԾՔ

Ն Ն Ջ Ե Ց Ե Լ Ո Ց

Ալեւուիա ալեւուիա :

Երանեալ են սնբիծք 'ի ճանապարհի , և
ոյք գնան յօրէնս Տեառն :

Երանի ոյք քննեն զվկայութիւնս նորա ,
բողորով սրտիւ իւրեանց խնդրեսցեն զնա :
Ոչ թէ ոյք գործեն զանօրէնութիւն 'ի
ճանապարհս նորա գնասցեն :

Դու պատուիրեցեր զպատուիրանս քո 'ի
պահել ինձ յոյժ :

Երանի թէ յաջողեալ էին ինձ ճանա-
պարհք իմ 'ի պահել ինձ զարդարու-
թիւնս քո :

Յայնժամ ես ոչ ամաչէի 'ի զգուշանալ ինձ
'ի պատուիրանս քո :

Խոստովան եղէց քեզ Տէր յուղղութիւն
սրտի իմոյ , որպէս ուսայց զիրաւունս
արդարութեան քո :

Ջիրաւունս քո պահեցի , մի թողուր զիս
մինչ իսպառ :

Ի՞նչ ուղղեսցէ երիտասարդ զճանապարհս
իւր , այլ 'ի պահել զքանս քո :

Բողորով սրտիւ իմով խնդրեցի զքեզ, մի
մերժեր զիս 'ի պատուիրանաց քոց :

Ի սրտի իմում թագուցի զքանս քո, որպէս
զի մի մեղայց քեզ :

Օրհնեալ ես դու Տէր, ուստ ինձ զարդա-
րութիւնս քո :

Շրթամբք իմովք պատմեցից զամենայն
իրաւունս բերանոյ քո :

Ի ճանապարհս վկայութեանց քոց զըւար-
ճացայ, որպէս յամենայն 'ի մեծութեան :

Ի պատուիրանս քո հոգացայ, և զգուշա-
ցայ 'ի ճանապարհս քո :

Զիրաւունս քո խօսեցայ, եւ ոչ մոռացայ
զքանս քո :

Հատո ծառայի քում, զի կեցից և պահե-
ցից զքանս քո :

Զարթո զաչս իմ, եւ նայեցայց 'ի սքան-
չելիս օրինաց քոց :

Պանդուխտ եմ ես յերկրի, մի թագու-
ցաներ յինէն զպատուիրանս քո :

Փափագեաց անձն իմ 'ի ցանկալ ինձ յի-
րաւունս քո յամենայն ժամ :

Սաստեցեր ամբարտաւանից, անխճեալ ոյք
խոտորեցան 'ի պատուիրանաց քոց :

Ի բաց արա յինէն զնախատինս և զարհա-

մարհանս , զի զվկայութիւնս քո խնդրեցի .
 Գանդի նստան իշխանք և չարախօսէին զի-
 նէն . այլ ծառայ քո խորհէր յիրաւունս քո .
 Զի վկայութիւնք քո իօսք իմ էին , եւ
 խորհուրդք իմ արդարութիւն քո :

Մերձեցաւ անձն իմ 'ի հող , Տէր , կեցո
 զիս ըստ բանի քում :

Զճանապարհս իմ պատմեցի քեզ՝ և լուար
 ինձ , ուսո ինձ զարդարութիւնս քո :

Ի ճանապարհս արդարութեանց քոց ի-
 մաստուն արա զիս , եւ քննեցից զսքան-
 չելիս քո :

Տքնեցաւ անձն իմ առ 'ի ձանձրանալ .
 հաստատեա զիս 'ի բանս քո :

Զճանապարհս մեղայ 'ի բաց արա յինէն ,
 և յօրէնս քո , ողորմեա ինձ :

Զճանապարհս ճշմարտութեան քո ընտ-
 րեցի , և զիրաւունս քո ես ոչ մոռացայ :

Մերձեցայ ես 'ի վկայութիւնս քո , Տէր մի
 յամօթ առներ զիս :

Ի ճանապարհս պատուիրանաց քոց ընթա-
 ցայ , զի անդորր արարեր սրտի իմոյ :

Օրէնսգէտ արա զիս Տէր , 'ի ճանապարհս
 իրաւանց քոց , եւ խնդրեցից զնա յամե-
 նայն ժամ :

Իմաստուն արա զիս . եւ քննեցից զօրէնս
 քո , և պահեցից զնա բողբոլ սրտիւ իմով :
 Առաջնորդեա ինձ 'ի շաւիղս պատուիրա-
 նաց քոց , զի ընդ նոսա հաճեցայ :
 Խոնարհեցո զսիրտ իմ 'ի վկայութիւնս քո ,
 և մի յազահուութիւնս :
 Դարձո զաչս իմ , զի մի տեսից զնանրու-
 թիւն , 'ի ճանապարհս քո կեցո զիս :
 Հաստատեա ծառայի քում զբան քո յեր-
 կիւղ քո :
 Հան յինէն զնախատինս , զոր և կարծեցի .
 զի դատաստանք քո քաղցր են :
 Ահա ցանկացայ պատուիրանաց քոց . յար-
 դարութեան քում կեցո զիս :
 Եկեսցէ 'ի վերայ իմ ողորմութիւն քո Տէր ,
 և փրկութիւն քո ըստ բանի քում :
 Տաց պատասխանի ոյք նախատեն զիս բա-
 նիւք . զի ես 'ի բանս քո յուսացայ :
 Մի 'ի բացեայ առներ 'ի բերանոյ իմմէ ըզ-
 բան ճշմարտութեան մինչեւ յոյժ , զի յի-
 րաւունս քո յուսացայ :
 Պահեցի զօրէնս քո յամենայն ժամ , յաւի-
 տեան և յաւիտեանս յաւիտենից :
 Գնայի ես յանդորրու , զի զպատուիրանս քո
 խնդրեցի :

Խօսէի զվկայութիւնս քո առաջի Թագա-
ւորաց, և ոչ ամուսնէի:

Խորհէի 'ի պատուիրանս քո, զոր սիրեցի:
Համբարձի զձեռս իմ 'ի պատուիրանս քո
զոր սիրեցի, եւ խորհէի յարդարութեան
քում:

Յիշեա զբան ծառայի քո, յոր և յուսա-
ցուցեր զիս:

Սա մխիթարեսցէ զիս 'ի խոնարհութեան
իմում, զի բան քո կեցոյց զիս:

Ամբարտաւանք անիրաւեցան յիս յոյժ, այլ
յօրինաց քոց ես ոչ խոտորեցայ:

Յիշեցի զիրաւունս քո յաւիտենից Տէր,
և մխիթարեցայ:

Տրտմութիւն կալաւ զիս 'ի մեղաւորաց,
և ոյք թողին զօրէնս քո:

Գովելի են ինձ իրաւունք քո 'ի տեղւոջ
պանդխտութեան իմոյ:

Յիշեցի 'ի գիշերի զանուն քո Տէր, և պա-
հեցի զօրէնս քո:

Սա եղեւ ինձ ճանասպարհ 'ի կեանս, զի
զարդարութիւնս քո ինդրեցի:

Փառք Հօր և Որդւոյ և: Այժմ և միշտ և:



ԵՐԿՐՈՐԴ ԱՆԲԻԾՔ

ՆՆՋԵՑԵԼՈՑ

ԱԷԼՈՒԻԱ ԱԷԼՈՒԻԱ :

Բաժին իմ ես դու Տէր , ասացի պահել
ինձ զօրէնս քո :

Աղաչեցի զերեսս քո բոլորով սրտիւ իմով .
ողորմեա ինձ ըստ բանի քում :

Խորհեցայ 'ի ճանապարհս իմ , եւ դար-
ձուցի զոտս իմ 'ի վկայութիւնս քո :

Պատրաստեցայ եւ ոչ խռովեցայ , զի պա-
հեցի զպատուիրանս քո :

Տոռունք մեղաց պատեցան զինեւ . այլ
զօրէնս քո ես ոչ մոռացայ :

Ի մէջ գիշերի յառնէի խոստովան լինիլ
առ քեզ վասն իրաւանց եւ արդարու-
թեան քո :

Հաղորդ էի ես ամենայն երկիւղածաց քոց ;
որոց պահեալ էին զպատուիրանս քո :

Ողորմութեամբ Տեառն լի եղեւ երկիր .
զարդարութիւնս քո ուսո ինձ :

Քաղցրութիւն արարեր ընդ ծառայի քում
Տէր ըստ բանի քում :

Ձքաղցրութիւն , զխրատ և զգիտութիւն
 ուստ ինձ , զի 'ի պատուիրանս քո ես
 հաւատացի :

Մինչեւ խոնարհեալ էի ես՝ մեղայ . վասն
 այսորիկ զքանս քո պահեցի յոյժ :

Քաղցր ես դու Տէր , եւ քաղցրութեամբ
 քով ուստ ինձ զարդարութիւնս քո :

Բազմացան յիս անիրաւութիւնք ամբար-
 տաւանից . այլ ես բոլորով սրտիւ իմով
 քննեցի զպատուիրանս քո :

Մածան որպէս կաթն սիրաք նոցա . այլ
 ես զօրէնս քո խօսեցայ :

Բարի է ինձ զի խոնարհ արարեր զիս ,
 որպէս ուսայց զարդարութիւնս քո :

Բարի են ինձ օրէնք բերանոյ քո , քան
 զհազարս ոսկւոյ և արծաթոյ :

Ձեռք քո արարին եւ ստեղծին զիս , իմաս-
 տուն արա զիս , եւ ուսայց զպատուիրա-
 նըս քո :

Երկիւղածք քո տեսցեն զիս և ուրախ ե-
 ղիցին , զի ես 'ի բանս քո յուսացայ :

Ծանեայ Տէր զի արդարութեամբ են դա-
 տաստանք քո . յիրաւի խոնարհեցուցեր զիս :

Եղիցի զղորմութիւն քո 'ի մխիթարել զիս ,
 ըստ բանի քում՝ զծառայս քո :

Եկեացեն յիս գթութիւնք քո՝ եւ կեցից ,
 զի օրէնք քո խօսք իմ էին :
 Ամաչեացեն ամբարտաւանք՝ որք 'ի տարա-
 պարտօց անիրաւեցան յիս . այլ ես հո-
 գացայ 'ի պատուիրանս քո :
 Խրատեսցեն զիս երկիւղածք քո , եւ ոյք
 ճանաչեն զվկայութիւնս քո :
 Եղիցի սիրտ իմ անբիծ յարդարութեան
 քում , զի մի ամաչեցից :
 Կարօտայաւ անձն իմ 'ի փրկութիւնս քո ,
 զի ես 'ի բանս քո յուսացայ :
 Սպասեցին աչք իմ բանի քում . ասացի՝
 երբ մխիթարեսցէ զիս :
 Եղէ ես որպէս տիկ 'ի պարզի , զի զար-
 դարութիւնս քո ես ոչ մոռացայ :
 Քանի՞ ինչ են աւուրք ծառայի քո . երբ
 արասցես ինձ իրաւունս 'ի հալածչաց իմոց :
 Պատմեցին ինձ անօրէնք զխորհուրդս , այլ
 ոչ որպէս զօրէնս քո :
 Ամենայն պատուիրանք քո ճմարիտ են՝
 'ի նանիր հալածեցին զիս , օգնեա ինձ :
 Փոքր մի եւս և կորուսանէին զիս յերկրի .
 այլ ես ոչ թողի զպատուիրանս քո :
 Ըստ ողորմութեան քում կեցո զիս , եւ
 պահեցից զվկայութիւնս բերանոյ քոյ :

Յաւիտեան Տէր բան քո կայ յերկինս, ազգէ
մինչեւ յազգէ ճշմարտութիւն քո:

Հաստատեցեր զերկիր՝ եւ կայ:

Հրամանի քում մնայ տիւ, զի ամենեքեան
ծառայք քո են:

Եթէ ոչ օրէնք քո խօսք իմ էին, կանխաւ
եւս արդեօք կորուսեալ էի ՚ի խոնարհու-
թեան իմում:

Յաւիտեան ոչ մոռացայ զարդարութիւնս
քո, զի նոքօք կեցուցեր զիս:

Քո եմ ես եւ կեցո զիս, զի զարդարու-
թիւնս քո խնդրեցի:

Ինձ սպասեցին մեղաւորք ՚ի կորուսանել,
զի զվկայութիւնս քո ես ՚ի միտ առի:

Յամենայն կատարածի տեսի զվախճան.
յոյժ անդորր էին ինձ պատուիրանք քո:

Որպէս սիրեցի զօրէնս քո, զօրհանապազ
խօսք իմ էին:

Քան զթշնամիս իմ իմաստունն արարեր զիս
՚ի պատուիրանս քո, զի յաւիտեան իմ էին:

Քան զամենայն ուսուցիչս իմ իմաստունն
եղէ, զի վկայութիւնք քո խօսք իմ էին:

Քան զծերսն իմաստունն եղէ, զի զպա-
տուիրանս քո քննեցի:

Յամենայն ճանապարհաց չարաց արգելի

զոտս իմ, որպէս զի պահեցից զքանս քո :
 Յիրաւանց քոց ես ոչ խոտորեցայ, զի դու
 օրէնսգէտ արարեր զիս :
 Որպէս զի քաղցր են 'ի քիմն իմ բանք քո՝
 քան զմեղը բերանոյ իմոյ :
 Ի պատուիրանաց քոց իմացեալ ատեցի
 զամենայն ճանապարհս չարաց, զի դու
 օրէնսգէտ արարեր զիս :
 Ճրագ են բանք քո ոտից իմոց, եւ լոյս
 տան շաւղաց իմոց :
 Երդուայ եւ հաստատեցի, զի պահեցից
 զամենայն իրաւունս արդարութեան քո :
 Խոնարհ եղէ մինչեւ յոյժ. Տէր կեցո զիս
 ըստ բանի քում :
 Ընդ կամս բերանոյ իմոյ հաճեա Տէր,
 եւ զիրաւունս քո ուսո ինձ :
 Անձն իմ 'ի ձեռս քո է յամենայն ժամ,
 եւ զօրէնս քո ես ոչ մոռացայ :
 Եղին ինձ մեղաւորք որոգայթ, 'ի պատ-
 ուիրանաց քոց ես ոչ մոլորեցայ :
 Փառանգեցի զվկայութիւնս քո յաւի-
 տեան, զի ցնծութիւն է սրտի իմոյ :
 Խոնարհեցուցի զսիրտ իմ առնել զար-
 դարութիւնս քո յաւիտեան, վասն հա-
 տուցման :

Ձանօրէնս ատեցի, և զօրէնս քո սիրեցի :
 Օգնական եւ փրկիչ իմ ես դու, եւ ես
 'ի բանս քո յուսացայ :

Ի բաց եղերուք յինէն, չարք, և քննեցից
 զպատուիրանս Աստուծոյ իմոյ :

Օգնեա ինձ ըստ բանի քում և կեցո զիս,
 և մի յամօթ առնեք զիս 'ի յուսոյ իմմէ :

Օգնեա ինձ և ապրեցո զիս, և խորհեցայց
 յիրաւունս քո յամենայն ժամ :

Անարգեցեր զամենեսեան՝ որք ապրս-
 տամքք եղեն յարդարութեանց քոց . զի
 անիրաւութեամբ էին խորհուրդ նոցա :

Յանցաւորս համարեցայ զամենայն մեղա-
 ւորս երկրի . վասն այսորիկ սիրեցի ըզ-
 պատուիրանս քո :

Բեւեռեա ընդ երկիւղ քո զմարմին իմ,
 զի 'ի դատաստանսց քոց երկեայց յոյժ :

Փառք Հօր և Որդւոյ և : Արժմ և միշտ և :



ԵՐՐՈՐԴ ԱՆԲԻԾԻ

ՆՆՋԵՑԵԼՈՑ

ԱԷԼՈՒԻ ԿԷԼՈՒԻ :

Արարի իրաւունս և արդարութիւն . մի
մատներ զիս 'ի ձեռս նեղչաց իմոց :

Ընկալ զծառայս քո 'ի բարի , զի մի ամ-
բարտաւանք զզուեսցեն զիս :

Ապասեցին աչք իմ փրկութեան քում Տէր ,
և բանից արդարութեան քո :

Արա ընդ ծառայի քում Տէր , ըստ ողոր-
մութեան քում . զարդարութիւնս քո ու-
սո ինձ :

Ծառայ քո եմ ես , իմաստուն արա զիս ,
և ծանեայց զվկայութիւնս քո :

Ժամ է պաշտել զՏէր , խափանեցին զօ-
րէնս քո :

Վասն այսորիկ սիրեցի զպատուիրանս քո
քան զամենայն ոսկի և զտպազիոն :

Ամենայն պատուիրանք քո յաջողեցան ինձ ,
զի ատեցի ես զճանապարհս չարաց :

Սքանչելի են վկայութիւնք քո , վասն այսորիկ սիրեաց զնոսա անձն իմ :

Յայտնութիւն բանից քոց լուսաւոր է եւ իմաստուն առնէ զտղայս :

Զբերան իմ բացի , և առի զհոգի . 'ի պատուիրանս քո փափաքեաց անձն իմ :

'Նայեա առիս եւ ոլորմեա ինձ ըստ իրաւունս սիրողաց անուան քո :

Զճանապարհս իմ ուղիղ արա ինձ ըստ բանի քում , եւ մի տիրեսցեն ինձ ամենայն մեղք :

Փրկեա զիս 'ի զրպարտութենէ մարդկան , և պահեցից զպատուիրանս քո :

Երեւեցո զերեսս քո 'ի ծառայս քո , եւ ուսո ինձ զարդարութիւնս քո :

Վտակք ջուրց իջին յաչաց իմոց , զի ոչ պահեցին զօրէնս քո :

Արդար ես դու Տէր , եւ ուղիղ են դատաստանք քո :

Պատուիրեցեր զարդարութիւն վկայութեանց քոց , և ճշմարիտ են յոյժ :

Մաշեաց 'զիս նախանձ քո , զի մոռացան զբանս քո թշնամիք իմ :

Ընտրեալ է բան քո յոյժ , եւ ծառայ քո սիրեաց զսա :

Մանուկ եմ ես և արհամարհեալ, և զարդարութիւնս քո ես ոչ մոռացայ :

Արդարութիւն քո արդարութիւն յաւիտենից, և օրէնք քո ճշմարիտ են :

Նեղութիւնք և վիշտք գտին զիս, և պատուիրանք քո խօսք իմ էին :

Արդարութեամբ են վկայութիւն քո, յաւիտեան իմաստուն արա և կեցո զիս :

Կարգացի առ քեզ բոլորով սրտիւ իմով, լուր ինձ Տէր, զի զարդարութիւնս քո խնդրեցի :

Աղաղակեցի առ քեզ՝ և փրկեա զիս, և պահեցից զվկայութիւնս քո :

Կանխեցի տարաժամու, աղաղակեցի, եւ ես ՚ի բանս քո յուսացայ :

Կանխեցին աչք իմ առաւօտու ՚ի խօսիլ ինձ զբանս քո :

Ձայնի իմում լուր Տէր ըստ ողորմութեան քում, և յիրաւունս քո կեցո զիս :

Մերձեցուցին յիս հալածիչք իմ զանօրէնութիւն, զի յօրինաց քոց հեռի եղեն :

Մերձ ես դու Տէր, և ամենայն պատուիրանք քո ճշմարիտ են :

Ի սկզբանէ ծանեայ ՚ի վկայութեանց քոց, զի յաւիտեան հաստատեցեր զնոսա :

Տես զխոնարհութիւն իմ եւ փրկեա զիս ,
զի զօրէնս քո ես ոչ մոռացայ :

Դատեա զդատաստանս իմ և փրկեա զիս ,
և ըստ բանի քում կեցո զիս :

Հեռի է 'ի մեղաւորաց փրկութիւն , զի
զիրաւունս քո ոչ պահեցին :

Գթութիւնք քո բազում են Տէր , և ըստ
իրաւանց քոց կեցո զիս :

Բազում են , որք հալածեն և նեղեն զիս .
'ի վկայութեանց քոց ես ոչ խոտորեցայ :

Հայէի յանագորոյնս եւ մաշէի , զի զպա-
տուիրանս քո ոչ պահեցին :

Տես՝ զի զպատուիրանս քո սիրեցի . Տէր՝
ողորմութեամբ քո կեցո զիս :

Սկիզբն բանից քոց ճշմարտութիւն է . յա-
ւիտեան են ամենայն իրաւունք արդարու-
թեան քո :

Իշխանք հալածեցին զիս 'ի նանիր , եւ 'ի
բանից քոց երկեալ սիրտ իմ :

Յնծացայ ես 'ի բանս քո որպէս այն որ
գտանէ աւար բազում :

Զմեղս ատեցի և անարգեցի , և զօրէնս քո
սիրեցի :

Եօթն անգամ յաւուր օրհնեցից զքեզ
վասն իրաւանց և արդարութեան քո :

Խաղաղութիւն բազում է այնոցիկ ոյք սիրեն զօրէնս քո, և ոչ գոյ ՚ի նոսա գայ-
թակղութիւն :

Սպասեցի փրկութեան քում Տէր, և զպատուիրանս քո սիրեցի :

Պահեաց անձն իմ զվկայութիւնս քո, եւ սիրեաց զնոսա յոյժ :

Պահեցից զպատուիրանս և զվկայութիւնս քո, զի ամենայն ճանապարհք իմ առաջի քո են :

Մերձեսցին խնդրուածք իմ առաջի քո Տէր, ըստ բանի քում իմաստունն արա զիս :

Մտցեն աղօթք իմ առաջի քո Տէր, և բանիւ քո փրկեա զիս :

Բղխեսցեն շրթունք իմ զօրհնութիւնս քո, յորժամ ուսուսցես ինձ զարդարութիւնս քո :

Խօսեսցի լեզու իմ զբանս քո, զի ամենայն պատուիրանք քո արդարութեամբ են :

Եղիցի ձեռն քո ՚ի կեցուցանել զիս, զի զպատուիրանս քո ընտրեցի :

Ցանկացայ փրկութեան քում Տէր, և օրէնք քո խօսք իմ էին :

Կեցցէ անձն իմ, օրհնեսցէ զքեզ, և իբաւունք քո օգնեսցեն ինձ :

Մոլորեցայ ես որպէս զոչխար կորուսեալ .
 խնդրեա զճառայս քո , զի զպատուիրանս
 քո ես ոչ մոռացայ :

Փառք Հօր և Որդւոյ և : Այժմ և միշտ և :

Ալեւուիա ալեւուիա :

Սիրեցի զի լուսիցէ Տէր զձայն աղօթից ի-
 մոց . զի խոնարհեցոյց զունկն իւր առ իս ,
 և ես յաւուրս իմ կարդացի առ նա :

Շրջեցան զինեւ երկունք մահու , և վիշտք
 դժոխոց գտին զիս :

Զնեղութիւն և զանձկութիւն գտի , եւ
 զանուն Տեառն կարդացի :

Ո՞ Տէր՝ փրկեա զանձն իմ . ողորմած Աս-
 տուած մեր ողորմի և պահէ զտղայս Տէր :
 Ես խոնարհ եղէ՝ եւ Տէր կեցոյց զիս .
 դարձ անձն իմ 'ի հանգիստ քո , զի Տէր
 օգնեաց քեզ :

Փրկեաց զանձն իմ 'ի մահուանէ , զաչս
 իմ յարտասուաց , և զոտս իմ 'ի գայթակ-
 ղութենէ , հաճոյ եղէց առաջի Տեառն
 յերկրին կենդանեաց :



ՇԱՐԱԿԱՆ Ք

ՀԱՆԳՍՏԵԱՆ

Ի ՎԵՐԱՅ ՈՒԹ ԶԱՅՆԻՑ

Առ. ՉԱՅՆ արկեալ կենարարին անտուածային բարբաճովն, ասէ եկայք օրհնեալք Հօր իմոյ ժառանգեցէք պատրաստեալ ձեզ ըզկեանսն 'ի հանդերձեալ երկրին.

Ընդ առաջ ելանելք թեզ հաւատով 'ի յօղորս վերինս, աստուածազգեաց լուսով պայծառացեալ 'ի դասս անմարմնոցն. 'ի լսել ըզձայն երանալէտ կոչմանն:

Ընդ աջմէ քուսմէ կացո ընդ իմաստունս սուրբ կոչսանսն, 'ի լուսեղէն անաբաստին պայծառացեալ 'ի դասս անմարմնոցն, 'ի ժողովս անդրանկաց գրեւոց 'ի յերկրինս:

Հանգ. Քեզ վայելէ Աստուած օրհնութիւն, որ յարութիւնդ ես ձայնիւ յա-

Լիտենից նընջեցե՛լոյն . Թադաւոր և իշխանն վերօրհնեմք ըզքեզ :

Ի միւսանգամ գալըստեանըն քո Քրիստոս փառաց Թագաւոր ՚ի ձայն փողոյ նորագի՛ն հօգի՛ք նընջեցե՛լոցն , և յառնե՛ն ՚ի մեռելոց անապական մարմնով :

Վասն որոյ եւ մեք ըզքեզ աղաչեմք Հայր երկնաւոր . դասաւորեմ ըզնընջեցեալսըն մեր ՚ի վերի՛նըդ քո Երուսաղէմ , ՚ի Ժողովս անդրանկաց գրելոց ՚ի յե՛րկինս :

Ապաշ . Հայր բազմամողորմ խոստովանիմ առքեզ որպէ՛ս զանառակ որդի՛ն . Թող ինձ ըզմեզս ի՛մ , և մղորմեա՛ :

Տէր ո՛ր գըթացար ՚ի կինն Քանանացի , գըթա՛ և յի՛ս ՚ի մեղաւորս , և մղոր :

Տէր ո՛ր դարձուցեր ըզմաքսաւորն ՚ի գիտմութիւն ճըշմարտութեան , դարձո՛ եւ զի՛ս զմղորեալս , և ո՛ղոր :

Ապաշ . Աստի՛ւած բազմամողորմ , խընայեա՛ յարարածըս քո՛ Հայր ամենակալ , եւ ողորմեա՛ :

Արե՛գակն արդար՛ութեան , ծագեա՛ ՚ի հոգի՛ս մեր ըզլսյս ճըշմարտութեան , և ողոր :

Տուր մե՛զ Տէր զխաղաղո՞ւթիւն , և փրո-
կեա՛ն ՚ի նեղչանց մերոց հոգի՛դ ճըշմար-
տութեանն , և ողորմեա՛ն :

Ա. Կալ . Ողորմեա ի՛նձ Ա՛ստուանձ :
Որ զառանջինն ոչ պահելով ըզպատուի՛-
րանըն մե՛ռաք . շնորհեցե՛ր քե՛ւ օրի՛-
նակ մեզ պատուի՛րան կենանց . զի պա-
հելով կենդանանցուք . ողորմե՛ր :

Որ ՚ի խորհուրդ քո կամաւոր մահուանն
եկեղեցի քո Քրիստոս . մե՛ռանելով օրի՛-
նաց մեղանց , զի յարմեցեալ ընդ քե՛զ
նորոգեցցի ՚ի փա՛ռս . ողորմե՛ր :

Դ. Կենդանութեանց բա՛շխող Քրիստո՞ս
ի Բեթանիա՛ եկաւորեալ այսօր , բարեկա-
մի՛ն Ղազարո՛ւ պարգևէ զկե՛նդանութիւնն :
Տընօրինաբար արտասուելով ընդ Մար-
թայի՛ և ընդ Մարիամու ողբակցէր . եւ
որպէս մարդ հարցանէր ո՛ւր եղիք ըզ-
Ղազարո՞ս :

Ե՛ւ որպէս զԱստուանձ բարբա՛ռով յա-
րուցանէ՛ ՚ի մեռելոց ըզշնորհքօրեայն . եւ
զուզընթանց ձայնի՛ն մեռեալն եկն ար-
տաքս անանպականն :

Յար. Ընդ լճսանալ միաշաբաթին կան-
խեցին կանայքն ի գերեզմանն. ի խըն-
կել զանապական մարմինն.

Եւ գտին ըզվէմբն բարձեալ ի դրանց
գերեզմանին եւ լըեալ բարբառ ի
հրեշտակէն. եթէ յարեալ Քրիստոս եւ
խափանեաց ըզմահ.

Եւ հանդիպեալ քո Տէր առաքելոցն, եւ
տճեալ զողջոյն կենդանարար, առաքե-
ցեր զնոսա ի փրկութիւն տիեզերաց.

Հոգ. Ո՛ր ի բրովբէական կառսրդ հանգ-
չիս, այսօր իջեր յերկնից ի դասս Առա-
քելոցն Սուրբ Հոգի, օրհնեալ ես թա-
գաւո՛ր անմահ.

Ո՛ր գընաս ի վերայ թե՛ւոց հողմոց, այ-
սօր ի հրեղէն լեզու բաժանեալ հան-
գեար յառաքեալսն Սուրբ Հոգի. օրհն.

Որ խնամես տեսչութեամբ զքո զարմ-
րածս, այսօր եկիր ի հաստատել զեկե-
ղեցի քո Սուրբ Հոգի. օրհն.

Մեծ. Յանճա՛ռ փառաց խոնարհեցար ի
մեր բընովթիւնս, բանդ Աստված եւ
մարմնացար ի սրբոյ կուսէն.

Եւ ծնա՛ր ՚ի սուրբ կո՛ւսէն անա՛պական
մա՛րմնով . ըզքե՛զ անդա՛դար բարեբա-
նեա՛լ մեծա՛ցուցանե՛մք :

Ա՛յսօր զեկեա՛լդ ՚ի փրկո՛ւթիւն ազգի
մա՛րդկան , միաբանութեամբ ամենեքեա՛ն
մեծա՛ցուցանե՛մք :

Մե՛ծ . Յարուցե՛լոյն ՚ի մե՛ռելոց բնակա-
րա՛ն մայր ե՛ւ կոյս , որ ըզնընջեցեալսըն
յԱդա՛մայ կենա՛գործէ անապական , ըզ-
քեզ մեծա՛ցուցանե՛մք որ օրհնեա՛լդ ես
ի՛ն կանայս :

Արա՛րողի՛ն երկնի՛ և երկրի՛ եղեր տաճա՛ր
եւ առագա՛ստ , որ ըզնընջեցեալսըն մե՛ր
հրե՛ղէ՛ն նորոգե՛ . զքեզ մե :

Կերակրո՛ղին աիեզերաց արբո՛ւցեր ըզքո
սուրբ ըզկա՛թն , որ ըզնընջեցեալսըն մե՛ր
վերըստի՛ն նորոգե՛ . զքեզ մե :

Խաչի՛ . Սո՛ւրբ Խաչն օգնական հաւատա՛լ-
ցե՛լոց , կանգնեցա՛ւ ՚ի յերկրի՛ յաղթո՛ղ
Թընամեոյն . եկայք ժողովո՛ւրդք երկը՛ր-
պա՛գեսցո՛ւք :

Արարի՛չն Աստուած բարձրացա՛ւ ՚ի Խաչի՛ն ,
եւ զմեռեալքս մեղք փայտի՛ն շաշակ-

մամբն, ՚ի սմա նորոգեալ կենդանացոյց :
 Ի միւսանգամ գալըստեան Աստուած-
 որդւոյն, Սո՛ւրբ Խաչն երեւի եւ լուսաւ
 ւորէ. զի նա է յոյս հաւանտացելոց :

Ալելուիա ալելուիա :

Տէր մի սրտմտութեամբ քով յանդիմա-
 ներ զիս, և մի բարկութեամբ քով խրա-
 տեր զիս :

Ողորմեա ինձ Տէր, զի հիւանդ եմ ես. բժշչ-
 կեա զանձն իմ զի խռովեցան ոսկերք իմ :

Արոյ Աւետարանի Յիսուսի Քրիստոսի՝ որ ըստ
 Յովհաննու :

Տէրն մեր Յիսուս Քրիստոս առե :

Ամէն ամէն ասեմ ձեզ. ոչ կարէ Որդի Մար-
 դոյ առնել յանձնէ և ոչ ինչ, եթէ ոչ տե-
 սանիցէ զՀայրն զի առնէ. զի զոր նայն
 առնէ, զնոյն և Որդին նմին նման գործէ :
 Զի Հայր սիրէ զՈրդի, եւ զամենայն ինչ
 ցուցանէ նմա՝ զոր ինքն առնէ. և մեծա-
 մեծս եւս քան զսոյնս ցուցանէ նմա ըզ-
 գործս՝ ընդ որ դուքդ զարմանայք :

Զի որպէս Հայր յարուցանէ զմեռեալս և
 կենդանի առնէ, նոյնպէս եւ Որդի զորս
 կամի կենդանի առնէ :

Եւ ոչ եթէ Հայր դատի զոք, այլ զամե-
նայն դատաստանն ետ Որդւոյ իւրոյ. զի
ամենեքեան պատուեսցեն զՈրդի՝ որպէս
պատուեն զՀայրն :

Որ ոչ պատուէ զՈրդին, ոչ պատուէ ըզ-
Հայր զառաքիչն նորա :

Փառաց ՚ի փառքս բարձրանան, աջա՛.
Քանհանայք և ժողովորդք հայցեմք ՚ի՛ :
(Տե՛ս էրե՛ս 377) :

Յորժամ գրեալքն կա՛ տարի՛հէ՛ն, ո՞ր
զայնմ աւուր մե՛զ պա՛ տմեցի՛ն. մար-
գարէ՛ց բանքն յարգի՛հէ՛ն, առաքե՛-
լոցն վե՛ ճարի՛ն. ողորմա՛ ճ Տէր ո՛ւ-
ղորմեա՛հէ՛ հոգւոցն մեր նը՛նջե՛ցե՛ց :

Հոգւոցն հանգուցն : Ասան հանգ : Քրիստոս Որդի Ա. :
Հայր մեր որ յերկինս :

Շարական, ԱԿ.

Հանգ. Արարի՛չ Աստուած եւ ըստեղծիչ
այգգի մարդկա՛հէ՛ն մի՛ անտես առնե՛ր
ըզնընջեցեալսն մեր. այլ հանգո՛ զհոգիս
նոցա ընդ սուրբքս քո՛ :

Որգի՛դ միածի՛ն յարութիւն տի՛եզե-
րա՛հ՛ց . մի՛ անտես առ :

Հոգի՛դ ճըշմարտ մըխիթարիչ սը՛գաւո-
րա՛հ՛ց . մի՛ անտես առ :

Հանգ . Ձեռքք քո՛ արարին ե՛ւ ըստեղծին
զիս ՚ի հողո՛յ . ՚ի յօրհնել ըզքե՛զ Աստը-
ւա՛ծ յաւիտեա՛ն :

Իսկ պատրանօք բանսարկուին խոփանե-
ցայ յա՛նճառ լուսո՛հն , և դարձայ՛ անդ-
րէն ՚ի հն՛դ յո՞րմէ՛ ստեղծայ :

Մըխիթարիչ Սուրբ Հոգի լո՛ւսաւորեա
զմե՛ր նընջեցեա՛լսն , եւ հանգո՛ զհոգիս
նոցա ը՛նդ սո՛ւրբըս քո՛ :

Ապաշ . Ծո՛ւ կե՛նցանդոյս հանա՛պանգ զիս
ալէկո՛ծէ :

Մըրըկեա՛լ ա՛լլք թշնամի՛ն ինձ յարո՛ւ-
ցա՛նէ :

Նա՛ւապե՛տ բարի՛ . լեր ա՛նձին իմոյ ա՛-
պա՛ւէն :

Ապաշ . Մեղայ՛ Տէր բազումողո՛րմ Ա՛ստը-
ւա՛ծ . մեղայ՛ ո՞ղորմեա՛ :

Մեղայ՛ Տէր և անկա՛նիմ առաջի քո՛ . մե-
ղայ՛ ո՞ղոր :

Մեղայ. Տէր խոստովանիմ ըզյանցանա
իմ. մեղայ՝ ողոր :

Ա. Կ. Կիւր. Որ առաքեցար 'ի հայրական
ծոցոյ ծածկեալ խորհուրդ ընդ Հօր յա-
ւիտեան, եւ առե՛ր մարմին զմեղուցելո՛ւ
նախաստեղծին յանապական Կո՛ւսէ՛ն ան-
ճա՛ռ մի՛ռլթեամբ վասըն մերո՛յ փրկմա-
լթեանն. ողորմեա՛ :

Որ փոխանակ ճաշակացըն դառնութեանն
մահաբեր պըտողոյն անճաշակ լինելով քո
քառասնօրեայ, քաղցրացուցեր յո՛ւսով
ըզլուծ նոր քո՛ օրինաց. վասըն :

Որ աջակողմ աւազակին բացե՛ր ըզդուռըն
դրախտին կենաց. բաց եւ մե՛զ մեղանու-
րացս ողորմութեամբ. որք ընդ նըմին
զքեզ դաւանիմք Տէր եւ թագաւոր. ա-
ղա՛չեմք ըզքեզ ողորմեա :

Ա. Գ. Հիւգլ. Ա՛յսօ՛ր կանգնեցա՛ւ ա՛ւա-
զան մրկըրտութեան 'ի թողութիւն մե՛-
ղաց մերոց :

Ա՛յսօ՛ր Տէրըն մեր լուանայր զոտս աշա՛-
կերտացն եւ պատուիրէ՛ր զայս ասելով :
Մի՛ ոմն 'ի ձէնջ եղբարք մատնելոց է զի՛ս

Ի մահ եւ որոշի՞ յաշակերտացդ :
 Զայն լըւեալ Պետրոսի՛ աննարկէր առ
 Յովհաննէ՛ս հարցանել թէ՛ ով իցէ :
 Բանն զոր անաց Յիսուս տըրտմեցոյց զիւր
 զաշակերտսն և խռովեցան՝ ամենքեան :
 Յար. Դո՛ւ ես Քրիստո՛ս կեանք և յարմը
 թիւն ազգի՛ մարդկան՝ն . ո՞ղորմեա՛ :
 Դո՛ւ յարո՛ւցեալ նորոգե՛ցեր ըզտի՛ն զե՛րս .
 ո՞ղորմեա՛ :

Յոյս յարութեան մերոյ անգիւր կենաց
 և փըրկութեանն , ո՞ղորմեա՛ :

Հ. Գ. Որ ՚ի հրացայտ նաւառնաթեւիցըդ
 վերսնըստիս , այսօր ՚ի դանսըս հողեղինաց
 անպատմել սիրով հեղեալ ՚ի յերկնից .

ճրհնեալ ես Սուրբ Հոգի՛ Աստուած :

Որ ՚ի հրեղէն լեզուացն ե՛ռահիւսեանկ
 սըրբաբանիս , այսօր ՚ի շրթունըս հողե-
 ղինացըն հրաճորան հեղեալ ՚ի յերկնից .
 ճրհնեալ ես Սուրբ Հո՛գ :

Որ հրակերպիցն արփիափայլ բոցով միշտ
 երեւիս , այսօր հողեղինացըն հրաճաշակ
 բաժանկ հեղեալ ՚ի յերկնից . ճրհնեալ ես :

Սուրբ Հո՛գ :

Մէծ . Ուրախ լեր Աստուածածինն , տաճար
անխախտելի . զքեզ մեծացունեմք .

Յըզացար անարատաբար , եւ զԱստուած
վայելչապէս ծընար . ուրախ :

Երգէ մարգարէն , սո՛ւրբ է տաճար քո
սքանչելի արդարութեամբ , եւ դո՛ւռն
երկնային . ուրախ :

Խաչ . Սեղան քո Տէ՛ր զօրութեանց հա
ւատով կանգնեցաւ 'ի խորանի քում . եւ
կայք ժողովո՛ւրդք երկրպագեսցո՛ւք :

Վէ՛մ պատուական 'ի խորանի քում հի՛մ
նեցաւ այսօր . եկայք ժողովո՛ւրդք երկր :

Փառք Հօր և Որդւոյ և : Այժմ և միշտ և :

Ի՛ սմա մատուցա՛ւ ճըշմարիտ պատարագ ,
եւ զենձ՛մն անապական . եկայք ժողո
վո՛ւրդք երկրպագեսցո՛ւք :

Աւելուիս ավելուիս .

Բարձր առնեմ զքեզ Տէ՛ր՝ զի ընկալար զիս ;
և ոչ ուրախ արարեր զթշնամին իմ յիս :

Տէ՛ր Աստուած իմ կարգացի առ քեզ՝ եւ
բժշկեցեր զիս . Տէ՛ր հաներ 'ի դժոխոց
զանձն իմ , և փրկեցեր զիս յայնցանէ՛ որք
իջանեն 'ի գուր :

Արքայ Աւետարանիս Յիսուսի Քրիստոսի՝ որ ըստ
Ղուկասու :

Տէրն մեր Յիսուս Քրիստոս ասէ :

Զգոյշ լերուք անձանց , գուցէ ծանրա-
նայցեն սիրտք ձեր շուայտութեամբ եւ
արբեցութեամբ՝ և հոգովք աշխարհակա-
նօք , և յանկարծակի հասանիցէ ՚ի վերայ
ձեր օրն այն . զի իբրեւ զորոգայթ հասա-
նիցէ ՚ի վերայ ամենեցուն որ բնակեալ
են ընդ ամենայն երեսս երկրի :

Արթուն կացէք այսուհետեւ , յամենայն
ժամ աղօթս արարէք , զի արժանի լինի-
ջիք զերձանել յայնմ ամենայնէ որ լինե-
լոց է , և կալ առաջի Որդւոյ մարդոյ :
Եւ ՚ի տուէ ՚ի Տաճարին ուսուցանէր , եւ
զգիշերս ելեալ ագանէր ՚ի լերինն՝ որ կո-
չէր Զիթենեաց :

Եւ ամենայն ժողովուրդն կանխէր ընդ ա-
ռաւօտս առ նա ՚ի Տաճարն լսել ՚ի նմանէ :

Երգ . Պարակցեալ անմարմնականքն առ
կենսատու սուրբ Գերեզմանն , տան զա-
ւետիս ազգի մարդկան վասլն կենացն
յաւէժական . դասաւորեալ պարուց նո՛ւ-

ցին ըզննջեցեալս յօրն վերջին . լի լապտերօք մոյծ յանագաստ ընդ իմաստուն սուրբ կոնսանացն :

Զահաւորեալ նըշան խաչին յարեւելից փայլեալ ծագին . հաւանտացեալքն ՚ի քեզ բերկրին և ուրաջողքն կոծեսցին . զերկրպագօնս սրբօյ խաչին պայծառացո լո՛ւսով նորին . լի լապտեր :

Եւգ. Թագաւոր փառաց քրիստոսի՞նս որ ժամանեալ գաս յի՞նչ յերկնից ՚ի վերայ թեւոց հողմոսից քո՞ հայրենի կերպանօք . եւ անե՛ս հրափո՛ր ձուլեալ՞ մբ ըզքննութիւն որդւոց մարդկան . ողոր :

Հոգւոցն հանգուցէ : Ասան հանգ : Քրիստոս Որդի Աս :
Հայր մեր որ յերկնս :



Շարական, ԲԶ .

Հանգ . Հրեշտակային ձայնիւն օրհնեսցուք զամենասուրբ զԵրրորդութիւնըն, փառաւորեալ ըզՀայր . որ վերակոչեաց զամենեւեան ՚ի մահուանէ՞ յանմահութիւն :

Երգեցէք Տեառն Երգ նոր եկեղեցիք
սրբեցելոց, Քրիստոսի երկրորդագելով.
որ վերակոչեաց զամե:

Սըրբասաց ձայնիւն օրհնեսցուք, հոգե-
ւորական հընչմամբ գովեսցուք, սուրբ
զՀոգի՛ն փառաւորելով. որ վերահանգնց
զամենեւեան ՚ի մմ:

Հանգ. Ի ձայն փողոյ գալըստեան քո Տէր,
ամենայն հոգիք զարթոյցեն կալ ՚ի դատաս-
տանի՛ քում Քրիստոս Աստուած մեր.
Յորժամ հընչէ բարբառն ահագին, և հար-
կանի փող յարձակեան մերոյ. եւ մեք գո-
չելով ասեմք փառք գալըստեան քո Տէր:
Յորժամ առնես հատուցումըն Տէր. եւ
սուրբըք քն պարծեսցին ՚ի քեզ. և մեզ
շնորհեսցես Փրկիչ կալ ՚ի յաջմէ՛ քումմէ՛:
Ապաշ. Իանձո զցասումըն քո ՚ի՛ մէնջ,
յաղանդակել հողեղինացս. բաճմագով
Տէր խնայեա և մի կորովսաներ.

կանգնեա՛ զանկեալս ՚ի գլորմանէ: զվի-
րաւորեալս ՚ի թընամւոյն, որ բրժի՛շկդ
ես հիւանդաց բրժըկեա՛ զիմ զհիւան-
դութիւնս:

Ի յանցանաց իմոց թախծեալ անձն իմ
գոչեմ ո՞րպէս ըզմաքսաւորն . Աստղւած
քաւեա՛ն զիս ըզմեղաւորս :

Ա. պաշ. Աներեւութից քննող գաղտնեանց,
բըժըշկեա՛ն զհոգւոյ իմոյ ըզհիւանդութիւն
և կէցո՛ւ միայն մարդանէր .

Որ երկայնամիտդ ե՛ս առ ամենեսեանն ,
ողորմեա անձին իմոյ բազմամեղի և կե՛ .
Ամե՛նսրաւական ողորմութեան շքնորհ ,
պարգե՛ւեա ինձ յահագին աւուրն ըզ-
թողութիւն և կե՛ :

Ա. պաշ. Կիբ . Ո՞ր ըզխորհողդ քո գալըս-
տեանդ յառաջագոյն գուշակեցեր , մար-
գարէիւքն Իսրայէլի զօրս ընտրեցեր յե՛տ
Մովսէսի . ո՞րք խօսեցան Հոգւով Արբով
բազմապատիկ օրինակօք . տո՛ւր մեզ Փրօ-
կիչ ողորմութիւն և ըզմեղաց ըզթողու-
թիւն .

Ի՛ մերձենալ ամաց վերջին , զոր տեսա-
նողքն ծանուցին . ըզհասանիլ մեր փրօ-
կողիդ առ ՚ի՛ վախճան ժամանակին . երե-
ւեցար ՚ի մէջ մարդկան զգեցեալ ըզկե՛րպ
ծառայական . տո՛ւր :

Ի վեցերորդ աւմէր զԱդամ ստեղծե՛ր Ի տի՛պ քո տիրական . ո՛ր ոչ պահեա՛լ ըզպատուիրանըն մերկացաւ ըզպատմուճանն . ի՛սկ նոր Ա՛դամդ Ի վեց դա՛րուն այց աւրարե՛ր կորուսելոյն . տո՛ւր :

Տա՛ճար լուսոյ անը՛ստուերին եւ անաւազանստ անճառ բանին . ո՛ր ըզնախնւո՛յ մօրն Ե՛ւայի բարձե՛ր զանէ՛ծսը՛ն տըրտմալի . հայցեա յՈ՛րդւոյ քո միա՛ծնի Հօր հաշտութեանըն միջնորդի , բա՛ննալ Ի մէնջ ըզսուս՛վութիւն եւ տա՛լ զօգւոց խա՛ղազութիւն :

Ղալա . Յաստուա՛նձային ձայնէ գո՛չմանըն սարսեցի՛ն դո՛ղալով կա՛րապետըք դըժոխոցն . և մե՛ռեա՛լն Ե՛կն արտա՛քս անա՛պական :

Կայցեալ Ի դուրս այրի՛ն և ձայնէ՛ր ազգա՛րարող բարբառոցն Ի գերեզմանն . Ղալա՛րէ՛ նկ արտա՛քս անա՛պական :

Ե՛լեալ Ի գերեզմանէն երիզա՛լինդ պատանօքը՛ն մեռեալն . հրամայեաց լուճա՛նել Ի կեանսըն յա՛ւիտենից :

Յար . Ո՛ր կամա՛ւոր խաչե՛լութեամբ քո

Տէր բարձեր. ըզմեղս . ըզքեզ բարեբա-
նեմք ամենեցուն յարձաթիւն :

Որ երեքօրեայ թաղմամբ քո՛ Տէր մեռու-
ցեր ըզմահ . ըզ :

Ո՛ր լուսափայլ յարութեամբ քո՛ Տէր կե-
նագործեցեր զաշխարհս . ըզ :

Հ. Գ. Նոյն և նրման Հօր և Ո՛րդւոյ , Հո-
գիդ անեղ և համագոյ , բըղխուամն Հժր ան-
բըննաբար , առող յՈրդւոյ մնճառա-
բար . 'ի վերնատունն այսօր իջեր , զՀո-
գիդ շնորհաց քոց արբուցեր . ա՛րբո եւ
մեզ ողորմութեամբ 'ի բաժակէդ իմաս-
տութեան :

Էից ստեղծող արարածոց որ շքեցիւ 'ի
վերայ ջրոց , նոյն և 'ի ջուրսն աւանդանին
'ի շնորհել մեզ քո՛ւմ էակցին , գըգուես
սիրով աղաւնակերպ , զմարդիկ ծնանիս
աստուածակերպ . ա՛րբո :

Բաբուն վերնոցն իմանալեաց , և ըստորին
այսր ըզգալեաց , ո՛ր մարգարէս տաս 'ի
հովուաց , եւ առաքեալս 'ի ձրկնորսաց .
աւետաւոր ըզմաքսաւորս , քարոզ բանի
քո՛ւմ զհալածողս . ա՛րբո :

Մեծ . Սո՛ւրբ և անտուճածանձին Մարիամ,
ցանկալի՛ կուսից և պարճանք ազգի մարդ-
կան , մայր և անղախին մեծանցուցանեմք :
Անկէ՛ղ մորե՛նի եւ տաճար ընդհանուր
լուսոյն , անարատ եւ անխախտելի՛ կու-
սութիւն . մայր և անղա :

Խո՛րհուրդ կենանց եւ մայր կենդանու-
թեան , եւ առագանստ հրափայլ ծագ-
մամբ . մայր և անղա :

Խաչ . Ա՛յլաւինեցաք ՚ի Խաչ քո՛ արարիչ
յաւիտենից , որ ետո՛ւր մեզ պահանպան
յանղթող ընդդէմ թըշնամւոյն . անղաչեմք
սովաւ Փըրկի՛չ պահպանեա՞ զանձինըս մեր :
Բարձրեա՛լ թագաւոր ո՞ր վասըն մեր ելեր
՚ի Խաչ , եւ բարձեր սովաւ զյանցանս
նախաստեղծի՛ն Ադամայ . անղա :

Փառք Հօր և Որդւոյ և : Արժ և մշտ և :

Գլո՛ւխ սո՛ւրբ հաւատոյ եւ փայտ կենանց
մարդկան յայտնեա՛լ , զմր տեսեա՛լ այսոյն
պլլղծոյ կործանեցաւ անկանգնելի . անղա :

Ալէլուիա ալէլուիա .

Աստուած յանուան քում կեցո զիս , եւ
՚ի զօրութեան քում իրաւ արա ինձ :

Աստուած լուր աղօթից իմոյ, ունկնդիր
բանից բերանոյ իմոյ :

Սրոյ Աւետարանիս Յիսուսի Քրիստոսի՝ որ ըստ
Մարկոսի :

Տէրն մեր Յիսուս Քրիստոս առէ :

Այսպէս է արքայութիւն Աստուծոյ, որ-
պէս զի այր մի արկանիցէ զսերմանիս յեր-
կիր, և ննջիցէ, և յառնիցէ զցայգ և զցե-
րեկ, և սերմանիքն բուսանիցին և աճիցեն,
և նա ոչ գիտէ թէ երկիրն ինքնին բերէ
զպտուղ, նախ՝ զխոտն, և ապա՝ զհասկն,
եւ ապա՝ ցորեան ատոք ՚ի հասկին, այլ
յորժամ տայցէ զպտուղն, վաղվաղակի ա-
ռաքի մանգաղ, զի հասեալ են հունձք :
Եւ ասէր, ո՞ւմ նմանեցուցուք զարքայու-
թիւնն Աստուծոյ, կամ որո՞վ առական՝
առակեսցուք զնա :

Որպէս հատն մանանխոյ՝ որ յորժամ սեր-
մանիցի յերկրի, փոքրագոյն է քան զամե-
նայն սերմանիս՝ որք են յերկրի :

Եւ յորժամ սերմանիցի, բուսանի և լինի մեծ
քան զամենայն բանջար, և արձակէ ոստս
մեծամեծս, մինչեւ բաւական լինել ընդ
հովանեալ նորա թռչնոց երկնից բնակիլ :

Եւ այնպիսի առակօք խօսէր ընդ նոսա ըզբանն, որպէս կարող լինէին լսել, և առանց առակի ոչ ինչ խօսէր ընդ նոսա. բայց առանձինն աշակերտացն իւրոց մեկնէր զամենայն:

Երգ. Չայնեցե՛ր առ Ղազարոս որով ետող՛ւր մեռելոց յոյս, կենդանութեամբ չորեքօրեայն կենդանացան որք յԱ՛ղամայն. կենաց ձայնիւ վերջին փո՛ղոյ կոչեա ըզսամ յայսմ հողոյ. ՚ի յօ՛թեվանըս Հօր քո՛ լուսոյ ըզնճնջեցեալըս մեր հանգո՛:

Ղօղեալ սարսեաց պահակ մահու ՚ի կենարան ձայնիւ լըրոյ. արագապէս զոյգ ճնդ բանին ետ ըզմեռեալն ըստ հրամանին, ի՛շխանք օդոյս, այս սարսեացեն ըզհոգի սորամ մի արգելցեն. ՚ի յօ՛թե:

Երգ. Յորժամ գրեա՛լքըն կա՛ տարի՛հն, որ զայնմ աւուր մե՛զ պա՛տմեցի՛ն. մարգարէի՛ց բանքը՛ն յարգի՛հն, առաքելոցը՛ն վե՛ճարի՛ն. ողորմա՛ճ Տէ՛ր ո՛ղորմեա՛հն հոգւոցը՛ն մեր նը՛նջե՛ցելոց:

Հոգւոցն հանգուց : Վասն հանգ : Քրիստոս Որդի Աս :
Հայր մեր որ յերկինս :

Ասի տի Գիշերադարձան. Շարական ԲԿ.

Այալ. Եկեացէ՛ Տէր ՚ի վերայ մեր ողորմութիւն քո՛, եւ բան փրկողութեան քո պահեսցէ՛ զանձի՛նքս մեր ՚ի մեղաց :

Ո՞ղորմութիւն քո՛ եւ ճշմարտութիւն քո՛ եւ լոյս հրեաց քոյ առաջնորդեսցէ՛ մեզ ՚ի յարդարութիւն :

Ո՞ր ողորմա՛ծդ ե՛ս գըթած եւ երկայնամիտ Տէր, ընկալ՛ զաղանչանքս մեր բարեխօսութեամբ սո՛ւրբ Աստուածածնի՛ն :

Այալ. Տէր ըզլո՛ւր մի՛ւսանգամ քո գալնստեանդ լըւայ՛ եւ երկեայ՛. զի ուսայ ՚ի սրբոց պատուիրանացն եթէ՛ գաս դու ՚ի դատել զերկիր :

Տէ՛ր յիշեցի ըզհա՛ր ըզգործս իմ եւ զարհո՛ւրեցայ . զի ծանեայ՛ ճշմարտութեամբ զահա՛ւոր եւ զանաչա՛ռ ըզքո՛ դատաստանն :

Տէ՛ր յիշեցի եւ ըզգո՛ւթ արանչական սիրոյ քո՛ առ քո արարածս . և ՚ի քո գըթողութիւնդ ապա՛ւինեալ աղանչեմ, ողորմեալ ինձ յաւուր յայնմիկ Գրիստոս արդար դատաւոր :

Աստի ասի գերեզման օրհնէք :

Հանգ . Ի գալըստեան Տեառըն դրո՞ւնք
երկնից բանի՞ն . և ճառագայթիւք ան-
ճան լուսով Սուրբ Խաչն երեւի :

Յերե՛սաց Տեառըն լե՛րինըք հալի՞ն .
և ՚ի յա՛հէ փառաց նորա՞ շարժի՛ն զօրու-
թիւնք :

Աւե՛տեօք Տեառըն մեռեալըք յաննե՛ն .
և սուրբք ամենայն անճառ փառօք զան-
դարի՛ն :

Հանգ . Գայ զօրութեանց թագաւորն ՚ի
նորոգել զարարածս . ՚ի ձայն ասեղ բար-
բանոյ զարթո՞ւցանէ զննջեցեալսն :

Դողա՛ն երկի՛նք և երկիր յահէ՛ փառաց
Քրիստոսի . հո՛ւր բորբոքեալ ընթանայ ,
բոցա՛կիզէ զմեղաւորսն :

Նորա՛փետո՛ւր զարդարին դասըք սրբոց
կուսանացն . ուրախութեամբ միտանեն
՚ի յա՞ռագաստ փե՛սայի՛ն :

Ի քեզ եմք անպաւինեալ ամէ՛նօրհնեալ
Արքա՛ւհի . լե՛ր բարեխօս անդա՛դար վա-
սը՛ն մերոյ փըրկութեանն :

Ա. պաշ. Յամենայն ժամ աղանչանք իմ այս
էն. 'ի մեղաց իմոց սո՛ւրբ արա՛ զիս Տէր :
Յանցանաց իմոց զարհո՛ւրի՛ սիրտ իմ,
աղանչեմ զքեզ թող ինձ Տէր :

Արտասուանց իմոց մի լուե՛ր Տէր, զի
պանդձևիտ եմ ես յանցա՛ւոր երկրի՛ :

Ա. պաշ. Մեղք իմ բա՛ղում են յոյժ ծանր
են քան զա՛ւազ ծովո՛ւլ. քանզի քե՛զ մի-
այնոյ մեղայ, ողորմեա ինձ Աստը՛ւած :

Բաց Տէր ըզդձևոն ողորմութեան որ ող-
բա՛լով կարգամ առ քեզ. քանզի՛ :

Հե՛ղ յիս զգըթձևութիւնըդ քո բապձեմ-
ողորմ ե մարդասէր. քանզի՛ :

Ա. պաշ. Կիր. Որ պատուի՛րան ճը՛շմարտու-
թեան աւանդեցեր եկե՛ղեցւոյ քո՞ Քրի՛ս-
տոս, անսահման ժամանակա՛ւ անջօթել
միշտ ա՛ռ Աստուած հոգւո՛ւլ եւ մը՛տօք :

Որ ըզքան քո՞ օրի՛նաց հաստատեցեր,
գործով մե՛զ օրի՛նակ. հանելով ըզգի-
շերն 'ի գլո՛ւխ յաղօթսն Աստու՛ծո՞յ բնու-
թեամբ մերով տնօրի՛նաբար, որո՛ւմ
կըրկնի՛ ծո՛ւնը ամե՛նայն :

Վասն որո՞յ եւ մեք պաղատեսցու՛ք առ

քեզ Գրիստոս . շնորհեա՛մ մեզ յամենայն
 ժամ լինե՛լ քեզ յանդի՛մա՛ն , մաքո՛ւր
 սի՛ղօթիւք ըստ անմարմնացն ո՛ր յերկի՛նս :
 Աղաչա՛նձք ա՛ստուածա՛ծնին անապական
 քո՛ւմ ծը՛նողին , զիմանալի՛ աչքս սրտից
 մերո՛ց բացցե՛ս ողորմո՛ւթեամբ հայի՛լ
 ՚ի լոյս քո՛ Գրիստո՛ս :

Ա.-ագ. Գլխ. Իմաստունն կո՛ւսանքրն պատ-
 րաստեալ իւղ լա՛պտե՛րաց , ելին ընդ ան-
 ու՛ն ջ երկնաւոր փե՛սային վառեա՛լ լապ-
 տերօք :

Իսկ յիմարաց կո՛ւսիցն ունայնացեալք ՚ի՛
 յի՛ւղոյ , անպատրաստ գը՛տան գալըս-
 տեան փե՛սային շիջեա՛լ լապ :

Վասն ո՛րոյ եւ մեք պատրաստեցո՛ւք
 իւղ հոգե՛ւոր , զի մըտոյ՞մք ՚ի յառա՛-
 գա՛նստ անմա՛հ փե՛սային վառեա՛լ լապ :

Յար. Քո՛ յարութեանըդ փա՛ռըք վայելե՛
 երկայնամիտ Տէր :

Օրհնեալ է քո յարութիւնըդ Աստը՛ւած ,
 ո՛ր ըզմահ մահո՛ւ ծանուցեր քոյի՛ն կա-
 մաւոր մահուամբդ . քո յա՛ :

Գո՛չումն անեղ հրեշտակին ՚ի վի՛մին որ

քարոզէր առ սուրբ կանայսն, յարեան
Տէրն 'ի' մեռելոց. քո՛ յակ:

Հոգ. Իջէր Տէր ողորմութեամբ քո յաշ-
խարհ, եւ ըզմեռեալ բընսլթիւնըս 'ի'
կեանս վերափոխեցեր:

Յլէր Տէր առ Հայր փառօք 'ի' յերկինս,
եւ մըխթարիչ Առաքելոցն առաքեցեր
սուրբ զՀոգիդ:

Բացեր Տէր այսօր ըզգանձդ երկնային,
եւ բաշխեցեր առատապէս պարգե՛ւս
աղքատ բընութեանս:

Մեծ. Ըզքեզ Աստուածածին որ վերօրհ-
նիս 'ի' զօրաց հրեշտակաց. անգ մարդ-
կան կենդանեաց մեծացուցանեմք:

Ըզքեզ բնակ հոեղէն աստուածո՛ւթեա-
նըն յիմանալի զօրացն երանեալ, անգ:

Ըզքեզ մայր Էմմանուէլի, մարգարէին յա-
ռաջ գոհչանկեալ, անգ մարդ:

Խալի. Ի՞ վերայ վիմր հաւատոյ շինեցեր
ըզքո՛ սուրբ զԵկեղեցի. ըզսա՛ պահեան
'ի' խղաղութեան:

Ո՞ր շնորհեցեր ողորմութիւն 'ի' բնակա-
րանըս Հրեշտակաց եւ մարդկան բաւա-

րան . տճւր սըմա զանչարժ քո՞ ղխանդա-
ղութիւն :

Փառք Հօր և Որդւոյ և : Այժմ և միշտ և :

Ի՞ տաճարի՞ փառանց սըրբութեանն քո՞
քեզ երգեն մանկունք . տճւր սոցա զա-
ռանա՞ քո՞ զսղորմութիւնն :

Աւելուիա աւելուիա .

Աստուած ողորմեա մեզ և օրհնեա ըզ-
մեզ . երեւեցո զերեսս քո ՚ի մեզ եւ
ողորմեա մեզ :

Ճանաչել յերկրի զճանապարհս քո , յա-
ղինս ամենայն զփրկութիւնս քո :

Արոց Աւետարանիս Յիսուսի Գրիստոսի՝ որ ըստ
Մատթէոսի :

Տէրն մեր Յիսուս Գրիստոս ստ :

Դարձեալ՝ նման է արքայութիւն երկնից
գանձի ծածկելոյ յազարակի , զոր գտեալ
մարդոյ՝ թաքոց . և ՚ի խնդութենէ անտի
երթայ վաճառէ զամենայն ինչ զոր ունի ,
և գնէ զազարակն զայն :

Դարձեալ՝ նման է արքայութիւն երկնից
առն վաճառականի , որ խնդրիցէ մարգա-
րիսս գեղեցիկս :

Եւ գտեալ մի պատուական մարգարիտ՝
երթեալ վաճառեաց զամենայն զոր ինչ
ունէր, և գնեաց զայն մարգարիտ:

Դարձեալ նման է արքայութիւն երկնից
ուռկանի արկելոյ ՚ի ծով, եւ յամենայն
ազգաց ժողովելոյ. զոր՝ իբրեւ լցաւ, հա-
նեալ ՚ի ցամաք՝ եւ նստեալ ժողովեցին
զբարի բարին յամանս, եւ զխոտանն ՚ի
բաց ընկեցին:

Այնպէս եղիցի ՚ի կատարածի աշխարհիս.
Ելլեն հրեշտակք՝ եւ մեկնեսցեն զչարսն
ի միջոյ արդարոց, եւ արկցեն զնոսա ՚ի
հնոց հրոյն. անդ եղիցի լալ եւ կրճել
ատամանց:

Ասէ ցնոսա Յիսուս. իմացայք զայս ամե-
նայն. ասեն ցնա. այո՛ Տէր:

Եւ նա ասէ ցնոսա, վասն այսորիկ ամենայն
դպիր սշակերտեալ արքայութեան երկնից՝
նման է առն տանուտեառն՝ որ հասնէ ՚ի
գանձէ իւրմէ զնոր և զհին:

Երգ. Ը՞ստ օրինացն Մովսէ՛սի ընծայեցար
ի Տաճարին, զի ըզբնութիւնըս մարդ-
կային ընծայեսցես Հօր ՚ի յերկինս. խը՛ն-
դրուածովք սուրբ ծերմէնւոյն քեւ ՚ի

կապից արձակելոյն ո՞ղորմեա քո ստեղծուածոյս՝ յուսով ՚ի քեզ նընջեցելոյս :
Թագաւորըդ հրեղինաց, որ ընդ մարդկան հողեղինաց շքեցար տընօրինաբար կրեցեր ըզկիրըս մարդկաբար . որ վասն մեր զայս ամենայն ՚ի յանձն առեր խոնարհութեամբ . ո՞ղոր :

Արարի՛ չ եւ մարդասէ՛ր անոխակալ կէտ բարեգործ , որ գովի՛ սոդ ՚ի սրո՛ վբէի՛ց Տէր դատաւոր արդա՛րութեան . ընդ սրբո՞ց Առա՛ջելո՛ց Տէր պըսակեա՛ զմեր նը՛նջեցեալսն . ո՞ղորմա՛ծ Տէր ո՞ղորմեա՛հ հոգւոցը՛ն մեր նը՛նջեցելոց :

Հոգւոցն հանգուցելոց Գրիս : Ասան հանգուցեալ :

Գրիստոս Որդի Աստուծոյ անոխակալ և :

Հայր մեր որ յերկինս :

Շարական . ԳԶ .

Հանգ . Ի ձայն մեծի զուարթնոյն և ՚ի հընչումն հրաշալի փողոյն , ո՛ւր հողացեալ մարմի՛նըք մարդկան նորոգին , յայնմ ա-

ւոր ահեղին յիշեալ Տէր և ըզմեր ըզ-
 նընջեցեալսն . և հանգո ընդ սո՛ւրբս քո :
 Յորժամ նըշան տէրուներան ճառագայ-
 թիւք փայլի . և թագաւորըդ թագաւո-
 րաց փառօք տե՛սանի . յայնմ աւո՛ւր ա :
 Յորժամ ատեան դատաստանի՛ն դը՛նի .
 եւ դըպրութիւնք հրաշիցը՛ն բանին .
 յայնմ աւո՛ւր ահեղին յի՛ :

Հանգ . Որ երկայնամիտդ ե՛ս Տէր քաղցր
 եւ անոխակտլ հանգո՛ զհոգիս քոց ծա՛-
 ռայից . զի՛ մի դարձցի՛ տնանկ ամա՛շե-
 ցեալ յաւո՛ւրն ահեղ ատենի՛ն .

Զյիշամտակ հրաժարելոցն ՚ի հաճոյս քե՛զ
 ընկալցիս . եւ զսխտըս մե՛ր ընկալ որպէ՛ս
 զԱբելին զնոյի՞ն և զԱբրահամուն . զի՛ մի :
 Իխորան քում սիրողաց հա՛նգուսցես ըզ-
 ծամանյս քո . և զհոգիս նոցա՛մ դա՛սեսցես
 ընդ սո՛ւրբըս քո . զի՛ մի .

Աղաւ . Զերծո՛ զիս յորձգայթէ որսո՞ղին
 եւ յամե՛նայն վըտա՛նգից տպրե՞ցո եւ
 ողո՞ւրմեա՛ .

Յանե՛րեւոյթ թըշնամւոյն եւ ՚ի գա՛ղտնի
 նե՛տից բանսա՛րկուին պա՛հեա և ոզոր :

Փրփկեա՛ զիս ՚ի յանցանաց մեզանց ի՛մոց,
եւ նորոգեա՛ զիս հոգևով գիտո՞ւթեան
և ողմ՛ր բմեա :

Ա.դաշ. Ծով մե՛ղաց իմո՞ց զիս ալէկոծէ .
որ ե՛ս նաւանպետ բարի , շնորհեա՛ ինձ
նաւահանգիստ Հայր ամե՛նանկալ .
Խորը՛ք պատրանանց զիս կորուսանեն . այլ
դու նաւանպետ բարի , շնոր :

Որ միայն իշխանի՛ց ես թո՛ղուլ ըզմե՛ղս .
եւ ե՛ս աղանչեմ ըզքե՛զ . Տէր թող ի՛նձ
ըզմե՛ղս իմ Հայր ամե՛նանկալ :

Ա.դաշ. Կիր . Որ տիրանկանս առ ՚ի քէն կար-
գեա՛լ տրնտե՛ս բնո՛ւթեան մերո՞յ , իման-
տութեամբ ըզպարտիս եթող քոյո՞ց պար-
տանպանաց . թող և՛ ըզմե՛ր ըզյանցանս ո՛-
ղորմութեամբըդ քո Քրիստո՛ս :

Որ զպանոմու՛ծանն առանչին զոր զգեցու-
ցեր օժմամբ հոգւո՞յն , մերկացա՛ք մեղօք
ըստ նախահօրըն պատրանաց . զգեցո՛՛
ըզնոյն վերը՛ստին ողորմու :

Յաստուա՛ծայի՛ն կայծակունսն ՚ի սրովբէ՛-
իցն անհրպե՛ղին , անմաքրապէ՛ս մերձեցա՛ք
գող պարտանպան քու՛մ խորհրդո՞ց . շնոր-

հեա՛ ըզնոյն մաքրո՛ւթեամբ ՚ի թողն՛ւթիւն
մեղայ մերոց ։

Որ վառեցար ՚ի յարվւոյն եւ ոչ կի՛զար
ըստ մորե՛նւոյն . այլ ետո՛ւր զհացը՛ն կե-
նայ կերակուր բանաւորաց . բարեխօսեա՛
առ Քրիստոս ջընջե՛լ ըզգիր մեղաց մերոց ։

Ա-Գ. Բլի . Ահաւոր ես թա՛գաւոր քրով-
բէական ձայնի՛ւ օրհնեալ . ՚ի յերկի՛նս
ի՛ յերկրի եւ յամենայն ժամանակի՛ .

Ահաւոր ես թա՛գաւոր որ նորոգես զքո՛
զարարածս . հաստատես ՚ի հաւատս ՚ի
գիտութիւն ճշմարտութեան ։

Լուսաւորեա ըզմեզ Քրիստոս ՚ի մի՛ւսան-
գամ քո՛ գալըստեանն . յորժամ ծագի՛ս
ի յերկնից եւ նորոգես զքո՛ զարարածս ։

Յար . Այսօր յարութիւն Քրիստոսի տօ-
նեցէ՛ք հաւատացեալք ՚ի մի՛ Աստը՛ւանձ
Հայր ամե՛նակալ ։

Այսօր եւ կանայքն ի՛ւղարբրք աւե՛տիս
տալով անաբելոցն օրհնեն զԱստը՛ւանձ
զՀայր ամե՛նակալ ։

Այսօր եւ հրեշտակք ՚ի յերկինքս հոգե՛-
ւոր հընչամբ երգով . օրհնեն զԱստը՛ւանձ ։

Հ. 4. Ո՛ր 'ի թե՛ւրս թե՛թեւս աննի՛ւթ
սաւառնեալ ե՛ւ հրացայտը՞ սե՛րովբէից
վերանըստեա՛լ տե՛սչո՛ւթեամբ խնամե՛ս
զարարածս . Հո՛գի՛ւր՞ զ Սո՛հէրբ օրհնեա՛լ
ես յարարածոց քոց :

Ո՛ր սքա՛նչելապայծառ հրաշալի՛ ձայնիւ
ընդ Հօ՛ր եւ ընդ Որդւո՞յ մի՞շտ փա՛ռաբա-
նիս , եւ քա՛ղցրո՛ւթեամբ հայի՛ս յարա-
րածս . Հո՛գի՛ւր՞ զ Սո՛հէրբ օրհ :

Այսօր աստուածայի՛ն տեսչո՛ւթեամբ 'ի՛
վերնատո՛ւնըն հընչեալ հո՞ղմա՛ձայն հընչ-
մամբ , և զառաքեալսըն արբուցեալ բաշ-
խեցա՛ր յարարածս . Հո՛ :

Մեծ . Ա՛ստուածա՛ծին երկնայի՛ն դո՛ւռն
աստուա՛ծայի՛ն ձայնի՛ւն աւե՛տարանէ՛ր
հրե՛շտակն . ուրա՛խ լեր բերկրեալի՞ Տէր
ընդ քեզ :

Ի քերովբէս բազմեալ ընդ Հօ՛ր անա՛պա-
կանա՛բար բնա՛կիլ հաճե՛ցաւ 'ի քում յո՛ւ-
րովայնի . ուրա՛խ լեր բերկ :

Որ բոցեղէն սրովբէ՛իւք շըրջափանկեալ
պահի՛ւր , այսօր 'ի՛ մէջ մա՛րդկան 'ի՛ գիր-
կըս հողեղնի՛նի յայտնեալ . ու .

Խալի. Փայտ կենաց որ փոխանակ մահացո՛ւ պըտղոյն ըզՔրիստոս պըտղաբե՛րբեցե՛ր. պարըսպեալ պահեա զն՛խոտ հա՛ւատացելոց .

Քե՛ւ բա՛ցաւ մեզ ճանապարհ ծառո՞յն կենաց ՚ի սրովբէափակ պահպանութե՛ննէ՛ն. պարըսպեալ պահ :

Փառք Հօր և Որդւոյ և : Արժև և միշտ և :

Քեւ աղանտե՛ցաւ նախահայրն ՚ի ճաշակմանէ պըտղոյն . ե՛ւ քեզ երկըրպագեն ամենայն հա՛ւատացեալք պարըս :

Ալէլուիա ալէլուիա .

Հաճեցար Տէր ընդ երկիր քո, և դարձուցեր զգերութիւն Յակովբայ :

Թողեր զանիրաւութիւն ժողովրդեան քո, և ծածկեցեր զամենայն մեղս նոցա :

Արոյ Աւետարանիս Յիսուսի Քրիստոսի՝ որ ըստ Յովհաննու :

Տէրն մեր Յիսուս Քրիստոս ասէ :

Ամէն ամէն ասեմ ձեզ . եթէ ոչ հատն ցորենոց անկեալ յերկիր մեռանայիք, ինքն

միայն կայ . ապա թէ մեռանիցի՝ բազում
արդիւնս առնէ :

Որ սիրէ զանձն իւր՝ արձակէ զնա . և որ
ատեայ զանձն իւր յաշխարհիս յայսմիկ՝ ՚ի
կեանսն յաւիտենականս պահեսցէ զնա :
Եթէ որ զիս պաշտեսցէ , զկնի իմ եկեսցէ .
և ուր եսն եմ , անդ և պաշտօնեայն իմ ե-
ղիցի . եթէ որ զիս պաշտեսցէ պատուեսցէ
զնա Հայրն իմ :

Փառաց ՚ի փառքս բարձրանան , աջա՛ :
Քահանայք և ժողովուրդք հայցեմք ՚ի՛ :

(Տե՛ս երե՛ս 377) :

Ի զնե՛ւ բեմի՛ն բազմի՛ փեսա՛նն , եւ
առանգանորն զարդարի՛ . Քարբիէլեա՛ն
փողը՛ն գո՛չէ՛ . սո՛ւրբք ամենայն անդ
հա՛ւաքի՛ն . արդարո՛ց դասքը՛ն բերկ-
րի՛ն , ի՛սկ մեղսանէրքը՛ն թա՛խան-
ձի՛ն . ո՞ղորմա՛ն Տէ՛ր ո՞ղորմեա՛ն
հոգւոցը՛ն մեր նը՛նջե՛ցե՛ց :

Հոգւոցն հանգուցե՛ : Ասան հանգ : Քրիստոս Որդի Աստուծո՛ւ
Հայր մեր որ յերկինս :

Շարական, ԳԿ.

Տէր. Լիցս 'ի լուսոյ զմեզ լուսաւորեա,
որ փառօք Հօր հանդերձեալ ես գալ 'ի
դատել զերկիր. արժանաւորեա՛մ և ըզմեր
ըզնընջեցեալսն անճառ խմստմանց քոց
ընդ սուրբքս քո՛:

Հօր և Հոգւոյ համագոյակից, 'ի տիեզե-
րականն անեղ ատենին արժա՛ն:

Երկնի և երկրի՛ արդար դատաւոր, յոր-
ժամ հատուցանես ըստ գործոց իւրա-
քանչիւրոց, արժա՛ն:

Հանգ. Փառքք քեզ Աստուած փառաւ-
որեալ յաւիտեան՝ որ կենարարդ ես
մարմնոց, եւ գոյացողից հոգւոց մեր
նընջեցելոցն:

Ո՛ր բարձրացար 'ի Խաչին վասն Ադամայ
նորոգման. եւ իջանելով քո 'ի դժոխս
աւար առեր ըզգերեալսն:

Ըզգի՛նս արեան քո յիշեա կենագործող
աշխարհի. եւ հանգստեա՛ն արժանաւոր-
եա՛մ յԵրուսաղէմըն վերին:

Ապաշ. Գրիստոս Աստուած աստուծոց,
ողորմեա՛ն:

Անօրէնս՝ թեամբ ՚ի մե՛ղս երկնեաց զիս
մայր իմ. աղանչեմ Փրօկի՛նչ, ողոր :

Վիրաւորեալ մեղօք անկանիմ առ քե՛զ
Փրօկի՛նչ. մի անտես առներ, ողոր :

Ապաշ. Մաքսամօրն հառա՛ջանօք ՚ի տա-
ճարին էան ըզքամեթիւն. նո՛վին ձայ-
նիւն եւ ես գո՛չեմ, ողորմեա ինձ Ա՛ս-
տրւա՛ծ :

Աւազանկն աղանչակէ՛ր ՚ի խաչին, յիշեա
զիս Տէր. նո՛վին ձայնիւն և :

Անառակ որդի՛ն աղերսանօք աղանչէր ըզ-
քեզ, Հայր մեղայ յե՛րկինս և առաջի՛ք քո.
նո՛վին ձայնիւն և :

Ապաշ. Կիր. Լոյս ՚ի լուսոյ ծընո՛ւնդ եւ
ծագումն. որ եկի՛ր ՚ի խընդի՛ր մոլորեալ
ոչխարի բնո՛ւթեանս. զոր ընդ խա՛չին
բարձեր ՚ի վերայ ուսո՛յդ. մաքրեա՛մ ըզ-
մե՛զ ՚ի մեղաց մերոյ :

Սուրբըդ սրբո՞ց էից մաքրո՛ւթիւն. որ
ածեր տան քո՛ աւել ՚ի մեղաց զաշխարհս
մաքրե՛լով. ՚ի՛ նմա գրտեալ ըզպատկեր քո
նորո՛գեցեր. նորո՛գեա զմեզ ՚ի հնո՛ւթենէ
մեղաց :

Ընդ անանական որդւոյ գոչեմք առ Հայ-
րըդ գըթանձ, մեղաք յերկիւնս և առանջի
քո՛ քաւիչ յանցանաց. և՛ ընդ առանջ
սիրելի, գըրկեա համբուրիւ, մաքրեա՛ ըզ-
մեզ՛ ՚ի հնո՛ւ :

Աղբիւր կենաց բըղխեալ յեդեմայ սուրբ
Աստուածածին, որով արբեցաւ երկիւր
ծարա՛ւո՛ւտ հոգւոյն իմանստիւք. տա՛լ մեզ
մաղթեա՛ աղբիւրըս արտանսուաց մաքրել
ըզմեզ՛ ՚ի հնո՛ւ :

Ա. Կալ. Կիր. Ենորհեա՛ մե՛զ Տէր ընդ աղ-
քատաց օրինակին Ղազարու ժուժկա՛-
լութիւն. զի կամանօր աղքատութեամբ
արքայութեանդ երկնից ընդ նըմի՛ն լի-
ցուք արժանի. լուր մեզ և և ողորմեա՛մ
Քրիստոն՝ս Աստըւած :

Ո՛ր փոխանակ հացին կարօտութեան
զհացն անմահութեան նըմա՛ շնորհեցեր .
եւ ընդ մեծատանն անգըթութեան ՚ի
գոգն Արրահամո՛ւ ըզնա ընկալար. լուր :
Լուսանօրեա զաչքս սըտից ստանալ
մեզ ողորմութեամբ ՚ի քէ՛ն Տէր զողոր-
մութիւն. զի մի՛ ընդ մեծատանըն հայ-

ցեացուք ՚ի բոց հնոցին ծագելու մատին
 ջուր ՚ի զովացումն . լնւր մեզ և ողոր :

Յար . Ըզքո՛ յարութիւնդ ծրհնեմք մար-
 դասէր , աղաղակելով Տէ՛ր փառք քեզ :
 Զոր ծրհնե՛ն սերովբէքն ե՛ւ գովե՛ն քե՛-
 րովբէքն , աղաղա՛մ :

Անդա՛դար բերա՛նով անհանգիստ բա՛րբա
 ռով , աղաղա՛մ :

Հոգ . Ա՛յսօր ցը՛նձան դասք առաքելոցըն
 գալը՛ստեամբ Հոգւո՛յն Աստուծոյ . զոր
 մխիթարեաց փոխանակ բանին մարմնա-
 ցելո՞յ եղեա՛լ ընդ նոսա . փառքս տացուք
 նրմա՛ սրբբանոց ձայնի՛ւ :

Ա՛յսօր բըղխեաց ջնւր կենդանի յԵրո՛ւ-
 սաղէմ յորմէ լը՛ցա՛ն գիտք անտուածա-
 յինք . եւ ընթացեալք արբուցին տիե՛կե-
 րաց զբառավը՛տանկ աղբի՛ւրն եդեմայ .
 փառքս տացուք նր :

Ա՛յսօր ցօ՛ղով իմանալեաւ յամպոց Հոգ-
 ւոյն զուարթացա՛ն բոյսք եկեղեցւոյ .
 պարարտացան դա՛շտք սրգանութեամբ ,
 և գեղեցկացան անապա՛տք մաքա՛ւր կու-
 սութեամբ . փառքս տայուք նր :

Մէծ . Մայր եւ կոյս անդախին Քրիստոսի
որ բարեխօսող ես միշտ աշխարհի . քեզ
երանե՛ն ամե՛նայն անգի՛նք :

Մաքու՛ր աղաւնի՛ և հարսն երկնից Մա-
րի՛ամ, տաճար եւ աթոռ Աստուծոյ բա-
նի՛ն, քեզ երանե՛ն ամե՛ն .

Քե՛ւ հաճեցան իմանալիքն ընդ հողե՛-
ղէնքս . ե՛ւ քե՛ւ մերձեցա՛ք ՚ի փայտըն
կենաց . քեզ երանե՛ն ամե՛ն :

Խալ՛ե . Ո՛վ պահապան որ ծա՛գեցար յերե-
մայ, նըշան յաղթութե՛ան ընդդէմ անե՛-
րեւոյթ թը՛շնամուն :

Դու փակելոյ դրախտի՛ն բացող և անաշ-
նորդ անազակին . որ զբոցեղէ՛ն սուրըն
կայտեա՛ց անեղին հրամանա՛ւ :

Փառք Հօր և Որդւոյ և Ս. Ա. յժմ և միշտ և :

Քեւ ցրնձան ըստորայինքս ամենայն ՚ի մի՛ւ-
սանգամքո գալըստեանն . և յաւէ՛ժ զուար-
ձանա՛ն դասք անմարմնոցն ան էիցս :

Աելուիա աելուիա .

Տէր լուր աղօթից իմոց՝ աղաղակ իմ առ
քեզ եկեցէ, և մի՛ դարձուցաներ զերեսս
քո յինէն .

Յաւուր նեղութեան իմոյ խոնարհեցո առ ձիս զուէնկն քո . յորում աւուր կարգամ առ քեզ՝ վաղվաղակի լուր ինձ :

Արքայ Աւետարանիս Յիսուսի Քրիստոսի՝ որ ըստ
Ղուկասու :

Տերն մեր Յիսուս Քրիստոս ասէ :

Մի երկնչիւր հօտ փոքրիկ . զի հաճեցաւ Հայր ձեր . տալ ձեզ զարքայութիւնն . Վաճառեցէք զինչս ձեր , և տուք զողորմութիւն . և արարէք ձեզ քսակս առանց հնանալոյ՝ գանձ անպակաս յերկինս . ուր ոչ գող մերձենայ , եւ ոչ ցեց ապականէ . զի ուր գանձն ձեր է , ահդ և սիրտք ձեր եղիցին :

Եղիցին գօտիք ձեր պնդեալ ընդ մէջս , և ճրագունք լուցեալք . եւ դուք նմանողք մարդկան՝ որ ակն ունիցին Տեառն իւրեանց՝ թէ երբ դառնայցէ ՚ի հարսանեաց . զի յորժամ գայցէ եւ բախիցէ՝ վաղվաղակի բանայցեն նմա :

Երանի իցէ ծառայիցն այնոցիկ՝ զորս եկեալ տէրն գացէ արթունս . ամէն ասեմ ձեզ , զի գօտի ընդ մէջ ածցէ , և բազմեցուսցէ զնոսա , եւ անցեալ պաշտեսցէ

զնոսա . եւ եթէ յերկրորդ՝ կամ յերրորդ
պահու եկեսցէ՝ եւ գտցէ այնպէս , երա-
նելի են ծառայքն այնօքիկ .

Բայց զայն գիտասցիք , եթէ գիտէր տա-
նուտէրն յորում ժամու գող գայ , հսկէր
եւ չտայր թոյլ ական հատանել ՚ի տան
իւրում .

Եւ դուք՝ եղբրուք պատրաստք , զի յորում
ժամու ոչ կարծիցէք՝ գայ Որդի մարդոյ :

Երգ . Պարակցեալ անմարմնականքն առ
կենսատու սուրբ Գերեզմանն , տան զա-
ւետիս ազգի մարդկան վասըն կենացն
յաւէժական . դասաւորեալ պարուց նո-
ցին ըզննջեցեսլս յօրն վերջին . լի լապ-
տերօք մոյծ յառաջաստ ընդ իմաստուն
սուրբ Կո՛ւսանացն .

Ջահաւորեալ նըշան Խաչին յարեւելից
փայլեալ ծագին . հաւատացեալքն ՚ի քեզ
բերկրին և ուրաջողքն կոծեսցին . զեր-
կրպագու՛նս սրբոյ Խաչին պայծառացո
լուսով նորին . լի լապտե :

Յորժամ հընչե՛ւն փողո՛յն լինի՞հո՛ եւ
Ղեւտան՛կան գիրք՛ն յայտնի . Ճառա՞

դա՛յթ սրբո՞յ խա՛ղիքն յարեւելե՛ց
 փայլեա՛մ լ՛ծագի. հրեշտակա՛ց գունդք
 ծա՛ւալիքն, հրեշտակա՛պետք պարո՛ւ
 նակի՛ն. ողորմա՛ծ Տէ՛ր ս՛ղորմեա՛հ
 հոգւոցը՛ն մեր նը՛նջե՛ցե՛ց :

Հոգւոցն հանգուցե : Վասն հանգ : Քրիստոս Որդի Աս :
 Հայր մեր որ յեկինս :



Շարական, ԴԶ.

Հանգ. Քանզի զքեզ օրհնեն իշխանու
 թի՛ւնք երկնից. թա՛գաւոր փառաց ամե
 նակա՛լ ամենակարո՞ղ. թող ըզմե՛ղքս մեր
 նընջե՛ցե՛ցն, և հանգո՛յ ՚ի խորանի՛ քում
 ՚ի յարքայակա՛ն ՚ի՛ հանգըստեա՛ն :

Որ ՚ի նախնո՛ւմն ըզմարգարէ՛ն Մովսէ՛ս
 լուսաւորեցե՛ր աստուածայի՛ն փառօք
 տեսլեամբ աստուածու՛թեանդ քո. լու
 սաւորեա՛ եւ ըզմե՛ր ըզնընջեցեա՛լսն, եւ
 հանգո՛յ ՚ի խորանի՛ քում ՚ի յար :

Բարեխոսութեամբ սուրբ Ա՛ստուածածնի՛
 ծընողի և մօ՛ր քո յիշեա՛ զգինս արեա՛ն քո

Տէր, և դասաւորեա՛մ յերանաւէ՛տ յանթա-
ռամ՝ և յանտրրտո՛ւմ ՚ի կեանսդ ՚ի յար-
քայակա՛ն ՚ի՛ հանգըստեա՛ն :

Հանգ. Փառըք քե՛զ Հայր, որ կենարա՛րդ
ես մարմնոց եւ գոյացո՛ւցիչ հոգւոց. ըն-
կա՛մ՝ Լ զօրհնաբանող հոգիս յանմա՛հա-
կա՛ն քո հանգիստդ :

Մարդասիրի Հօ՛ր Որդի, որ պատկերակից
եղեր հողե՛ղինացս և խաչեցար. ըն :

Ամենազօր Սմ՛ւբբ Հոգի, որ անդորրի՛չ ես
նեղելոց և մխիթա՛րիչ հոգւոց. ըն :

Ապաշ. Համբառնամ առ քե՛զ Տէր զա՛ջս
իմ. նայեա՛ յիս գըթուԹեան՛բըդ քո. և
նղն՛րմեա՛ :

Դու ես յոյս և անպաւէ՛ն իմ, զէրծո՛ն զիս
յորոգայթէ՛ մեղաց. և ո՛ղն՛ր :

Ապրեցուցի՛չ իմ ե՛ւ փրօկի՛չ իմ, ապրեցո՛
զիս յորոգայթէ՛ մեղաց. և ո՛ղն՛ր :

Ապաշ. Աստուա՛ծ մարդսմէր ո՛ր զմաբ-
սաւմըն արդա՛րացուցեր. քա՛ւեա՛մ զիս
ըզմեղաւորս :

Որ քղա՛նցիւ հանդերձի՛ քս՛ ըզմերձեցեա՛լն
ի քեզ բըժը՛կեցեր. քա՛ն :

Որ բանիւ հրամանի՛ք ո՞վ զանդամալո՛յծն
առողջանցուցեր . քան :

Ապաշ . Կիբ . Որ զօրէ՛նքս սրբբուժեան
պահոց նախ ՚ի դրախտի՛ն աւանդեցեր .
զոր ոչ պահե՛լով նախաստեղծիցըն ճա-
շակմամբ պրտողոյն ճաշակեցին ըզդանո-
նութիւն մեղաց եւ մահու . վասն որո՞հ
չնորհեա՞ մեզ Տէ՛ր ճաշակել ըզքաղցրու-
թիւնն քոց պատուիրանաց :

Որ աղնա՛ղան վիրո՞ք մեղաց հարաք յոգիս
ի թը՛շնամուոյն . եւ ՚ի բանմանպատկ հի-
ւանդութեանս կարօտացաք մարդասիրի՛դ
բա՞ռնալոյ ըզցա՛ւըս մեր . վասն որո՞հ
բըժըզկեա ըզմե՛զ Քրիստո՞ս որպէ՛ս մար-
դասէ՛ր :

Որ եկի՛ր ՚ի փրկո՞ւթիւն մարդկան ծնըն-
դեանձք կուսի՛ն Մարիամու , եւ կի՛նդա՛-
նարար քո՞ յա՛րսութեամբդ հրաւիրեցեր
ըզմահացեալքս ՚ի յարո՞ւթիւն ա՛նմահո՞ւ-
թեան . վասն որո՞հ աղանչանօք մօր քո՞
կեցո՞ զմե՛զ փըրկի՛չ :

Ղալա . Որ ՚ի չորեքկերպեան կենդանեաց
փառաբանի՛ս ՚ի բարձունս . այսօր մարդա-

սիրանպէս փրժմ^մրկիչ, ՚ի Բեթանիա՛ երթալ յանձն առեր. աղբիւր կենաց մե՛ր և յոյս ողորմեա՛ մեզ :

Ո՛ր յարտասուս մարիամանց գթացեալ արտասուեցե՛ր եւ ասացեր ցնոսա. ո՛ւր ե՞ծմ^մդիք, ե՛ս յարուցից ըզսի՛րելէն ի՛մ զՂա՛ղար. աղբիւր կենաց մե՛ր և :

Ա՛ստուածային արարչա՛գործ ձայնիւ ըդ քո Քրիստոս ՚ի Թաղմանէ՛ կոչեցեր: ըզՂա՛ղաժմ^մրոս. ցո՛ւցանճր կե՛նդանեաց և մե՛ռեւոց Աստը՛ւած. աղբիւր կենաց մե՛ր և յոյս ողորմ :

Յ-ր. Անեղակից բանըդ Հօր եւ եղեւոց պատճառ. որ ծընա՛ր ՚ի Կո՛ւսէն, ըզբե՛զ ծանեաք Աստը՛ւած. աղանչեմք ողորմեա՛ն զգի՛ մարդկանն :

Սէրովբէիցն ահաւոր և դատաւո՛ր կենդանեաց ե՛ւ մեռեւոց, որ ՚ի Խաչի՛ն բեւեռեցսր. ըզբե՛զ ծա՛ն :

Կենդանութեանն աղբիւր ե՛ւ պարգեւատո՛ւ առատ ողորմութեանն. որ յարեա՛րրդ ՚ի մեռեւոց. ըզբե՛զ ծա՛ն :

Հոգ. Անըսկիզբն Աստը՛ւած Սուրբ Հոգի.

ըզմարգարէնութեանց նախագո՛ւշակումն
արտափայլեալ լուսազարդեցեր . ա՛ռա-
տապէ՛ս հեղեայ՝ յանաքեալսն :

Անժամանակ Որդի՛ն մի՛ածին . ըզխոս-
տայցեալ պարգեւըս ա՛ւետեացն ՚ի վեր-
նատունն ա՛ւարտեալ լըցեր . ա՛ռա :

Ա՛մենակալ Հայր երկնա՛ւոր . զանբա՛ժա-
նելի լուսոյդ ըզճագումն հողեղի՛նացըս
շնորհեցեր . ա՛ռա :

Մեծ . Ը՛զքեզ ծրհնութեամբ մե՛ծացու-
ցանեմք :

Որ զբանն Աստը՛ւած յարդանդի՛ կրե-
ցեր Սըրբուհի՛ անարատ , և ա՛նճառապէս
ծընար ըզվերա՛ձգոյն երկնի՛ց . ըզքեզ
ծրհնութեամբ մե՛ծա՛ :

Որ էի՛ց լուսոյն արժանի՛ եղեր բառնա՛-
լոյ ՚ի քո գիրկս . եւ արեգակնն արդա՛-
րութեան եղեր արեւելք . ըզքեզ ծրհ-
նութեամբ մե՛ծա՛ :

Խալի . Զօրութիւն սո՛ւրբ Խաչի՛ քո Քրիս-
տոս որ կա՛նգնեցեր ՚ի փրկիւ՛թիւն աշ-
խարհի . սա՛մբ պահեսցէ՛ ըզմեզ յամե-
նայն փո՛րձութենէ՛ :

Եւ յայնժամ առաքեսցէ զհրեշտակս իւր, եւ ժողովեսցէ զընտրեալս իւր ՚ի չորից հողմոց՝ ՚ի ծագաց երկրի մինչեւ ՚ի ծագս երկնից։ Բայց դուք ՚ի թղենւոյ անտի ուսջիք զառակն։ յորժամ տակաւ ոստքն նորա կակղանայցեն, եւ տերեւ արձակիցի ՚ի նմա, գիտէք թէ մերձ է ամառն։ նոյնպէս եւ դուք՝ յորժամ տեսանիցէք զայս ամենայն եղեալ, գիտասջիք՝ թէ մերձ է առ դուրս։ Ամէն ասեմ՝ ձեզ, թէ ոչ անցցէ ազգս այս, մինչեւ այս ամենայն եղիցի։ Երկինք՝ եւ երկիր անցցեն, եւ բանք իմ ոչ անցանիցեն։

Երգ. Չայնեցեր առ Ղազարոս որով ետողր մեռելոյ յոյս, կենդանութեամբ չորեքօրեայն կենդանացան որք յԱդամայն. կենսոց ձայնիւ վերջին փողոյ կոչեա ըզսամ յայսմ հողոյ. ՚ի յծթեւանքս Հօր քո՛ լուսոյ ըզնճնջեցեալքս մեր հանգո՛։

Ղօղեալ սարսեաց պահսկ մահու ՚ի կենարար ձայնիւ լըրոյ. արագապէս զոյգ ընդ բանին ետ ըզմեռեալն ըստ հրամանին, իշխանք օդոյս այս սարսեացեն ըզհօգի սորա՛ մի արգեւցեն. ՚ի յծթե։

Մովսէ՛ս աստուա՛ն ծախօ՛րհն՝ եւ Ահա՛ւ
 րօն՝ ը Ղե՛մւտացի՛ն , մարգարէ՛քքն
 Խորա՛յեղի՛հն , եւ քահանայ՛ք հին՝ օ՛րի-
 նի՛ն . յառաջագո՛յն մեզ ծա՛նսմլցի՛հն .
 ըզգալն՝ սոտ սուրբ Մի՛ածնի՛դ . ՚ի փըր-
 կութի՛ւն մեզ յա՛յտնեցի՛հն , յանա-
 պատի՛ն կերա՛կրէին . ողորմա՛ծ Տէ՛ր
 ո՛ղորմեա՛հն հոգւոցը՛ն մեր նը՛նջի՛մ
 ցե՛ւնց .

Հոգւոցն հանգուցելոց Քրիստ : Ասան հանգուցեալ :

Քրիստոս Արքի Աստուծոյ անոխակալ և :

Հայր մեր որ յերկինս :

Շարական . ԴԿ .

Հանգ . Խընդրեմք ՚ի քէն թագաւոր
 փառանց փառաւորեանդ ՚ի զուարթնոց .
 ըզնընջեցեալսըն մեր ընկալ մարդասէր
 Տէ՛ր , և հանգո ընդ սուրբքս քո :
 Յորժամ գանս փառօք Հօր դատել զերկիր
 արդարութեանն արեգակն . ըզնըն :
 Ի՛նըստիլ քո յատենի դատաւոր ահեղ
 Քրիստոս փըրկի՛ջ մեր և յոյս . ըզնըն :

Հանգ . Հայր անըսկիզբն բարեխնամ մար-
դասէր . որ ստեղծիչն էս հոգւոց և մար-
մնոց . յիշեա՛ զնրնջնցեալսն մեր և հան-
գո ընդ սուրբըս քո :

Որդիդ միածին որ գլխածդ ես ան ան-
մենեսեան . և խաչիւ և արեամբ գնեցեր
ըզքո՛ ժողովուրդս . յիշեա՛ զգինս արեան
քո Տէր , և հանգո ընդ սուրբըս քո :

Հոգիդ ճըշմարիտ որ աղբւրդ ես անըն-
պառելի , եւ լըցուցիչ ամենայն բարու-
թեանց յիշեա՛ զնրնջնցեալսն մեր և հան-
գո ընդ սուրբըս քո :

Ապաշ . Քրիստոս Աստղւած յոյս ապանշ-
խարողաց , շնորհեա՛ զթողութիւնն բա-
զում յանցանաց իմոց :

Առ քեզ բազմագոլթ ապաւինեանլ կար-
դամք . մի մերժեր ըզմեզ յո՛ղորմութենէ՞
քումմէ :

Որպէս զաւանդակն աղաղակեմ ան քեզ .
յիշեա՛ եւ զիս Տէր ի՛ քում յարքայու-
թեանդ :

Ապաշ . Ալիք յանցանաց զիս անէկոծեն ,
և մեզք իմ բազում զիս յանդիմանեն :

Արդ զինչ արարից մեղուցեալ անձամբս,
որ չեմ ապրելոց յահագին հրոյն :

Մեղայ քեզ Քրիստոս Որդի՛ Աստուծոյ,
չնորհեա զթողութիւն բազում յանցա-
նաց իմոց :

Ապաշ. Կիր. Բանն մը ընդ Հօր յէ՞ռութեան
և համագոյ՛ Սո՛ւրբ Հոգւոյն ըզպատկե՛րն
իւրանկան խանեալ ընդ հոգանիւթ բը-
նութեանս. զ՞՞ր զարդարեալ փառօք եդ
ի դրամխտին փափկութեան :

Յորմ՛մ ցընծայր զուարճացեալ անտըխ-
րական խընդութեամբ . քանզի՛ զԱս-
տուա՛ծ տեսանէր միշտ խոնարհեալ ՚ի
դրամխտին . յորմէ՛ զլուսոյն ճառագայթ
տըպաւորէր ՚ի յինքեան :

Վասն որոյ աղաչեա մայր Ա՛ստուծոյ Մա-
րիամ զմիածին քո զՈրդին , զի շնորհես-
ցէ ըստ աւազակին ժառանգել վերըս-
տին մեզ ըզդրամխտին վայելութիւն :

Դաշ. Յիսո՛՛ւս միածինն անմահութեանց
պարգե՛ւատուն երեւեցա՛ւ մե՛՛ր՞ , իա-
փանեաց զզօրմութիւն մահու :

Բրդխմա՛՛մք արտասուաց Մարիամու եւ

Մարթայի անկեալ առ ոտսն Տեա^ա Բ^ան,
 խնդրէին զնորոգումն եղբօրն :

Բանի^լ և բանն Աստուած կենագործեաց
 ըզնազարոս ՚ի Թաղմունէ^ա Բ^ա, և եկեալ
 արտաքս անապական :

Յար. Յարեալ երեւեցաւ առաքելոցն, եւ
 մեղ Փրօկիչ՝ ողորմեա :

Քեզ Քրիստոսի Թագաւորիդ անմահի
 Երկիրպագանեմք, և զյարութիւնըդ քո
 փառաւորեմք :

Փառք փրօկիչիդ եւ միածնիդ անմահի.
 փրկեալ ըզժողովուրդքս քո զոր ըստա-
 ցաւ պատուական արեամբըդ քո սրբ-
 բոյ :

Հ. Գ. Ի հարաշարժ աղբերէն անհատա-
 հոսըդ վըտակ, կենդանարար Սմէրբ Հոգի,
 օրհնեալ ես լոյս ճըշմարիտ :

Այսօր ՚ի սմէրբ վերնատունն եկեալ Աս-
 տուած ճըշմարիտ, հրաշագարդեաց զա-
 ռաքեալսն ՚ի լոյս փառաց քոց Հոգի :

Հըրճուողական խընդութեամբ անշակեր-
 տացն լըցեալ, փառաւորելով երգէին
 օրհնեալ ես լոյս գերազանց :

Արոյ Աւետարանի Յիսուսի Քրիստոսի՝ որ ըստ
Մատթէոսի :

Տէրն մեր Յիսուս Քրիստոս :

Յայնմ ժամանակի պատասխանի ետ Յիսուս՝ եւ ասէ . Գոհանամ զքէն Հայր՝ Տէր երկնի և երկրի . զի ծածկեցեր զայս յիմաստնոց և ՚ի գիտնոց , և յայտնեցեր տղայոց . այն Հայր . զի այսպէս հաճոյ եղեւ առաջի քո :

Ամենայն ինչ տուաւ ինձ ՚ի Հօրէ իմմէ . եւ ոչ ոք ճանաչէ զՈրդի եթէ ոչ Հայր . և ոչ զՀայր ոք ճանաչէ՝ եթէ ոչ Որդի , և ում Որդին կամիցի յայտնել :

Եկայք առ իս ամենայն վաստակեալք եւ բեռնաւորք , և ես հանգուցից զձեզ . առ էք զլուծ իմ ՚ի ձեզ , և ուսարուք յինէն զի հեզ եմ եւ խոնարհ սրտիւ . եւ գտջիք հանգիստ անձանց ձերոց . զի լուծ իմ քաղցր է . և բեռն իմ փոքրոզի :

Երգ . Ըստ օրինացն Մովսէսի ընծայեցար ՚ի Տաճարին , զի ըզքնութիւնըս մարդկային ընծայեցես Հօր ՚ի յերկինս . խընդիրուածովք սուրբ ձերունւոյն քեւ ՚ի

կապից արձակելոյն ողորմեա քո ստեղծուածոյս՝ յուսով ՚ի քեզ նընջեցելոյս :
 Թագաւորըդ հրեղինաց . որ ընդ մարդկան հողեղինաց շքեցար տընօրինարար կրեցեր ըզկիրըս մարդկաբար . որ վասըն մեր՝ զայս ամենայն ՚ի յանձն առեր խոնարհութեամբ . ողոր :

Ահեղ խորհո՛ւրդ քահանայի՛ն . բազկատարած կայր ՚ի բեմն առաջի՛ սուրբ Սե՛ղանո՛ւն . հո՛ւր շիջանի . խաւա՛յր մերժի . տըրտեալ հոգի՛քն ուրախանան , զի՛ թողութիւն մեղաց լինի . ողորմա՛ծ Տէ՛ր ողորմեա՛հ հոգւոցը՛ն մեր նընջեցելոց :

Երգ . Ես անայցի՛ն ՚ի վերանալ յինէ՛ն ա՛ւուրց իմոց . յո՛ւսով երթայցեմ և ե՛ս այսօր . յառաջի՛ն օթեվանին զոր ոչ գիտէ՛ի . օգնեա՛հ և ինձ ֆրիստոս այսօր յառաջի՛ն ճանապարհին . և ՚ի միւսանգամ գալըստեանըն քո օգնեա՛հ ի՛նձ :
 Եկն ե՛հա՛հս օր վախճանի իմոյ . լալո՛ւսն ողբո՛ւսն եւ անխարուսն .

սի^ահ^արտ իմ խռովեցան յիս , և ոսկերք
 իմ ցամաքեցան . օգ :

Ի մահի^ահ^արտ իմ զարթուցին զիս պա-
 հանջո^ահ^ար զք հոգւոյ իմոյ . տանէ^ահ^ար
 զիս ճանապարհ հեռաւոր , զոր ոչ գի-
 տէի . օգ :

Նայեցա^ահ^ար և ոչ ոք էր որ օգնէր ինձ .
 ապաւինեցա^ահ^ար յԱստուած փրկու-
 թեան իմոյ . ցընծասցէ^ահ^ար հոգի իմ
 յարքայութեան քում . օգ :

Յանըստուե^ահ^ար և յանեղ լուսոյն հե-
 ոացա^ահ^ար խամամբ խաւարային . ճա-
 շակեցի^ահ^ար ըզմահանութիւնս պիտոհղն , հո-
 ղանա^ահ^ար պատկեր բարերար ստեղծո-
 շիդ . օգ :

Յանջատմա^ահ^ար հոգւոյս ՚ի մարմնոյս ,
 ՚ի քակտի^ահ^ար գեղեցիկ շինուածոյս ,
 զարհուրի^ահ^ար ՚ի սպառնալեաց թագա-
 ւորին , թէ պահանջէ^ահ^ար յինէն զտա-
 ղանդ պատուիրանին . օգ :

Սոսկալի^ահ^ար է որ վախճանին եւ ա-
 հե^ահ^ար որ դատաստանին . յայնքմ ա-
 ւա^ահ^ար ահեղ անտե^ահ^ար . ըզգինս ար-

եաբա՛ւմն քո՛ մի անտե՛ս աննե՛ր , զի՛
պատկե՛բա՛ւմ քե՛մ բարե՛րար ստե՛ղծողիդ .
օգնե՛աբա՛ւմ և ինձ ֆրի՛ս :

Զահա՛ւո՛բա՛ւմ քո դատաստան դատաւորիդ
տե՛սի , եւ զարհուրե՛ցաբա՛ւմ . զի անպատ-
րանստ եզիտ զիս ՚ի հրրամանաբա՛ւմ քոց
Թագաւո՛ր յաւիտե՛նից . օգ :

Ա՛ստուածա՛ծի՛բա՛ւմն անարատ մայր Տեառն
եւ կո՛յս սուրբ . բարեխօսե՛աբա՛ւմ առ Որ-
դի՛ն քո միա՛ծին , զի՛ փրկեցե՛ցե՛բա՛ւմ
զմե՛զ ՚ի սպառնալեաց գե՛հե՛նոյն . եւ
պարգեւեցե՛ցե՛բա՛ւմ մե՛զ զերկնից զարքա՛ւ-
յո՛ւԹիւնն . եւ հանգուցե՛ցե՛բա՛ւմ զհոգիս
մե՛ր նընջե՛ցե՛ցն . օգնե՛աբա՛ւմ եւ ինձ
ֆրի՛ստոս այսօ՛ր յառաջի՛ն ճանապարհին .
եւ ՚ի՛ միւսանգամ գալըստե՛անըն քո օգ-
նե՛աբա՛ւմ ի՞նձ :

Հոգւոցն հանգուցելոց ֆրիս : Ասն հանգուցեալ :

Քրիստոս Որդի Աստուծոյ անխակալ և :

Հայր մեր ոք յերկինս :

Մաղթանք :

Յիշեցե՛ք բարեգուԹ եւ մարդասէրն Աս-
տուած՝ զհոգիս համօրէն հաւատացեալ

ննջեցելոցն : Մանաւանդ զհոգիս հանգուցելոյս մերոյ (այս անուն) ծառայի իւրոյ , որոյ վասն զպաշտօնս և զպաղատանս մատուցաք : Թողջէ Տէր Աստուած զմեզս նորա զամենայն՝ զկամայն եւ զակամայն . զգիտութեան եւ զանգիտութեան . զմահացուն եւ զներելին : Խաչին լուսոյն , Գաբրիէլեան փողոյն , Երանաւէտ ձայնին , աստուածային տեսոյն , անթառամ պրսակին , անմատոյց խորանին , լուսեղէն առաքաստին արժանիս արասցէ : Եւ զամենայն հաւատացեալս անուան իւրոյ՝ խաղաղ կենօք պահելով , երկնից արքայութեանն արժանացուսցէ , ամէն :



ԱԻԵՏԱՐԱՆՔ

ԲԺՇ ԿՈՒԹԵԱՆ



Աւելուիս այլուիս .

Տէր՝ մի սրտմտութեամբ քով յանդիմաներ զիս . եւ մի բարկութեամբ քով խրատեր զիս :

Ողորմեա ինձ Տէր , զի հիւանդ եմ ես . բժշկեա զանձն իմ , զի խռովեցան ոսկերք իմ :

Աբղայ Աւետարանիս Յիսուսի Քրիստոսի՝ որ ըստ Մատթէոսի :

Տէրն մեր Յիսուս Քրիստոս :

Մինչդեռ նա զայս խօսէր ընդ նոսա , ահա իշխան մի մատուցեալ երկիրպագանէր նմա՝ և ասէր , դուստր իմ արդ եւս վախճանեցաւ . այլ եկեալ դիցես զձեռն քո ՚ի վերայ նորա՝ եւ կեցցէ :

Յարեաւ Յիսուս՝ եւ գնաց զկնի նորա աշակերտօքն հանդերձ :

Եւ ահա կին մի՝ տեռատես երկոտասանամեայ՝ մատուցեալ յետոյ մերձեցաւ ՚ի դրօշակ հանդերձի նորա . քանզի ասէր ՚ի մտի իւրում, թէ միայն մերձենամ ՚ի հանդերձս նորա՝ փրկիմ :

Իսկ Յիսուս իբրեւ դարձաւ՝ և ետես ըզնա՝ ասէ . քաջալերեաց դուստր՝ հաւատքքո կեցուցին զքեզ . և փրկեցաւ կինն ՚ի ժամէն յայնմանէ :

Իբրեւ եկն Յիսուս ՚ի տուն իշխանին, եւ ետես զփողահարսն և զանբոխ յոյժ, ասէ ցնոսա . ՚ի բաց գնացէք . զի ոչ եթէ մեռեալ է աղջիկդ՝ այլ ննջէ . և ծաղը առնէին զնա :

Եւ իբրև ել ամբօինն ՚ի բաց, եմուտ կալաւ զձեռանէ նորա, և յարեաւ աղջիկն :

Եւ ել համբաւս այս ընդ ամենայն երկիրն ընդ այն :

Եւ մինչդեռ անցանէր ընդ այն Յիսուս, զհետ եղեն նորա կոյրք երկու, աղաղակէին եւ ասէին, ողորմեաց մեզ Որդի Դաւթի :

Եւ իբրեւ եկն ՚ի տուն, մատեան առ նա կոյրքն :

Եւ ասէ ցնոսա Յիսուս . հաւատայք՝ ե-

Թէ կարող եմ առնել ձեզ զայդ . ասեն
ցնա , այո Տէր :

Յայնժամ մերձեցաւ յաչս նոցա՝ և ասէ .
ըստ հաւատոց ձերոց եղիցի ձեզ . և բա-
ցան աչք նոցա :

Եւ սաստեաց նոցա Յիսուս՝ և ասէ . ըզ-
գոյշ կացէք , մի՛ ոք գիտասցէ :

Եւ նոքա ելեալ՝ համբաւեցին զնա ընդ ա-
մենայն երկիրն ընդ այն :

Արքայ Աւետարանիս Յիսուսի Քրիստոսի՝ որ ըստ
Մարկոսի :

Տէրն մեր Յիսուս Քրիստոս :

Եւ վաղվաղակի ելեալ 'ի ժողովրդենէն ,
եկն 'ի տուն Սիմօնի եւ Անդրեայ՝ Յակո-
բաւ և Յօհաննու հանդերձ :

Եւ զորանչ Սիմօնի դնէր ջերմացեալ . եւ
վաղվաղակի ասեն ցնա վասն նորա :

Եւ մատուցեալ յարոյց զնա՝ կալեալ ըզ-
ձեռանէ նորա , և եթող զնա տենդն , և
պաշտէր զնոսա :

Եւ մտեալ դարձեալ 'ի Կափառնայում ,
յետ աւուրց լու եղեւ եթէ 'ի տան է .

և ժողովեցան բազումք՝ մինչեւ տեղի եւս
 ոչ լինել, և ոչ առ դրանն. և խօսէր նոցա
 զքանն:

Եւ գային առ նա՝ բերէին անդամալոյծ մի
 բարձեալ ՚ի չորից:

Եւ իրրեւ ոչ կարէին մերձենալ առ նա
 յամբօսէ անտի, քակեցին զյարկն ուր էր
 Յիսուս. և բացեալ զառաստաղն՝ իջուցին
 զմահիճսն յորում կայր անդամալոյծն:

Եւ տեսեալ Յիսուսի զհաւատոս նոցա. ա-
 սէ ցանդամալոյծն. որդեակ՝ Թողեալ լիցին
 քեզ մեզք քո:

Եւ էին ոմանց ՚ի դպրաց անտի՝ որ անդ
 նստէին. և խորհէին ՚ի սիրտս իւրեանց.
 Թէ զի՞նչ է այս՝ որ խօսի սա զհայհոյու-
 Թիւնս. ո՞վ կարէ Թողուլ զմեզս, եթէ ոչ
 մի Աստուած:

Եւ գիտաց Յիսուս յոգի իւր՝ Թէ այնպէս
 խորհին ՚ի սիրտս իւրեանց. և ասէ, զի
 խորհիք զայդ ՚ի սիրտս ձեր:

Զի՞նչ դիւրին է. ասել ցանդամալոյծն՝ Թո-
 ղեալ լիցին քեզ մեզք քո, եթէ ասել՝ արի
 ան զմահիճս քո և երթ ՚ի տուն քո:

Այլ զի գիտասջիք եթէ իշխանութիւն ունի
 Որդի Մարդոյ ՚ի վերայ երկրի՝ Թողուլ զմե-

ղըս . ասէ ցանդամալոյձն . քեզ ասեմ , արի
 ա՛ռ զմահիճս քո՝ և երթ 'ի տուն քո :
 Եւ յարեալ . եւ վաղվաղակի առեալ ըզ-
 մահիճսն , եւ առաջի ամենեցուն՝ մինչեւ
 զարմանալ ամենեցուն և փառաւոր առ-
 նել զԱստուած՝ եւ ասել , Թէ այսպիսի
 ինչ երբէք՝ ոչ տեսաք :

Արքայ Աւետարանիս Յիսուսի Քրիստոսի՝ որ ըստ
 Ղուկասու :

Տերն մեր Յիսուս Քրիստոս :

Եւ էջ 'ի Կափառնայում 'ի քաղաքն Գա-
 լիլեացոց , և ուսուցանէր զնոսա 'ի շա-
 բաթսն . եւ զարմանային ընդ վարդապե-
 տութիւն նորա , զի իշխանութեամբ էր
 բան նորա :

Եւ էր 'ի ժողովրդեանն այր մի , զոր ու-
 նէր՝ այս դիւի պղծոյ , եւ աղաղակեալ 'ի
 ձայն մեծ՝ և ասէ . Թուլացո՛ զի՛ կայ մեր
 և քո Յիսուս Նազովրեցի , եկիր կորուսա-
 նել զմեզ . գիտեմք զքեզ ս՛վ ես՝ Սուրբդ
 Աստուծոյ :

Սաստեաց 'ի նա Յիսուս՝ և ասէ . պապան-
 ձեաց՝ և եւ 'ի դմանէ :

Զգետնեաց զնա դեւն 'ի միջի անդ և ել
'ի նմանէ, և ոչինչ վնասեաց նմա :

Եւ եղեն զարմանալիք 'ի վերայ ամենե-
ցուն . խօսէին ընդ միմեանս եւ ասէին .
զի՞նչ է բանս այս , զի իշխանութեամբ և
զօրութեամբ սաստէ այսոց պղծոց՝ և ե-
լանեն :

Եւ երթայր հռչակ զնմանէ յամենայն տե-
ղիս շուրջ զգաւառսւն :

Եւ յարուցեալ 'ի ժողովրդենէ անտի՝ ե-
մուտ 'ի տուն Սիմօնի , եւ զղբանչ Սիմօնի
տագնապէր ջերմամբ մեծաւ . եւ աղաչե-
ցին զնա վասն նորա :

Եկաց առ նմա , սաստեաց ջերմանն , և ե-
թող զնա , և վաղվաղակի յարեալ՝ և պաշ-
տէր զնոսա :

Եւ ընդ արեւուն մտանել՝ ամենեքեան ո-
րոց էին հիւանդք 'ի պէս պէս ցաւս , բե-
րէին զնոսա առ նա :

Եւ նա իւրաքանչիւր ումեք 'ի նոցանէ դնէր
ձեռս , և բժշկէր զնոսա :

Ելանէին դեւքն 'ի բազմաց , աղաղակէին ,
և ասէին . եթէ դու ես Արդի Աստուծոյ .
և նա սաստէր և ոչ տայր թոյլ խօսիլ , զի
գիտէին զնա թէ Քրիստոսն է :

Եւ իբրեւ տիւ եղեւ՝ եւ գնաց յանապատ
տեղի, եւ ժողովուրդքն խնդրէին զնա.
եկին մինչեւ առ նա՝ եւ արգելուին զնա՝
զի մի գնասցէ ՚ի նոցանէ :

Եւ նա՝ ասէ ցնոսա՝ եւ այլոց քաղաքաց
պարտ է ինձ Աւետարանել զարքայու-
թիւնն Աստուծոյ, զի յայն իսկ առաքե-
ցայ :

Եւ քարոզէր ՚ի ժողովուրդն Գալիլեաց-
ւոց :

Արոյ Աւետարանիս Յիսուսի Քրիստոսի՝ որ ըստ
Յովհաննու :

Տերն մեր Յիսուս Քրիստոս :

Յետ այսորիկ տօն էր Հրէից. եւ եւ Յի-
սուս յԵրուսաղէմ :

Եւ էր յԵրուսաղէմ ՚ի Պրոպատիկէ աւա-
զանին՝ որ կոչէր Եբրայեցերէն Բեթհեզ-
թա՝ հինգ սրահ :

Յորս անկեալ դնէր բազմութիւն յոյժ հի-
ւանդաց, կուրաց, կաղաց, գօսացելոց,
որ ակն ունէին ջրոցն յուզելոյ :

Եւ հրեշտակ Տեառն ըստ ժամանակի իջա-
նէր յաւազանն՝ և յուզէր զջուրսն. և որ

նախ 'ի շարժումն ջուրցն իջանէր՝ բժշկէր .

ոչ ունելով զնշան հիւանդութեան :

Եւ անդ էր այր մի, որոյ երեսուն և ութ

ամ էր 'ի հիւանդութեան իւրում :

Ձնա իբրեւ ետես Յիսուս՝ զի անկեալ

գնէր, եւ գիտաց եթէ բազում ժամա-

նակք են այնուհետեւ, ասէ ցնա. կամիս

ողջ լինել :

Պատասխանի ետ նմա հիւանդն, Տէր .

ոչ զոք ունիմ, թէ յորժամ ջուրքն յու-

զիցին՝ արկցէ զիս յաւազանն . եւ մինչ

ես դանդաղիմ, այլ ոք քան զիս յառաջա-

գոյն իջանէ :

Ասէ ցնա Յիսուս, արի առ զմահիճս քո՝

և գնա :

Եւ ողջացաւ այրն . եւ յարեաւ . էառ

զմահիճս իւր եւ շրջէր . եւ էր շաբաթ

յաւուրն յայնմիկ :

Ասեն Հրէայքն ցբժշկեալն՝ շաբաթ է, և

ոչ էր արժան քեզ առնուլ զմահիճս քո :

Պատասխանի ետ նոցա՝ և ասէ . որ բժըշ-

կեացն զիս, նա ասաց ցիս՝ արի առ զմա-

հիճս քո և գնա :

Հարցին ցնա՝ եւ ասեն . ո՞վ է այրն որ

ասաց ցքեզ՝ առ զմահիճս քո եւ շրջեաց .

Լ բժշկեալն ոչ գիտէր թէ ով իցէ . քան-
զի Յիսուս խոյս ետ վասն ամբոխին ՚ի տեղ-
ւոջէ անտի :

Յետ այսորիկ գտանէ զնա Յիսուս ՚ի տա-
ճարին , և ասէ ցնա . ահաւաղիկ ողջա-
ցար . մի եւս մեղանչեր . զի մի չար եւս
ինչ լինիցի քեզ :

Գնաց այրն՝ եւ պատմեաց շրէիցն , եթէ
Յիսուս էր՝ որ բժշկեացն զիս :

ԱՂՕԹՔ

Վ Ա Ս Ն Բ Ժ Շ Կ Ո Ւ Թ Ե Ա Ն

ՍՐԲՈՅՆ ԳՐԻԳՈՐԻ ՆԱՐԵԿԱՑԻՈՅ

ԲԱՆ ԺԸ .

Ա . Արդ՝ ես ծնունդս մեղաց . որդիս մա-
հացու երկանց , արդարեւ անսահման
բիւրուց քսնքարաց տուժից գոլ հատու-
ցանող ՚ի միում աւուր : Այլ ոչ թէ առ
փոքրկութիւն մարդկային մտաց հայցեմ
ներողութիւն , այլ առ աննուազ լիութիւն
Փրկչիդ Յիսուսի Քրիստոսի պաղատիմ մար-
դասիրութիւն . որ չէի երբեմն՝ և ստեղ-

ծեր, չը մաղթեցի՝ եւ դու արարեր, չեւ եւս եկեալ ՚ի լոյս՝ եւ տեսեր, ոչ յայտնեցեալ իմ՝ և գթացար, ոչ կարդացեալ եւ խնամարկեցեր, ոչ համբարձեալ ձեռքն՝ և նայեցար, ոչ պաղատեալ՝ և ողորմեցար, ոչ կերպացեալ ձայնիս՝ և լուար, ոչ հեծեծեալ՝ և ունկնդրեցեր, գիտելով զարդեան դիպուածոյս՝ եւ չ'անտեսեցեր, նախահայեացդ աչօք նկատեալ զպատժապարտիս չարագործութիւն՝ և յօրինեցեր: Եւ արդ զքո արարեալս և զքեւ փրկեալս և զայսքանեաց խնամոց յանձանձեալս՝ մի իսպառ կորուսցէ մեղացն հարուած գիւտք բանսարկուին, մի յաղթեցէ յամառութեանս իմոյ մառախուղ՝ ներողութեան քո լուսոյ, մի սրտիս կարծրութիւն՝ երկայնամիտ բարութեանդ, մի մահացու մտեղիս՝ ամենակատարդ լրութեան, մի տկարութիւնս նիւթոյ՝ անպարտելիդ բարձրութեան:

Բ. Ահա կարկառեմ զկարկամեալ բազուկս հոգւոյս յանուն քո, հզօր, արասցես ողջ իբրեւ զառաջինն մինչ ՚ի դրախտին փափկութեան զպտուղն կենաց կթէի: Կաշկանդեալ գօսացեալ ՚ի կոր կործանմամբ

ընդ կնոջն տագնապելոյ՝ կայ անուղղելի հո-
 գւոյս թշուառութիւն, ընդ երկիր պշու-
 ցեալ մեղացն կքմամբ՝ սատանայական բու-
 ուրն կապանօք, զի մի զերկնայնոյդ ընկալցի
 զողջոյն. խոնարհեաց առիս, միայն ողոր-
 մած, զի բարձրացուցես զփայտս խոնարհ
 բանաւոր անկեալ. և զչորացեալս ծաղկե-
 ցուցես ՚ի բարի կրօնս վայելչութեան,
 ըստ աստուածաբանութեան սուրբ մար-
 գարէին: Որպէս զի ծնէ կոյրն անլուսաւոր՝
 չունիմ տեսարան, որով զստեղծչիդ նկա-
 տեալ զկերպ մաղթեցից, հզօր բարեգութ,
 միայն դու պաշտպան ակնարկեալ խնամովք
 անճառ քո սիրոյ՝ ՚ի շնչական խօսուն քո
 անօթս, յանէից գոյաւորութիւն լուսոյ
 հաստեացես: Ընդ երկոտասանամեայ չա-
 րեօք չարչարեալ վշտագին կնոջն տանջե-
 ցելոյ՝ գետովք մեղանաց արեան հեղե-
 ղիմ. հայեաց ՚ի բարձանց անմատոյց լու-
 սովդ պարածածկեալ՝ ուր ոչ է քղանցք
 ձեռաստեղծական վերարկուի ձորձոյ. այլ
 տարածումն հրաչից ամենայն ուրեք զօրա-
 ցեալ: Ոչ օծութք իւղով՝ պատժապարտս
 ընդ մեղաւորին մատուցեալ առ կենդա-
 նաձիր ոտից գարշապարդ՝ զկաթիլս աչա-

ցրս վարսիւք հերացս ընծայեցուցանեմ, այլ զամբիճ հաւատս ամբարձմամբ բազկացս ստոյգ դաւանմամբ հոգւոյ ողջունիւ շրթանց կափուցմամբ զերկիր համբուրեմ, խառնեալ հեծութիւն աղբերցս արտասոււաց՝ բժշկութիւն հոգւոյս աղբուսեմ: Վատնեալ մեղանօք հոգւոյս գոյութիւն լուծեալ մեղկութեամբ, և յերկուց կայից միայնակողմամբ անհաստատ հետովք, զընթացից գործին՝ նահանջմամբ չարին՝ զհետեւականն բարձողութիւն շինուածոյ մարմնոյս՝ առ ելս ծառոյն կենսառիթ պտղոյն խափանելոյ, պատսպարեսցես անդրէն վերստին, միայն հնարուորդ առ ՚ի փրկութիւն: Զփառաբանարան հաստուածոյ կերպիս ՚ի քէն եղելոյ՝ ամրափակ խցմամբ համրացոյց արգել հողմ բանսարկուին. հոգիդ քո ազդեալ մեծդ ողորմութեամբ, ըստ Աւետարանին բժշկեցելոյ, հրաշափառապէս բարեգործեսցես բանդ կենդանի՝ ինձ խօսողութիւն անսայթաքելի: Անկեալ կամ չարեօք ՚ի մահիճս ախտից անկողնոց մեղաց՝ դի կենդանի և խօսուն մեռեալ, կարեկցեալ իմուսն թշուառութեան ող-

բականօք քթուանաց ձայնից, ո՞վ բարե-
 րար Որդի Աստուծոյ, օրհնաբանեալ ա-
 չացդ ցօղով վերականգնեսցես 'ի կենդա-
 նութիւն, իբր զսիրելին 'ի յանշնչական
 մեռելութենէ: Ստոյգ դառնացողս 'ի գը-
 բի մեղաց կամ տարակուսեալ, ձեռն մա-
 տուցեալ՝ արեւ անստուեր Որդի բարձ-
 րելոյ, հանցես զիս 'ի լոյս քումդ նշուլից:
 Ընդ աղիողորմ թշուառութեան կական-
 ման ձայնի այրւոյն 'ի Նային մօր միամօ-
 րին, տատանմամբ մատանցն, կոծմամբ
 կրծիցն, հոսմամբ արտասուացն, տուայ-
 տանօք տխրութեան դիմացն. և ես պա-
 ղատիմ վերջին հեծութեամբս, տուր յու-
 սահատելոյս զքաջալիրութիւն մխիթա-
 րութեան գթած քո բանիդ, ասելով եւ
 ինձ գովեալդ բարի ստեղծիչ աշխարհի,
 թէ մի լար գերի բաղմաց ողբալի, որով
 ընդ պատանւոյն կենդանացելոյ՝ 'ի վշտա-
 ցելոյ ծնողին սփոփանս՝ զամենապարտ
 ոգիս ընկալայց 'ի քէն ընդ նմին կրկին
 նորոգեալ: Ընդ այսակիր անզգայելոցն
 դիւալլուկ եւ քարակոշկոճ հեղձամղձուկ
 եղկելի անձանցն, քստմնելի գիասխուի
 հերացն, վայրեններես բանդագուշելոցն,

'ի քէն ողորմեալ Փրկիչ բոլորից, իբրեւ
 զնոսին առ քեզ դիմեցից. հերքեալ մեր-
 ժեսցես զգունդս չարացն ապականողաց
 'ի քո խորանէս, զի ժամանեալ Հոգիդ քո
 բարի սյսրէն հանգիցէ, յցեալ զմարմինս
 մաքրութեամբ շնչոյս՝ զգեցմամբ անդա-
 մոցս, զգաստ արացես զխելագարեալս
 ամենաթշուառ: Ընդ գերեցեալ դժոխա-
 բնակաց վտարանդելոցն հոգւոց արգել-
 եալ կամ 'ի վտանգի. զճառագայթ ողոր-
 մութեան փառաց քոյ ծագեալ՝ լոյսդ իմ
 անձկութեան, 'ի կապանաց օձտողին զեր-
 ծեալ զիս ապրեցուսցես: Գաղտնորոգայթ
 աներեւութերակ վրիպակ արահետ գար-
 շութեամբ մեղացս ջրգողեցեալ ոգւոյս
 կերպարան կայ 'ի տագնապի. զճածկեց-
 եալն 'ի տեսողութեանց զչարագործին թիւ-
 նիցն այտուցմունս, քո ինքնաւորդ զօրե-
 ղութեամբ Որդի Աստուծոյ, գթածաբար
 առողջացուսցես: Զբազմազան տարազս ցե-
 ղիցն զանազանից ախտաւորութեանց մա-
 հացուցանողաց իւրականօք կորստեան բե-
 րիւք՝ դժնդակարմատն շառաւեղօք հաս-
 տատեցելովք 'ի յանդաստանի անօրէն մար-
 մնոյս, տարակորզեսցես 'ի ձեռն ձեռինդ

ամենակալի . որ արօրադրեալ միշտ՝ և մը-
շակես զսահմանս հոգւոց առ բանիդ կե-
նաց արդիւնատրութիւն :

Գ . Եւ քանզի անցաւ ըստ նմանութիւն
օրինականութեանց յանցուածոցս վէր ,
ըստ ճարակողն քաղցկեղի , առ բնաւ ան-
դամս մասնաւորեալ զախտին տարածումն ,
չիք սպեղանի իբր Իսրայէլի առ անչափու-
թիւն խարանացն մատուցանել . 'ի խարըս-
խաց բարձինս մինչեւ ցափն կառուցման
լըութեան անդամոցս չ'է առողջութիւն ,
այլ ամենեւին անբժշկութիւն : Իսկ դու՝
ողորմած բարերար օրհնեալ և երկայնա-
միտ թագաւոր անմահ , լուր պաղատանացս
արգահատութեան սրտիս վտանգի , որ
կարդամս առ քեզ Տէր 'ի նեղութեան :

Փառք քեզ Տեր Աստուած մեր :

Քարոզ :

Վասն հիւանդաց և ամենայն վշտացելոց
աղաչեսցուք զփրկիչն մեր Քրիստ :

Աղօթք :

Փարատես՝ զցաւս եւ բժշկեա զհիւսն-
դութիւնս 'ի ժողովրդենէ քումմէ Տէր

Աստուած, մեր, եւ շնորհեա ամենեցուն
 զկատարեալ առողջութիւն նշանաւ ամե-
 նայաղթ Խաչի քո. որով բարձեր զտկա-
 րութիւն աղգի մարդկան, և դատապար-
 տեցեր զթշնամին կենաց եւ փրկութեան
 մերոյ: Գու ես կեանք մեր և փրկութիւն՝
 բարերար և բազումաղորմ Աստուած. որ
 միայն կարող ես թողուլ զմեզս, եւ մեր-
 ժեր զախտս և զհիւանդութիւնս 'ի մէնջ.
 որում յայտնի են պէտք կարեաց մերոց =
 Պարգեւիչդ բարեաց՝ պարգևեա զառատ
 ողորմութիւն քո 'ի վերայ արարածոց քոց՝
 ըստ իւրաքանչիւր պիտոյից. յորոց հանա-
 պազ փառաւորեալ գովի ամենասուրբ
 Երրորդութիւնդ, յայժմ և միշտ և յաւի-
 տեանս յաւիտենից, ամէն:

Հայր մեր որ յերկինս:



Տ Ն Օ Ր Հ Ն Է Ք

Ի ՍՈՒՐԲ ԾՆՆԴԵԱՆ

Շարայան, ԴԿ.

Օրհ. ԽՍՈՐՀՈՒՐԴ մեծ եւ սքանչելի որ
յայտ աւո՛ւր յայտնեցա՛ւ. հովիւքն եր-
գեն ընդ հրեշտա՞նցս, տան անետիս
անշխարհի՛ :

Ծնա՛ւ նո՛ր արքայ ՚ի Բեթղեհէ՛մ քաղա-
քի. որդիք մարդկան՝ օրհնեցէ՞նք, զի
վասն մեր մարմնացա՛ւ :

Ա՛նբաւելի՛ն երկնի եւ երկրի ՚ի խանձա-
րուրս պատեցա՛ւ. ոչ մեկնելով ՚ի Հօ-
րէ՞նքս ՚ի սո՛ւրբ այրին բա՛զմեցա՛ւ :

⊗ Ա՛յսօր ցընձան՝ երկինք ՚ի վերո՛ւստ
մեծապայծառ աւետեօք. եւ արարա՛ծք
ամենա՛յն զգեցան՝ հանդերձ փըրկու-
թեան՝ :

Ա՛յսօր յայրին ընծայեցա՛ւ Քրիստո՛ս Որ-
դին Աստուծոյ. եւ հրեղինաց բա՛զմու-
թի՞ւնքն յե՛րկնից յե՛րկիր վայր իջեա՛ւ :

Այսօր հովուացն տեսեալ զարդարու-
թեան արեգակն, և ընդ հրեշտակս եր-
գէլիւնն փառք ՚ի բարձունս Աստուծոյ :
✠ Ի Հօրէ՞ ծանօցար լուսաւորել զարա-
րածս . անարդարութեան արեգակըն

Տէր փառք քեզ :

Ծընար ՚ի յայրիւն, ընծայեցաւ Բեթ-
ղեհէմ . անարդար :

Հովուացն յայտնեցար երկրպագեալդ ՚ի
Մօզուց . անարդար :

Փառք Հօր և Որդւոյ և : Այժմ և միշտ և :

Եւ մեք երգեսցուք որ ՚ի Կուսէն մար-
մնացար . անարդար :

Աբրոյ Աւետարանիս Յիսուսի Քրիստոսի՝ որ ըստ
Ղուկասու :

Ի ժամանակի Ծննդեան Տեառն մերոյ Յիսուսի Քրիստոսի :

Եւ հովուք էին ՚ի տեղւոջն յայնմիկ բաց-
օթեայք, որք պահէին զպահպանութիւնս
գիշերոյ հօտից իւրեանց :

Եւ Հրեշտակ Տեառն երեւեցաւ նոցա,
և փառք Տեառն ծագեցին առ նոսա, և
երկեան երկիւղ մեծ :

Եւ ասէ ցնոսա Հրեշտակն . մի երկնչիք ,
զի ահաւասիկ աւետարանեմ ձեզ ուրա-
խութիւն մեծ , որ եղիցի ամենայն ժողո-
վքրդեանն . Ձի ծնաւ ձեզ այսօր Փրկիչ .

որ է օծեալ Տէր , 'ի քաղաքի Դաւթի .

Եւ այս նշանակ ձեզ . գտանիցէք մանուկ
պատեալ 'ի խանձարուրս , եւ եդեալ 'ի
մսուր .

Եւ յանկարծակի եղև ընդ Հրեշտակին ընդ
այնմիկ բազմութիւն զօրաց երկնաւորաց ,
որք օրհնէին զԱստուած և ասէին :

Փառք 'ի բարձունս Աստուծոյ , և յերկիր
խաղաղութիւն , 'ի մարդիկ հաճութիւն :

Եւ զՓառք 'ի բարձունս մինչեւ 'ի կէսն ասիցեն ,
և ապա զմնայորդ Աւետարանն ընթերցին :

Եւ եղեւ իբրեւ վերացան 'ի նոցանէ հրեշ-
տակքն յերկինս , ասին ցմիմեանս հովիւքն .
եկայք երթիցուք մինչեւ ցԲեթղէհէմ , և
տեսցուք զինչ է բանս այս որ եղեւ , զոր
Տէր եցոյց մեզ :

Եւ եկին փութանակի , և գտին զՄարիամ
և զՅովսէփ , և զմանուկն եդեալ 'ի մսուր ,
և ծանեան վասն բանին՝ որ առացաւ նոցա
զմանկանէն :

Եւ ամենեքին որք լսէին՝ զարմանային վասն բանիցն զոր խօսեցան ընդ նոսա հովիւքն :
 Եւ Մարիամ զամենայն զբանս զայսոսիկ պա-
 հէր, և խելամուտ լինէր ՚ի սրտի իւրում :
 Եւ դարձան հովիւքն՝ փառաւոր առնէին և
 օրհնէին զԱստուած վասն ամենայնի զոր
 լուան և տեսին, որպէս պատմեցաւ նոցա :

Ապա զմնացեալն ՚ի Փառք ՚ի բարձունսէն՝ երդնն :

Եւ յամենայն ժամ՝ Փառք պատիւ և երկրպա : Էրգ :

Արեգակն արդարութեան այսօր յայտնե-
 ցար ազգի մարդկան, մարդ եղեալ սրբե-
 ցեր զջուրս, վերածնեալ զմեզ մկրտու-
 թեամբն Սրբոյ Հոգւոյն :

Ի վայելչութիւն սրբոց քոց յարգանդէ
 յառաջ քան զարուսեակ ծնայ զքեզ :
 Մարդ եղեալ սրբե :

Քարոզ՝ Սուրբ զԱստուածածինն : Կեցո՛ւ :

Աղօթք՝ Ընկալ Տէր զազաչանս մեր :

Շարական, ԴԶ .

Օրհ . Լոյս ՚ի լուսոյ ՚ի Հօրէ՛ առաքեցար և
 մարմնացար ՚ի սուրբ Կո՛ւսէն, զի վերըս-
 տի՛ն նորոգեցես զապակիանեանն Ա՛ղանմ :

Դո՛ւ Ա՛ստուած՝ ՚ի յերկրի՛ երեւեցար և
ը՛նդ մարդկան՝ շըրջեցար, եւ փրկեցեր
ըզտիե՛զերըս յանիծիցն Ադամայ՝ :

Քե՛զ ՚ի յերկնից վըկայեալ՝ Հօր քո՛ ձայն .
ասէ Դա՛ է իմ Ո՛րդի . եւ Սուրբ Հոգի՛ն
ըզքեզ յայտնեաց աղանակերայ երեւ-
մամբ :

⊗ Ը՛զքե՛զ որ հմգւո՛վ և հըրո՛վ մաքրեցեր
ըզմարդկան աղտե՛ղութիւն, սրպէս զԱս-
տուած՝ եւ զՓրկիչ՝ ամենեքեան՝ օրհնես-
ցուք :

Փը՛րկիչն երեւեցա՛ւ և զաշխարհս՝ անպրե-
ցոյց ՚ի պատրանսոց թըշնամւոյն . որդէ՛զ-
րութիւն շնորհելով ՚ի ձե՛ռն մը՛կըրտու-
թեանն :

Զրո՛վ կիզո՛ւ ըզմեղըս մեր այսօր երե-
ւեալ՝ ապրեցո՛ւցիչն, եւ զովանցուցանէ՛
զաշխարհս աստուածայի՛ն շըրո՛վն :

⊗ Ը՛զգլո՛ւխ վիշապի՛ն Փը՛րկիչըն . Զախշա՛-
խեաց ՚ի Յորդանան՝ ՚ի գե՛տն, և ինքեան
իշխանու՛թեամբ զամե՛նեսեանն ապրե-
ցոյց :

Զհի՛ն մարդըն նորո՛գելով Փրկիչն ՚ի մը-

կրրտու՞թիւն գայ այսօր, զի զապական-
նեալ ըզբըն՞ութիւնըս ջրով նորըն գոր-
ծե՛սցէ, անապանկան ըզգե՛ստ փոխարէն
տալով մեզ .

Մըկրրտի Քրիստոսս և սրբբի՛ն ամենայն ա-
րարածք . եւ տայ մեզ թողութիւն մեղաց
ջրով և հողւով վերանորոգելով ըզմեզ .

Աւել-իւ Աւել-իւ (Ձայնի-).

Տուն իսրայելի օրհնեցէք զՏէր . տուն

Ահարոնի օրհնեցէք զՏէր .

Տուն Ղեւեայ օրհնեցէք զՏէր . երկիւ-

ղածք Տեառն օրհնեցէք զՏէր .

Օրհնեալ Տէր 'ի Սիօնէ . որ բնակեալն է

յԵրուսաղէմ .

Արոյ Աւետարանիս Յիսուսի Քրիստոսի՝ որ ըստ

Մատթէոսի .

Վասն Մկրտութեան Տեառն մերոյ Յիսուսի Քրիստոսի .

Եւ իբրեւ մկրտեցաւ Յիսուս, ել վաղ-
վաղակի 'ի ջրոյ անտի . եւ ահա բացան
նմա երկինք, և ետես զՀոգին Աստուծոյ
զի իջանէր իբրեւ զաղաւնի, եւ գայր 'ի
վերայ նորա .

Եւ ահա ձայն յերկնից որ ասէր, Դա է
Որդի իմ սիրելի, ընդ որ հաճեցայ:

Եւ ապա օրհնեն զչաւրն ասելով. Օրհնեսցի և սրբեսցի
չաւրս: Եւ յետոյ Շարական՝ ԴԶ.

Մըկըրտի Քրիստոս եւ սրբի՛ն ամենայն
արարածք. եւ տայ մեզ թողութի՛ւն մե-
ղաց ջրս՛վ եւ հոգւո՛վ վերանսրբելով ըն-
մեզ:

Քարոզ՝ Սուրբ Խաչիւս: Աղօթք՝ Պահպանեա: Տաղ՝

Ա՛յսօր ձայնը՛ն հայրանկան. յե՛րկնից
կեանք հաճոյա՛ր կան. սի՛րեցե՛լնյ սրդ-
ւոյ վկայն. այ յորդո՛րէ՛, գե՛տ յորդո՛-
րէ՛, գե՛տ Յորդանան. յորդո՛րական
ձայնի՛ւ երգէ՛ր՝ մե՛ծ Կարանստըն
Յնվհաննէս.

Ա՛յսօր երկիրս երկի՛նք եղե՛ն. ե՛րե-
ւե՛լով Աստուած Ո՛րդւոյն. սի՛րով ե՛-
կեանք ի՛մ մկրտիլ. այ յորդո՛:

Ա՛յսօր վերի՛ն գանք հրե՛շտանկաց. ս՛ւ-
րախանցան ընդ սո՛ւրբ գա՛լո՛ւստ. Աս-
տուա՛ծ Ո՛րդւոյն ի՛մ Յորդանան. այ
յորդո՛:

Ա՛յսօր եկեալ Աստուած Որդին . ի՞նչ
 Յորդանան խանարհո՛ւթեամբ . ջրով
 մըկրտի՛լ ի՞նչ Յովհաննէ՛ր . մյ յոր :

Ա՛յսօր Մըկըրտի՛ցն Յովհաննէս . ի՞նչ
 մըկրտի՛լն հրաժարէ՛ր . թէ ի՛նչ պարտ
 է՛ր ի՛ք քէ՛ն մըկրտի՛լ . մյ յոր :

Ա՛յսօր գմէ՛ր քաղցը՛ս ձայնի՛ւ Աստ-
 ուա՛ծ Որդի՛ն Կարանսեաի՛ն . պարտ է՛ր
 զօրէ՛նսը՛ն կատարե՛լ . մյ յոր :

Ա՛յսօր Յովհաննէ՛սն դողալով . ձե՛ր ռօքն
 ըզՏէրը՛ն մըկըրտէ՛ր . ի՞նչ մե՛ծ յոր-
 ձանսըն Յորդանանո՛ւ . մյ յոր :



Տ Ն Օ Ր Հ Ն Է Ք

Ի ՍՈՒՐԲ ԶԱՏԿԻ



Շարիան . ԱԶ .

Օրհ . ԱՅՍՕՐ յարեալ ՚ի մեռելոց փե՛սայն
անմահ եւ երկնաւոր . քեզ աւետի՛ք
խընդովթեանն հարսն ՚ի յերկրէ՛ եկե-
ղեցի . օրհնեա ՚ի ձայն ցընծութեանն
զԱստղւա՛ծ քո՛ Սինձն :

Այսօր անձաւ լոյսն ՚ի լուսոյ լուսաւո-
րեաց զմանկո՛ւնըս քո . լուսաւորեա՛ր
Երո՛ւսանդէ՛մ , քանդի յարեալ լոյս քո
Քրիստոս . օրհ :

Այսօր խա՛ւարն անգիտովթեան հա՛լա-
ծեցա՛ւ երրեակ լուսովն . եւ քեզ ծա՛-
գեա՛ց լոյս գիտովթեանն յարուցեա՛լն
՚ի մեռելոց Քրիստոս . օրհ :

✠ Այսօր զատի՛կ մեր զենմամբ Քրիստո՛-
սի . արասցո՛ւք տօ՛ն ցընծութեամբ նո-

րողեանքս 'ի հնութենէ՛ մեղաց անելով ,
Քրիստոս յարեաւ 'ի՛ մեռելոց ։

Այսօր հրեշտակըն լուսափայլ 'ի յերկնից
իջեալ զարհուրեցո՛ց ըզպահանպանսն ,
եւ սուրբ Կանանցըն քարոզէր անելով .

Քրիստոս յար ։

Այսօր նո՛ր Իսրայէլ կոչեցեալք 'ի Քրիս-
տոս . անգտեալք անբամբ գառինն
Աստուծոյ , պարեսցնէք ընդ երկնայնոցն
անելով . Քրիստոս յար ։

Արքայ Աւետարանիս Յիսուսի Քրիստոսի՝ որ ըստ
Մատթէոսի ։

Յետ յարութեան Տեառն մերոյ Յիսուսի Քրիստոսի ։

Իսկ մետասան աշակերտքն գնացին 'ի Գա-
լիլեա՝ 'ի լեառնն ուր ժամադիր եղեւ նո-
ցա Յիսուս . իբրեւ տեսին զնա , երկիր-
պագին նմա , և ոմանք յերկուացան ։
Եւ մատուցեալ Յիսուս խօսեցաւ ընդ նո-
սա եւ ասէ . տուաւ ինձ ամենայն իշխա-
նութիւն յերկինս և յերկրի . որպէս առա-
քեաց զիս Հայր , և ես առաքեմ զձեզ ։

Գնացէք այսուհետեւ աշակերտեցէք զամենայն հեթանոսս . մկրտեցէք զնոսա յանուն Հոր և Որդւոյ և Հոգւոյն Սրբոյ .
Ուսուցէք նոցա պահել զամենայն՝ որ ինչ պատուիրեցի ձեզ :

Եւ ահաւասիկ ես ընդ ձեզ եմ զամենայն աւուրս՝ մինչեւ ՚ի կատարած աշխարհի :


Քարոզ :

Սուրբ Խաչիւս աղաչեսցուք զՏէր զի սովաւ փրկեսցէ զմեզ :

Աղօթք :

Պահպանիչ և յոյս հաւատացելոց Քրիստոս Աստուած մեր :

Օրհնեալ Տէր մեր Յիսուս Քրիստոս , ամէն .
Հայր մեր որ յերկինս :





ՑԱՆԿ ԿԱՆՈՆԱՑ



Կանոն մկրտութեան	7
Կանոն մկրտեալ մանկանց	56
Կանոն ութօրեից	61
Կանոն քառասնօրեին	63
Կանոն կուսի պսակին	71
Կանոն պսակ վերացուցանելոյ	100
Կանոն երկրորդ պսակի	108
Կանոն հաղորդ տալոյ	113
Կանոն գիշեր ժամու աղօթից	124
Կանոն խաչալուսոյ առնելոյ	177
Կանոն դժուարածին յղի կնոջ	185
Կանոն վանն սյոսահարաց և լուսնոտից	190
Կանոն սկիհ և մաղղման օրհնելոյ	210
Կանոն եկեղեցւոյ զգեստ օրհնելոյ	214
Աղօթք խունկ օրհնելոյ	217
Կանոն նոր գիրք օրհնելոյ	218
Կանոն աղ օրհնելոյ	225
Կանոն մատաղ օրհնելոյ	229
Կանոն ջրհոր օրհնելոյ	232
Կանոն զարմախ օրհնելոյ	239
Աղօթք վասն երաշտի	245
Կանոն նորոգ սափրելոյ զհերս պատանւոյն	246
Կանոն մեծի թաղման	249
Կանոն մեծի այգուց	306
Կանոն մեծի եօթն աւուր	322
Կանոն աղայաթաղ կատարելոյ	350

Կանոն տղայի այգուց	380
Կանոն տղայի եօթն աւուր	391
Կանոն հոգեհանգիստ կատարելոյ	396
Առաջին Անբիծք ննջեցելոց	409
Երկրորդ " "	414
Երրորդ " "	420
Շարականք հանգստեան	426
Աւետարանք բժշկութեան	484
Աղօթք բժշկութեան	492
Տնօրհներ ՚ի սուրբ Մննդեան	500
Տնօրհներ ՚ի սուրբ Զատկի	508





[5n.]

ԳԼԱ Հիմնարար Գիտ. Գրադ.



FL0080863

Ugny

50

